


B. II. 23



I

E

E

Q

U

So

E

T

A

SANCTI
FRANCISCI
XAVERII,
E SOCIETATE JESU
INDIARUM
APOSTOLI,
EPISTOLARUM
LIBRI QUINQUE.

Quorum priores quatuor ab
Horatio Tursellino Societ: Jesu
ex Hispano :

*Ultimus autem à Petro Possino ejusdem
Societ: partim ex Hispano, partim ex Lu-
sitano latinitate & luce donati
Romæ,*

Et nunc denuo Superiorum per-
missu recusi,

*Patruus Reverend.
Amat. Gulen. M. J.
spe. vac.*
P R A G A E 1674

Typis Universitatis Carolo-Ferd:
in Collegio Soc: Jesu ad S. Clem:

ANNO 1667.
*Ab A. R. P. Joanne P. S. S. Soc. Jesu
donat. P. R. & C.*

FRANCIS

YAVEL

DOCK

IN A M M

AT

THE

AT

AT

AT

AT

AT

AT

AT

AT

AT

AT

AT

AT

PER ILLUSTR I
ET GENEROSO DOMINO

IOANNI
FRANCISCO

EDMUNDO PUTZ,

Equiti de Turraquila,

Domino in Nimes, DeWin,

Merzdorff, & Podzetic,

SAC: CÆS: REG: MAJEST:

ACTVALI CAMERÆ

CONSILIARIO,

&

ASSESSORI IN REGNO

BOEMIÆ.



Eddo, PERILLVS
TRIS & GENEROSE
DOMINE, dilecti
Tibi FRANCISCI XAVERIL

ætatis nostræ Thaumaturgi,
Epistolas, sed auctiores illas,
& libro toto copiosiores. Ef-
fugerant non pauca industri-
am Horatij Tursellini, tametsi
viri in gestis scriptisq; Xave-
rianis cognoscendis colligen-
disque admodum curiosi ac
solertis: annis proximè præ-
terlapsis repertas alias inter
scruta Archivij Romani, alias
in scrinijs Regis Lusitaniæ, a-
lias ab amicis aliunde sub-
missas unum in librum ido-
neo ordine congeffit, & typis
vulgavit Petrus Possinus, So-
cietatis nostræ Sacerdos. Ne
verò separatae, facie typi di-
ver-

versâ, longiùs à ceteris eodem
ingeniò ac digito scriptis pe-
regrinarentur, fecisti Tu PER-
ILLVSTRIS DOMINE, ut statue-
rem ego in unum volumen
eas omnes conjungere, ad
multarum imprimis piarum
mentium, a vidè epistolas has
expetentium solatium; dein-
de ut ad cor aliquorù etiam-
num quasi loquentem fre-
quentiùs redderem Xaveriù,
ac demum ut in manibus
quàm plurimorum existeret.
Et certè prægnæ sunt hæ viri
pro gloriâ DEI movenda ar-
dentissimè laborantis episto-
læ, ut à plurimis terantur, ma-

gnâ curâ asserventur, eoque
in loco ab omnibus ponan-
tur, quo Tu omnia illius di-
cta & facta, æquus Æstima-
tor, reponere consuevisti. Pre-
cipiebat olim Cosmas Lauræ
Abbas Basilio, alio ceterij pro-
pinqui Abbati: *cum in vene-
ris aliquid ex Opusculis D.
Athanasij, nec habueris
chartas, quibus inscribas, in
vestimentis tuis scribe.* In-
signe elogium ad commen-
dationem lucubrationū san-
ctissimi simul ac eruditissimi
Episcopi! quod æquo propè
jure transferri posse ego arbi-
tror ad ea, quæ extant per pau-

ca scripta ac epistolica D. Francis Xaverij: aliquâ fortassis parte inductus affectu, quem eximia Sanctissimi viri virtus in me excitavit, majori verò ex ipsa scriptorum dignitate. Quanta, DEVS bone! in ijs elucet erga DEVM pietas! qui gloriæ divinæ Zelus! quod veræ religionis latissimè propagandæ studium! quæ animi magnitudo! quæ ad potentissimos etiam Monarchas & Reges, ubi correptione opus erat, libertas! quæ deniq; virtutum omnium maturitas! ut sanè vel solo epistolarum Xaverianarum Magisterio &

ductu ad insignem quis per-
venerit prudentiam & sancti-
moniam. Virum magni no-
minis, & diversis provincijs
gubernandis (quas summa cū
commendatione sæpius rexit,
obiitque demum Italiæ Assi-
stens) præpositum audiui de
epistolarum Xaverianarū le-
ctione differentem, ac dicen-
tem, ex ijs se præcepta tum
sanctimonix, tum consilij pe-
tere, nec usquam sine comite
libello illo peregrè abire, nec
pati, ut domi unquam ab se
abesset. Suspicio, exemplum
accepisse à gloriosæ memoriæ
Martyre Marcello Mastrillo,

Præ-

per-
ncti-
no-
ncijs
a cū
exit,
Assi-
i de
i le-
cen-
tum
i pe-
nite
nec
ab se
lum
oriae
illo,
Pre-

Præsbytero Societatis nostræ,
illustri Marchionum familiâ
progenito, & in Japonia de-
mum gloriosâ morte in odiū
fidei sublato. Divinus hic
vir, tūc semper totum se pro-
fessus est Xaverio devotum
dicatūque, tum rem nullā,
quæ quidem cum difficultate
aut periculo videretur con-
iuncta, sinè Xaverij ductu est
aggressus. At, inquires: an er-
go Xaverium habuit alloquē-
tem? Ita, ajo: Xaverij episto-
las, quaquà demum abiret,
circumferebat, ex iisdem, for-
tuitò ac temerè apertis, pete-
bat in rebus dubijs consiliū,
* 5 in

in periculosis præfidiū, in difficilibus levamen, solamen in tristibus. Et verò semper reperiēbat, iisque ducibus, quasi vivā Xaverij voce, inter tot terrarum ac marium discrimina est usus, adeò notā per totam classē consuetudine, ut inter vectores passim *Sanctus Franciscus Xaverius ejus classis* qua Mastrillus proficiscebatur, *Navarchus. Epistolarum liber acus magnetica, Et navigationis charta*, vocaretur. Has igitur Tuis potissimum sub Auspicijs PERILLVSTRIS & GENEROSE DOMINE, in lucem dandas

das esse censui , Tibi devotâ
observantiâ dedicandas ; mu-
nus (non enim fallor) vel ideo
Tibi gratissimum, quòd opus
Xaverianum ; quòd sententię
eâ manu exaratae , quæ vices
centenis millibus cælum ape-
ruit ; cui tantum virtutis com-
municavit DEVS , ut mortuos
etiam vitæ redderet. Servient
illi Tuo, quo in Divum Fran-
ciscum ferris ; affectui pror-
sus eximio , gaudebísque no-
vo quodammodo ore reddi
illius oracula, cujus encomijs
evulgandis, incidendis æri ico-
nibus munificè subministrare
consuesti impensas : hæredi-
tariâ

tariâ nimirum à PERILLVSTRI
Progenitore Tuo pietate, cu-
jus in Societatem nostram u-
niversam benevolentia, in D.
Xaverium religio ulque adeò
nostris altè inleat pectorib9,
nulla ut eam deletura sit, po-
sterarum ætatū oblivio. Cape
hoc, quale quale, omnium vi-
ce, nostræ in Te, PERILLVSTRIS
DOMINE, observantiæ ac gra-
titudinis, mnemosynon, pie-
tatis fructus uberiores relatu-
rus ab ipso, quem devotissi-
mo studio veneraris Xave-
rio, non olim tantum (quod
prodiga Divi beneficentia se-
rum putat) sed currentis eti-
am

am vitæ tempore relaturus.
Ita precor, ita voveo.

PERILLVSTRIS
DOMINATIONIS
TVÆ

Servus in Christo

M. T. S. J.

LE.

LECTORI.

L Ibris quatuor Epistolarum Sancti Francisci Xaverij dudum ab Horatio Tursellino S. I. sub auspiciis Francisci Toleti S. R. E. Cardinalis editis, quâ ratione aut occasione quintus liber, à Petro Possino eiusdem Soc: Sfortia Pallavicino, S. R. E. Cardinali inscriptus prodierit, breviter tibi ipsiusmet verbis indicandum duxi. Alexander Philippucci è nostra Societate A. 1658. die 12 Martij, Macerata, pertinacissimo & dirissimo languore, spe omni recuperanda valetudinis exclusus, invocato S. Francisco Xaverio ita mirabiliter convaleuit, ut cujus diei primo manè solitis angoribus morbi jam sesquiannui cruciatus immanissimè fuerat, ejus ante meridiem planè robustus ac vegetus sacro solemni in gratiarum actionem, concursu ejus Civitatis ingenti, celebrato ministraret. Is dein-

de

de Sancti Sospitatoris sui Nomen adsci-
vit, & ut vitam imitaretur, exoratâ
Majorum veniâ, navigavit in Indiam.
Sed prius magnoperè me oravit. ut in hoc
nostro Archivio Romano conquirere ne
gravarer, ecquæ adhuc ineditæ S. Fran-
cisci Xaverij Epistolæ laterent, tum quæ
reperirentur, latinitate ac luce donare.
Obsequens tam piis votis, quinque nondû
publicè visas Indiarum Apostoli epistolas
ibi reperi, manu ipsius scriptas. Ille
autem in Lusitaniâ solvens, transmisit
duodecim novarum epistolarum exem-
pla, (inter quas sunt quinque ardentissimo
spiritu & Apostolica libertate, ad Regem
Lusitaniæ exaratæ) ex autographis ex-
scripta, quibus unam addidit R. P. Do-
minicus Langa Hispaniæ Assistent, & sic
sunt quas in hoc libro damus, octodecim
congregatæ. Quàm divino autem spi-
ritu omnes hæ Epistolæ exaratæ sint, pla-
cuit Deo etiam prodigiosis sæpius eveni-
bus,

bus, in altero Viro, ejusdem Sancti operi
miraculose perfanato. & in Japonem e-
vocato, declarare, Marcellus is es Ma-
strillus, qui cum assidue eas manibus te-
reret, quoties dubius pendeat, aut peri-
culosi alicujus eventus metu percelleba-
tur, consueo per fortuitam Epistolarum
apertionem Xaverio, consilium & reme-
dium semper inveniebat. Rem hanc e-
xemplis sequentibus Vitæ Marcelli scri-
ptor P. Philippus Alegambe confirmat.
Inciderat navis, quâ Marcellus in In-
diam vehebatur, per Navarchi errorem
inter brevissima syrtisq; certo omnium, quia
periculi prorsus ignari velut in tuto secu-
ri pergebant, naufragio. Quibus ope
Xaverij tandem eluctati; novo quodam
sortitu Xaverium de toto futura navi-
gationis eventu consulunt. Epistolarum
ergo ejus liber uni Nobilium in manus
datus, qui fortuito jussus est eum aperire,
& quod obvium primò fuisset, palam
pra-

prælegere. Prima sortitio ea libri 2. e-
pistolæ 6. Verba reddidit: Cocini ho-
minem expecto. Altera ex libro 4.
epistola 1. hæc alia: Aprili mense pro-
ximo aliquis ex nostris Patribus in
Japoniam mittetur. Latum omni-
bus fuit augurium, certum sibi & Cocinũ
& Goam hoc adhuc anno adventũ spon-
dentium, cùm in Japoniam Aprili mit-
ti non posset, nisi prius Goam appulissent.
Appulere enim verò licet per immania,
sepius à cæpto itinere desistere jam certi
pericula, & quidem Cocinum prius. Vbi
sensus omnium & vox una fuit, non posse
tanto in errore, quantum ipsi subiissent,
tanta perosperitate tot inter cæca pericu-
la non aliquod grande latere mysterium:
cognituros se aliquando quod nunc lateat,
ingens aliquod Xaverij præsidium. Ni-
mirum Goe demum rescivere, quinque
Hollandicos myoparones subsedisse in in-
sidijs, qui morâ, errantium tamdiu syr-
tes

tes inter & scopulos Lusitanorum fracti ,
cùm ob anni senium prædam desperâs-
sent , aliò sua studia deflexêre. Die 31.
Aug: cùm de tenenda hoc anno Goâ jam
diffiderent, consulto rursus Xaverio, il-
lud ex l. 2. ep. 7. occurrit : Prætor hi-
bernare me voluit Goæ : illud au-
tem quod mox sequitur Marcello omnes
aptabant : Têcum tanquam cum
Amico fidelissimo coram quædã
de itinere Japonico, quod post an-
num suscipere cogito, communi-
cabo. Calendis Septembris simili forti-
tione jubebantur gratiam Deo pro benefi-
cio habere. Postridie monebantur , ut
parati starent & cauti ad futura pericu-
la , invidiã Dæmonis concitanda : nam
peculiari auxilio B. Virginis, ex omnibus
feliciter emersuros. Omnia prorsus , ut
erant prædicta, evenêre. Manilæ jam
existens Mastrillus , & cum Gubernato-
re contra hostem viribus multò valentio-

rem profectus, cum Duces omnes auxilia
Ipsorum expectanda censerent, ipseque
humano iudicio rem ponderando idē sen-
tiret, intervenire tamē Gubernatoris cœ-
pis prius noluit, donec vaticinū hunc Xa-
verij libellum consuleret, in quo mox hæc
verba sortitus est. Sepe credimus no-
stram sententiam potiolem esse,
verū permittēdæ sunt res ijs, qui
eas administrāt, si errare nolum9.
Quibus ille admonitus, nunquam eo dein-
ceps potuit induci, ut obniteretur Guber-
natoris inceptis: & postmodū patuit ad vi-
ctoriā permultū habuisse momenti, adeo
festinatam profectiōē. Vtere igitur & tu
pie Lector S. Viri Apostolicis his scriptis, &
fructum ex ijs non pœnitendum
expecta.

✠ [* *] ✠

AP-

APPROBATIO

Pro IV. Libris Epistolar: ab Horat:

Tursell: conversis.

Viderunt diligenter has litteras Patris
Francisci Xaverij Societatis JESV, quas
P. Horatius Tursellinus ejusdem Societatis ex
Hispano in Latinum sermonem convertit, infra-
scripti Patres nihilque in eis vel fidei, vel bonis
moribus repugnans invenerunt: cum multa in
eisdem comperiantur, quae pios jubare & adifi-
care possint. Roma 16. Februar:

1596

Jacobus Tyrius.

Antonius de Mendoza.

Joannes Alvarius.

Ludovicus Masellus.

APPROBATIO

Pro Libro V.

Imprimatur si videbitur Reverendiss:

P. M. Sac: Palat:

Q. Ep: Patracen: Viceff:

Imprimatur

Fs. Raimundus Capisucchi,

Ord: Præd: Sac: Ap. Pal.

Magister.

IN-

INDEX

Epistolæ S. FRANCISCI XAVERII,
& eorum ad quos missæ sunt.

EPISTOLÆ LIBRI PRIMI.

- I.** PIST. I. Societati, Romam. Goâ.
I. I. R. P. Ignatio Lojola, Præposito Generali
 Societatis JESU, Romam. Goâ.
III. Eidem Romam. Goâ.
IV. Eidem Romam.
V. Societati Romam. Cocino.
VI. Francisco Mansille, in oram Piscariam.
VII. Eidem. Manaparò.
VIII. Societati, Romam. Cocino.
IX. Francisco Mansille.
X. R. P. Ignatio Lojola, Præp: Generali Societ:
 JESU Romam. Cocino.
XI. P. Francisco Mansilla, in Promontorium
 Comorinum. Negapatone.
XII. PP. Jacobo Barbano, & Paulo Camerti,
 Moderatoribus Collegij Goani. Ex oppido S.
 Thoma.
XIII. Societati, in Lusitaniam. Malacâ.
XIV. Societati, in Lusitaniam. Malacâ.
XV. Societati, Goam. Ex Amboino.

LIBER II.

EPIST. I. P. Paulo Camerti, Goani Collegij
 Rectori. Ex Amboino. II.

- II. Socijs Comarinensibus. Ex Amboino.
 III. Societati Romam. Ex Amboino.
 IV. P. Ignatio Lojola, Praposto Generali, Ro-
 mam. Cocino.
 V. M. Simoni Roderico, in Lusitaniam. Cocino.
 VI. Societati Romam. Cocino.
 VII. Jacobo Pereria Malacam. Goā.
 VIII. Francisco Henrico, in Travancoridem.
 Punicali.
 IX. P. Ignatio Lojola, Praposto Generali. Ro-
 mam. Cocino.
 X. Eidem Cocino.
 XI. M. Simoni Roderico, in Lusitaniam. Co-
 cino.
 XII. Eidem Cocino.

LIBER III.

- EPIST. I. Societati, Goam. Malacā.
 II. Joanni Beira. Malacā.
 III. P. Simoni Roderico, in Lusitaniam. Ma-
 lacā.
 IV. Societati, Romam. Malacā.
 V. Societati, Goam. Gangoximā.
 VI. Societati, Goam. Cangoximā.
 VII. Societati, Goam. Amangucio.
 VIII. Socijs, Malacam. Ex freto Sincapurano.

LIBER IV.

- EPIST. I. Societati, in Europam. Cocino.

II. M. Simoni Roderico, in Lusitaniam. Cocino.

III. Joanni Roderico, Armusiam. Goâ.

IV. P. Gaspari, Rectori Collegij Goani. Cocino.

V. Balthasari Gago, Bazainum. Goâ.

*VI. P. Ignatio, Præposito Generali, Romam.
Goâ.*

VII. P. Simoni Roderico, in Lusitaniam. Goâ.

VIII. Joanni III. Regi Lusitaniae.

IX. P. Simoni Roderico, in Lusitaniam.

X. P. Cypriano, Meliaporam S. Thome. Goâ.

XI. Jacobo Pereria. Ex adibus Malacensibus.

XII. Eidem. Ex freto Sincapurano.

*XIII. P. Gaspari, Rectori Collegij Goani. Ex fre-
to Sincapurano.*

XIV. Eidem. Ex Sanciano Sinarum insula.

XV. Francisco Pera. Ex insula Sanciano.

XVI. Jacobo Pereria. Ex portu Sancianensi.

*XVII. P. Gaspari, Rectori Goani Collegij.
Ex portu Sancianensi.*

LIBER V.

EPIST. I. S. Ignatio Romam. Bononiâ.

II. Eidem Romam Vlyssipponæ.

III. Eidem indidem.

IV. Doctori Azpilcueta Navarro. Vlyssipponæ.

*V. PP. Ignatio de Lojola & Petro Codacio, Ro-
mam.*

VI. Joanni III. Regi Lusitaniae. Cocino.

VII. M. Simoni Roderico Soc: JESU. Cocino.

VIII. PP. Paulo Camerti, Joanni Beira, Antonio Criminali & ceteris Socjs Goanis. Malacâ.

IX. Joanni III. Regi Lusitania. Cocino.

X. P. Simoni Roderico Soc: JESU. Cocino.

XI. Eidem.

XII. Joanni III. Lusitania Regi. Cocino.

XIII. Eidem Malacâ.

XIV. Eidem Indidem.

XV. Petro de Sylva, Praefecto Malacensi. Cangoximâ.

XVI. PP. Gassari Barzaõ, Balthasari Gago & Jacobo Carballio. Goam. Cangoximâ.

XVII. S. P. Ignatio Romam. Cocino.

XVIII. P. Simoni Roderico Soc: JESU. In Lusitaniam. Goâ.

F I N I S.



S. P.

S. P. FRANCISCI XAVERII
EPISTOLARUM LIBER I.

EPISTOLA I.

Societati Romam.

Summarium. In Indiam appulsus S. Fran-
ciscus Xaverius, itineris sui casuum ac laborum
seriem narrat. Exponit charitatis officia, qui-
bus occupatur Goæ. Docet missiones arduas cœ-
lestium plenas esse voluptatum. Litteras & con-
siliū petit, egregiâ despicentiâ sui.

In Lus-

Gratia & charitas D. N. JESU Chri-
sti sit nobiscum semper. Amen.



Olyssipone cum P. Paulo,
& Francisco Mansilla profe-
cturus scripsi ad vos pluribus
de nostra in Indiam profe-
ctione. Nunc, quoniam me-
rogastis, ut cū primū per otium liceret,
de meo in Indiam adventu perscriberem, fa-
ciam vos de Indico nostro cursu atque itine-
re certiores.

Ad vij. Id: Aprilis anni post Christum na-
tum M. D. XLI. Olyssipone solui. Indiam
attigimus pridie Nonas Majas anni insequen-

S. P. A tis.

tis. Itaque annum eoque amplius in itinere posuimus, quod ferè semestris esse solet. Vecti sumus eadem quàm Prætor navi, honorificè ab eo semper tractati, valetudine etiam omnes usi commodâ. Non defuerunt toto eo tempore confessiones excipiendæ vel ægrorum, vel valentium; nec diebus Dominicis sacra concio prætermissa. Magnam DEO gratiam habeo, qui hoc mihi tribuit, ut regnum piscium trajiciens invenirem homines, quibus divina enunciarem mysteria, & Confessionis Sacramentum non minus mari, quàm terrâ necessarium administrarem.

Ex itinere Insulam tenuimus, cui Mozambico nomen est; ubi cum magna hominum multitudine, quæ quinque ingentibus advecta erat navibus, sex menses hiemavimus. Ea in insula oppida sunt duo, Lusitanorum unum regio præsidio firmatum, Saracenorum alterum amicorum. In hybernis plurimi ægrota runt; ad octoginta perierunt. Nos perpetuò in Valetudinario ægrotis ministrantes diversati sumus. P. Paulus & Mansilla corporibus ministrabant; ego etiam animos curabam, peccata expiando, Christi quæ Corpus impertiendo assiduè; quamquam ne sic quidem unus omnibus satisfacere poteram. Diebus Dominicis verba ad populum facie-

faciebam magnâ sanè hominum frequentiâ, quòd ipse aderat Prætor. Sæpè etiam ad aliorum confessiones audiendas evocatus ire cogebar. Itaque quamdiu subsistimus Mozambici, haudquaquam cessavimus. Prætor cohòrsque Prætoria, & milites universi magnam erga nos præ se ferebant benevolentiam: nòsque DEO benè juvante, magnâ omnium voluntate & emolumento spatium illud semestре traduximus.

Abeſt Mozambicus ab India leucas circiter nongentas, hinc Prætor in Indiam pergere maturabat. Sed erant propter anni tempus ægri complures: proinde nos rogavit, ut nostrum aliquot in insula remanerent, quâ ægrotis ibidem relictis, quòd in præſentia per valetudinem non possent iter persequi, subvenirent. Itaque ex Prætoris ſententiâ Paulus & Mansilla apud ægros manserunt, ego Prætorem ipsum haud sanè valeqtem secutus sum; ut si fortè ingravescente morbo gravius aliquid incidisset, ejus confessionem audirem. Quocirca jam dudum appuli cum illo in Indiam. Socios cum navibus, quæ Septembri mense Mozambico venturæ sunt, in dies expecto.

Quintus jam mensis agitur, cùm Goam, Indiæ caput, applicuimus. Goa urbs est præclara ad aspectum, civitas tota Christi-

4. S. P. FRANCISCI XAVERII
norum. In ea Franciscanorum coenobium
est sanè frequens; sedes Cathedralis ma-
gnifica, & Canoniorum frequentia insignis;
sacræ præterea ædes non paucæ. Est cur
DEO gratulemur, Christi nomen in terra
adèd longinqua inter Ethnicos tantoperè
florere.

E Mozambico profecti menses in itinere,
consumpsimus duos eoque ampliùs. Melin-
dæ, quæ urbs est maritima Saracenorum a-
micorum, paucos substitimus dies: hîc Lu-
sitani mercatores plerumq; versantur; quo-
rum si qui fortè ibidem excedunt è vita, ma-
gnis humantur tumultis, qui passim crucibus
insignes visuntur. Propter urbem Lusitani
ingentem è saxo inaurato pulcherrimamque
statuerant crucem. Dici vix potest, quan-
tum ex eo aspectu ceperim voluptatis. Ap-
parebat enim vis crucis, quæ in media Sara-
cenorum ditione victrix emeretur.

Melindanus Rex in navim ad Prætorem
Indiæ salutandi causâ venit, eumque benignè
amicèque excepit. Melindæ cum essem, fu-
nere elatus est quidam, qui in nostra navi
mortem obierat: ei iusta ritè persoluta sunt,
magna cum Saracenorum approbatione, mi-
rantium nostram sepulturæ exequiarumque
rationem.

Saracenus Melindanæ civitatis primarius

LIBER I. EPISTOLA I.

ex me percontatus est, num templa, ubi nos solemus orare, Christianorū frequentia celebrarentur; & quam fervidi assiduq; iidem essent in Christo colendo. Ajebat enim apud ipsos jamdudum refrixisse pietatem: quocircā cupere se scire, idēne Christianis hominibus usu veniret. Quippe ex septemdecim fanis quæ Melindæ essent, tria dumtaxat, eaque à paucis admodum frequentari. Itaq; homo erat sanè conturbatus, hærebátq; ue, quod ignoraret quid tandem causæ esset, cur suorum pietas interiret. Nimirum tantī mali dicebat nō nisi ex nefario aliquo ipsorū scelere natum esse. Multis verbis super ea re ultrò citròq; habitis, dixi, Deum, quippe quī fidelissimus sit, ab infidelibus, eorūque precibus abhorrere; atque hanc esse causam, cur preces, quas respueret, apud eos extingui vellet. Quod cū homini longè à me dissentienti minùs probarem; extitit Saracenus Caciz, idem ac magister Mahometicæ disciplinæ, eruditus imprimis: is confirmavit, nisi Mahometes intra biennium eos reviferet, se verò illius religioni nuncium remissurum. Nimirum infidelium sceleratorūq; hominum proprium est, ut anxiam ac desperatam vitam trahant: atq; id ipsum DEI beneficium est, ut eāre admoniti aliquando resipiscant.

Porro à Melinda cùm vela fecissemus, ex itinere Socotoram insulam tenuimus, quæ circuitu ad centum millia passuum completur. Terra est vasta, & ab omnibus rebus inops; non triticum, non oryzam, non milium, non vinum, non poma arborum fert, planè sterilis & arida, nisi quòd dactylis, ex quibus panem conficiunt, & pecore abundat: incolæ caryotà, lacte & carne vivunt.

Magnis insula urgetur æstibus Solis: incolitur à Christianis non tam re, quàm nomine: gens quippe mirè rudis, & imperita: neque scribere, neque legere vulgò norunt. Itaque nulla apud eos monumenta litterarum. Christianos se esse gloriantur: visuntur apud eos templa, & cruces cum lychnis: suus cuique vico Caciz est instar Párochi; Cacizes autem nihilo magis, quàm alii, scribendi legendive periti. Ne libros quidem habent ullos; tantùm preces quasdam memoriâ tenent. Itant in templa quater in die, de media nocte, primâ luce, inclinato in pomeridianum tempus die, & sub vesperam. Campanæ apud eos nullus usus: ligneis crepitaculis, uti apud nos sanctâ hebdomadâ assolet, populo conveniendi signum datur. Preces, quas recitant, ne ipsi quidem Cacizes intelligunt: quippe alienâ linguâ (Chaldeâ opinor) continentur. S. Thomam Apo-

Apostolum sanctè admodum colunt, quòd se oriundos prædicant ab iis, quos ille hisce in locis Christo peperit. In precationibus, quas dixi, iterant aliquoties vocem, quæ nostrum imitatur *Alleluja*. Cacizes porro neque baptizant quemquam, neque omnino quid Baptisma sit sciunt. Ibi cùm essem pueros complures Baptismo lustravi, summâ parentum voluntate. Vulgò plerique libentissimis animis liberos ad me deducebant suos: offerebant quoque perliberaliter ex inopia sua, quod habebant; sic prorsus, ut ego dactylos tam propensâ voluntate oblatos neutiquam aspernarer. Rogarunt me etiam atque etiam, ut apud eos commorarer; neminem omnino in illa insula fore, quin baptizaretur. Itaque Prætorem oravi, ut liceret mihi per eum ibi manere, ubi messem offenderem, maturam jam ac paratam. Sed quoniam insula ab Lusitanorum præsidio nuda, Turcarum populationibus exposita est; Prætor veritus, ne in servitutem abducerer, nullo modo ibi me relinquendum putavit. Respondit igitur, me ad alios Christianos venturum, qui nihilo minùs, aliquantò etiam magis, quàm Socotoræi, doctrinæ atque opis egerent, apud quos utique multò meliùs operam essem positurus.

Interfui Vesperis à Cacize recitatis, quæ

horam expleverunt. Numquam preces iterare, ac thus incendere desistebat; perpetuò enim fana odoribus complent. Cacizes autem et si uxores habent, tamen ciborum abstinentiâ sunt & jejuniis insignes. Quoties jejunant, non solum carne ac lacte, sed etiam pisce (cujus magna copia est) abstinent; usque eò religiosè, ut moriantur citiùs, quàm quicquam tale degustent: palmis modò, & oleribus victitant. Et quidem Quadragesimas jejunant binas, quarum altera est bimestris. Hoc jejuniòrum tempore si qui fortè profani homines gustaverint carnem, his aditus in templum haudquaquam patet.

In vico quodam Saracena erat mulier, cum duobus parvis filiis, eos ego, Saraceni hominis liberos esse ignarus, volebam abluerè, Baptismo: Repentè illi ad matrem refugiunt, querentes quòd eos baptizare conarer. Tum mulier me aggreditur, denunciâns ne Baptismo liberos lustrarem suos: se Saracenam esse, nec velle filios suos Christianis initiari sacris. Ibi tum Socotorzi clamare: Enimverò illos tanto beneficio indignos esse; prohibere eos, ut maximè vellent baptizari: negare se passuros quemquam è Saraceno fieri Christianum. Tantum eos cepit odium Saracenorum.

Inde cùm Februario exeunte solyissemus, pridie

pridie Nonas Majas (ut dixi) pervenimus
 Goam. Quinque naves, quæ Mozambici
 substiterant, medio mense Martio indidem
 discesserunt. Earum una, magnitudine præ-
 cipua, & pretiosis onusta mercibus, naufrago
 facto, vectoribus salvis interiit: ceteræ
 Goam appulerunt. Ego Goæ diverfor in
 Valetudinario, ægris Sacramenta Confessio-
 nis & Communionis impertiens. Tanta por-
 rô est multitudo sanorum confiteri cupien-
 tium, ut si decem in locis simul esse possem,
 nusquam deessent, quorum confessiones ex-
 ciperem. Post operam ægris datam, manè
 adeuntibus confitendi causâ aures dabam;
 post meridiem in custodiam ad vinctos me
 conferebam, traditæque eis ritè confitendi
 ratione, totius anteaactæ vitæ audiebam con-
 fessiones. Quo negotio confecto, in ædem
 B. MARIE, Valetudinario proximam, migra-
 vi: ibi pueros (aderant autem sæpè amplius
 c c c.) usitatas preces, Symbolum, De-
 calogi præcepta docere institui. Itaque Epi-
 scopus idem in ceteris templis fieri iussit:
 quod etiam hodie fit. Fructus hinc percipi-
 tur hominum opinione major, & quidem li-
 bentissimâ civitate.

Apud eam quam dixi ædem, quamdiu ha-
 bitavi, Dominicis ac festis diebus manè con-
 cionem habebam promiscuè ad populum à
 A 5 pran-

prandio indigenis Symboli capita explicabam majore hominum frequentia, quam quantam ædes capere posset. Inde Orationem Dominicam, & Angelicam, Symbolum Apostolorum, decem divinæ legis capita inculcabam. Diebus porro Dominicis, leprosis (quorum Nosocomium est in suburbano) faciebam Sacrum: eosque post auditas eorum Confessiones Christi Corpore impertiebam. Nemo ibi fuit omnino, qui non ea Sacramenta perceperit. Cum semel me audissent verba facientem è suggestu, omnes valde mei studiosi extiterunt.

Nunc Prætoris missu in certam regionem proficiscor, ubi spes est plurimos factum iri Christianos. Mecum tres illius terræ alumnos duco; quorum duo Diaconi sunt, Lusitanæ simul & patriæ linguæ satis periti, tertius minoribus ordinibus dumtaxat initiatus. Equidem magnopere spero, meum laborem Christianæ rei magno emolumento futurum. Cum primò P. Paulus, & Franciscus Mansilla Mozambico venerint, recepit Prætor, se eodem, quò ego contendo, illos quoque missurum. Is locus Comorinum Promontorium appellatur; abest à Goa ad ducenta millia passuum. Deum oro quæsoque, ut vobis deprecantibus, meorum delictorum oblitus, tantum mihi impertiat opis,

ut

ut præclaram ei operam illis in locis navare
queam.

Ærumnæ tam longinquæ navigationis ;
susceptio alienorum peccatorum, cum tuis
ipse vrgearis ; diuturna commoratio inter
Ethnicos, & in terra quæ nimio Solis torrea-
tur ardore ; hæc, inquam, omnia incommo-
da, si Dei causâ, uti par est, subeantur, pro-
fecto magna solatia sunt, & materia multa-
rum magnarumque coelestium voluptatum.
Equidem sic mihi persvadeo, Crucis Christi
Domini amatores vitam ejusmodi exercitam
ærumnis beatam ducere ; crucis autem fu-
gam, aut vacuitatem, mortis instar putare.
Quæ enim mors acerbior esse potest, quàm
sine Christo, ubi semel eum gustaveris, vive-
re ; eumque deserere, tuas ut sequaris cupi-
ditates ? Mihi credite, nulla crux est cum
hac cruce comparanda. Rursus quàm bea-
tum est vivere, quotidie moriendo, nostras-
que frangendo voluntates, ut quæramus, non
quæ nostra sunt, sed quæ Jesu Christi ?

Quæso vos, obtestorq; per Deum Fratres
charissimi, ut de singulis nostræ Societatis
hominibus ad me perscribatis ; nimirum, ut,
quoniam haud quaquam spero me in hac vi-
ta visurum esse eos, ut ait ille, *facie ad faciem* ;
saltem *per anigma*, hoc est per litteras, videã.
Nolite hoc mihi beneficium, quamvis indi-
gno

gno denegare. Mementote vos à DEO dignos factos, à quibus ego & sperarem multum solatii, & acciperem. Quæ ratio, qui modus cum Ethnicis & Saracenis, ad quos mittor, tenendus sit, per Christum Jesum diligenter mihi præcipite. Nam sic in animum induxi, per vos mihi præscripturum DEUM ejusmodi rationem, quâ illos ad Christianam religionem nullo negotio traducam. Quicquid intereâ, dum vestras litteras expecto, in hoc genere peccavero, ex vestris præceptis me intellecturum, & deinde correcturum esse confido. Interim meritis, & deprecatione sanctæ Matris Ecclesiæ, cujus magnam habeo fiduciam; itémq; vivorum ejus membrorum, ex quorum numero vos estis, precibus non diffido fore, ut CHRISTUS Dominus noster, per me, quamvis servum nequam, in Ethnicorum terrâ Evangelium serat suum: cùm præsertim si inutili homuncione ad tantum opus utatur, ea res & viris ad magnas res natis dedecori futura sit, & pusilli animi hominibus incitamento: quippe cùm videant me, qui sum pulvis & cinis, & omnium perditissimus, testem esse oculatum summæ, quæ ibi est, operariorum penuriæ. Equidem libenter servum me in perpetuum addicam, his, qui huc profecti suam operam communis Domini vineæ addixerint. Itaque finem faciam

ciam scribendi Deum obtestans, ut pro sua
 immensa misericordia nos ad suam aliquan-
 do felicitatem aggreget, ad quā facti sumus ;
 & simul in hac vita vires nobis augeat, quō
 sedulam illi, ut par est, navantes operam, ad
 ejus nutum & voluntatem rotos nos usque-
 quaque conformemus. Valete. xij Kalend.
 Octob. Anni M. D. XLII. Goz.

Vester inutilis Frater in Christo

Franciscus Xaverius.

EPISTOLA II.

R. P. Ignatio Lojolæ Præposito Gener-
 Societatis JESU, Romam.

Summarium. *Signifi. at edificari Goz
 magni momenti Seminarium : peti socios, qui
 illud administrent ; & pietati in eo excitande
 in solatium purgantium animarum, Indulgen-
 tiam. Lusitanos ab Indulgentiarum religione ;
 Proregem à singulari in societatem JESU studio
 mirificè laudat.*

*Gratia & Charitas Domini nostri
 JESU Christi, &c.*

Certi quidam homines divino pla-
 nē numine instincti nuper Goz Colle-
 gium

gium instituerunt, quo nihil his locis erat, necessarium magis. Id augetur in dies. Et sanè est cur Deo gratulemur, tale domicilium excitari; ad multorum Neophytorum institutionem, conversionemque infidelium plurimorum. Hujus Collegij ædificationi præfunt viri sanè honesti, ac primarii. Prætor ipse negotio mirificè favet: is usque eò sibi persvasit rem ad Christianæ religionis amplificationem pertinere, ut ejus potissimum ope atque operâ brevî destinatæ ædes ægenda absolvendaque videantur. Templum ipsum, quod Collegio proximum ædificatur, perpulchrè descriptum est; jacta dudum fundamenta, perducti ad summum usque parietes, jam fastigium ac tectum imponitur. Proximâ æstate sacris initiabitur. Duplo majus est (si quæris) quàm templum Parisiense Collegii Sorbonici. Collegio attributi annui redditus tanti, ut sustinere queat alumnos facillè centum: opinio autem est, ejus vectigalia auctum iri quotidie. Nos quidem Deo benè juvante, confidimus hinc multos paucis annis exituros, qui & rem Christianam valdè juvent hisce in locis, & Ecclesiæ sanctæ fines longè ac latè proferant.

Ego verò, ut principia se dant, in spem venio intra sexennium hujus Collegii alumnos facillè trecentos fore; eosque variarum gentium,

tium, nationum atq; linguarum, quorum operâ paucorum annorum spaciò, Christianorum numerus non mediocriter augeatur. Prætor, ubi primùm otium era ab Ethnicis (perpetuò enim cum eis bellum gerit) Collegii ædes celeriter se exædicaturum recepit: sic enim in animum induxit suum, nihil in tota India æquè pium ac sanctum reperiri; ejusmodi autem domos Christo dicatas, conciliatrices esse victoriarum, quas adhuc multas atque præclaras de Ethnicis reportavit, speratque in posterum etiam præclariores se, Deo adjuvante, relaturum. Quare te ego per Christum Dòminum, ejusque cultum etiam atque etiam rogo, ut tuis totiusque Societatis precibus Martinum Sosam Deo commendandum cures; quò videlicet satis illi consilii auxiliique divinitus suppeditet, ad vastam hanc Indiæ provinciam bene gerendam; omninòq; ut *sic transeat per bona temporalia, ut non amittat æterna*.

Equidem si arbitrarer ullum relinqui commendationi meæ locum, non secus tibi hominem commendarem, quàm me ipsum. Etenim suâ me ille egregiâ virtute adeò sibi devinxit, ut non minùs ego in ejus ære esse videar, quàm ipse in meo; quamquam mutua hæc officia ac studia ad unam Christi gloriam referantur. Quod si quando (quod DEUS
aver.

avertat) ejus me caperet oblivio, enimverò existimarem, me pro tam ingrato animo gravissimas Deo pœnas daturum. Scribit Prætor de hoc Collegio ad Regem, ut si videatur, Pontificem Maximum per litteras impellat, ad aliquod è Societate mittendos in Indiam, columnina hujus Collegij futuros. Id Collegium ab aliis *Conversionis Sancti Pauli*, ab aliis *Sanctæ Fidei* appellatur; quod mihi nomen magis appositum videtur, quòd ejus alumni ad Christianæ fidei semen in Ethnicorum animis ferendum instituti esse videantur.

Mandavit mihi Prætor, ut de hoc Collegio, ejusque institutione pluribus ad te scriberem; itaq; faciam. Institutum igitur id est, indigenis variarumq; nationum pueris Christianâ religione imbuendis, qui deinde satis eruditi domos remittantur, ad suos populares docendos. Nullis verbis consequi possim, quantoperè Prætor Societatem nostram ejusque institutum prober. Sic enim censet, quoniam per te in Societatem Filii sui nos omnes Deus vocavit, se & Deo & suo officio tum demum satisfacturum, si quàm necessaria sit alumnorum hujus Collegii institutio, te per litteras docendum curaverit, ut ad eam rem aliquot huc è Societate mittendos putes. Suum enim esse ait hoc Collegium

gium exædificare; tum idoneis alumnorum magistris instruere. Idem, ad Christianæ religionis dignitatem, pietatisque hisce in locis accessionem, multum referre statuit, impetrari à Rom. Pontif. privilegium aræ maximæ hujus templi; ut quoties ad eam Sacrum pro mortuis fiat, toties una anima eximatur è Purgatorio; similiter ut si Romæ fieret ad altaria, quæ privilegiata dicuntur. Atque, ad arcendam Sacerdotum ibi celebrare cupientium avaritiam, diploma ita componi vellet, ut illud ipsum ita concederetur, si Sacerdos gratis nullâque spe præmii ac mercedis humanæ ad aram illam Missæ sacrificium faceret: qui autem rem Divinam faciundam curarent, confessione expiati, sacrosandæ Eucharistiæ sub idem Sacrum fierent participes. Et sanè æquum est, ut alienam è Purgatorio animam liberaturus, prius ab inferno ac tartaro liberet suam. Quocircà vellet Sacerdotibus ad eam aram Sacrum facientibus Indulgentiarum aliquid à Pontifice Maximo concedi, ut hoc præmio invitati, rem Divinam ibi facere exoptarent. Hoc ille Pontificis beneficium cùm ad conciliandam loco existimationem, tum verò ad excitandam harum gentium pietatem, expetit mirum in modum. Vel ex hisce postulatis conjecturam capias licet, de ejus animo, qui de
re-

rebus sanctis ac piis tam benè sentiat, tam sedulò laboret.

In iis qui huc abs te mittentur, non dubito, quin unus atque adeò plures venturi sint spectatâ probitate ac fide: quippe cùm tale administraturi sint Collegium, tantùmque ærumnarum perpassuri, quantũ hæc regio affert necessariò. Mare utique & terra eorum robur ac virtutem satis explorabit. Negotium scilicet est ejusmodi, quod firmâ constitutione corporis, & florente ætate viros postulet; adolescentibus certè quàm senibus aptius: quamquam senes vigentes ac vividos non respuit. Quicumque venient, benignè ac benevolè excipientur ab incolis, atque indentidem urgebuntur ut confessiones audiant, pias meditationes tradant, sacras habeant Conciones. Nimirum erit messis multa & copiosa. Habemus jam pueros indigenas amplius sexaginta paratos, qui nunc à Jacobo Barbano, viro egregio è Franciscana disciplina, erudiuntur; initâque ætate in hoc Collegium migrabunt. Horum pleriq; legere norunt, complures etiam scribere, satis præcultri ad Grammaticorum præcepta capessenda. Hoc eò scribo, ut idoneus mittatur magister litterarum, cui quidem in suo munere obeundo sat negotii sit futurum.

Ex eorum numero quos isthinc expectamus,

mus, Prætor Concionatorem aliquem optat esse, qui de sacris Litteris aliquid, aut de Sacramentis explicando, Sacerdotes necessariis rebus (neque enim ferè qui huc veniunt, abundant doctrinâ) instruat: eadêmque operâ ad Dei amorem, hominûmque conservationem impellat; idque non doctrinâ magis quàm exemplo. Siquidem, quod te non fugit, ad persuadendum facta dictis sunt potiora. Reliquos autem Socios tales desiderat, qui in confessionibus audiendis, Sacramentis ministrandis, convertendis Ethnicis operam sedulo collocent suam: quippe in hac insula ex infidelium conversione fructus percipi potest uberrimus. Complures enim eorum omni ope destituti in superstitionis caligine ac tenebris jacent, Conditoris ac Domini sui penitus ignari. Itaque Sacerdotes tres, præceptorem litterarum unum isthinc Prætor expectat. Scribit etiam ad Regem (si rectè memini) ut à Pontifice quatuor de Societate nostra postulet: Indulgentias item certas petat, quas in epistola perscribo, uti per Regem impetratas iidem socii, qui isthinc venturi sunt, perferant in Indiam. Sic autem tibi persvadeas velim, hac re illos omnium quotquot in India sunt Lusitanorum conciliaturos benevolentiam, multumque apud eos existimationis & auctoritatis quasituros; quod

quod sanè ad res divinas in eorum animis inferendas valet vel plurimum. Omnibus, quas vidi, nationibus Lusitana Romanarum Indulgentiarum æstimatione (ut mihi quidem videretur) antecellit; & istiusmodi rerum dulcedine multò magis ad crebrum Sacramentorum allicitur usum. Quare tum ad alendam eam, quam dixi gentis religionem; tum verò propter summam ejusdem erga Pont. Max. observantiam, illum ego in tam obsequentes filios perliberalem in postulatis concedendis fore confido. Quicquid hujus generis à Pontifice impetratum erit, id Pontificiis consignatum diplomatis ad nos mittendum curabis, ut res & fidei plus habeat & dignitatis.

Prætor ad te, ut opinor, dat litteras. Etsi enim neutiquam te de facie novit, valdè tamen tui studiosus est, & simul Societatis universæ. Quæso te, scribe homini & cum Indulgentiis Pontificiis par sacrarum coronarum, alteram ipsi, conjugii alteram munusculum mitte. Pergratæ illi erunt, vel quòd Pontificiis Indulgentiis præditæ, vel quòd abs te dono datæ. Petit insuper abs te Prorex, pro ea quam habet tui fiduciâ, hoc ut sibi à Pontifice impetres, ut quoties ipse, ejus uxor, liberi confiteantur, toties omnibus fruantur Indulgentiis, quas perciperent,

si se-

si se-
si pe-
simu-
si m-
min-
fice-
ben-
ut q-
junx-
sem-
Oct

S-
tias,
dele-
tem-
glig-
bric.

P

si septem Urbis Ecclesias ritè obirent. Hoc si perficies, nã ille plurimum tibi debebit : & simul me aliquid apud te posse existimabit, si meis hisce adductus litteris, suo ad te nomine scriptis, hæc quæ dixi beneficia à Pontifice Maximo impetraveris. Sed finem scribendi facio, Christum Dominum obtestans, ut qui pro sua infinita misericordia nos conjunxit in vitæ ratione, post mortem item in sempiterna felicitate jungat. xij. Kalend. Octobris, anni à Christo nato M. D. XLII. Goâ.

Tuus in Christo filius

Franciscus Xaverius.

EPISTOLA III.

Eidem, Romam.

Summarium. Rogat ut procuret Indulgentias, alias alias ; & Episcopo Goano facultatẽ delegandi Confirmationis conferenda potestatem. Queritur Quadragesimæ religionem negligi. De Collegio in salutem Gentium, Conimbrica fundando, meminit.

Gratia & charitas Domini nostri

JESU Christi, &c.

PRætor Indix, cui nos omnes, qui hîc sumus, quique Romæ versamur, tum propter

pter summum ejus studiū cultūs divini, tum propter egregiam erga nostrum Ordinem voluntatem debemus plurimū, rogavit me, ut de quibusdam horum locorum spiritualibus necessitatibus facerem te per literas certiore. Itaq; cū & ipse tantoperē ad pias res sit propensus, & ejus postulata pietati virutūque congruant, facilē adductus sum, ut hæc abs te ejus nomine postularē.

Prīmū igitur quoniam Indi S. Thomam Apostolum, Indiæ patronum, sanctissimē colunt; ad hujus venerationis & cultus amplificationem, vellet in diem Apostolo sacrum, & septem insequentēs plenam Indulgentiam à Pontifice Maximo impertiri iis dumtaxat, qui per eos dies ritē confessi ad sacram Eucharistiæ accesserint mensam. Hanc ille cōditionem idcirco videlicet requirit, ut populus ad sacram Confessionem Communionēque inducatur, diēsque festus piē sanctēque, ut par est, celebretur; præsertim verò cū Quadragesimæ tempore (quod his locis in æstatem incidit) omnes hīc sint in armis. Quippe Indi terrā, Lusitani mari dominantur. Quo fit, toto ut sacro illo tempore in re militari ac navigatione consumpto, milites ac mercatores vulgò sine Confessionis & Eucharistiæ prorsus expertes. Quocirca Prætor, ut homines ad Sacramenta pelliciantur, hanc

hanc à Pontifice Indulgentiæ illecebram postulat; quæ sanè erit quasi altera Quadragesima.

Petit deinde, ut hujus urbis Nosocomiis hæc à Pontifice impetres beneficii, ut ægroti, eorúmque administri, quoties confessi Christi Corpus accipient; omnium peccatorum suorum Indulgentiam consequantur: morientes autem culpâ pariter absolvantur & poenâ. Id verò eam ob causam expetit, ut ægri Sacramentis utantur frequentius; valentes autem libentiùs inserviant ægris, atq; in piis operibus se exercent; omnes deniq; Deum castè pièque venerantes exemplo sint Ethnicis, inter quos versantur & vivunt.

Jam Prætor ut eximiâ pietate Dei parentem colit; summâ religione ejus dies festos agit. Is multò maximam anni partem magna cum cohorte versatur Goræ. Hæc urbs sita est in insula ejusdem nominis, quæ patet millia passuum fermè decem. In insula autem sunt aliquot B. Mariæ templa sanè religiosa & opulenta, ædificiorum specie, vestibus Sacerdotum, sacrâ suppellectili, ministrorum frequentiâ cultúque visenda; quæ cæteris instructa & ornata rebus spiritualia tantum ornamenta desiderant. Itaque Prætor, quoniam maximo apparatu ædes illæ suo quæque tempore festos B. Virgini agi-

tant dies, ad augendam eorum celebritatem, verámque B. MARIE religionem, postulat, ut sacris ei diebus, quicumque post sacram Confessionem Communionémq; ritè factam, illa templa piè ac religiosè adierint, delictorum omnium referant indulgentiam. Nimirum ejusmodi beneficiis præter ceteras Christianorum regiones eget India, ubi in maxima Christianorum multitudine (complures enim Lusitani, plurimi Neophyti sunt, multi etiam quotidie Christiani fiunt) mira est Sacerdotum paucitas. Itaque per Quadragesimæ tempus confessiones omnium audiri nullo modo possunt. Prætor autem id agens, ut nemo hîc Confessionis & Communionis expers vivat, hæc quæ dixi, postulata per te edit Pontifici Maximo, ut omnes Sacramentorum participes esse cupiant, verisque thesauris nobis à Christo Domino ad sempiternam beatitudinem comparandam relictis utantur.

Est in hac urbe, ut in plerisque aliis Christianorum locis, honestorum hominum Sodalitas, quæ hoc suscepit, ut indigenas Christianos tum veteres, tum novos rei familiaris inopiâ laborantes sublevet. Misericordiæ quæ Sodalitas appellatur, totâque è Lusitanis hominibus constat. Incredibile dictu est, quàm studiosè ac sedulò in miserorum egestate sub-

levan-

ritatem, levandâ hi boni viri operam navent Deo. Et
 stulat, horum igitur benignitatem magis accen-
 sacram, dendam postulat Prætor à Pontifice, ut So-
 factam, dalibus confitentibus & communicantibus,
 delictis, quotannis cumulatam peccatorum Indul-
 Nimi- gentiam; morientibus verò, culpæ simul ac
 as Chri- poenæ absolutionem largiatur. Et quoniam
 n maxi- plerique eorum uxores habent, eadem viris
 mplures cum conjugibus beneficia vellet esse com-
 t, mul- munia.

mira est Lusitani non maris solum Indici potiun-
 Quadra- tur, sed etiam in ora maritima complura op-
 n audiri pida præsidiis tenent, ubi cum conjugibus ac
 d agens, liberis habitant. Hæc loca intervallis sunt,
 unionis disjuncta maximis. Velut Goa distat à Mo-
 per te luco, ubi arx est Regis Lusitani, leucas circi-
 rament- ter mille; à Malaca, quæ urbs Christianis
 que the- est sanè frequens, leucas quingentas; ab Ar-
 mpiter- muzia, urbe præclara & ab Lusitanis valde
 relictis celebrata, leucas cccc. ab oppido Dio leucas
 ccc. à Mozambico leucas cm. à Sofala leucas

s Chri- mcc. Hisce omnib; in oppidis Episcopus Goa-
 num So- nus singulos habet Vicarios, quod ea propter
 as Chri- maxima locorum intervalla intervifere ipse
 miliaris non queat. Itaque Prætor, haud ignarus
 ricordiæ quàm necessarium sit Confirmationis Sacra-
 anis ho- mentum versantibus inter barbaros, & ad-
 st, quàm versus Ethnicos perpetuò bellantibus, peti-
 tate sub. à Pontifice, ut ad Christianam fidem in India
 levan-

stabiliendam, Episcopo faciat potestatem Confirmationis suis Vicariis committendæ; cum tam disiunctis locis unus Episcopus satisfacere, ut maximè velit, minimè possit.

In hoc terræ tractu adeò naturæ statuta temporum mutat vices, ut cum in altero Indix latere æstas viget, hoc alterum hieme urgeatur: contraque cum illud hibernis laborat frigoribus, hoc æstivi fervore Solis exarsuet. Atque æstate quidem hic incredibili æstus existit: quippe Solis vapor est tantus ut pisces, simul atque extincti sunt, putrescant. Itaque per æstatis tempus, dum hoc mare navigatur, illud alterum clausum est, quippe quod usque eo concitatur procellis ut ei se committere audeat nemo. Quadragesimæ autem tempore, ut suprà dixi, milites omnes armati instructâ classe exeunt in expeditionem, itémque mercatores commercii causâ ultrò citròque commeant. Hic enim Lusitani, qui mari potiùs quàm terrâ potentiuntur, mercaturam vulgò faciunt; eaque se familiâsque sustentant suas. Quamobrem cum propter æstus intolerabiles, quos dixi, tum propter continentem Lusitanorum navigationem, Quadragesima jacet, paucis admodum jejunii legem servantibus. Mandavit igitur mihi Prætor, ut te de tota re docerem sedulò, & simul per Deum obtestarer, ut

Qua-

Quadragesimam in menses Junium ac Julium
 (si quomodo fieri possit) per Pontificem Ma-
 ximum reiiciendam his locis cures. Siqui-
 dem eo tempore non solum se frangunt ca-
 lores, verum etiam propter maris agitatio-
 nes navigatio conquiescit. Itaque ob ipsam
 anni temperiem & pleriq; facile jejunarent,
 & omnes Quadragesimæ admonitu facile pa-
 rerent confitendi communicandiq; legibus.
 Postulatum est ejusmodi (nisi quid tu secus)
 ut ad Dei cultum maximè pertinere videat-
 ur. Rogat te vehementer Prætor, quicquid
 in hoc genere effici poterit, ne prætermitta-
 tur procuratoris incuriâ. Horum omnium
 laborum illud erit præmium, quod omnium
 qui hîc sunt, tibi voluntates conciliabis; &
 divini cultûs, meritôrumque, quæ ex hisce
 beneficiis consequentur, particeps eris. Vale.
 Goâ xij. Kal. Octob. Anni M. D. XLII

Olyssipone discedens scripsi ad te de Colle-
 gio quodam Societatis, quod Conimbricæ in
 publico Gymnasio Rex constituere decreve-
 rat. Mandavit is mihi, ut aliquot è Societa-
 te ad eam rem per litteras postularem, suam-
 que opem ac studium ad ejus Collegii ædes,
 dotemque deferrem; laborari enim illis lo-
 cis idoneorum hominum penuriâ, qui tanto
 tot locorum intervallo disjunctos Ethnicos
 populares suos Jesu CHRISTI fide ac præcep-

ris imbuant. Tu velim, quid super hac re actum sit, quàm primum facias me certiorè.

Tuus in Christo filius

Franciscus Xaverius.

EPISTOLA IV.

R. P. Ignatio Lojolæ Præposito Gener. Societatis JESU, Romam.

Summarium. Ignatij voluntati morem gerens, scribit de successu suæ in Comorinum Promontorium excursionis. Proregis insignem de Saracenis victoriam refert, eiq; pro meritis Pontifice Maximo & Ignatio laudes exoptat.

Gratia & Charitas D. N. & c.

EX urbe Goa scripsi ad te verbosius de nostra ex Lusitania in Indiam navigatione. Nunc de mea in Comorinum Promontorium expeditione (quoniam ita vis Pater optime ac suavissime) paucis accipe.

Profectus sum cū aliquot ejus loci indigenis Goani Seminarii alumnis, qui ab ineunte ætate Ecclesiasticis cæremoniis instituti sacris jam ordinibus initiati sunt. Obiimus Neophytorum vicos, qui paucis abhinc annis Christiana sacra susceperant: Hæc terra nequaquam à Lusitanis incolitur, utpote quæ summè & sterilis est; & pauper: Christiani autem indigenæ destituti à Sacerdotibus, nihil aliud norunt, nisi se esse Christianos. Nemo

est

est, qui eis rem Divinam faciat; nemo qui Symbolum, Pater, & Ave, divinæque Legis præcepta tradat. Ex quo igitur huc veni, haudquaquam cessavi: vicos sedulò circumibam; pueros omnes nondum baptizatos sacrâ abluebam aquâ. Itaque permagnum infantium numerum expiavi, qui, ut dici solet, planè ignorarèt quid interesset inter dexteram & sinistram. Pueri autem me neque divinum officium persolvere, neque cibum, sumere, neque quietem capere sinebant, quoad aliquam deprecationem eos docuisssem. Tum verò sentire cœpi *talium esse regnum Cælorum*. Proinde cùm tam pium postulatum non possem nisi impiè repudiare, initio facto à confessione Patris, Filii & Spiritûs Sancti, Symbolum Apostolorum, orationes Pater & Ave Maria eis inculcabam. Animadverti magna in illis ingenia, ac si foret, qui Christianis eos præceptis informaret, non dubito, quin perboni Christiani essent futuri.

Ex itinere in Ethnicorū pagum diverti, ubi nemo volebat fieri Christianus, etsi finitimos pagos Christo adjunctos viderent. quippe in Ethnici reguli ditione se dicebant esse, quī suos populares Christi sacra suscipere prohibet. Hic mulier quædam ad pariendum vicina tertium jam diem partûs difficultate laborabat, ut à multis despéraretur ejus salus.

Atq; ut impiorum imploratio invisa est Deo, quoniam omnes *Dij gentium demonia*, eorum preces haud quaquam audiebantur. Contuli me cum uno è comitibus meis ad parturientis domum; statimque cœpi fidenter *invocare nomen Domini*, oblitus me esse in terra aliena: verùm illud occurrebat, *Domini est terra, & plenitudo ejus, orbis terrarum, & universi qui habitant in eo.* Ergo fidei nostræ capita per interpretem explicare institui. Et illa Dei benignitate credidit his, quæ à nobis dicebantur. Demum rogata utrùm vellet, esse Christiana, se verò, & libenter, respondit. Ibi tum ego Evangelio (quod numquam ibi auditum esse arbitror) recitato, mulierem ritè baptizavi. Quid multa? Sub Baptismum peperit, quæ *in Christo sperabit & credidit.* Inde ego ejus virum, ac liberos, & infantem illo ipso natū die, omnemque familiam per Baptismum Christo peperit. Confestim toto pago miraculi divinitus in ea domo patratæ fama percrebuit. Itaque ad primores adii, eisque Dei nomine denunciavi, ut Christum ejus Filium agnoscerent, in quo una consisteret mortalium omnium salus. Negabant illi, nisi potestate à suo Regulo factâ, avitam religionem mutare se ausuros. Reguli igitur procuratorem conveni, qui fortè ad exigendum domini victigal venerat. Is ubi me

de

de no
mat
inde
nem
bonu
cepit
quise
aggr
cuti
tatis
tuch
pida
spem
fruct

Pr
ac f
tur
vulg
que
rita
uteb
ubi
se S
rum
ripu
tuit
vit
egr
pen

de nostra religione differentem audivit, affirmat Christianum esse bonum sibi videri : proinde se, omnibus qui vellent, Christi religionem suscipiendi facere potestatem. Sed qui bonum consilium aliis dederat, sibi ipse non cepit. Tum verò oppidani primarii, cum sua quisque familia, primi ad Christi cultum se aggregarunt ; horum auctoritatem ceteri secuti sunt : omnes cujusque generis atque ætatis baptizati. His rebus ita confectis Tutuchurinum rectà contendimus. Ibi ab Oppidanis perbenignè accepti sumus, atque insperam venimus fore, ut ex his locis capiamus fructus animorum uberrimos.

Prætor hosce Neophytos mirè amplectitur ac fovet ; eisdemque nuper, cum vexarentur à Saracenis, auxilium tulit. Piscatores vulgò sunt ; maritimam oram incolunt ; sæpe ac suos sustinent piscatu, maximè margaritarum. His naviculas, quibus in piscando utebantur, Saraceni nuper ademérant. Id ubi rescivit Indiæ Prætor, ipsemet validâ classe Saracenos adortus devicit ; magnâque eorum cæde factâ, omnes eis naves ad unam eripuit. Neophytis locupletioribus sua restituit navigia, tenuioribus scaphas condonavit Saracenorum. Ita insignem victoriam, egregiâ liberalitate cumulavit : atque ut opem ipse divinam expertus erat in victoria,

ita Christianos suam experiri benignitatem voluit. Saraceni jacent afflicti, atque prostrati, nec quisquam inter eos est, qui oculos tollere audeat, cæsis omnibus eorum Principibus, ceterisque qui aliquid viribus pollere videbantur. Quamobrem Neophyti Prætorum quasi parentem diligunt; atque ab illo vicissim liberum habentur loco. Dici vix potest, quantopere ille novellam hanc Christi vineam mihi commendavit. Nunc præclarum quiddam molitur, & ad posteritatis memoriam, & ad Christianæ religionis emolumentum. Hosce omnes Christianos, locorum intervallis disjunctissimos, certam in insulam transcribere cogitat, eisque Regem dare, qui jus dicat, eorumque commodis & saluti consulat. Si Pontifex Maximus exploratum haberet, quàm diligentem Indiæ Prætor operam navet religioni, profectò illum pro egregiis suis in rem Christianam studiis atque officiis collaudaret. Proinde efficies, si videbitur, ut litteris ad eum missis declaret, ipsius officia sibi gratissima accidisse. Nec verò est quod illi Neophytos commende (nihil enim cuiquam magis est cordi) sed potius, ut religiosissimo Præsidi pro suo merito laudem tribuat & gratiam: quippe cum tantopere Christianæ rei consulat, tam sollicitè pro Christi excubet grege, ne quid ab Ethni-

cis

eis
ad
per
pro
ber
sev
ben
finc
ben
tis
ut
illa
mu
nat

mo
per
vid
stru
den
qua
nar
bus
lest

els lupis raptum intereat. Tu verò utique ad eum scribes velim: tuas enim illi litteras perjucundas fore certò scio. Simul Deum pro eo unà cum universa Societate deprecaberis, ut divinam illi opem impertiat, & perseverantiam in bene cœptis: non enim qui bene cœperit, sed *qui perseveraverit usque ad finem, hic salvus erit.* Ego verò infinità Dei benignitate, & simul tuis, totiùsque Societatis sacrificiis ac precibus fretus, confido fore, ut si in hac vita non licuerit, certè in beata illa, longè majore cum gaudio, nos revisamus. v. Kal. Novemb. anno post Christum natum. M. D. XLII.

Tuus in Christo Filius

Franciscus Xaverius.

EPISTOLA V.

Societati Romam.

Summarium. *Fusius enarrat res à se in Comorino gestas (vel ex his expende Xaverium.) Aperit acerbitatem sensus, quò cruciatur, dum videt perire plurimos, quòd desint, à quibus instruantur. Acriter perstringit Europaos Academicos, qui ex litteris sua quarunt potius, quam quæ sunt JESU Christi. Subdit de Seminario S. Fidei: mira de Brachmanum fraudibus, deque suo cum illis certamine. Prodit cælestia, quibus perfunditur, gaudia: sua socio-*

rum meritis accepta refert. Nihil ipsi jucundius Societatis JESU confirmatione. Mille beatos infantes, quos baptizavit, apud Deum adhibet oratores.

Gratia & charitas D. N. &c.

Tertius annus est cūm è Lusitania discessi; ex quo jam tertium ad vos seribo, cūm unas dumtaxat à vobis litteras in Indiā acceperim, Idibus Februarij Anni M. D. XLII. datas: ex quibus quantum ceperim voluptatis, Deus est mihi optimus testis. Reddita autem sunt duobus ab hinc mensibus, tardius videlicet perlata in Indiā, propterea quod navis, in qua erant, ad Mozambicum hiemavit. Ego & Franciscus Mansilla inter Comorienses Christianos commoramur, quorum permagnus est numerus, & valde augeatur in dies. Cūm primum veni, sciscitatus sum ex eis, ecquam CHRISTI Domini nostri noticiam haberent? Verūm percontanti mihi de Fidei capitibus quid sentirent, quidve amplius jam crederent, quā anteā Ethnici; nihil respondebant aliud, nisi se esse Christianos: & quod Lusitanæ linguæ rudes essent, Christianæ religionis præcepta & mysteria ignorare. Itaque cūm neque illi meam, neque ego illorum linguam intelligerem, quod ego Hispanicè, illi Malavaricè loquerentur;

pri-

primùm delegi ex eorum numero maximè ingeniosos ac litteratos; deinde sermonis utriusque peritos diligentissimè conquisivi. Ita cùm dies complures unum in locum convenissemus, communi operâ, summo labore convertimus Catechismum in Malavaricam linguam. Quem ego ut didici, omnes ejus oræ vicos obire cœpi, tintinnabulo quàm plurimos tum pueros tum viros cogens. His unum in locum coactis, Christianam disciplinam bis tradebam in die: quocircà eam pueri unius mensis spatio memoriæ bellissimè commendarunt. Interea eisdem præciperbam, ut quæ ipsi didicissent, parentes domesticos, vicinósque deinceps docerent suos. Dominicis porrò diebus viros ac mulieres, pueros ac puellas sacram in ædem convocabam. Conveniebant omnes sanè alacriter, magnòque cum studio audiendi. Tum ego omnibus audientibus exorsus à confessione sanctissimæ Trinitatis, Dominicam Orationem, Salutationem Angelicam, Symbolum Apostolorum patrio ipsorum sermone, clarâque voce pronuntiabam; præeuntem omnes pariter sequebantur, eâque ex re voluptatem capiebant non vulgarem. Inde Symbolum ego iterabam solus, & in singulis ejus capitibus insistebam. Percontanti autem mihi singulatim, utrùm illa sine ulla dubitatione cre-

de-

derent, omnes pariter contentâ voce, conformatis ad pectus in crucis figuram manibus, se verò credere affirmabant. Symbolum utique sæpiùs, quàm alias preces eos jubeo recitare: & simul doceo, quicumque credant ea quæ Symbolo continentur, appellari Christianos. Secundùm explicationem Symboli ita eis inculco Decalogum, ut ostendam Christianam legem decem illis præceptis contineri; ea quicumque ut par est servet omnia, hunc & probum esse Christianum, & æternam salutem exploratam habere; contrà, qui unum aliquod eorum negligat, Christianum esse improbum, & ad inferos detrusum iri, nisi eum commissi ritè pœniteat. Ad hæc tum Neophyti, tum Ethnici scilicet obstupescunt, cùm vel hinc animadvertant, quàm sancta sit Christianorum lex, quàm sibi consentanea, quàm congruens rationi. Sub hæc præcipuas orationes Pater noster, & Ave Maria, illis subsequenter præire soleo. Inde Symboli articulos, sic iteramus, ut ad singulos, pariter Pater & Ave, cum certo carmine recitemus. Nam primo Fidei capite decantato, mox patrio ipsorum sermone hoc præeo carmen: *JESU Fili Dei vivi da nobis, ut hoc primum fidei tue caput planè credamus. quod abs te, ut impetremus, hanc tibi preces offerimus à te ipso institutam.*

tutam. Inde alterum huiusmodi carmen subijcimus: *Sancta Maria Mater Domini nostri JESU Christi, impetra nobis à tuo dulcissimo Filio, ut sine ulla dubitatione hunc Christianae Fidei credamus articulum.* Eamdem planè rationem in reliquis undecim Symboli capitibus tenemus.

Decalogi deinde præcepta inculcamus ad hunc maximè modum. Primum præceptum, quod est de diligendo Deo, ubi pariter decantavimus, ita simul precamur: *JESU Christe Fili Dei vivi, da hoc nobis, ut te præter cetera diligamus:* statimque ad eam rem Dominicam adhibemus Orationem. Mox ejusmodi carmen unà omnes canimus: *Sancta Maria, mater JESU Christi, impetra nobis à Filio tuo, ut primum ejus præceptum servemus sedulo:* Inde salutationem Angelicam adjicimus Eadem ratio in reliquis novem præceptis servatur, carminibus illis intercalaribus paululum, ut res ipsa fert, immutatis. Hæc sunt, quæ usitatis precibus illos petere à Deo assuefacio: atque identidem eis denuncio, si hæc impetraverint, reliqua etiâ cumulatiùs, quàm ipsi petere possint, consecuturos. Confessionis generalis formulam cum omnes, tum verò baptizandos recitare jubeo, eosdèmq; inter Symbolum recitandum percontor ad singula capita, utrùm ea non dubitanter credant;

dant; quibus affirmantibus, cohortationem adhibere soleo ipsorum linguâ compositam, quâ Christianæ religionis, disciplinæque ad salutem necessariæ summa explicatur breviter. Postremò ita institutos ritè baptizo. Institutionis clausula est, *Salve Regina*, quâ beatæ Virginis opem & auxilium imploramus. Quanta autem sit eorum, qui ad Christi ovile aggregantur, multitudo, vel hinc intelligi potest, quòd sæpe mihi usu venit, ut manus baptizandi defatigatione fractas haberem: quippe interdum Baptismo lustrabam diebus singulis totos pagos. Itaque non rarò, ex crebra Symboli, taliùmque rerum iteratione, vox me virésque deficiunt. Incredibile est, qui fructus ex infantium Baptismo, puerorum ceterorùmque institutione capia-
tur. Hos ego pueros non diffido, Deo bene juvante, parentibus suis longè meliores fore. Quippe egregiam erga divinam Legem voluntatem, flagransque disciplinæ Christianæ vel cognoscendæ, vel alijs tradendæ studium præ se ferunt. Mirum eos tenet odium idolatriæ; usque eò, ut cum Ethnicis ob eam causam suscipiant simultates: ipsòsque parentes, si quando illos senserint cultum tribuere idolis, objurgare, atque ad me deferre non dubitent. Ego sicubi diis litatum esse rescivi, repentè ad volo cum magna puero-
rum

rum manu. Ibi enim verò diabolus majoribus injuriis & contumeliis oneratur à pueris, quàm modò honoribus ac cæremoniis à puerorum parentibus, cognatis, notis, cultus fuerat. Ipsi enim pueri suapte sponte deorum simulacra invadunt, pro se quisque deturbant, affligunt, comminuunt, conspulant, proculcant, omnibúsque onerant probris.

Cùm quattum jam mensem in oppido quodam Christianorum commorarer, quò Catechismum converterem; ingens indigenarum numerus ad nos undique confluebat, rogatum, ut ad ipsorum domos ire, & super ægrotos domesticos Deum orare ne gravarer. Tantàque erat etiam ipsorum ægrorum eadem ob causam adrepentium frequentia, ut vel in recitando singulis Evangelio, satis haberem negotii. Neque tamen quotidianæ intermittebantur occupationes pueros docendi, conversos baptizandi, vertendi Catechismum, profligandi quæstiones, mortuos sepeliendi. Equidem & iis, qui me valetudinis causâ adierant, & iis qui deprecatores advenerant aliorum, satisfacere cùm optarem, ne quid videlicet remitterent de fiducia ac studio Christianæ religionis, nefas putabam tam justis postulatis deesse. Verùm, cùm res usque eò cresceret, ut ne unus omnibus satisfacere possem, nec eorum contro-

ver-

verfias vitare, cū suam quifque domum me adducere conaretur primus; rationem in omnibus obsequendi. Itaque quoniam ipse ire non poteram, pueros idoneos meo circummittebam loco: qui ad ægros profecti, domesticos omnes ac vicinos convocabant, atque unā cum iis Symbolo pariter recitato, laborantes erigebant ad certam exploratāque salutis spem. Tum demum solemnes Ecclesiæ orationes pronunciabant. *Quid multa?* Deus puerorum ceterorūque fiduciā ac pietate adductus, ægris compluribus & corporum & animorum restituit sanitatem. Et quidem insigne existerat Dei in ægros beneficium. Siquidem per morbum ipsum eos ad salutem animi vocabat, ac penē per vim ad Christi trahebat Fidem. Eosdem ego pueros in privatis rectis, viis & compitis Christianæ doctrinæ rudimenta tradere, imperitis iussi. Quod præscriptum, ut satis procedere video in uno aliquo pago: in aliū ad idem præscribendum instituendūque demigro; atque idem deinceps vicos otheo universos. Quibus perlustratis, rursus eodem ordine per omnes in orbem noster recurrit labor. Discedens, singulis in vicis Christianæ institutionis exemplum relinquo, & simul præcipio scribendi gnaris, ut id describant; ceteris, ut ediscant, ac memoriter recitent

citent quotidie. Itemque statuo, ut festis diebus cuncti pariter unū in locum congregati, Christianæ Fidei rudimenta decantent. Ad eam rem in singulis Christianorum pagis, qui sunt numero xxx. idoneos homines, qui huic muneri præfint, designavi. his mercedis loco Martinus Alphonfus Indiæ Prætor, idēque Societatis, rei que Christianæ studiosissimus, pro sua erga Neophytos benevolentia, nostro rogatu numulorum aureorum (Fanajos ipsi vocant, instar denariorum nostratum) quaterna millia assignavit, Is planè nostrorum hominum amicissimus, mirum in modum expetit aliquot è Societate huc venire : Idque ab Rege per litteras petit vehementer.

Complures his locis ob id unum modò Christiani non fiunt, quòd desint qui eos faciant Christianos. Mihi verò per sæpe venit in mentem circum Europæ Academias, ac præcipuè Parisiensem cursare, & insani ritu passim vociferari ; eosque, qui doctrinæ plus habent quàm charitatis, his compellare verbis : *Heu quàm ingens animorum numerus vestro vitio exclusus cælo deturbatur ad inferos !* Utinam illi quemadmodum in litteras, ita in hanc quoque curam incumberent, ut reddere Deo possent doctrinæ, creditorumque talentorum rationem, Enimverò istorum plurimi

rimi hac cogitatione commoti, appositis rerum divinarum meditationibus exercerent se, ut *audirent, quid in eis loqueretur Dominus* suisque cupiditatibus, ac rebus humanis posthabitis, se totos ad Dei nutum atque arbitrium fingerent. Clamarent utique ex animo : *Domine ecce adsum, mitte me quocunque tibi cordi est, vel usque in Indiam.* Pro Deum immortalem, quantò lætiores illi tutiorémque vitam viverent ! quantò maiore divinæ clementiæ fiduciâ summum iudicii illius discrimen, quod subterfugere nemo potest, extremo spiritu subirent ! Siquidem illam Evangelici servi alacriter usurparent vocem : *Domine quinque talenta tradidisti mihi, ecce alia quinque superlucratus sum:* Quòd si quantum dies noctesque elaborant, in comprehendenda rerum scientia, tantundem in solido scientiæ fructu elaborarent ; & quam diligentiam adhibent in cognoscendis iis artibus quibus student, eam in docendis imperitis, quæ sunt ad salutem necessaria, adhiberent, næ illi haud paulò paratiores essent ad reddendam rationem Domino dicenti, *Redde rationem villicationis tuæ.* Malè metuo, ne qui tamdiu in Gymnasiis ad bonarum artium studia incumbunt, inania honorum ac sacerdotiorum insignia magis spectent, quàm ipsa munera atque onera, quæ illis ornantur insigni-

gnibus. Video enim rem eò jam loci venisse, ut qui maximarum artium studiis dant operam diligentius, vulgò profiteantur, se doctrinæ laude Ecclesiasticam aliquam aucupari dignitatem, quò scilicet Christo Domino & Ecclesiæ operam navent suam. Sed profectò miseri falluntur; quippe qui studia illa ad privatam magis referunt, quàm ad publicam utilitatem. Et quoniam verentur, ne Deus ipsorum cupiditati non obsequatur, nolunt totam rem divinæ permittere voluntati. Testor Deum, propemodum me deliberatum habuisse, quoniam mihi ipsi in Europam redire non licebat, ad Parisiensem Academiam, nominatimque ad Doctores nostros Corneum & Picardum litteras dare, quibus ostenderem, quàm multa Barbarorum millia ad Christi cultum nullo negotio adduci possent, si copia esset hominum, qui non sua quærerent, sed quæ Jesu Christi. Ergo fratres mihi charissimi *orate Dominum messis, ut mittat operarios in messem suam.*

Scripsi ad vos anno superiore de Collegio quod Gox inchoatum ædificatur strenuè. Jam magna ædium pars absoluta est. Hic alumni complures ab Ethnicis orti variarum nationum instituuntur; quorum alii Latinam linguam, alii legendi scribendique rationem addiscunt. His P. Paulus Collegii Rector

præ

præst. Sacrum facit quotidie, eorū confessio-
nes excipit, eosdēque salutaribus præceptis
imbuere desistit numquam. Collegium per-
amplum est: capiet alumnos ad quingentos;
atque ad eos sustentandos habet facultatum
fatis. Nam magna pecuniæ vi, eleēmosynæ
nomine, cū ab aliis multis iuvatur, tum ve-
rō ab Indiæ Prætorē. Est sanē, cur Christiani
omnes hoc Seminarium, quod Sanctæ Fidei
appellatur, Deo gratulemur. Quippe in-
spem venimus, fore, ut intra paucos annos
maximus Ethnicorum numerus, Deo appro-
bante, ad Christi fidem se adjungat; brevique;
Ecclesiæ fines, per hujus Collegii alumnos,
longē latēque propagentur in Oriente.

Gens est in hiis locis ex numero Ethnico-
rum, quam illi Brachmanes vocant. Hi Deo-
rum cultum ac superstitionem tuentur, tem-
pla eorum colunt, simulacra custodiunt. Ni-
hil illis perversius, nihil improbius. Itaque
in eos conferre soleo illud Davidicum: *De
gente non sancta, ab homine iniquo Et doloso
eripe me.* Omnino genus est hominum men-
dax, ac fraudulentum. In eo sunt toti, ut
simplicem imperitāmq; multitudinem quā
callidissimē fallant: vulgo enim Deos impe-
rare prædicant, ut certæ res in templis offe-
rantur; videlicet quas ipsi desiderant, ad se,
conjuges, liberos, familias alendas. Itaque
per-

persuadent idiotis, Deorum simulacra item, ut homines, prandere ac cœnare. Nec sanè defunt, qui ante prandium & cœnant, certam Idolo pecuniam offerant bis in die. Brachmanes ipsi, festo tympanorum sono epulantes, imperitis fidem faciunt, Deos epulari. Priusquam eis res necessariæ defint, populo denunciant esse iratos Deos, quòd non ea, missa sint, quæ postulaverint: proinde nisi suis rationibus consulant, per cædes, morbos, dæmonum incurfiones, pœnas ab eis expectituros. Ita homines creduli, obiecto Deorum metu, Brachmanibus dicto audientes sunt. Brachmanes quidem homines sunt tincti dūtaxat litteris; sed quod eruditioni deest, caliditate ac malitiâ compensant. Hujus oræ Brachmanes, suas à me fraudes patēfieri, scilicet indignè ferunt. Quoties mecum sine arbitris agunt, nullum habere se fatentur patrimonium, præter illa Deorum simulacra, unde sistis ad populum mendaciis cibum perane. Idem plus me unum, quantuluscumque sum, quàm ipsos omnes scire confitentur. Mittunt mihi sæpe salutatores cum muneribus: eaque à me remitti valde dolent. Id agunt videlicet, ut donis delinitus in eorum flagitiis conniveam. Itaque exploratum sibi esse dicunt, unum esse Deum, eique se supplicaturos pro me. Quibus ego, ut referam

feram gratiam, ea quæ videntur respondeo. Denique imperitæ multitudini, quam insana superstitio illis addixit, eorundem ludibria, dolos aperio, quantum queo. Quibus rebus adducti complures, repudiato deorum cultu, certatim fiunt Christiani. Quod si Brachmanes non obstarent, profectò omnes ad Christi se aggregarent religionem.

Ethnici hujus regionis indigenæ vulgò rudes sunt litterarum, flagitiorum non item. Ex quo tempore his in locis versor, unum dumtaxat Brachmanem ad Christi Fidem adduxi. Is adolescentulus sanè probus hoc suscepit, ut Christianæ doctrinæ rudimenta traderet pueris. Ego Christianorum vicos circumiens, per Brachmanum ædes (Pagodes vocant) transire soleo. Itaque mihi nuper usu venit, ut Pagodem ingressus, ubi erant Brachmanes ferè ducenti, eorum pleròsque haberem obvios; multis verbis ultrò citròque habitis, quæsi ex eis, quid ipsis sui dii præciperent ad beatam vitam. Longum inter eos certamen extitit, quis potissimum mihi responderet: demum communi consensu delata res est ad unum ex eis, qui ceteros ætate usq; anteibat. Senex igitur jam octogenarius vicissim ex me percontatus est, quid Christianis eorum præscriberet Deus. Hic ego senis perversitate cognitâ, negavi me ver-
bam

bum prius esse facturum, quàm ipse ad ea de quibus interrogatus erat, respondisset. Tum ille, coactus suam prodere inscitiam, respondit: Deos iis qui ad ipsos ire vellent, duo imperare: *Primum, ut abstinerent cæde vaccarum, quarum specie Dÿcolerentur.* Deinde, *ut Brachmanis Deorum cultoribus benignè facerent.* Hoc ego responso commotus (magnum enim cepi animi dolorem, dæmonem à cæcis hominibus coli pro Deo) rogavi, ut me vicissim audirent, magnæque voce pronuntiavi Symbolum Apostolorum, & capita Decalogi. Inde, brevî explanatione patrio ipsorum sermone interposita, quid Paradisus esset, quid infernus ostendi; & simul qui ad beatorum cœtum evolarent in cœlum, qui ad æterna inferorum supplicia raperentur. Quibus illi auditis subito consurgentes certatim me amplexari, Christianorum Deum verum esse profiteri, cujus leges omni ex parte congruerent rationi. Rogarunt deinde, *Num animus hominum, item ut ceterorum animantium, simul cum corpore interiret.* Suppedi-
tauit mihi Deus tales rationes, tamque illorum sensibus accomodatas, ut eis singulari ipsorum voluntate, planè probarem immortalitatem animorum. Argumenta utique, quibus idiotæ isti homines convincendi sunt, nequaquam subtilia esse oportet, cujusmodi
repe-

reperiuntur in doctorum hominum libris, sed ipsorum ingeniis consentanea. Sciscitanti sunt rursus, *quâ morientis animus exiret : qui fieret ut in somnis* (id quod mihi ipsi sæpe usu venit, Fratres charissimi, cum vos somnio) *cum amicis notisq; versari nobis videamur ? Num quia animus exiliat è corpore ? Denique albus ne, an ater sit Deus.* Nam cum tanta cernatur in hominibus colorum varietas, Indi (utpote qui naturâ nigri, suum ceteris anteponunt colorem) deos atros esse arbitrantur. Quocircâ pleraque eorum simulacra admodum atra sunt, ut subinde peruncta oleo gravem halent odorem : adeo ut non minùs tetrâ speciem præferant, quàm fœdam & horrendam. Ad hæc ego ita eis respondi, ut planè acquiescerent. Verùm urgenti mihi ad extremum, ut amplecterentur religionem, quam veram esse sentirent; opponebant id, quod inter Christianos quoque multi solent, sermonum materiam hominibus se daturus, si vitæ rationem religionemque mutassent, simul verendum esse dicebant, ne ad victum cultumque necessaria sibi deessent, religione mutatâ.

Unum omnino Brachmanem nactus sum in hac ora maritima eruditum, qui in celebri ac nobili Gymnasio institutus ferebatur. Itaque dedi operam, ut convenirem homi-

nem sine arbitris. Is mihi demum tamquam
 arcanum quoddam indicavit; *Primum omnium*
illius Academia discipulos à magistris adigi sa-
cramento, ne ipsorum mysteria enuncient. Ve-
rumtamen ea se mihi pro amicitia indicatu-
rum. Unum ex mysteriis illud fuit; Unum
esse Deum, cæli terræq; Conditorem ac Domi-
num, illumq; ab ipsis coli oportere. Nam ido-
la nihil aliud esse, quàm demonum simulacra.
 Habent Brachmanes quædam veluti sacra-
 rum monumenta litterarum, quibus divinas
 leges contineri ferunt. Linguâ in docendo
 magistri utuntur reconditâ, cujusmodi est
 apud nos Latina. Exposuit idem mihi cum
 apposita explicatione divinâ illa præcepta si-
 gillatim, quæ & longum, nec operæ pretium
 esset perscribere. Sapientes diem, quem
 nos Dominicum appellamus, festum agitant.
 Quo die hanc unam precationem identidem
 suâ linguâ usurpant: *Veneror te Deus, tuam-*
que opem in perpetuum imploro. Hanc pre-
 cationē jurisjurandi religione adstricti, sub-
 missâ admodum voce iterant sæpius. Idem
 adjecit: *Uxorū multitudinem ipsis natura le-*
ge permitti; atque in suis litterarum monu-
mentis esse, tempus aliquando fore, cùm mortu-
les unam omnes religionem amplecterentur. Po-
 stulavit denique, ut ego vicissim præcipua
 Christianæ disciplinæ mysteria enuntiarem.
 C sibi,

sibi, pollicens ea se silentio esse testurum. Tum ego verbum me facturum negavi, nisi antè promitteret, se, quæ de Christiana religione dixissem, indicaturum in vulgus. Itaque cum vulgaturum recepisset, ego diligenter explanavi illam Christi vocem, in qua summa nostræ religionis consistit: *Qui crediderit, & baptizatus fuerit, salvus erit.* Hoc ille dictum unâ cum explicatione, quæ totum Symbolum Apostolorum amplectebatur, retulit in commentarios. Decalogi etiam præcepta propter eam, quam habent cum Symbolo conjunctionem, adjecit. Narravi inde, somniasse quadam nocte, se magna eius voluptate factum Christianum; mihi quoque socium atque comitem accessisse: proinde rogavit me, uti clàm se Christianis Sacris initiarem. Sed quoniam conditiones quasdam contra jus fāsque imponebat, supersedi eum baptizare. Nec dubito, quin Dei benignitate Christianus aliquando sit futurus. Monui hominem, ut Idiotas atque imperitos doceat, *Unum esse Deum, cæli terræq; procreatorem, regnantem in cælo.* Verùm ille jurisjurandi religione obstrictus, negavit sibi integrum esse, cum præsertim extimesceret, ne propterea opprimeretur à dæmone.

Hiscæ de rebus, quod scribam præterea nihil habeo, nisi tantam esse vim & copiam

LIBER I. EPISTOLA IV.

gaudiorum, quæ Deus suis hujusce vineæ operariis in hac barbarie excolenda sedulò laborantibus elargiri solet, ut si qua vera est ac solida in hac vita jucunditas, hæc una mihi esse videatur. Soleo sæpenumerò quemdam in his laboribus versantem audire, cum dicat: *Quæso te Domine, noli me tantâ latitiâ perfundere in hac vita, aut certè quando pro tua infinita bonitate ac misericordia perfundis, transfer me in domicilium Beatorum. Siquidem, qui tuam semel dulcedinem interiore gustavit sensu, vitam sine tuo aspectu acerbam putet, necesse est.*

Genus est delectationis meæ identidem cogitare de vobis, charissimi Fratres, deque vestra jucundissima familiaritate, qua me Deus pro sua immensa benignitate, dignatus est. Eâdem enim operâ mecum reputo, ac planè sentio, quantum olim temporis frustrâ contriverim, qui ex vestra sanctissima consuetudine, rerumque divinarum notitia, tam exiguum ceperim fructum. Vobis profectò deprecatoribus hoc in me tantum Deus contulit beneficii, ut quamvis absens corpore, intelligam vestro studio ac deprecatione infinitam delictorum meorum multitudinem mihi divinitus ostendi, atque ad has Ethnicorum regiones strenuè colendas animos ac vires addi. Quamobrem ingentes divinæ be-

nignitati charitatieque vestrae gratias ago. Ex multis autem ac magnis hujus vitae fructibus, quos adhuc Dei beneficio cepi, & quotidie capio, illum enimverò ducò maximum; quòd nostrae Societatis Institutum Pontificis Maximi auctoritate comprobatum confirmatumque esse cognovi. Immortales Deo gratias & ago & habeo, qui, quam vitae rationem servo suo Parenti nostro Ignatio clam ipse praescripserat, eam aliquando per suum Vicarium palam stabiliri voluit, ad memoriam posteritatis sempiternam. Atque hinc ego finem scribendi faciam, Deum obsecrans, ut quoniam nos (quae ejus benignitas est) morum Societate junxit, idemque rei Christianae causam tanto locorum disjunxit intervallo; rursus nos congreget in sede ac domicilio Beatorum. Ad id impetrandum, deprecatores inter alios (si placet) adhibeamus animos infantium ac puerorum, quos mea manu baptizatos, prius quam innocentiae amitterent stolam, Deus ex hisce locis ad coeleste domicilium evocavit. Hos ego amplius mille fuisse arbitror, quos etiam atque etiam rogo, quæsoque, uti hoc nobis à Deo impetrent, ut in reliquum vitae hujus, aut magis exilii tempus, doceat nos facere voluntatem suam; sic prorsus, ut quaecumque requirit à nobis, haud secus quam ipse velit, exequamur.

Pri-

Pridie Idus Januarii Anno M. D. XLIV.
Cocini.

EPISTOLA VI.

Francisco Mansillæ, in oram
Piscariam.

*Summarium. Hortatur ad strenuè laboran-
dum, & præcipuam quamdam operam parvu-
lis, egentibus, ac agris impendendam. Egregia
charitatis præbet Exemplum.*

Gratia & charitas D. N. &c.

Magnopere à te quæso, frater charissime,
istam ut oram continenter peragres, vi-
catimque obeas, infantes baptizando, cete-
ròsque erudiendo. Viros autem omnes se-
paratim ac mulieres convenire, & Catechi-
smum pariter recitare, idémque privatim suæ
quemque domi facitare jubeas. Cavebis o-
mnino, ne uspiam diutius commoreris; sed
loca ista omnia identidem lustrabis, item ut
ego faciebam, cum isthic essem, & nunc quo-
que hîc, ubi sum, facio, etsi caream interpre-
te: ex quo profectò cujusmodi vitam ducam,
quos tandem sermones habeam, facilè existi-
mare potes. Verumtamen baptizo infan-
tes; neque enim ad eam rem interpretem
desidero: egentium commodis consulo, qui
suas misérias, atque egestatem facilè osten-
dunt

dunt sine interprete. Illud à te majorem in modum peto quæsoque, ut infantes baptizare, pueros instituere non desistas. Nam ut grandiores ac parentes cælesti beatitudine excidant, eorum quidem certè liberi ac pueri fruuntur, qui priùs hujus lucis usuram, quàm baptismalem innocentiam amittent.

Simul ac primùm Neophyti à piscatione margaritarum domum reverterint, ægros, si qui erunt, iuvases, eisque res curabis necessarias; & simul super eosdem pueri certas preces, tu verò Evangelia (quod me facitare vidisti, cùm istis in locis essem) recitabis. Ego ad Comorinum Promontorium contendendo, eoque naviculas deduco xx. cibariis onustas, ut miseris illis subveniam Neophytis, qui Bagadarum acerrimorum Christiani nominis hostium terrore perculsi, relictis vicis, in desertas insulas se abdiderunt; ibique in scopulis subire coguntur ardorem Solis, extremamque famem ac sitim. Quocirca etiam nonnulli ærumnis confecti pereunt, quorum casus mirum in modum meum pectus effodit. Oro te etiam atque etiam, Deum pro nobis deprecari non desinas. Istius oræ Pantagatinis, ac Magistratibus eas literas mitto, quibus eos hortor, ut miseros illos suis eleemosynis juvent. Tu velim efficias, ut ea pecunia non exprimatur ab invitis atq; pauperi-

peribus; sed à volentibus ac pecuniosis conferatur, ut in stipe corroganda & voluntas spectetur erogantium, & facultas. Vale.

EPISTOLA VII.

Eidem.

Summarium. Operarium variarum virtutum preceptis instituit: monet se in Travanco-ridis regnum proficisci: præ divini honoris zelo mabuli mori, quàm videre Dei injurias, quas prohibere non possit.

Summopere te oro atque obsecro, Frater charissime, ut erga istam nationem (præsertim verò adversus adultos, & grandes natu) benevolentiam & charitatem præ te feras non vulgarem, teque vicissim diligi ab omnibus & amari velis. Sic enim habeto, si ab eis diligaris, fore ut istorum animos flectas, quocumque libitum erit. Itaque eorum imbecillitatem infirmitatēque moderatē ac sapienter feres, atque illud tecum animo reputabis, si minùs tales nunc sint, quales esse velis, certē aliquando futuros. Quod si quicquid velles, nequiveris ab eis impetrare, accipies quod datur; quod idem me facere solitum non ignoras. Hoc autem erga illos animo eris, ut talem eis te præbeas, qualem bonus pater improbis filiis; ut numquam eis consulere desinas, quamvis cernas multis

eos vitiis coopertos. Siquidem Deus ipse
etsi ab illis & à nobis sæpe læsus, non desistit
tamen suis omnes beneficiis cumulare; cum-
que perdere nos suo jure posset, tamen pro
sua clementia in nostris delictis sæpius con-
nivet, in difficultatibus subvenit, ut *vincat in
bono malum*. Tu igitur, si non poteris quod
voles, velis quod poteris; quandoquidem,
per te non stat, quò minùs quantum velles
proficiatur. Quòd si quando videbis, te ita
multis distineri negotiis, ut par esse nequeas
universis; quantum efficere poteris, tantum
efficies, eoque contentus eris: atque etiam
Deo gratias ages hoc ipso nomine, quòd in-
ca te deduxit loca, ubi scilicet propter divi-
norum negotiorum multitudinem, otiosus
ut maximè velis, esse non possis otiosus, quod
in magnis utique Dei beneficiis numerandū
est. Finge te esse in Purgatorio, tuorum de-
lictorum luentem pœnas: feliciter planè te-
cum actum putabis, cui Deus Purgatorii ig-
nis cruciatum cum istius vitæ molestiis cō-
mutarit. Quod si fortè ptopter hominum
improbitatem lenitas minùs proficiet, adhi-
be interdum aliquid severitatis: misericordiz
enim est, reprehendere errantes: sic enim
habeto, magnum peccatum esse, peccantes,
cum aliorum præsertim offensione, non ca-
stigare. Haud quaquam tamen istos nunc,
diffi-

difficillimo suo tempore, aut umquam omnino deferas censeo. Pueros alumnos disciplinæ tuæ, nunc ut cum maximè à Deo petere jubebis, ut præsidio auxiliòque sit nobis; quippe qui in his locis, præter divinum præsidium, præsidii habemus nihil. Nam si vera est, ut est, illa Veritatis vox; *Qui non est mecum, contra me est*; quis non videt, quàm nudi ab omni humano simus auxilio, cum tam pauci nobiscum sint, qui nos juvent in his populis ad Christi fidem adducendis? Nec tamen cadendum est animis. Deus enim, cuique, prout meritus erit, refert gratiam; & scilicet æquè per paucos, ac per multos res moliri, quamvis magnas, potest. Verùm magis vicem doleo, quàm pœnam expeto illorum, qui sunt contra Deum. Quippe Deus ipse suapte sponte facturus est denique, ut gravissimè inimicos ulciscatur suos: quod satis apparet in iis, qui apud inferos sempiternis pœnis suppliciisque mactantur.

Ego Travancoridem peto, ut Prætorem conveniam. Ad Promontorium usque Comorinum terrâ iter faciam; Christianorùmque vicos ex itinere obiens, Baptismo abluâ infantes. Tu velim Deum pro me multum deprecere, idemq; à pueris Christianæ disciplinæ alumnis faciendum cures. Hoc ego septus præsidio, faciliè ea pericula conte-

miſſa, quibus me amici à terreſtri itinere deterrent, denuncianteſ, per infeſtam nomini Chriſtiano, mihiſque ipſi maximè, regionem eſſe tranſeundum. Sed narro tibi; tædet me interdum vitæ, ac ſatius eſſe arbitror, pro religione mortem oppetere, quàm in tot tantique divini Numinis contumeliis vivere, cum præſertim eas non poſſim non videre, prohibere non poſſim. Ego verò iſtiusmodi res ne viderem, aut audirem, in Æthiopiam demigrarem, atque in fines Præſteianis, ubi tam egregiè Deo navari opera poteſt adverſante nemine. Verùm nihil me tam malè habet, quàm quòd minùs acriter obſtiterim iis, à quibus ſcis cœleſte numen violari. Deus illis pro ſumma ſua clementia ignoſcat velim; eundemque ut tecum maneat, me comitetur, oro quaſoque. Vale iv. Idus Novembris. Manaparo.

EPISTOLA VIII.

Societati Romam.

Summarium. *Declarat vera amicitia ſim. Exponit, quâ ratione barbaros doceat, & confirmet Neophytos. Narrat complures Fidei cauſâ in Manaria, in Ceilano filium regis, non ſine prodigiis, interfectum: à Macazarienſibus doctores Evangelicos expeti. Inſtat Socios ad amplam animarum meſſem.*

Gra.

Gratia & Charitas D. N. Gc.

DEus mihi conscius est, quanto libentiùs vos viderem, quàm hanc vobis tam incertam propter locorum intervalla Epistolam scriberem. Nec verò, quia conjunctissimorum animorum corpora Deus pænè infinito distrahit spatio, corporum disjunctio quicquam de amoris mutui vinculis laxat, quibus adstricti sumus. Nam etsi non unà versemur, uti solebamus; tamen perpetuò ferè nos inter nos mentis oculis cernimus. Tanta enim est veræ germanæque amicitiae vis, ut amici absentes adsint, mutuòque aspectu & consuetudine fruuntur. Hæc mea sociorum omnium tam continua memoria vobis potiùs accepta est referenda, quàm mihi. Siquidem vestrae preces ac sacrificia, quæ pro me homine nequam assiduè facitis, tantam hanc excitant in me vestri memoriam ac desiderium. Vos inquam, vos charissimi Fratres, in animo meo vestras imprimitis species. Quòd si mea vestri memoria tanta est, fateor vestram mei longè esse majorem. Deus vobis pro vestro merito gratiam referat: nam ego non aliâ ratione possum vobis satisfacere, quàm profitendo me vestris meritis satisfacere nullo modo posse, cum planè animo videam, quantum omnibus nostræ Societatis hominibus debeam.

In

In hoc Travancoridis regno, ubi versor (ut aliquid de rebus Indicis scribam, quarum vos avidissimos esse certè scio) plurimos Deus ad Christi Filii sui adduxit Fidem. Mensis quippe unius spatium amplius decem hominum millia Christiana feci: quàm in re hanc tenebam rationem. Ethnicorum pagos, quò Baptismi causâ vocabar, ubi primùm attigeram, viros, feminas, puerosque unum in locum cogi imperabam. Tum à primis Christianæ fidei elementis exorsus docebam, unum esse Deum Patrem Filium & Spiritum sanctum: & simul tribus personis, unòque Deo invocato, ter se quemque ritè signare jubebam, cruce. Deinde linteatus generalis confessionis formulam, Symbolum Apostolorum, Decalogum, Pater noster, Ave Maria, & Salve Regina, ipsorum linguâ (hasce enim præcationes ab hinc biennio conversas memoriz commendâram) magnâ voce illis præibam; sic ut omnes, cujusque ordinis & ætatis, præeuntem sequerentur. Symboli inde capita, & præcepta Decalogi patrio ipsorum sermone explicabam breviter. Ubi satis ad Baptismum eruditi videbantur, præciperam eis, ut cuncti publicè à Deo veniam peterent anteaestæ vitæ, idq; clarâ voce, præsertim, iis qui abhorrebant à Christiana religione; ad improborum videlicet permotionem, & con-

confirmationem bonorum. Demirantur
 scilicet Ethnici divinæ Legis sanctitatem, se-
 que tam diu sine veri Dei notitia vivere eru-
 bescunt. Christiana mysteria atque institu-
 ta audiunt perlibenter: mihi que ipsi homi-
 ni nequam magnum honorem habent: com-
 plures tamen obstinatis animis cognitam re-
 spuunt veritatem. Simul ac peroravi, per-
 contor sigillatim ab iis qui Baptisum expe-
 tunt, utrum singulis Fidei capitibus sine ulla
 dubitatione assentiantur. Continuo illi bra-
 chiis, in crucis figurâ compositis, unâ omnes
 voce clamitant, se verò penitus assentiri.
 Tum demum eos ritè baptizo, ac suum cui-
 que nomen trado scriptum in chartula. Illi
 sub Baptismum, suam quisque domum digres-
 si, suas conjuges ac familias ad me Baptismi
 gratiâ adducunt. Baptizatis omnibus, cun-
 cta deorum fana disturbari, simulacra cõmi-
 nuui statim impero. Nullis verbis assequi pos-
 sem eam, quàm ex ejusmodi spectaculo capio
 voluptatem; cùm videam everti frangique
 idola ab iis, qui modò erant idololatræ. In
 oppidis pagisque singulis Christianam insti-
 tutionem ipsorum linguâ conscriptam relin-
 quo, & simul præcipio quemadmodum ea sit
 tum ante meridianis tum pomeridianis scho-
 lis tradenda. Id ego ubi in uno aliquo pago
 perfeci, ad alium demigro,, ac deinceps in
 alios

alios. Ita omnem regionem circumiens, incolas ad Christi compello gregem, & quidem majore cum gaudio, quàm ut per litteras, aut coràm explicare queam.

Manaria insula hinc abest millia passuum circiter CL. ejus incolæ certos ad me homines allegârunt rogatum, ut quoniam vellent fieri Christiani, ad eos baptizandos proficisci ne gravarer. Ego cùm gravissimis negotiis, maximèque ad rem Christianam pertinentibus distinerer, ire ipse non potui. Itaque certum exoravi Sacerdotem, ut iret meo loco quàm primùm ad illos Baptismo expiandos. Jamque is plurimos baptizârat, cùm Rex Jafanapataniæ, in cujus ditione insula est, complures Neophytos, quòd Christiani facti essent, crudelissimè necavit. Gratulandum est Christo Domino, qui ne nostrâ quidem tempestate finit desiderari martyres. Et quoniam divinâ benignitate atque indulgentiâ tam paucos uti videt ad salutem, pro sua singulari providentia permittit, ut per humanam crudelitatem expleantur destinatæ sedes, ac numerus beatorum. Scripsi ad vos antea, Prætor Indiæ quàm amicus mihi sit, Societatique universæ. Is miserabilem Neophytorum cædem usque eò graviter atq; indignè tulit, ut simul atque super hac re agere cum eo cœpi, validam classem ad tyranni

ni illius perniciem adornari iusserit. Itaq;
necesse fuit, justam ejus iram per me ipsum
mitigari. Rex ille Christianorum interfe-
ctor germanum habet, verum regni illius he-
redem, sed fraternæ crudelitatis metu exu-
lantem. Is si armis à Prætorè restituitur in
Regnum, pollicetur se cum Regni Principi-
bus fore Christianum. Quocirca Prætor
mandavit Ducibus suis, ut ei, si Christiana
sacra susceperit, Regnum restituant, Regem
Neophytorum carnificem occidant, aut ad
meum arbitrium tractent. Equidem non
diffido fore, ut tum Dei clementiâ, tum eo-
rum, quos martyrio affecit, deprecatione,
scelus agnoscat & cæcitatem suam, adâque
salutari pœnitentiâ, veniam aliquando im-
petret à Deo tam nefariæ crudelitatis.

Ceilanus insula est ab Indiæ continenti
millia passuum circiter cxx. quò ego nuper
Francisco Mansillâ comite profectus sum.
Hic Dynasta Regis filius, idemque Regni he-
res statuerat fieri Christianus; quod ubi Rex
cognovit, hominem confectum interfici ius-
sit. Narrant qui præsentes cædi affuerunt, ab
se in cœlo igneam esse visam crucem, & ubi
ille cæsus sit, in hiatu terræ figuram crucis a-
nimadversam: complures incolarum, qui il-
la portenta conspexerint, ad Christiana sacra
spectare. Hujus Dynastæ, quem dixi, frater,
isdem

iisdem permotus prodigiis, Sacerdotem quendam exoravit, ut se salutare ablueret aquâ, Jamque ad Prætozem Indiæ confugit, petitû auxilium contra Regem, qui germanum suû necavit. Cum hoc ego in itinere collocutus, ex ejus sermone magnam concepî spem, brevî Regnum illud Christi fidem secuturum. Nam & populus monstris illis ac signis valde cômotus est, & Regni hereditas eidẽ Dynastæ venit, qui nuper est Christianis sacris initiatû.

In regno Macazariensi (id abest à Travancoride leucas ferè quingentas) octo ab hinc mensibus tres Dynastæ cum aliis plurimis ad Christum aggregârunt sese. Hi Malacam, urbem Lusitanæ ditionis, certos homines miserunt, qui postularent idoneos viros, à quibus divinâ Lege imbuerentur. Confirmaruntque se, qui adhuc vixissent pecudum ritu, post hac Dei notitiâ cultûque imbutos, hominum esse more victuros. Urbis Præfectus Sacerdotes aliquot ad eos misit, qui id muneris obirent. Vel hinc, Fratres charissimi, intelligere potestis, quantos hîc silvestris ager, & quàm uberes spondeat fructus. Equidem spero pro hujus regionis præparatione, & quasi segete, me hoc anno ad centû Christianorum millia esse facturum. *Rogate Dominum messis, ut mittat operarios in vineam suam.* Si qui divini cultus augendi, re-

ligi-

ligionisque propagandæ studio In hæc loca,
 ubi campi jam sunt albi ad messem, venerint
 non humaniter modò accipièntur à Lusita-
 nis, sed etiam benignè; sic prorsus ut omnia
 eis necessaria abunde suppetant. Quippe
 Lusitana gens usque eò est avida Christianæ
 Fidei amplificandæ, ut si nihil aliud, certè
 tam pium eorum studium, ac tam propensa
 erga nostram Societatem voluntas complu-
 res vestrùm huc pertrahere deberet. Nunc
 autem quid vos facere oportet, cùm harum
 gentium animos tam paratos ad Evangelii
 semen excipiendum videatis? Deus vobis
 sanctissimam suam aperiat voluntatem, & ad
 eam exequendam vires atque animos addat,
 idémque pro sua providentia vestrùm huc
 mittat quamplurimos. VI. Kalendas Febr.
 anni post Christum natum M.D.XLV. Cocino.

EPISTOLA IX.

Francisco Mansillæ,

Summarium. *Mansillam monet de Tyranno pœnas repeti: in Travancoridem evocat, ubi-
 bétque ex letis nunciis gaudere.*

Gratia & Charitas D. N. & C.

AD XVII. Kalen. Januar. Cocinum appuli.
 Quò priùs quàm pervenirem, Machoas
 piscatores. propè omnes, qui in Travancori-
 dis règno sunt, Baptismo expiavi. Ac mihi
 qui-

quidem optatus fuisset, eodē quamprimūm reverti, ad eos, qui reliqui sunt, baptizandos: verūm Michaël Vazus, Vicarius generalis, magis è re Christiana esse censuit, me ipsum ad Proregem adire, & cum eo agere, ut de rege Jafanapataniō meritas repetat pœnas pro crudelitate, quam in Neophytos nuper expromsit. Itaque biduo triduove Cambajam versus, ubi nunc Prorex versatur, proficiscar. Brevi me Deo juvante rediturum confido, negotio ex sententia confecto. Interim te, Frater charissime, per Deum oro atque obsecro, ut hisce litteris perlectis, statim huc ad Travacoridis Neophytos excolendos advoles. In pagis singulas scholas Christianæ disciplinæ instituas censeo: ex itinera Macuchum oppidum, quod in Comorino Promontorio situm est, Baptismo abluas. Id à me oppidani sæpius summis precibus contendunt: verūm mihi per occupationes ad eos numquam licuit accedere.

Læto atque hilari animo te esse jubeo; optatissimos ex Lusitania nuncios ac litteras accepimus. Rex ipse ad me scripsit, duos nobis socios subsidio venire, Nicolaum Lancellorum, & Antonium Criminalem, Italum utrumque. Utriusque virtuti præclarum dat testimonium. Mihi quidem neuter eorum notus est: neque enim ex numero sunt

eorum, quos discedens reliqueram in Lusitania. Deus pro sua benignitate in Indiam illos perducatur incolumes. Afferuntur etiam litteræ, quibus tibi potestas sit Sacerdotiū suscipiendi. Faxit Deus, ut ea res & ad suum honorem, & ad animorum salutem referatur. Vale.

EPISTOLA X.

R. P. Ignatio Lojolæ Præposito Gener-
Societatis JESU, Romam.

Summarium. *Urget, quæ abhinc biennio postulavit. Ostendit Socios, qui in Europa pænè inutiles sunt, in India perutiles fore, modò polleant virtute & robore: horum expertem, scilicet, precibus commendat se. De rebus Societatis litteras petit. Querit de amico,*

Gratia & Charitas D. N. & c.

Cum omnibus Collegii S. Fidei studiosis, tum verò Prætori, qui studio vincit omnes, ut morem geras, te oro atque obtestor per Deum; nimirum, ut si fieri potest, mitas aliquando ad nos illa, quæ tibi mandarunt: Diplomata, inquam, quæ te à Pontifice Max. curare voluerunt, ut Aræ maximæ hujus Collegii facultas detur unius animæ ex Purgatorio liberandæ, quoties ad eam Sacrum fiat pro mortuo, cum ea conditione, quam
ab

ab hinc biennio ad te scripsi, Prætoris nomine. Cetera item expectamus, de quibus tum ejusdem jussu ad te litteras dedi.

Socii neque audiendis confessionibus, neque Concionibus habendis, neque ceteris Societatis muneribus obeundis idonei, post legitimam meditationum exercitationem, & menses aliquot in humilibus abjectisque ministeriis exactos, magno usui essent hisce in locis, si corporis robore pariter & animi virtute pollerent. Nam in his Ethnicorum terris doctrina minimè est necessaria: sat est, non esse planè rudem litterarum, ut pueris atque idiotis solæmnes precationes tradere, oppidâque & vicos obeundo, infantes modò natos baptizare norint. Horum quippe multi pereunt sine Baptismo, quòd tam multis tamque disjunctis inter se locis adesse nequeamus in tempore. Proinde ex istiusmodi hominibus parum istic appositis ad Societatem, quos videris aptos ad circumeunda hæc loca infantes baptizando, & Catechismum tradendo idiotis, huc ad nos mittito; hîc enim egregiè operam locabunt suam. Hos ego magnis corporis viribus, & patientes laboris esse volo: quoniam hæc terra laboriosissima est, tum propter maximos calores, tum verò propter salubrium aquarum inopiam, alimentorûmque tenuitatem. Alimenta,

quip-

quippe sunt oriza, piscis, & lac, præterea nihil. non panis hîc est, non vinum, non cetera quibus isthic abundatis. Adolescentes igitur ac sanos, non imbecillos ac vetulos desidero, ut assiduum baptizandi, docendi, circumcursandi laborem perferant; cum præsertim sæpè non modò recentes baptizari infantes, sed etiam Christianos ab Ethnicorum furore ac rabie prohiberi oporteat. Nonnunquam etiam singulari Dei beneficio ejusdem causâ capitis discrimen est subeundum, quod salvâ charitate vitari non potest. Sed meminisse debent, nos natos esse mortales; nihil autem optabilius Christiano, quàm mortem oppetere pro Christo. Quamobrem oportet eosdem animi robore ac divinâ virtute septos esse. Et quoniam ego ejusmodi roboris ac virtutis expers in ea loca proficiscor, ubi vel maximè indigeam cœlesti ope, te per Deum ejusdémque cultum obtestor, ut ip tuis sacrificiis mei nominatim ipse recorderis; méque insuper universæ Societatis precibus muniendum sedulò cures. Sic enim mihi persvadeo, tuâ ac Societatis deprecatione multis magnisque periculis esse me divinitus ereptum. Hæc eò ad te scribo, ut intelligas cujusmodi viris opus sit. Verumtamen si quos videris, viribus quidem ad ea quæ dixi incommoda sustinenda satis præditos, cere-

rùm ad vitæ pericula adeunda parum alacres
 ac paratos, mittas tamen velim. Neque e-
 nim defunt regiones, ubi sine capitis pericu-
 lo operam dent rei Christianæ. Ac memento,
 ad venandos hosce Ethnicos haudquaquã
 opus esse multis litteris. Nimirum istius-
 modi hominibus, ubi aliquot annos erunt in
 his locis versati, satis virium atque animo-
 rum ad majora opera addetur divinitus. Ap-
 ptos quoque confessionibus excipiendis, tra-
 dendisque exercitiis spiritualibus, etsi majori
 labori ferendo non sint, mittas licebit: hi
 enim aut Goæ, aut Cocini habitabunt; qui-
 bus in civitatibus & magnoperè juvare pote-
 runt rem Christianam, & ipsi omnium rerum,
 item ut in Lusitania habebunt copiam: ete-
 nim, ut illæ urbes Lusitanorum familijs fre-
 quantantur, imbecillitatis morborumque
 subsidia utique non deerunt: est enim utro-
 bique & Medicorum & medicamentorum
 satis. At ceteris in locis, quæ Lusitani non
 incolunt, ejusmodi sunt ea quæ nos in præ-
 sentia peragramus, ægrotantium auxilia sup-
 petunt nulla. In utraque earum civitatum
 quas modò dixi, civibus exercitiorum spiri-
 tualium usu excolendis præclare opera na-
 vari potest.

Ab hinc quadriennio solvimus ex Lusita-
 nia, ex quo tempore unam omnino abs te e-
 pisto-

pistolam ab urbe, à Patre Simone è Lusitania
duas accepi. Valde aveo mi Pater, de te ce-
terisque Sociis quotannis aliquid cognosce-
re. Non dubito quin singulis annis des ali-
quid ad me litterarum, sicut ego ad te dare,
soleo: sed vereor, ne utrisque intercidenti-
bus epistolis, sicuti ego tuas, ita tu vicissim
desideres meas. Duo è Societate hoc anno
veniebant in Indiam; sed navis, qua vehe-
bantur, nondum tenuit Goam: utrùm in
Lusitaniā reverterit, an Mozambici (in qua
insula naves Lusitanæ hibernare solent) hie-
maverit, nescio.

Pervelim scire, utrùm vetus ille amicus
noster multà vehatur. Nam si etiamnum
vehitur, similiter ut cùm hominem isthic re-
liqui; magnam ejus imbecillitatem esse oportet,
qui tot Medicis ac medicamentis nondum
perficere potuerit, ut pedibus ingrediatur
suis. Novi ad te quod scribam nihil habeo,
nisi ut huc ad nos mittas quamplurimos,
quando hîc est tanta operariorum penuria.
Deum oro, ut si numquam posthac nos inter
nos in hac vita visuri sumus, certè in beata
illa cum majore, quàm hîc est, quiete revisa-
mus. vr. Kalendas Februarias anni M.D.XLV.
Cocini.

EPISTOLA XI.

P. Francisco Mansillæ, in Promontorium Comorinum.

Summarium. *DEO sine rerum discrimine impigrè parendum: cæptis alacriter insistentium: laboris socijs liberali charitate tractandos.*

Gratia & Charitas D. N. &c.

EGo verò libentiùs coràm quàm per litteras tecum, Frater charissime, agerem, quemadmodum te isthic Deo & Neophytis operam dare velim. Atq; hoc eò scribo, quòd Deus quid me factururus sit nescio. Utinam nobis ipse pro sua benignitate ostendat, quid sui consilii sit ac voluntatis; ut quoniam nos ad nutum voluntatèque suam semper paratos esse jubet, ad eam, simul atque apparuerit, nos totos impigrè conformemus. Nimirum in hac vita tamquam advenas & peregrinos esse nos oportet, atque in omnes partes, quocumque ille vocaverit, paratos atque expeditos.

Exploratum habeo, in Macazaria magnam esse populorum erga Evangelium propensionem: Sacerdotum operatorumque penuriam obitare, quò minùs omnes ferè ad Christi ovile aggregentur. Nondum constitui quid optimum factu sit. Si fortè hanc mihi

Dens

Deus mentem injecerit , ut ego ipse eò me conferam , Comorinenses Neophytos tuæ commendo fidei. Simul te moneo, ne pagos omnes continenter obire, baptizare infantibus , pueros ac reliquos docere desistas umquam. Fac apud te sis, & Sacerdotes istos Malavares , socios laboris , quàm humanissimè tractes, summâque complectaris charitate. Quod tibi tantoperè mandavi , id perpetuò meminisse te volo : Deum , ut tibi æquè ac mihi semper præsidio sit , vehementer etiam atque etiam oro. VII. Idus Aprilis. Negapatone.

EPISTOLA XII.

PP. Jacobo Borbano, & Paulo Camerari, Moderatoribus Collegij Goani.

Summarium: Agit de irritò in Tyrannum conatu: de singulari animi sui latitia in Æde S. Thomæ Apostoli: de socijs apud Comorinenses; de fiducia Dei: de necessarijs ad iter in Macazariam: de sociorum, qui advenierint, occupationibus. Litteras de Macazaria, quò pergit, pollicetur.

Gratia & Charitas D. N. & c.

JAfanapatania expeditio ad nihilum recidit. Itaque in regnum suum non est restitutus Rex ille, qui pollicitus erat fore se
D Chri-

Christianum. Totam rem casus impeditur.
 Navis Regis Lusitaniæ, è Regno Peguano
 mercibus onusta Indiam repetens, vi tempe-
 statis in Jasanapatani regni fines appulsa
 est: ejus merces continuo Rex invasit. Pla-
 cuit Lusitanis quoad amissæ recuperassent,
 bello superfederi. Ita factum non est, quod
 Prætor fieri jusserat: verum si Deus cordie-
 rit, fiet. Negapatone sedi aliquot dies: de-
 mum ventus reversioni adversus, meum iter
 avertit. Itaque casu in consilium verso, con-
 tuli me ad oppidum S. Thomæ: in sanctissima
 illa Apostoli Æde assiduis precibus obsecrare
 institi Deum, ut mihi voluntatem aperiret
 suam, cui non deesse, fixum ac deliberatum
 haberem. Confidebam, scilicet fore, ut *qui*
dedit velle, daret etiam perficere. Hic igitur
 ille pro sua infinita misericordia recordatus est
 mei. Magnâ enim animi lætitiâ perfusus,
 velle Deum sensi, ut Malacam, inde Macaza-
 riam peterem, ubi nuper indigenæ ad Chri-
 stum se adjunxerunt plurimi; ibique Neo-
 phytos illos in suscepta religione confirma-
 rem. Proinde Christianæ Fidei rudimenta
 atque præcepta, cum brevi eorum explicatio-
 ne, in ipsorum linguam vertenda curavi. Par
 est enim, qui suâ sponte facti sint Christiani,
 hos à nobis omni ope juvari; atque ut Fidei
 incrementum, & vires ad divinam legem ser-
 vant

vandam necessarias petant à Deo, precatio-
nes in suum sermonē conversas in promptu
habere: maximè verò formulam Confessio-
nis generalis. Ea quippe, sua quotidie Deo
peccata confitentibus, erit Confessionis Sa-
cramentalis loco, quoad Sacerdotum Maca-
zaricæ linguæ peritorum sit copia.

P. Franciscus Mansilla, cum Sacerdotibus
aliquot Malavaribus apud Christianos Co-
morinenses manet. Vbi autem illi sunt,
mea haud quaquā desideratur opera. Patres,
qui ad Mozambicum hiemarunt, cum alijs
quos hoc anno expectamus, Ceilanios Dy-
nastas domum redeuntē sequuntur. Equi-
dem spero, mihi in hoc itinere Deum perma-
gno auxilio futurum. Siquidem, ut dixi, tan-
to cum animi mei sensu gaudiōque, quid po-
tissimū à me requirat, non est gravatus o-
stendere. Mihi verò adeò certum ac fixum
est perficere, quod divino instinctu concepi,
ut si fortè id prætermitterem, viderer planè
mihi pugnare cum Deo, neque in vita, aut
post mortem quicquam jure sperare jam pos-
se. Itaque si fortè hoc anno deerit Lusitanī
navigij facultas, Saracenæ aut Ethnicæ navī
Malacam petenti committere me non vere-
bor. Tantāque habeo Dei fiduciam (cu-
jus unius causā hoc iter suscipio) ut si nullius
onerariæ hoc anno esset copia, & scapha quæ-

piam Malacam versùs hinc solveret, divinà ope fretus illà ipsà trajicere non dubitarem; omnem utique spem in Deo fixam ac locatà habeo. Quare per eum ipsum vos rogo, Fratres charissimi, ut vestris quotidianis sacrificijs, assiduísque precibus me hominem nequam Deo commendare ne desinatis. Augusto mense exeunte, ut opinor, proficiscar Malacàm: naves enim eò profecturæ idoneæ tempestatem expectant, quæ eo tempore existere solet. Peto à Pratore per litteras diploma, ut Malacensis Præfectus navigij ceterarumque rerum ad iter Macazariense necessariarum mihi det facultatem. Mando vobis, ut pro vestra in Deum charitate illud diploma conficiendum, atque ad me per hunc ipsum tabellarium perferendum cureris. Breviarium simul Romanum mittetis pusillum. Cosmo Anio, nostri amicissimo, viròq; fidelissimo, meis verbis salutem plurimam. Et nihil separatim scribo, quòd hanc vestrum trium communem esse epistolam velim.

Si qui è nostra Societate peregrini, & Lusitanæ linguæ rudes venerint, eos nostratè sermonem addiscere opus erit: alioquin hisce in locis, qui intelligat quid dicant, nemo erit. Ego vos Malacà de Christianis jam factis, deque præparatione Ethnicorum faciam certiores, ut isthinc idoneos homines ad no-

stræ Fidei propagationem destinatis : nam domum istam, quæ SANCTÆ FIDEI appellatur, nomen suum factis tueri oportet. Christus Dominus in sua nos felicitate jungat ; nam in hac vita an revisuri nos simus ignoro. VIII. Idus Majas. Ex oppido S. Thomæ.

EPISTOLA XIII.

Societati, in Lusitaniam.

Summarium. Scribit Reges duos conversos : credi S. Thomam Apostolum in India sepultum : Evangelicam paupertatem mercimonijs à mercatore pralatam. Addit aliqua de Macazariensium sacris, Socios expetit.

Gratia & Charitas D. N. &c.

Scripsi ad vos, Fratres charissimi, ex India, Sicutum me ad Macazares, ubi nuper Christianis sacris initiati sunt Reges duo. Ex itinere ad oppidum S. Thomæ (ubi omnes, tum Christiani, tum barbari, sanctissimi Apostoli Thomæ corpus esse confirmant) appuli eo consilio, ut inde Malacam pergerem. Hic igitur expectanti mihi navigationis opportunitatem, mercator quidam (Joanni Duro nomen est) divino instinctus afflatu se socium addidit. Is mecum unâ dies aliquot versatus, cum de rebus cælestibus nonnulla cognovisset, sentire coepit alias quasdam mer-

ces reperiri, suis longè meliores; quas quidē ipse numquam ad eam diem ne suspicione quidem attigisset. Itaque omissis mercimonijs, nuntiōque mercaturæ remisso, Evangelicam amplexus est paupertatem. Nuper Malacam (quæ urbs distat à Goa leucas ampliùs quingentas) ambo pervenimus. Ibi jam occasionem captamus Macazaricæ transmissio- nis. Qui à Macazaribus huc veniunt, mirè illam gentem ad Christi cultum aptam atque idoneam esse nuntiant. Nulla inibi esse deo- rum fana; nullos qui populum impellant ad venerandos deos. Solem dumtaxat ab illis pro Deo coli: religionem præterea apud eos nullam esse. Quare vos etiam atque etiam pro vestra erga Christum charitate oro, Fra- tres charissimi, ut multi quotannis è Societa- te huc demigretis: vestri enim similium sum- ma est penuria. Sic autem habetote, ad ag- gregandos Christo hosce Ethnicos, non ma- gnâ eruditione opus esse; sed magno virtutū usu, magnâque vi divini Spiritûs: quem Deus pro sua benignitate omnibus nobis imper- tiat. Amen. iv. Idus Novembris. M. D. XLV. Malaccæ.

EPISTOLA XIV.
Societati, in Lusitaniam.

Summarium. *Explicatius narrat, quæ priori*
com-

complexus est; deinde quid agat Malacæ; quàm sese Sociorum litteris oblectet.

Gratia & Charitas D. N. & C.

DE meis rebus ad vos pluribus verbis ex India, priùs quàm Macazariam versùs discederem, ubi Reges duos Christianos factos accepimus. Vnum jam dimidiatùmque mensem Malacæ sedeo, idoneam tempestatem navigandi in Macazariam captans. Hinc post tantumdem temporis, Deo approbante, solvemus. Absunt Macazares ab urbe Goa leucas ampliùs M. Qui illinc venerunt, gentem perappositam esse narrant ad Evangelium; ut maximus illis locis Christianorum numerus fieri possit. Nulla apud eos deorum templa, nulli superstitionum antistites. Solem ipsum orientem colunt; prætereà nihil. Verùm populi continenter inter se bellum gerunt. Ex quo Malacam attigi, (quæ urbs est maritima, mercatorum commercio celebris) piæ non desunt occupationes. Dominicis diebus ad populum verba facio: quamquam meæ conciones minùs mihi placent, quàm ijs, qui me audire non gravantur. Quotidie pueris per horam, eoque ampliùs solennes preces trado: diversor in Valetudinario; ægrorum audio confessiones, iisdem facio rem Divinam, & Christi corpus imper-

gio. Confiteri cupientium multitudine sic obruor, ut omnibus satisfacere nullo modo queam. Plurimum temporis pono in Catechismo vertendo ex Latino in eam linguā, quam Macazares intelligant, sanè laboriosum est, eorum, quibuscum verferis, funditus ignorare sermonem. Discedens ex India, ad oppidum appuli, cui S. Thomæ nomen est, ubi indigenæ S. Thomæ Apostoli corpus assertari perhibent. In eo oppido familiæ sunt Lusitanorum amplius centum; templumque visitur sanè religiosum, ubi Apostoli corpus esse consentiunt incolæ accolæque universi. Ibi Malacensem navigationem expectans, in mercatorem incidi, qui navim eò applicuerat cum mercibus suis. Is divinarum rerum specimen cum cepisset, facilè sensit, alias quasdam merces longè pretiosiores esse, quas ipse numquam antea vidisset. Itaque navigio ac mercibus relictis, mihi se socium, & Macazaricæ profectionis comitem adjunxit; Joanni Duro est nomen: certum jam fixumque habet, in omni vita paupertatem colere, Christoque Domino inservire. Natus est annos quinque & triginta; perpetuus mundi miles se ad Christum transtulit, ac valde expetit vestrâ deprecatione commendari se Deo.

Malacæ multæ mihi litteræ, partim Ro-

manz, partim Lusitanæ redditæ sunt; ex quibus incredibile est, quantum ceperim, quotidieque capiam voluptatis. Quoties eas lego (lego autem sæpissimè) sic afficior, ut me isthic vobiscum, aut vos hîc mecum esse existimem; quod si corporibus non licet, certè animis licet. Patres, qui isthinc cum Joanne Castro venerunt, Goâ ad me Malacam scripserunt de adventu suo. His ego nunc rescribo, ut eorum duo in Comorinum Promontorium proficiscantur, opem laturo Francisco Mansillæ, quem ibi cum tribus Sacerdotibus indigenis Comorinenses Christianos instituentem reliqui. Tertium Goæ manere jubeo, & in Collegio S. Fidei alumnos litteris erudire. Quoniam navis maturat profectionem, nihil attingam eorum quæ scripsi ex India. Anno insequenti de Macazaribus (si Deo cordi erit) multa perscribam. Vnum vos oro, Fratres mihi charissimi, ut quotannis multi huc è Societate veniatis: hîc enim opus est multis. Nec verò ad Ethnicorum conversionem multa doctrinarum cognitio requiritur, sed multa exercitatio virtutum. Finem facio, Deum obsecrans, ut nobis & suam voluntatem indicet, & ejus exequendæ tribuat facultatem.

iv. Idus Novemb;

Malacâ.

D S

EPL

EPISTOLA XV.

Societati, Goam.

*Summarium. Narrat de suis in Amboino laboribus. Mireris animi magnitudinem in sub-
sundis periculis. Quàm pauci capiunt illud:
Qui voluerit animam suam salvam facere,
perdet eam, &c.*

Gratia & Charitas D. N. &c.

AD IV. Idus Januar: anni M. D. XLVI. Ma-
lacâ solvimus Molucum versus. Ad Am-
boinum appulimus XVI. Kal: Febr: Hæc in-
sula est in circuitu millia passuum fermè xc.
incolis advenisque sanè frequens. In ea op-
pida pagiq; Christianorum sunt numero sex;
quos, ut primùm veni, lustravi omnes ex or-
dine; infantes ac pueros baptizavi quamplu-
rimos. Secundùm hæc Ferdinandi Soffæ clas-
sis ad Amboinum applicuit, quâ classe Hispa-
ni, ex nova Hispania in Molucum profecti,
vehebantur. Ac pro multitudine navium
tantus occupationum spiritualiũ quasi con-
cursus fuit, cum & confessiones audire, & ha-
bere conciones, & subvenire ægrotis & mo-
ribundis adesse oporteret, ut per tempus sa-
tisfacere omnibus neutiquam possem. Odo-
ratus sum sensus ac voluntates incolarum:
magnâque in spem venio, ut primùm insu-
la Do-

læ Dominus (is est vir primarius Lusitanus, Christianæ religionis studiosissimus, qui nunc regij præsidij Dux est in Moluco) spero, inquam, ubi is reverterit, fore ut his locis colligamus animorum uberrimos fructus. Ora est ab Amboino millia passuum, circiter cccc. quæ Mauri regio dicitur; ubi Christiani permulti sunt, Christianæ disciplinæ ac religionis prorsus ignari. Eò proficiscor, ut tot animorum saluti consulam: quippe cum mihi sic persuaferim, debete me, vel cum capitis mei discrimine, illorum animos ab interitu vindicare. Itaque vel perspicua mortis pericula subire certum est; spem enim omnem in divina providentia sitā habeo, & cupio obtemperare illi Evangelicæ voci: *Qui voluerit animam suam salvam facere, perdet eam: qui autem perdiderit propter me, inveniet eam.* Ac mihi credite, Fratres charissimi, etsi hujus sententiæ verba generatim facilia sint ad intelligendum: tamen ubi tempus incidit, cum statuere oportet, tibi pro Deo vitam amittendam esse, & mortis discrimen adeundum; usque eò eadem sententia, etsi clarissima sit, obscura fieri solet, ut is modò eam intelligat, cui pro sua benignitate declararit Deus. Enimverò istiusmodi temporibus apparet, quàm imbecilla infirmâque sit humana natura. Dominus nos pro sua immensa miseri-

84 S. P. FRANC: XAVER: EPIST: LIB: L
cordia, talibus in rebus ac temporibus, ita
suâ vi confirmet ac roboret, ut fortiter &
subeamus omnia, & perferamus: idémque
maneat nobiscum semper, Amen. vi. Idus
Majas, anni. M. D. XLVI. Ex
Amboino.

FINIS LIBRI PRIMI.



S.P.

S. P. FRANCISCI XAVERII

EPISTOLARUM LIBER II.

EPISTOLA I.

P. Paulo Camerti, Goani Collegij

Rectori.

Summarium. Hortatur ad obedientiam studiū. Monet, ut Socj, quos evocat, externos in partem laborum vocent. Augustinianos religiosos impensè commendat.

Gratia & charitas D. N. &c.



Mi Paule, quod ego te & coram, & per litteras sæpius oravi, idem nunc summopere quaeso atque obsecro, ut omnibus in rebus istius Collegij Moderatoribus obtemperes sedulo. Equidem si tuo essem loco, nihil antiquius haberem, quàm ut eis omnino morem gererem. Cre- das enim mihi, tibi que persuadeas velim, nihil esse tutius, atq; ab omni errore remotius, quàm semper optare sibi ab alijs imperari, & imperantibus ex animo obtemperare. Contraque, lubricum ac periculosum esse negotium, ad suum arbitrium vivere, omisso eorum, qui præfunt, imperio. Nam ut ab eo quod præscribitur deflectens rectè aliquid faci-

facias, tamen sic habeto, Frater charissime, in eo plus pravi esse, quàm recti. Proinde P. Jacobo Borbano, cujus voluntas cum divina voluntate congruit, omnibus in rebus accuratè parebis; omninòque in ejus eris potestate. Id si feceris, nã tu mihi non solùm, sed Deo quoque rem gratam feceris.

Socios ad me mittas duos ex ijs, qui in Comorino Promontorio versantur, nominatim verò Joannem Beiram. Horum in locum totidem substitues ex eorum numero, qui recentes sunt è Lusitania. Obsecro autem eos, qui venturi sunt, ut quoniam pro multitudine locorum, ac negotiorum magnitudine, tam pauci è Societate sumus, alienos homines aliquot secum adducere contentur, qui ad harum Insularum pagos Christianis præceptis imbuendos usui nobis sint & subsidio. Si Sacerdotes non erunt, certè sint ex ijs, qui à mundo, carne, diabolo injuriosè tractati, suas pariter & Dei injurias ulcisci in semetipsis expetunt. Instrumentum apparatusque necessarium Sacrificij secum afferent. Sacros autem calices stanneos præstat esse: sunt enim argenteis tutiores à gente non sancta; Ethnicos dico, inter quos versamur assiduè.

Augustiniani Fratres quidam Hispani Gouam hinc veniunt, ex quibus de meis rebus cognoscere licebit, si quid voles. Hos ego tibi
sic

fic commendo, ut quibuscumque rebus poteris, eos velim juves; idque summis vel benignitatis indicijs, vel benevolentiae: viri quippe religiosi sunt, planéque sancti. Ego in Mauricam discedo. Deus tecum maneat, me comitetur, animosque nostros demum in suum regnum transferat, ubi profectò fruemur majore, quàm hîc & quiete & gaudio. VI. Idus Martii. D. XLVI. Ex Amboino.

Includam epistolam continuò ad Comorinenses Socios perferendam curabis, ut Goam profecti, ineunte Aprili mense anni insequētis in Molucum solvant.

EPISTOLA II.

Socijs Comorinensibus.

Summarium. Recenset aliàs à se scripta & gesta in insula Amboino. Jubet binos ex Comorino Promontorio in Molucum venire; alios in Comorinum succedere. De sacra suppellectile, & comitibus edocet.

Gratia & charitas D. N. &c.

ANno superiore scripsi ad vos Malacâ binas litteras, eodem exemplo, quibz vos, Francisce Beira & Antoni Criminalis, per Deum orabam, ut confestim in Comorinum Promontorium contenderetis. Placuit enim vos illuc proficisci, ad instituendos fovendosque

que miseros illos Neophytos, unâ cū P. Francisco Mansilla, quem apud Christianos cum Francisco Lisiano, aliisque Sacerdotibus indigenis tribus reliqueram. Quod ut majore vestro merito fieret, vobis planè pro vestro obedientiæ studio imperabam. Non dubito, quin & redditæ litteræ sint, & eis obtemperatum. Ego Malacá Kalend: Januarijs Molucum versus discessi. xvi. Kalend: Martias appuli ad Amboinum insulam, ubique statim Christianorum vicos, qui in hisce insulis sunt, obiens, infantes Baptismo expiavi. Sub id tempus Ferdinandus Sosa cum Hispanorum classe, quæ ex nova Hispania Molucum petebat, ad Amboinum applicuit. Naves erant numero octo, quæ tantum mihi attulerunt negotij, quantum nullis verbis consequi possum. Perspexi intereà sensus indigenarum; speroque Deo bene juvante futurum, ut ubi Jordanes Freita Moluci Præfectus, vir religionis propagandæ cupidissimus, idemq; Amboini Dynasta, ibi sedem ac domicilium collocarit (quod proximo anno facturum dicitur) incolæ omnes Christi sequantur fidem. Insula in circuitu est millia passuum circiter nonaginta: frequentibus vicis habitatur, ex quibus septem sunt Christianorum. Ab Amboino millia passuum propè cccc. regio est in continenti, Maurica nomine, ubi Christianos
pluri-

plurimos, eosque Christianæ disciplinæ planè rudes esse cognovi : itaq; eò traiciam quamprimùm.

Hoc ideò vos scire volui, ut intelligeretis, quantoperè vestra opera desideretur in his locis. Et quamquam non sum nescius, vos isthic nequaquam esse otiosos; tamen quoniam hîc planè estis necessarij, per Christum vos oro, Franciscæ Mansilla & Franciscæ Beira, ut quamprimùm in hæc loca transmittatis: atque ut hoc iter major vobis sit obedientiæ ac meriti materia, id ipsum planè impero. Quòd si fortè vestrùm aliquis excessit è vita, substituatur alius ad arbitrium P. Antonij Criminalis: sed ita, ut è tribus unus apud Comorinenses Christianos maneat cum indigenis Sacerdotibus. Si qui hoc anno è Societate supplementi causâ venerint è Lusitania, eos ego per Deum oro, ut in Comorinũ Promontorium ad Christianos illos erudiendos proficiscantur. E Lusitania si quid erit novì, ad me perscribetis, Lusitanicâsq; literas tradetis Patribus Molucum petituris. Vt autem socij recentes è Lusitaniâ plus obtemperando mereantur, eos in Comorinũ Promontorium pro imperio ac potestate ire jubeo. Et quoniam video hæc vobis literas vix intra Kal: Martias proximi anni reddi posse; Kalendis autem Maij regia navis è

Goa

Goa Molucum versus solutura est, eâ vos navi huc advehi volo. Quocircâ hac epistola perlectâ, illicò è Comorino Promontorio remigrabitis Goam, & ad Molucensem profecti-
onem, ut dixi, vos comparabitis. Eâdem navi Molucenses Regem suum, quem propediem expectant, sperant esse venturum. Lusitani quoq; arbitrantur novum Moluci Praefectum, qui arcem obtineat, pariter vectum iri. Si Rex, quem dixi, Christiana Goæ sacra suscepit, magna me spēs tenet, populariū quamplurimos ad Christi Fidem accessuros. Verum ut ille nolit esse Christianus, vos quidem certè egregiam hîc Christo operam estis navaturi. Singuli sacram Missæ supellectilem afferetis; calices autem stanneos, quod facilius *gentis non sanctæ*, apud quam versandum erit, avidas eludatis manus. Et quoniam vos, utpote homines è Societate Jesu, quod ego vos per Christū oravi, & pro vestro obediendi studio imperavi, facturos esse confido, nihil præterea dicam, nisi ut huc properetis; vos enim vehementer expecto. Nec dubito, quin vester adventus, Deo favente, & satis per se opportunus, & Christo gratus, & huic genti sit salutaris futurus. Vos rogo, Fratres mei, ut aliquot Goani Collegij alumnos Sacerdotes vobiscum deducatis, qui vos in tradenda hisce insulis doctrina Christiana
juva-

juvare queant. Certè uterque socios sibi singulos asciscat, si non Sacerdotes, at clericos, mundo, dæmoni carnique infensos, & acceptas ab his injurias ulcisci cupientes. Nos Deus vivos in suo obsequio, mortuos in suo regno pro sua benignitate conjungat; ubi profectò longè major, quàm hic est, quies ac lætitia nos manet. VI. Idus Majas. M.D. XLVI. Ex Amboino.

EPISTOLA III.

Societati Romam.

Summarium. Significat cur Indiam reliquerit, & quâ viâ in Macazariam penetrare conatus sit. Inter alia qua refert, singulare est charitatis studium in solatium animarum Purgatorij Malaca præstitum. Decreta in Mauricam expeditio. Humani præsidij contemptus, ne de caelesti diminutio fiat. Dei causâ mori, facile putant mortis pericula non experti. In pericula fidendum Deo. Religionis sacræ apud Sinas indicia. Acerbum Molucentium in Mahometis cultores odium. Moluci aliarumque insularum descriptio. Preces enixè flagitat Xaverius.

Gratia & charitas D. N. &c.

Scripsi ad vos anno superiore, Reges duos in insula, quam Macazariam appellat, cum magno popularium suorum numero ad Chri

Christi religionem esse tractatos. Ego igitur occasione rei bene gerendæ invitatus (aper-
tum enim mihi aditum videbam ad Evange-
lium longè ac latè propagandum) confestim
ex Comorino Promontorio solui, ut eò quā-
primùm appellerem. Abest Macazaria à Pro-
montorio ampliùs viciis centena & septin-
genta millia passuum. Priùs quàm navim
conscenderem, curavi sedulò, ne quid Como-
rinensibus Christianis deesset eorum, quæ ad
sacrorum religionem studiùmq; pietatis per-
tinerent. Quinque igitur eis præposui Sa-
cerdotes Franciscum Mansillam è Societate,
indigenas tres, & Franciscum Lisianum ori-
undum ex Hispania. Nam Christianos in-
colas Ceilani insulæ, quæ non longè abest à
Comorino Promontorio, egregiè instituunt.
Franciscani duo, cum totidem Sacerdotibus.
Ita factum est, ut neutri Ecclesiæ meâ operâ
esset opus: ceteri enim Christiani, qui sunt
in oppidis Lusitanorum, à singulis Episcopi
Vicarijs erudiuntur. Cùm meam igitur o-
peram Indiæ minimè necessariam esse intel-
ligerem, Meliaporam (quod oppidum hodie
S. Thomæ nomine appellatur) petij, ut illinc
in Macazariam pergerem. Ibi mercator me
convenit, obsecrans ut confitenti operam si-
bi darem. Is confessione ritè peractâ, divi-
nitus commotus est adeò, ut postridie pecu-
niam

niam ex mercibus ac navigio redactâ disper-
tirit pauperibus: nudûsq; nudum Christum
sequens, mihi se socium adjungeret. Inde
cû solvissemus, Malacam applicuimus; ur-
bem sanè celebrem Regis Lusitani. Hic nar-
ravit mihi Præfectus urbis, missum ab se nu-
per in Macazariam Sacerdotem, egregiâ re-
ligione præditum, cum non contemnendâ Lu-
sitanoꝝ manu; ut si quis motus exorire-
tur, præsidio essent novis Christianis. Itaq;
monuit, ut Malacæ tantisper subsisterem, dū
navis, quâ illi vecti erant, rediret, & quo in-
statu res esset, renunciaret. Ergo Præfecti
consilium secutus, tres menses eôq; ampliùs
Malacæ sum commoratus. Neque defuit
interim materia bene merendi. Festis ac Do-
minicis diebus in Æde sacra conciones habe-
bam ad populum; reliquum tempus ferme
consumebam in ægrorum, apud quos in Va-
letudinario diversabar, confessionibus audi-
endis, eorûmq; miserijs sublevandis. Neo-
phytos quoque ac præcipuè pueros Christia-
næ doctrinæ elementis imbuebam: milites
ac cives, odio inter se dissidentes, ad pacem
concordiâque revocabam. Quotidie post
occasum Solis cum tintinnabulo urbem obi-
ens, cives sonitu excitatos admonebam, ut
pro animis, quæ Putgatorio igne cruciaren-
tur, divinam implorarent clementiam. Has
subin,

subinde voces iterantem, puerorum grex è Catechismi schola prosequabatur, non sine magno civium motu.

Postea verò quàm ventos è Macazaria revertentibus opportunos resedisse vidi, nulumque de Sacerdote ac militibus eò missis nuntium afferri; non diutius mihi cunctandum putavi. Itaque Malacâ solvens, in Molucum vela feci. Arx est in Moluco Regis Lusitani, Ternate nomine, ab India remotissima. Ab hac arce millia passuum propè ducenta insula est Amboinus, Indiæ propior, quæ circuitu quatuor & nonaginta passuum, millia amplectitur, satis frequens non indigenis modò, sed etiam advenis. Hanc insulam Rex Lusitaniæ Lusitano Duci, virtute ac pietate clarissimo, dono dedit, quem intra biennium eò cum conjuge, liberis, universaque familia commigraturum ferunt. Hic oppida sunt Christianorum omnino septem; quæ ego circumiens, infantes omnes ac pueros nondum baptizatos ritè lustravi. Ex quorum numero complures sub Baptismum exceßerunt è vita; ut satis appareret, vitam illis suppeditatam divinitus, usque eò dum ad æternam vitam patefactus aditus esset. Sub id tempus octo Hispanorum naves eò delatæ, tres ibidem substitère menses: quo toto tempore dici vix potest, quot quantisque occupationi-

tion
mne
tam
taba
ut a
quo
divi
hoc
mor
ribu
tere
ban
ret)
illi I
supr
mus
V
cent
mul
titud
te Sa
ferit
ferit
peri
mè i
sign
ac po
dote
acce

tionibus distinerer. Nam & concionibus omnes excitabam ad rectam honestamque vitam, & peccata confitentes audiebam, & visitabam ægrotos, & morientes confirmabam, ut a quo fidentique animo è vita discederent: quod quidem longè difficillimum est iis, qui divinis Legibus minimè paruerunt. Quippe hoc minore divinæ clementiæ spe fiduciaque moriuntur, quò majore antè audaciâ in sceleribus ac flagitijs volutabantur. Multi prætereà, qui graves inter se inimicitias exercebant (quod vitium inter milites latissimè patet) in gratiam, juvante Deo, reducti. Inde illi Indiam, ego cum Joanne Duro (de quo supra dixi) contrario cursu Molucum perimus.

Ultra Molucum millia passuum propè ducenta regio est, quæ Maurica dicitur. In ea multis ab hinc annis ingens hominum multitudo Christianis sacris initiata est, sed morte Sacerdotum, à quibus instituebantur, deferti atque orbat, ad pristinam barbariem, feritatemque redierunt. Omnino terra, periculorum plenissima est, & advenis maximè infesta, propter gentis immanitatem insignem, & varia veneni genera, quæ in cibo ac potione dari vulgò solent; quæ res Sacerdotes peregrinos deterruit, quò minùs illuc accederent ad incolas juvandos. Ego igitur
animad-

animadvertens, quantâ necessitate urgeantur quos nemo doceat, nemo expiet Sacramentis; in animum induxi meum, debere me vel cum capitis periculo consulere illorum salutem. Quocircâ quamprimùm eò me conferre statui, & caput meum in discrimen offerre. Equidem omnem in Deo spem locatam habeo, cupiôque quantum in me erit, Christo Domino obtemperare admonenti. *Qui voluerit animam suam salvam facere, perdet eam; qui autem perdiderit animam suam propter me, inveniet eam.* Quæ quidem sententia cogitanti facilis est, experienti non item. Vbi enim tempus incidit, cum vitamittenda est, ut eam in Deo invenias, cum mortis periculum intèditur, sic ut facilè prospicias, si Deo pareas, vitam esse dimittendâ; tum verò nescio quo modo fit, ut quod ante præceptum dilucidum videbatur, incredibili involvatur obscuritate. Nam ne doctissimi quidem viri tam præclaræ sententiæ vim consequuntur; sed ij dumtaxat, quos singulari beneficio Deus ipsè interior magister instituit. Atque in ejusmodi rebus facilè apparet, quanta tandem nostra sit imbecillitas, quàm fragilis & infirma humanæ naturæ cōditio. Complures mei me amici vehementer orabant, ne tantæ feritatis gentem adirem: postea verò, quàm nec precibus nec lacry-

crimis quicquam se proficere senserunt, præsentissima remedia contra omnia venena pro se quisque afferebant; quæ ego constanter remisî omnia; ne videlicet medicamentis onustus, onerarer etiam sollicitudine, quâ carebâ. Cum enim omnem spem meam collocassem in divinæ providentiæ præsidio, cavendum mihi existimabam, ne humanis præsijs fretus, deperderem aliquid de fiduciâ Dei. Itaque eis gratias egi, & simul omnes obsecravi, ut pro me Deum deprecarentur: hoc remedio nullum præsentius posse reperiri.

Sed ut ad Molucense iter revertamur; navigatione usi sumus minimè secundâ: multum piratarum tum tempestatum pericula adivimus. Illud maximum; Ingenti navi vehebamur, quæ tempestatis impetu in syrtes abrepta; tria millia passuum ita confecit, ut imum gubernaculum perpetuò arenam perfringeret. Quod si vel in latentes scopulos, vel in vada inæqualia incurrisset (quod omnes ne accideret subinde extimescebamus) certè facto naufragio interissemus universi. Multum ibi lacrymarum vidi, multum sollicitudinis & angoris, cum omnes in singula momētâ mortem expectarent. Verùm noluit Deus nos perdere, sed periculis erudire; ut usu docti intelligeremus, quàm infirmæ sint opes nostræ, quoties aut nostris viribus, aut præsi-

dijs nitimur humanis. Nam ubi senseris, quàm fallaces sint spes tuæ, & humanis opibus omnino diffusus in illo rerum omnium Moderatore, qui unus pericula ipsius causæ suscepta facilè propulsare potest, spem omnè posueris; tum verò planè experiaris, Dei imperio ac nutu omnia gubernari, & quantumvis vitæ discrimen præ cælestibus gaudijs, quæ in tali re ac tempore divinitus impertiri solent, esse contemnendum. Quamquam ne mors quidè ipsa pertimescenda est ijs, qui divinâ illâ voluptate perfruuntur. Et si autem fit, nescio quomodo, ut periculis perfunctionum magnitudinem nullis verbis consequi possimus; manet tamen jucundissima beneficii divini memoria, quæ nos dies noctesque stimulat ad labores pro optimo Domino vel suscipiendos libenter, vel fortiter perferendos: & simul efficit, ut eum in omni vita veneremur; sperantes fore, ut idem pro sua infinita benignitate vires nobis & animos addat, quò tam benigno Domino operam sedulò constantèrque navemus.

Cum essem Malacæ, incidi in mercatorem Lusitanum, recentem ex opulentissimo Regno Sinarum. Is mihi narravit, se ab homine Sina, honesto sanè & gravi, atque in urbe regia satis versato interrogatum. Num Christiani suillâ carne vescantur; respondisse,

Chri-

Christianos quidem suillam non aspernari; se tamen libenter auditurum, cur tandem id sciscitaretur. Tum Sinam dixisse, nationem esse quamdam in medio Sinarum Regno montibus inclusam, moribus institutisque longè abhorrentem ab Sinis, quæ ab suilla penitus abstineret, & multos dies festos solemni ritu celebraret. Hæc mihi mercator cum exposuisset, non satis conicere potui, utrùm hi, quos Sina describebat, Christiani essent ex eo numero, qui ritus Hebrææ legis cum Christi religione conjungunt, quales Æthiopes Maris rubri accolæ scimus esse; an Judæi qui sunt toto terrarum orbe dispersi. Nam Saracenos non esse, audio constare inter omnes. Complures mercatores è Malaca in Sinas commeant quotannis; horum multis ego mandavi, ut diligenter cognoscant, qui tandem sint illius gentis mores, qui ritus, quæ leges & instituta, ut his tandem vestigijs ejus conditionem investigem, exploratumque habeam, Judæine sint an Christiani. Neque enim desunt, qui S. Thomam Apostolum in Sinas penetrasse confirmant, magnamque eorum numerum ad Christi Fidem adduxisse. Nam prius quàm Indiam Lusitani in suam redegerint ditionem, Græca Ecclesia eò mittebat Episcopos, qui Christianos S. Thomæ, ejusque discipulorum operâ propagatos suerentur.

Cum primum igitur Lusitani Indiâ potiri cœperunt, unus ex Græcis Episcopis, quos dixi, affirmasse fertur, sese cognovisse de alijs Episcopis, quos in India invenerit, S. Thomam Sinarum fines ingressum eorum oppida peragrassse, Evangelioq; divulgato; indigenas plurimos Christo peperisse. Cum primum aliquid certi habuero, aut ab alijs compertum, aut meâ operâ exploratum, vos faciam certiores:

Antequam Malacâ discederem, cognovi Goam appulisse tres è Societate, qui cum suis litteras quoque Romanas ad me perferendas curarunt. His ego perlectis, enimverò triumphavi gaudio, quod ea, quæ maximè vellem, de Societatis rebus acceperam. Et quoniam ex tribus illis unus venerat, ut in Collegio S. Fidei alumnos litteras doceret, reliqui duo, ut ibi potissimum versarentur, ubi maximo rei Christianæ emolumento mihi viderentur futuri; confestim ad eos scripsi, ut relicto Goæ alumnorum magistro, ceteri pergerent in Promontorium Comorinum, ibique cū Francisco Mansilla Neophytos erudirent. Nunc verò mutatâ sententiâ, eos in Molucas insulas anno proximo venire jubeo: quod videâ his locis Christianæ religionis propagandæ opportunam longè majorem.

Molueus regio est medicis ac propè innu-

mera

merabilibus discreta insulis: nec satis adhuc exploratum est, an pars ejus aliqua sit in continenti. Omnes fermè insulæ vicis frequentibus habitantur. Incolæ porro ipsi facillè se adjungerent Christo, nisi hortatores decissent. Nimirum si aliquod in his locis esset Societatis domicilium, pleriq; Christiana sacra susciperent. Itaque omnino decrevi efficere, ut in hisce ultimis terris aliquâ tandem ratione sedes collocetur nostris hominibus: jam nunc enim prospicio, quot populos ea res Christo sit aggregatura.

In hac Insula Amboino Ethnici longè plures sunt Saracenis, atque ab eis acerbo dissident odio. Quippe illos Saraceni aut Mahometis ritus suscipere, aut sibi servire cogunt: Ethnici autem plerique, utpote qui magis etiâ Mahometis nomen oderint, quàm jugum servitutis, illorum superstitionem repudiant funditus. Si essent, qui eos instituerent ad veram religionem, haud magno negotio ad Christi ovile aggregarentur; longè enim minùs à Christi, quàm à Mahometis nomine abhorrent. Septuagesimo ab hinc anno Mahometica pestis invasit hanc insulam, cum ante id tempus incolæ omnes essent Ethnici. Id malum nonnulli Mahometis antistites (Cacizes vocant) invexerunt, qui è Meca Arabiæ urbe (ubi execrandum Mahometis corpus summâ superstitione

colitur) profecti, cum in hæc loca sese insinu-
assent, magnam hominum multitudinem ad
suam pertraxere sectam. Saraceni indigenæ
penitus rudes, & ignari sunt pestilentis illius
disciplinæ, quam sequuntur. Itaque in spem
venio fore, ut facile abducantur à Mahometi-
cis ritibus. Hæc omnia eò fusiùs ad vos scri-
bo, ut huiusce meæ sollicitudinis participes,
magnum, ut par est, capiatis dolorem ex tam
miserabili tot animorum interitu, qui omni
ope destituti quotidie pereunt. His opitula-
ri qui cupiunt, ne cunctentur. Nam ut li-
ceris ceterisque facultatibus non sint satis in-
structi; satis tamen erunt ad hoc munus pa-
rati, si in animum induxerint suum, huc Chri-
sti unius causâ venire, cum hisce hominibus
versari, atque in huius tam præclari studij
contentione extremum spiritum edere. Hoc
animo si duodeni tantùm quorannis venirêt,
næ ista Mahometis secta funditus deleteretur,
ac brevî ad Christi Fidei se adjungerent o-
mnes. Ita demum fieret, ut haudquaquã tam
nefarijs impijsque sceleribus Dei numen ab
hac gente violaretur propter veræ religionis
inscitiam. Etenim qui hanc insulam colunt,
ferè sunt homines immares ac barbari, perfidi-
diâ insignes, & mirandum in modum ingrati.
Sunt etiam insulæ nonnullæ in hoc maris tra-
ctu, quarum incolæ humanâ carne vescun-
tur,

eur, præsertim hostium, qui in pugna ceciderint. Quòd si quis domesticorum morbo intersereat, à cetero quidem abstinent corpore, sed manus ac pedes præcisos in delicijs habent. Atque etiam (si famæ libet credere) eò immanitatis progrediuntur, ut si cui lautius convivium sit apparandum, postulet à vicino patrem natu grandem, quem jugulatum vicinis ad epulandum apponat: postulet autem eà conditione, ut ipse vicissim parem gratiam repromittat ei, à quo hoc beneficij petit, si quando is voluerit consimile instruere convivium. Tantà porrò sunt, tàmque inmani libidine, ut omnes suscipiant impuritates. Intra mensem proficisci in insulam cogito, ubi præter inaudita flagitia, facinus utrumque, committi vulgò solet, ut & cæsos in prælio comedant, & parentes affectâ ætate vicinis mutuos dent ad epulas. Causa proficiscendi est, quòd eos à tam nefarijs sceleribus ac flagitijs ad Christianam pietatem converti velle cognovi.

Insulæ sunt mirâ cæli temperie, proceris densisque arboribus frequentes, crebris imbribus irrigatæ, præruptis undique munitæ rupibus, arduæque & excelsæ adeò, ut incolis haudquaquam opus sit mœnibus ad hostium impetum propulsandum. Cùm enim bellum ingruit, satis tutos se fore confidunt, si se ad

rupes recipiant suas : quarum calles usque
eò ardui sunt & saxis impediti , ut nullus a-
pud eos equorum usus nec sit , nec esse possit.
Ceterùm crebri ibidem terrę motus existunt,
adeò ingentes, ut qui fortè prætervehuntur,
naves suas objectis cautibus occurfare cre-
dant. Accedit terrę fremitus tantus , ut in-
crediblem omnibus terrorem incutiat. Mul-
tę ex his insulę procul emittunt ignem: flam-
mas autem evomunt tanto fragore, quantum
nulla tormenta ænea , quamvis magna, edere
solent, cum summâ vi jaculantur globos : hu-
jus quippe ignis vi atque impetu ingentia sæ-
pè saxa jactantur. Voluit Deus videlicet ijs,
quos nemo de pœnis impiorum admonebat,
quasi Inferorum sedem aperire , speciẽmque
præbere quamdam illius incendij , quo sunt
scelēsti homines perpetuò cruciandi : ut hor-
rendo illo spectaculo admoniti tandem intel-
ligerent, quæ illos manerent supplicia, nisi ex
nefarijs sceleribus ac flagitijs emergerent.
Hę insulę omnes inter se differunt linguâ, at-
que etiam nonnullarum incolę non eodem
omnes, sed pagi alij alio sermone utuntur.
Verumtamen Malacensem linguam propter
commercium intelligunt omnes. Quocircà
cùm adhuc essem Malacę, Symbolum Apo-
stolorum cum apposita explicatione, commu-
nis Confessionis formulam, Orationem Do-
mini.

minicam, Salutationem Angelicam, & decem Legis Præcepta in Malacensem sermonem vertenda curavi; ut me de rebus divinis verba faciente apud eos, planius intelligerent, quæ dicerentur. Nulla ferme habent monumenta litterarū: nec scribere vulgò norunt, nec legere: pauci in scribendo Arabicis notis utuntur, verbis Malacensibus. Arabes quippe Mahometicæ superstitionis Antistites, quos Cacizes seu Alfaques appellant, nonnullos indigenas scribendi rationem nuper docuerunt, ut hodie docent. Nam ante Mahometis ritus in vestros, nullus omnino apud incolas usus erat litterarum.

In hac insula Amboino rem vidi incredibilem, & ante hoc tempus inauditam, quam fortassis operæ pretium erit cognoscere. Caprum, inquam, vidi lacte suo parvos alentem hœdos: ubere enim, quod prope genitalia, unicum habet, tantum lactis reddebat quotidie, quantum scutella capere potest. Ego ipse rem perspexi his oculis; neque enim aliter, ut crederem, adduci potuissem. Hunc caprum Lusitanus quidam vir honestus secum asportat eo consilio, ut in Lusitaniā mittat.

Sed ut ad iter meum revertar, vos ego Patres Fratresque charissimi per Christum Jesum, rerum omnium Dominum, per sanctissimam ejus Parentem, per cælestes cives, qui

æternâ gloriâ fruuntur, oro quæsoque, ut mei memores, assiduè pro me summo studio deprecemini Deum. Videtis enim profectò quâto mihi præsidio opus sit. Ac sæpenumerò sensi, in multis corporis animique periculis vestras mihi preces salutis fuisse. Equidem ne mihi ex animo excideretis, vestrum omnium nomina, vestro chirographo in epistolis ad me missis subscripta, simul cum solempni meæ professionis formula circumgesto: & pro singulari voluptate, quam percipio ex tã jucunda recordatione, primùm Deo, ut par est, gratias ago, deinde vobis Patres Fratresq; suavissimi, quos Deus tot ac tantis virtutibus ornavit. Et quoniam confido fore, ut vobis haud paulò jucundiùs fruam in æterna vita, pluribus in præsentia vobiscum agere supersedeo. vi. Idus Majas. M. D. XLVI. Ex Amboino.

EPISTOLA IV.

R. P. Ignatio Lojolæ Præposito Generalis
Societatis JESU, Romam.

Summarium. Petit virum à quo excitetur idoneos operarios, & jam pridem postulata. Consilium suum Japoniam tentandi, Superiores in Missionibus renuntiandi, Ignatio plurimum tribuens, exponit.

Gratia & Charitas D. N. &c.

DEVS

DEVS mihi conscius est, quantoperè in hac quoque vita te videre expetam, Pater charissime, ut tecum multis de rebus communem, quæ tuam opem ac remedium desiderant: nulla enim locorum spatia obstant obedientiæ. Video in his locis è Societate esse permultos: rursumque nos animorum nostrorum Medico multum egere video. Per ego te Jesum Dominum oro & obtestor, Pater optime, ut his quoque filiis tuis, qui in India versamur, prospicias; virumque mittas aliquem virtute ac sanctitate præstantem, cujus vigor & alacritas torporem excitet meum. Magna me spes tenet, quoniam divinitus animorum nostrorum affectiones tute perspicis, abs te operam datum iri diligenter, ut omnium nostrum jam languescens virtus ad perfectionis studium vehementius incitetur.

Nihil magis hæc terra ab Societate nostra, quam Concionatores desiderat. In his, quos huc magister Simon submisit, nemo est (quod sciam) Concionator. Lusitani autem Indiam incolentes, pro suo egregio erga nos studio ac benevolentia, idoneos nostræ Societatis Concionatores exoptant mirum in modum. Proinde te per Deum ejusque cultum obtestor, ut tam pij justique illorum postulati memor, aliquot huc mittas Patres ad id munus appositos, qui rectum errantibus salutis iter

ostendant. Quos præterea è Societate missurus es, ut Evangelij causâ Ethnicorum vi-
cos peragrent, hos tam spectatâ probitate oportet esse, ut tutò & comitati ire possint & soli, quocumque eos Christiana res vocet, velut in Molucum, in Sinas, in Japoniam. Vel ex Sinarum & Japoniæ, earumque gentium descriptione, quam his inclusam litteris ad te mitto, faciliè intelliges, cujusmodi tandem ipsa res expectat viros.

Pontificias Indulgentias, privilegiûmque Aræ maximæ nostri Collegij, item potestatem sacerdotibus, ut remotos populos Chrismate inungant pro Episcopo, de quibus ad te superioribus annis scripsi, incredibiliter expectamus. De Quadragesima usus me docuit, nihil admodum necesse esse quicquam immutari. Nam Lusitani adeò locis disjuncti sunt in India, ut si commodum spectes publicum, nullâ immutatione opus sit. Neque enim hiems eodem tempore per omnes Lusitanorû civitates atque oppida vagatur. Quare habitâ communis boni ratione, satius duco, nihil decerni super ea re novi, etsi video non deesse qui contrâ sentiant.

Nondum planè constitui, utrûm ego ipse cum uno aut altero è Societate Japoniâ post sesquiannum petam, an eò duos è Societate præmittam. Nam certum est mihi aut ire,

aut alios mittere : atque ut nunc est , inclinat
 animus in consilium eundi. Deum oro , ut
 quod magis ei cordi est , id liquidò præscribat
 mihi. E tribus Socijs , qui Molucū petierunt ,
 visum est unum eligere , qui præset ceteris.
 Itaque Joannem Beirā delegi , cui reliqui ob-
 temperarent non secūs ac tibi. id illis pergra-
 tum accidit. Idem in Promontorio Como-
 rino , ceterisque locis , ubi plures è Societate
 versantur , instituere cogito. Tu velim tuā
 tuique studiosorum deprecatione nobis in
 hac barbarie versantibus cælestem implores
 opem. Quod ut facias impensius , Deum
 immortalem oro , tibi ut ostendat divinitus ,
 quantum ego tuæ vel opis , vel operæ indigeā.
 XIII. Kalendas Februar: Anni à Christo nato.
 M. D. XLVIII. Cocini.

EPISTOLA V.

M. Simoni Roderico , in Lusita-
 niam.

*Summarium. Docet quales esse oporteat , qui
 Indiam petunt. Saluberrimam Regi proponit
 meditando materiam. Denuntiat ipsi instare
 mortem (paulò post obiit Rex) rogatum eundē
 cupit , ut suis per Indiam ministris , ante alia
 omnia , Christianæ Religionis imponat curam.*

Gratia & Charitas D. N. &c.

MAndo tibi , Frater charissime , ut pro tua
 ergo

erga JESVM amore mittas huc aliquot è nostra Societate Concionatores. Hujuscemodi enim hominib9 maximè opus est in India. Ex omnibus, quos misisti nuper, neminem adhuc vidi, præter Joannem Beiram, P. Riborum, Nicolaumque Laicum, qui sunt in Moluco, & Adamum Franciscum, qui est Cocini. Percontanti mihi de ceteris, responsum est, inter eos idoneum concionibus habendis esse neminem. Illud quoque te per Deum obtestor, ut delectum habeas eorum, quos huc submitte ad conversionem Ethnicorum. Probata probitatis ac spectata virtutis viros deligas necesse est, qui scilicet aliquot annorum spatio retulerint multas egregiasque de seipsis victorias. Eosdem autem non infirmos, sed validos esse oportebit: Indici enim labores non animi solum virtutem, sed corporis etiam vires desiderant. Nimirum magnam Rex à Deo iniret gratiam, si in Indiam mitteret Concionatores è nostra Societate quamplurimos; adeò Indorum gens universa rudis est & imperita. Hæc ad te scribo pro usu, quem horum locorum jam habeo. Quod si fortè Christianæ religionis propagatio in Ethnicorum regnis magnas habere videtur difficultates, cave propterea ab incepto deterrearis; prima quippe ac porissima difficultas in nobis est. Itaque nostros homi-

homines primum, deinde Ethnicos curandos censeo. Quæso te, in annum proximum elabora quantum potes, per Deum, ut Concionatores habeamus idoneos. De rebus Indicis nihil ad te scribo, quod Malaca in Indiam redij octo ab hinc diebus; neque dum quicquam ferè de ijs cognovi: quæ autem cognovi, ejusmodi sunt ut cognosse poeniteat. Comites mei, ut opinor, de hisce rebus omnibus ad te perscribunt. Quos è Societate ad Ethnicorum conversionem destinabis, tales esse debebunt, ut tutò vel comitati vel soli mittantur quocumque opus sit, sive in Molucum, sive in Sinas, sive in Japoniam, sive in Regnum Peguanum, sive aliò. Apud quamvis harum gentium homines etiam non litteratissimi, modò egregià virtute præditi, egregiam Deo navare operam possunt.

Vnum est, de quo pro suis plurimis ac maximis erga Societatem nostram promeritis Regem Lusitanix admonitum velim; cujus præcipuè interest, suorum primum, deinde Ethnicorum, qui in ejus ditione sunt, salutem consulere. Exopto inquam, ut Rex tum divini cultûs gratiâ, tum verò ad animum suum religione exolvendum, omnibus Indix oppidis, quæ Lusitanis tenentur præsidij, Concionatores, sive ex nostris hominibus, sive ex Franciscanis, sive ex Dominicanis idoneos cogat,

gat, qui ceteris expediri curis, ac soluti, Dominicis ac festis diebus antemeridiano tempore de Evangelio verba faciant ad Lusitanos; pomeridiano verò eorum servis & ancillis, indigentisque Neophytis capita explanent Fidei: semel etiam in hebdomada apud Lusitanorum uxores ac liberos de Symboli articulis, de Sacramentis confessionis & Communionis sermonem habeant: usque enim didici quantoperè ea institutio sit his locis necessaria.

Si Regem à meis fidelissimis atq; amantissimis consilijs non abhorreere arbitrarer, saluberrimum ei darem consilium, ut quotidie per quadrantem horæ divinam illam sententiam meditando: *Quid prodest homini si universum mundum lucretur, anima verò sua detrimentum patiatur*, germanam ejus intelligentiam à Deo peteret, cum sensu animi interiore conjunctam, & simul suarum precationum omnium illam vellet esse clausulam: *Quid prodest homini si universum mundum lucretur, & quæ sequuntur*. Tempus jam est hunc Regi errorem eripiendi, quoniam propius quàm ipse existimat, abest hora, quâ illum Rex regum, & Dominus dominantium ad rationem reddendam evocaturus est, illud intonans: *Redde rationem sollicitationis tue*. Quare effice, ut mittat necessaria ad Fidei propagationem auxilia in Indiam.

Vna

Vna mihi omnino via ac ratio, pro usu quē habeo, videtur esse religionis in India propagandæ, ut Rex omnibus Indiæ Prætoribus edicto denuntiet, se nulli tam confidere in India, quàm ijs qui Christianæ religionis fines omni ope proferre nituntur. Quocircà mandare se atque imperare, ut Ceilanum Insulam ad Christi Fidem adducendam, Neophytorum numerum in Comorino Promontorio augendum, curent sedulò. Proinde viros religiosos conquirant undique, & nostræ Societatis hominibus, itémque ceteris, quibus visum erit, ad divini cultûs amplificationem utantur. Quòd si fortè in hoc genere Prætores negligentes se præbuerint ac socordes; terrorem eis incutiat, ac jurejurando confirmet (magnam enim inibit à Deo gratiam jurando; majorem etiam eo quòd jurarit, exequendo) nisi animum ipsius religione exoluerint, re Christianâ in India quàm maximè propagatâ, simul atque Olyssiponem reverterint, eorum socordiam publicatione bonorum, & diuturno carcere multaturum. Id si Rex edicet Prætoribus, & simul edicti contemptores feverè accipiet, certè plerique, Deo juvante, conferent se ad Christi Fidem: sin minùs, nihil admodum proficietur. Habes super hac re quid sentiam; cetera taceo: hoc unum dico, si fiet quod fieri expeto; ab injurijs ac disreptio.

reptionibus vindicabuntur miseri Neophyti; ceteri haud ægrè ad Christi Domini ovile compellentur. Nam in Christiana Fide propaganda, si Regis aut Prætoris desit auctoritas, profectò opera luditur. Crede mihi assermanti, & plusquam satis erat, experto. Cur ita accidat, scio: sed dicere non est neesse. Duo cupio videre in India, primùm Prætores eâ quam dixi lege devinctos; deinde in omnibus Lusitanorum præsidijs probos Concionatores. Vtraque res scilicet tum Goæ, tum in reliqua India rem Christianam mirificè adjuvaret. JESVS Dominus noster nos perpetuo tueatur. Amen. XIII. Kal: Febr: Cocini.

EPISTOLA VI.

Societati Romanæ.

Summarium. Varia describuntur: Fidei rudimenta passim à Neophytis decantata: magna in Mauricis insulis arumna, & affluentia gaudiorum: immanitas Javarorum: terribilis regio: Molucensium in Xaverium amor: commiserationis in purgantes animas excitanda ritus: Regis Moluci in Christianos animus: ratio instituendi Molucenses: res apud Malacenses gesta: Occasio Fidem in Japoniam inferendi: Xaverij tranquillitas in atroci tempestate: deprecatores apud Deum: asstimatio vocationis in Societatem JESU.

Græ.

Gratia & charitas D. N. &c.

ANno post Christum natum M. D. XLVIII. scripsi ad vos pluribus verbis de insulis Molucis, quæ absunt à Malaca leucas LX. In insula Amboino, ubi Rex Lusitanæ præsidium habet, frequentes habitant Lusitani, qui Molucas insulas obtinent omnium aromatum feracissimas. Quippe clavus, quem cariophyllum vulgò appellamus, nusquam alibi gignitur. In Amboino, ubi sunt septem Christianorum pagi, tres menses sum moratus; quo tempore complures baptizavi pueros, quorum salus magno in periculo versabatur, quia nulla esset sacerdotis copia: nam sacerdos, cujus Fidei commissi erant, multò antè è vita discesserat. Commodum pagos omnes obieram, & infantes baptismo lustraveram, cum septem naves huc appulere, quarum aliquot erant Hispanorum. Hæ profectæ ex nova Hispania, quæ Occidentalis India vulgò dicitur, Caroli Cæsaris missu quærebant novas terrarum oras. Hæserunt Amboini menses circiter tres, mihi que attulerunt occupationum satis. Nā Dominicis ac festis diebus conciones habendæ erant; Confessiones plurimæ audiendæ quotidie, discordiæ sedandæ, ægri visitandi: omnino erant occupationes ejusmodi, ut cum in gente non sancta versarer, & bellicosa, tantos pacis fructus ex ea percipere me posse, diffi-

diffiderem. Immortales Deo gratias ago, qui tam benignè pacem impertit hominibus, prout dicam profitentibus nullam se cum DEO aut hominibus habere pacem. Trimestri spatio exacto, illi Indiam Lusitanorum petiverunt; ego continuò trajeci Molucum, ubi totidem menses consumpsi, diebus festis concionando, assidue excipiendo confessiones, quotidie pueros ac Neophytos Catechismum docendo: Dominicis insuper ac festis diebus Neophytis à prandio Symbolum Apostolorum uberius explicabam. Ita festis diebus binas habebam conciones, alteram inter Missæ sacrificium ad Lusitanos, alteram post meridiem ad Neophytos. Erat sanè cur Deo gratulareretur fructum, qui inde capiebatur: quippe tantus Neophytorum animis divinarum laudum carmina decantandi injectus est ardor, ut Molucenses pueri in plateis, puellæ ac mulieres in tectis, agricolæ in campis, piscatores in mari, pro obscœnis ac vecordibus cantilenis, Christianæ Fidei canerent rudimenta: quæ quoniam in patrium eorum sermonem erant conversa, à novis Christianis æquè & Ethnicis indigenis intelliguntur. Ac Dei beneficio Lusitani hujus regionis incolæ, ceterique tum Christiani tum Ethnici, brevi ita mihi conciliati sunt, ut invenirem gratiam in oculis eorum.

Inde

Inde in insulas, quas Mauricas vocant, transiit, leucas à Moluco LX. In his multi erant Christianorum vici, jam diu inculti, tū quòd absunt ab India longissimè, tum verò quòd indigena Sacerdotem, qui apud eos unus erat, interfecerant. In insulis infantes plurimos baptizavi, & trimestri spatio (tam diu enim ibi moratus sum) lustravi omnia Christianorum loca, eosque mihi Christoque devinxì. Insulæ omnino sunt propter intestina odia, ac bella civilia, periculorum plenissimæ: gens barbara, funditus expers litterarum. quippe nec ulla habet litterarum monumenta, nec quisquam est, qui scribere norit, aut legere. Vulgò quos oderunt, veneno tollunt de medio; atque hac ratione necantur quàm plurimi. Terra est aspera, & sterilis alimentorū: frumento caret & vino: caro quid sit, ferè incolæ ignorant. nulla enim apud eos armenta, nulli greges præter paucos admodum sues, quos mirari magis, quàm gustare licet. Apris abundant: aquæ dulcis magna inopia: orizæ satís est: magna copia arborum, unde panem & vinum petunt: aliæ porrò arbores sunt, ex quarum cortice depexo conficiunt vestem, quâ utuntur omnes. Hæc vobis, Fratres charissimi, eò scripti, ut sciatis, quantoperè hæ insulæ celestibus affluant gaudijs. Nimirum hæc omnia pericula

cula atq; incommoda, Christi Domini nostri causâ suscepta, thesauri sunt cælestibus solatijs refertissimi; sic prorsus, ut has insulas perappositas esse credas, ad lumen oculorum paucis annis ex suavissimi fletûs suavitate, perdendum. Equidem numquam alibi nec tam liquidis perpetuisque animi voluptatib; perfusum esse me memini, nec tam leviter labores omnes, & ærumnas corporis pertulisse; quamquam insulas concursarem cinctas inimicis, cultas ab amicis non fidelissimis, easdémque omnibus vel morborum subsidij, vel vitæ tuendæ præsidij atque adjuventis destitutas; ut Divinæ Spei potius quam Mauri insulæ appellandæ esse videantur.

Gens est in his locis ab Evangelio aliena, Javaro vocant, qui homines quoscumque nacti sint interficere, immortalitatis instar putant. Ac sæpe usu venit, ut cùm alienorû copia desit ad eadē, uxores ac liberos cedant suos. Ijdem ingentes Christianorum faciunt strages. Vna ex ijs insulis tota perpetuis panē moribus terræ cōcuritur: ignēque accinerem evomit. Narrant indigenæ, ignis subterranei tantam vim esse, ut rupes, quibus oppidum est impositum, conflagent totæ. Id adeò verisimile videtur: sæpe enī usu venit, ut saxa ignea erumpant, maximarum instar arborum; ubi autem ventus exi-

fit vehementior, è cavernis tanta vis cineris effunditur, ut viri ac mulieres laborantes in campis domum revertantur cinere oppleti, adeò. ut vix eorum oculi, ora, nares appareant. Dæmones magis credas esse quàm homines. Hæc ego ex indigenis cognovi, ipse non vidi: quamdiu enim ibi versatus sum, ventorum impetus nullus fuit. Illud etiam ex eisdem comperi, illiusmodi ventis per flantibus, tantam copiam afferri cineris, ut complures apros excæcatos opprimat, qui, ubi remisit ventus, passim reperiuntur mortui. Eadem quoque tempestate perhibent inveniri plurimos pisces extinctos in littore, quos videlicet eadem oppresserit pestis. Argumento esse, quòd pisces, qui cinere aspersam hauissent aquam, vulgò interirent. Percontantibus indigenis, quid tandem illud sibi vellet; Inferorum sedem esse respondi, quo detruderentur quicumque colerent Idola. Terræ motus quanti sint, vel hinc intelligi potest, quòd die Archangelo Michaëli sacro, cum in templo sacrum facerem, usque eò terra contremuit, ut pertimescerem, ne ipsa everteretur Ara. Fortasse S. Michaël cunctos illius regionis cacodæmones, divino cultui adversantes, cælesti vi malè multatos fugabat in tartarum.

Omnibus Christianorum pagis perlustratis,

tis, reverti Molucum, ubi tres item menses contrivi, diebus festis binas habendo conciones, alteram manè ad Lusitanos, alteram à prandio ad Neophytos; excipiendo quotidie confessiones tum antemeridiano tempore, tum pomeridiano; Catechismumque prætereà inculcando. Catechismi labore perfusus Dominicis festisque diebus, Symboli capita Christianis indigenis explicabam hoc ordine, ut singula singulis diebus capita explanans in idolorum cultum inveherer. Quarta porro ac sexta ferià ad Lusitanorum uxores indigenas separatim verba faciebam de articulis Fidei, de præceptis Decalogi, de Sacramentis confessionis & Communionis. Erat tum Quadragesimæ tempus, itaq; earum permultæ ad sacrosanctam Eucharistiam accesserunt, quæ ad id tempus accesserant numquam. Sex mensium spatio, quibus Molucæ fui, cum Lusitani eorumque conjuges & liberi, tum verò Christiani indigenæ magnos fecerunt in pietate progressus. Sub Quadragesimam non levibus cum amoris indicijs, non solum à Christianis, sed etiam ab Ethnicis, digressus ex Moluco, Malacam versùs vela feci. Nec verò occupationes in itinere defuere. In insula quadam obvia quatuor Lusitanorum naves cum offendissem, substiti apud eos dies viginti: ter concionem habui;

comp
cem
ceden
plora
navin
id qu
occul
illis f
sus ab
me at
incon
saluti
plo
cunct
Symb
fceren
famil
nas h
hebde
culis
Eucha
Ma
Purga
confe
tur qu
precip
pietat
torem

complures peccatis expiavi; multos ad pacem & concordiam adduxi. E Moluco decedens, ut amicorum Neophytorumque contemplationem vitarem in digressu, repente navim de media nocte conscendi. Verum ne id quidem satis fuit ad profectionem meam occultandam. Ne multis. Deprehensus ab illis sum. Tum verò nocturnus ille digressus ab ijs, quos Christo pepereram filijs, sic me affecit, ut magnopere vererer, ne quid incommodi meus discessus afferret illorum salutis. Ergo eis præcepi, ut certo in templo Catéchismi exercitationem urgerent cuncti quotidie; Neophyti autem brevem Symboli explicationem à me traditam ediscerent. Sacerdos quidam pius mihi que per familiaris hoc suscepit oneris, ut eis per binas horas quotidie operam daret, & semel in hebdomada ad Lusitanorum uxores de articulis fidei, Sacramentisque confessionis & Eucharistiæ sermonem haberet.

Malaca cum essem, perfecti ut mortui in Purgatorio cruciati, itémque vivi lethali conscientia vulnere affecti commendarentur quotidie sub noctem per compita piorum precibus. Quod quidem ut excitabat ad pietatem bonos, ita improbis injiciebat terrorem. Adeam rem civitas certum hominem constituit, qui quotidie nocte altera

manu laternam, alterâ tintinnabulum tenebat, ut obiret urbem; & in compitis ac vijs identidem magnâ voce carmen hujusmodi decantaret: *Orate pro animis fidelium Christianorum, qui in Purgatorio torquentur.* Deinde illud adjiceret carmen: *Orate pro ijs quoque, qui lethali peccato oppressi relevari non possunt.*

Rex Moluci Saracenus, Regis Lusitani preter imperio, idque sibi honoris ducit. Proinde illum nominans, vulgò Dominum suum appellat; idem loquitur perbene Lusitanice. Molucus regio non in continenti est, sed tota insulis constat: Insulæ autem præcipue omnes sunt in ditione Saracenorum. Rex ipse quò minus Christianus fiat, non tamen Mahometis religione impeditur, quàm libertatis ac liberioris vitæ licentiâ: ceteroquin Saraceni nihil habet, nisi quòd præputiis caret à puero, & centies duxit uxorem; centum quippe habet conjuges, præter innumeras pellices. Saraceni Molucenses disciplinæ Mahometicæ sunt planè rudes, carent ferè Cacizibus; pauci, quos habent, imperiti sunt, & peregrini. Rex amicè admodum me amplectebatur, sic ut ejus regni proceres iniquo id animo ferrent. Expetebat amicitiam meam, spem ostentans suscipiendæ aliquando Christianæ religionis; re-

gab
Oz
dem
& fo
eamo
invis
ri vi
tui,
ptess
hab
cond
catu
A
cum
xime
quen
Mal
itaq
cerd
facar
dem
men
cunc
fore
hunc
Aug
Mal
docu
quen

gabátque ne ab se propter Mahometicæ sectæ notam abhorrerem: quippe ajebar eundem à Saracenis & Christianis colere Deum, & fore aliquando tempus, cum utrique in eandem coirent religionem. Quoties eum invisebam, summopere meo congressu lacerari videbatur: numquam tamen efficere potui, ut fieret Christianus. Hoc tamen expressi, ut polliceretur se unum è liberis, quos habet plurimos, ad Baptismum daturum, eâ conditione, ut is deinde Christianus Mauritarum insularum regnum obtineret.

Anno M. D. XLVI. profecturus in Molucum scripsi ex Amboino ad Socios, qui proximè è Lusitania venerant, ut anno insequenti eorum aliqui navibus, quæ ex India Malacam petiturae essent, eò transmitterent, itaque fecerunt. Tres è Societate, in his Sacerdotes duo, Joannes Beira, & Ribera, Malacam tenderunt peropportune, cum ego eodem ex Moluco reversus appellerem. Unum mensem una fuimus, cum maxima meâ jucunditate. Ego verò non diffido tales eos fore, ut in insulis Molucis magno sint emolumento rei Christianæ. Molucum versus Augusto mense soluerunt. iter est bimestre. Malacæ cum essent, eos de Moluci moribus docui. Pro usu quem habebam, præscripsi quemadmodum se cum illa gererent natione.

26. Tam longè absunt ab India, ut scribere
dumtaxat in anno litteras ab eis accipere
possimus. Eisdem mandavi, ut quotannis
de Christianæ religionis illis in locis amplifi-
catione, deque spe, quæ in posterum osten-
ditur, perscriberent Romam: receperunt se
esse facturos.

Quatuor ipsos menses Malacæ substiti, in
doneam tempestatem ad trajiciendum in In-
diam expectans. quod tempus spiritualibus
occupationibus vacuum non fuit, ut eum om-
nibus unus satisfacere nequirem, nonnul-
lorum subirem simulcates; quæ cum ex pec-
catorum pœnitentia nascerentur, nihil mihi
offendebant, delectabant potius, quod san-
ctum eorum consilium declararent. Mulu-
tum etiam temporis ponebam in discordiis
inimicitiasque tollendis, quæ inter Lusitanos
viros bellicosos faciliè existunt. Catechismo
absoluto, pueris ac Neophytis Symboli ex-
plicationem inculcabam patrio ipsorum vul-
gique sermone, ut perciperetur ab omnibus.
Idem antea in Moluco feceram, ut eversâ
Idolorum superstitione, in eorum animis fir-
ma jacerem fundamenta Christianæ religio-
nis. Hæc explicatio uno anno tradi como-
modè potest, vicena circiter quotidie verba
inculcando, ut à rudibus Neophytis faciliè
mandentur memoriæ. Nam interea histo-

ria de Christi adventu sapius iteranda est, ut una cum explicatione penitus infideat atque hereat in mentibus. Ita demum veritatem agnoscunt, & fabulas ac veneficia, quæ tum veteres, tum recentes Ethnici commemorant, execrantur. Mandavi diligenter certo Sacerdoti, ut mei muneris Vicarius quotidie antemeridianis horis, eadem illa ibidem inculcaret; qui se facturum recepit. spero fore, ut res Deo favente cursum teneat suum. Discedenti mihi Malacâ primarij cives vehementer institerunt, ut eò duos è Societate mitterem, qui apud se suasque conjuges & Christianos indigenas, sacras conciones haberent, itémque suis liberis, servis, ancillis Christianam doctrinam traderent meo loco. Id illi tantoperè efflagitârunt, ut tam pio postulato, hominum præsertim de nostra Societate optimè meritorum, omni ratione satisfaciendum putem.

Aprili mense anni M. D. XLVIII. (hoc enim tempore naves Malacam, & Molucum petentes ex India solvunt) Malacæ mercator Lusitanus, vir magnâ religione ac fide, mihi de insulis permagnis (Japoniam eam regionem vocant) nuper repertis multa narravit. Ibi in Christi cultu propagando longè plùs, quàm in quavis Indiæ parte profici posse, quòd gens universa sit sciendi cupida præ-

ter ceteras. Cum hoc mercatore Japon qui-
dam venit (Angeri nomen est) qui ex ser-
mone cum Malacensibus habito, me conve-
nire statuerat. Is cum in Japonia pro fami-
liaritate Lusitanis quibusdam institutoribus
conscientiæ suæ aperuisset vulnera, petivit ab
eis remedium aliquod sanandi animi, Deique
placandi. Itaque auctores illi fuerunt, ut
ad me Malacam veniret: paruit ille, & in
eorum conscendit navim. Sed quo tempo-
re is Malacam appulit, ego versabar in Mo-
luco. Ergo ille re cognitâ, domum reverti-
sur tristis. Erat jam in conspectu Japonia,
eum repentinè exortâ tempestate, non sinè pe-
riculo adversus ventus eum rejecit Malacam.
Ibi de meo reditu certior factus, summo
Christianæ religionis cognoscendæ studio
me convenit. Lusitanicæ linguæ haud rudis
est: itaque sinè interprete inter nos ageba-
mus. Si ceteri Japonenses similiter ut Anger-
a vidi sunt discendi, profectò omnibus, quot-
quot repertæ sunt gentibus, ingenio antecel-
lunt. Is cum Catechismi explicationi inter-
esset, accuratè sanè Symboli capita referebat
in libellum. Sæpe etiam in templo in cœtu
populi, quæ edidicerat, memoriter recitabat,
& multa acutissimè percontabatur; omni-
no est sciendi percipidus, quod ad percipi-
endam brevî veritatem plurimum valet.

Octavo, quàm Malacam venerat, die, in Indiam contendit. Equidem optabam, ut in eam, quâ ego vehebar, navim conscenderet; sed pro familiaritate, quæ illi intercedebat cum alijs Lusitanis petentibus Indiam, homines amicissimos de se optimè meritos relinquendos non putavit. Cocini hominem expecto intra decem dies.

Percontatus sum ex Angore, quem dixi, utrùm si in Japoniam cum eo profectus essem, censeret incolas Christi sacra suscepturos. Et ille, populares quidem suos non continuò his quæ dicerentur assensuros esse respondit, sed multis interrogationibus exploraturos, quid afferrem religionis; maxime verò utràm dictis facta congruerent. Quòd si duo illa præstarem, ut & consentaneo sermone satisfacerem ipsorum percontationibus, & probitate vitæ eorundem reprehensionem vitarem; denique re perspectâ & cognitâ Regem, nobilitatem universam, civésque ceteros adultos ad CHRISTVM utique se aggregaturos; gentem enim eam esse, quæ ducem sequatur rationem. Mercator deinde Lusitanus meus necessarius, diu in Japonia versatus, commentarios mihi sanè diligenter scriptos reliquit de terræ descriptione, gentisque moribus, deque ceteris rebus, quas partim ipsemet viderat, partim

cognoverat ex auctoribus sanè idoneis. Ego commentarios his inclusos litteris ad vos mitto. Quotquot huc ex Japonia redeunt Lusitani mercatores, mihi confirmant, me si ed' trajecero, haud paulò melius illis in locis, quàm in India operam positurum; quippe cum futura sit res cum natione, quæ faciliè obtemperet rationi. Prasagire videtur animus, me aut alium è Societate ante biennium in Japoniam iturum: etsi iter est periculosum, cum propter incredibiles maris illius tempestates, tum verò propter Sinarum prædonum atrocinitia; ut multæ naves partim à fluctibus, partim à piratis intereant. Proinde, Patres ac Fratres charissimi, incolumitatem nobis à Deo precamini. eiusmodi navigationem suscepturis, in qua plurimi intereant. Interim Anger Lusitanam linguam perdisceat: indicas Lusitanorum opes, Europæorum artes, nostramque vivendi rationem cognoscat: ritè comparabit se ad Baptismum, mihi que in Catechismo, copiosaque de Christi adventu explicatione Japonicè vertenda operam dabit; siquidem perbene scribit Japonicè.

Octavus est dies cum perveni in Indiam, necdum socios visere mihi licuit. Itaque de fructu ex his regionibus me absente percepto, quod scribam nihil habeo: socios ipsos

suâ

sua sponte de suis ad vos rebus scripturos ar-
 bitror. E Malaca in Indiam revertens, ma-
 gnis sum defunctus periculis : quippe navis
 trium dierum totidémque noctium tempe-
 state jactata est tantá, quantam numquam
 videre me memini. Complures è vectoribus
 jam mortem suam deplorantes vovebant, si
 divinâ ope exempti essent periculo, num-
 quam omnino in posterum navigaturos.
 Mercatores vitam redimere coacti sunt cun-
 ctarum mercium jacturâ. Ego cum tempe-
 stas maximè sæviret, Deo supplicans depra-
 catores adhibui, ex terris quidem primùm
 nostræ Societatis homines, ejusdémque stu-
 diosos, deinde Christianos universos, expe-
 tens per Christi Sponsam Ecclesiam, cujus
 etiamnum in terra morantis assiduæ preces
 audiuntur in cœlo, cœlesti Regi quàm dili-
 gentissimè commendari. Inde Superos or-
 dine imploravi omnes, ac præcipuè Petrum
 Fabrum, cum ceteris nostris ; ut cum vivis
 tum mortuis deprecatoribus uterer ad iram
 divini Numinis leniendam. Denique omni-
 bus vel Angelorum ordinibus, vel sancto-
 rum hominum gradibus sigillatim implora-
 tis, quò facilius delictorum meorum innum-
 erabilium veniam impetrarem, sanctissi-
 mam Dei Parentem patronam adhibui, quæ
 cœli Regina nullo negotio quicquid orat fi-
F 5 lium,

lium, exorat. Ad extremum spe omni in
immemis Christi Domini ac Salvatoris nostri
promeritis collocatâ, tot tantisque præfidijs
circumseptus longè majore perfruebar volu-
ptate in horribili illa tempestate periclitans,
quàm deinde præfenti periculo liberatus.
Me sanè pudet nequissimum omnium mor-
talium in ultimo discrimine præ cœlesti lati-
tâ tantam lacrymarum vim profudisse. Ita-
quæ dum Christum Dominum suppliciter o-
rabam, ne me ex illo periculo eriperet, nisi
ad paria, aut etiam graviora pericula sui ob-
sequij gloriæque causâ reservaret; sæpenu-
mero mihi Deus indicavit interiore quodam
instinctu, quàm multis me vel corporis peri-
culis, vel animi detrimentis prohibuerint
supplicationes ac sacrificia Sociorum, partim
in terris militantium, partim cœlestibus fru-
entium præmijs. Hæc eò pertinent Patres
ac Fratres in Christo charissimi, ut pro tot
tantisque beneficijs, per vos ipsos & Deo &
vobis persolvam quod debeo, quoniam ipse
per me neutiquam sum solvendo. Sermo-
nem de nostra Societate ingressus, neque lo-
quendi, neque scribendi exitum reperio; sed
vel nolentem huic sermoni atque epistolæ fi-
nem imponere navium festinatio cogit. Clau-
sulam autem nullam invenio accommodati-
orem, quàm ut illud profitear, *si oblitus um-*

quam

quam fuero tui Societas JESU, oblivioni de-
sur dextera mea: adeo quantum Socijs uni-
versis, & quam multis nominibus debeam,
perspexi. Ac Deus quidem vestris precibus
adductus hoc mihi tantum beneficij dedit, ut
pro meo captu intelligerem, quantum de-
beam Societati. Neque enim tanta in me
vis atque virtus est animi, quæ tam cumula-
tum promeritum capere possit omnino. Ve-
rumtamen ut aliqua ex parte fugerem in-
grati animi notam, Deus pro sua benignita-
te ac misericordia aliquid mihi, etsi parum,
ejus notitiæ est impertitus. Sed finis sit. Je-
sum Dominum oro, ut quando in suam nos
Societatem adscitos in hac ærumnosa vita
congregavit, tandem in beata illa congreget
æternitate in coelestium Societatem vocatos.
Præsertim cum in hac vita ejus causâ corpo-
ribus adeo distracti simus.

Vos si quid nobis aliquando mandatis, aut
in Moluco versantibus, aut in Japoniam pro-
fecturis, meminisse oportet, ante triennium
& novem menses ad vos perferri non posse
respondum. Ratio in promptu est: nam
vestræ litteræ nono demum mense in Indiam
perveniunt; intercedunt deinde octo item
menses, ut naves idoneâ tempestate petant
Molucum; in prosecutione ac reversione, ut
secundissimâ navigatione utantur, menses

consumuntur XXI. denique ex India post octavum mensem Romam litteræ perferuntur; idque cum ventis ac tempestatibus navigatur secundis: nam interdum propter incommodas tempestates plus anno in Romano itinere ponitur. XII. Kal. Febr. Cocini

EPISTOLA VII.

Jacobo Pereriz, Malacam.

Summarium. Amico commendat studium bona conscientie. Nuntiat binos Socios Malacam venire.

Gratia & charitas D. N. & c.

OMnino libentiùs te vidissem ante tuam in Sinas profectionem, quàm nunc per litteras alloquor absentem; sed Prætor hi-bernare me voluit Gox. Itaque mos ei gerendus fuit. Nam mihi quidem in animo erat in Comorino Promontorio meos Socios interficere. Sanè gavissus essem, si tecum tamquam cum amico fidelissimo coràm quadam super itinere Japonico, quod post annum suscipere cogito, communicare licuisset. Comperi enim bonis auctoribus, posse ex illa regione uberrimos animorum percipi fructus, Christi que Fidem inibi longè ac latè propagari. Mando tibi pro amicitia, ut priùs quàm proficiscaris in Sinas, mercem quam-

quamdam compares sanè pretiosam, quam Malacenses Sinæque mercatores ferè negligunt, bonam dico conscientiam, quæ istiusmodi hominibus parum admodum est nota. Vulgò enim mercatores ita sibi persuadent, si animorum suorum conscientiaque suæ negotium agant, se continuo decocturos. Ego tamen Deo adiutore futurum confido, ut Jacobus Pereria, meus amicissimus, magnæ bonæ conscientiaæ secum afferens merces, locupletetur; tametsi ceteri ejusmodi rerum incuriâ ad egestatem redigantur. Equidem Deum orare non desistam, ut te & deducat in Sinas, & inde ad nos reducat incolumem, auctioremq; ac locupletiozem animi bonis, magis utique quàm fortunæ. Mitto istuc Malacam Socios duos, alterum (Francisco Peræ nomen est) Sacerdotem, qui meo instituto concionibus, confessionibus, institutioni puerorum ac rudium det operam: alterum hujus administrum, qui Lusitanorum liberos imbuat litteris; quò posthac pios ac salutare libellos lectitent citius, quàm codices litigiosos Malacensium, quibus legendis pueri fiunt Malacenses è Lusitanis. Christus Dominus tecum sit, perinde atque ego illum mecum esse cupio,

IV. Non. Apriles.

Gox.

Epi-

EPISTOLA VIII.

Francisco Henrico, ip Travanco-
ridem.

Summarium. *Consolatur magnis laboribus
parum proficientem. Detegit damonum alio mi-
grare soædenti fraudes.*

Gratia & Charitas D. N. & c.

EGoverò malle Frater charissime, co-
ram, quam per litteras tecum agere; ti-
bique pro laboribus & incommodis, quæ
Christi causâ sustines, aliquid afferre solatii.
Neque enim ejusmodi solatia profectò expe-
tis, quibus delectantur ij, qui hilariter ju-
cundèque ut vivant, hujus vitæ voluptatibus
perfruuntur. Etenim horum vicem mise-
rari debemus, illorum autem invidere con-
ditionem, quibus, ut Apostolus ait, *dignus
non erat mundus*. Noli mœrere, Frater, quod
minùs, quam velles, in istorum Neophyto-
rum cultura proficias; quippe cum & gens
ipsa, ut scribis, idolorum cultui dedita sit, &
Rex à Christi religione alienus acerbè in-
sectetur Christianos. Plus utique proficis,
quàm tu putas, infantes diligentissimè con-
quisitos cœlo per Baptismum pariendo. Nam
si circumspicere animo voles, repetès pro-
fectò ex Indis, vel albis, vel nigris, paucos in
cœlum pervenire, nisi eos, qui quatuorde-

cum annis minores cum baptismali innocentia excedunt è vitâ. Vidésne, Frater charissime, te, uti dixi, plus isthic, quam putes, proficere? Id adeò cerni in pueris licet, qui abs te baptizati cœlesti jam fruuntur beatitudine, quâ nimirum carerent, si tu ex istis locis discessisses, neque eos per baptismum Christo genuisses. Enimverò sempiternus hostis animorum, te, quem vehementer odit, quamprimum istinc excedere exoptat, ut ex isto Travancoridis regno in cœli regnum nemo vocetur in posterum. Genus est ejus insidiarum, majorem alibi divini obsequij spem ostentare: ut videlicet sollicitet atque avertat eos, qui utiliter ubi sunt, operam navant Deo. Itaque vereor, ne te suo illo artificio aggressus idcirco sollicitet, ut ex istis abigat locis. At memento te octo mensibus, quibus istic versaris, plures animos conservasse, moribundis, infantibus baptizandis, quàm omnibus annis, quibus in Lusitania atque India fuisti. Quare desine mirari, cur tibi tantum faceßat negotij sermo. Quippe ille id agit, id pugnat, ut te de ista regione expellat in aliam, ubi saluti consulas pauciorum. Illud autem scito, quod tibi gratum fore arbitror, Socios complures mense Septembri ex Lusitania advenisse. His ego Goâ discedens imperavi, ut nobis veni-

rent auxilio. Nunc refero me Goam p̄ij cuiusdam negotij causâ; quod si conficere potuero, magna me spes tenet, Christianos factum iri quàm plurimos. Tu Deum depreceris velim, ut tametsi nostra peccata impediant, quò minùs idonei ejus administris simus; ipse tamen pro suâ bonitate infinita, immensâque in homines charitate, ad religionis propagationem nostrâ qualicumque operâ uti ne gravetur. xi. Kal. Novembris, Punicali.

EPISTOLA IX.

P. Ignatio Lojolâ Præposito Generali
Romam.

Summarium. *Accuratè admonet de Religionis & Societatis JESU in India statu. Describit Indorum indolem, labores Missionum, virtutes Operis, nominatim Rectori Collegij Goani necessarias. Narrat loca, quæ Societas excolit. Neophytos contemni docet. Subdit varia de Iaponia. Simonis Roderici optat præsentiam. Petit ut det litteras ad Socios præceptis refectas; & consolatorias ad egregium Operarium. Monet ab Episcopi Socio institutum Seminarium. Sacrum postulat ad S. Petri Ianiculensis. Positis humi genibus scribens precibus Ignatij se commendat.*

*Gratia & charitas Christi D. N. adsit
nobis semper, Amen. Mi Pater in Christi
visceribus unice.*

ETh litteris sociorum, quæ hinc Romam
proximè missæ sunt, certio rem te factum
arbitror, quàm feliciter his locis res Chri-
stiana, vestrà deprecatione, Deique benefi-
cio geratur; tamen videntur etiam nonnul-
læ meæ patres. Itaque pauca quædam de
hisce locis tam procul ab Urbe remotis hac
epistolâ perstringam. Primùm gens omnis
Indica in universum (quantum videre po-
tuit) est admodum barbara, nec quicquam,
nisi suis, hoc est, barbaris moribus consen-
taneum avertit audire: de rerum divinarum,
ac salutarium cognitione nihil admodum
laborat. Ingenio plerique sunt pravo, & à
virtute abhorrenti. Incredibili mobilitate
animi atque inconstantia, fide exigua, ac pe-
ne nullâ: tanta est consuetudo peccandi at-
que fallendi. Hic nos tum in Christianis ex-
colendis, tum in convertendis Ethnicis mul-
tùm elaboramus. Proinde par est nos filios
tuos præcipuè tibi curæ esse, tuisque apud
Deum precibus continenter juvari. Neque
enim te fugit, quantum negotij sit homines
erudire, qui neque Dei notitiam habeant,
neque pareant rationi; sed alienum ac mi-

nimè ferendum putent, avocari à coſuetudine peccandi, quæ jam naturæ vim obtineat propter vetuſtatem.

Hæc loca ſunt ſanè laborioſa, vel propter ſummos æſtatis calores, vel propter maximos hyemis ventos atque imbres. Alimenta atque ſubſidia in Socotora, Moluco, Promontorio Comorino perexigua; labores tum corporis tum animi, propter ingenia hominum, quibus conſiſtendum eſt, ingentes planè atque incredibiles. Linguz inſuper harum nationum haud ſanè faciles ad cognoscendum. Discrimina porrò utriusque vitæ & plurima & maxima. Atqui ut omnes è Societate Jeſu immortales Deo gratias agant, illud liquidò affirmare poſſum, Socios hoſce omnes, eoſdèmq; filios tuos, qui in India verſamur, maximè Deo eſſe curæ, ut divinitus non ſolùm animorum corporumque periculis eximamur; ſed etiam omnibus (id quod omnes ſummopere mirantur) Luſitanis, privatis pariter ac Magiſtratibus, Præpoſitisque Eccleſiaſticis, itèmq; Indis, tum Chriſtianis tum Ethnicis, chari ſimus ac jucundus. Atque Indi omnes, vel Ethnici, vel Saraceni (quod adhuc intelligere potui) ſunt admodum imperiti. Quapropter ijs, qui hæc loca Evangelij propagandi cauſa peragraturi ſunt, non tam liq-

ris opus est multis, quàm virtutibus; maximè verò obedientiâ, perseverantiâ, patientiâ, charitate, eximiâque adversus plurimas peccandi illecebras castimoniâ, denique non vulgari consilio ac prudentiâ ad res gerendas, valetudinêque ac robore animi & corporis, ad perferendos labores & ærumnas. Hæc eò scripsi, quòd necessarium existimem, spectari diligenter virtutes eorum, qui post hac sunt in Indiam venturi. Quòd si qui satis probati non erunt, quæso te, sint ejusmodi, quibus magnopere confidas. Tales enim India desiderat, viros scilicet egregiâ castitate atque humilitate, qui nullam speciem præferant superbiæ atque elationis.

Quem missurus es Rectorem Goani Collegij, alumnorum indigenarum, itémque Sociorum, hunc præter alias Rectoribus necessarias, duabus potissimum laudibus præditum esse oportet. Primum, singulari obedientiâ sic insignis, ut obsequio atque humilitate benevolentiam sibi conciliet Magistratum Præpositorumq; Ecclesiasticorum. Utrique enim, si usquam, his locis observantiam & obedientiam ab ijs, quibus præsent, vel maximè requirunt. Qui nos, si observantes dictoque audientes esse videant, mirificè amplectantur; sin minus, penitus aversentur. Deinde facilitate excellat, affa-

bi-

bilisque in congressu atque sermone sit potius, quàm severus ac gravis, ut animos cum omnium, tum verò alumnorum & Sociorum, quibus præfuturus est, omni ratione devincere sibi & velit & possit. Omninòque ne is sit, qui timeri se quàm amari malit; atque id agat, ut per severitatem atque terrorem, Socios sibi commissos tamquam servos in ditione habeat ac potestate. Istiusmodi enim acerbitas multis exitum, paucis aditum in Societatem patefaceret. Mihi verò nemini vis adhibenda videtur (ni fortè amoris vis & charitas) ad quemquam invitum in Societate retinendum; sed potius à Societatis instituto abhorrentes dimittendos censeo, vel invitos: aptos verò & idoneos benevolè ac leniter tractandos, ut charitate devincti in ea conserventur, & virtutibus ac meritis augeantur; præsertim verò cum in his locis tantum arumnarum Christi Domini nostri causa perferant. Et sanè, ut mihi videtur, Societas Jesu nihil est aliud, nisi Societas amoris atque concordia, à qua profectò acerbitas ac timor servilis longissimè abhorret. Hæc eò spectant, ut virum exquiras huic generi parem & accommodatum; qui talis utique esse debet, ut in imperando obsequendi magis præferat studium, quàm imperandi.

Pro

Pro usu, quem horum locorum habeo, illud mihi affirmare posse videor, per Indiarum indigenas nullam aperiri viam Societatis nostrae apud eos perpetuandae: Christianam autem religionem ipsi, qui hic sumus, superstitem vix futuram. Itaque necesse est isthinc Sociorum supplementa submitti. In omnibus Indiae partibus ubi Christiani sunt, aliquot è Societate versantur: in Moluco quatuor, Malaccæ duo, sex in Comorino Promontorio, Colani duo, totidem Bazaini, in Socotora quatuor. Hæc autem loca distant inter se maximis intervallis, velut Molucus ab urbe Goa leucas amplius mille, Malaccæ quingentas, Comorinum promontorium cc. Colanum cxxv. Bazainum lx. Socotora ccc. Singulis autem locis unus est è Societate, quibus pareant ceteri. Et quoniam qui præsent, viri sunt prudentiæ ac virtute præstantes, à reliquis nihil offenditur.

Lusitani in his regionibus mari dumtaxat potiuntur, & orâ maritimâ. Etenim in continenti nihil habent præter ea oppida, ubi versantur. Indigenæ ipsi, pro peccatorum magnitudine suorum, ad Christianam religionem minimè accommodati sunt. Quippe ab ea sic abhorrent, ut molestissimè ferant, si quando inferamus de illa sermonem: rogari autem ut Christiani fiant, mortis in-

stat

star putant. Itaque in Christianis tuendis opera in præsentia ponitur. Et sanè si infirgiora essent Lusitanorum in Neophytos studia, plurimi ad Christum se aggregarent; sed cum eosdem contemni despicique Ethnici videant, nolunt videlicet fieri Christiani. Quare cum in his locis mea opera minime sit necessaria, cumque ex idoneis auditoribus cognorim, Japonum regionem esse Sinis adjacentem, cujus incolæ omnes Ethnici sint, & Saracenis Judæisque prorsus intracti, novarumque rerum tum divinarum, tum naturalium avidissimi, eo quam primum contendere statui. Hæc ego iter suscipio magnâ animi mei voluptate, majore spe, quod planè confidam in illa natione nostri laboris fructus solidos ac perpetuos fore. In Gbano Collegio, cui à S. Fide nomen est, tres alumnii sunt Japonæ, qui eò meum Malacâ superiore anno venerunt: mira de Japonia narrant. Adolescentes sunt optimis moribus, acerrimo ingenio, Paulus imprimis, qui bene longam ad te epistolam mittit. hæc octo mensium spatio legere, scribere, loqui Lusitanicè perdidicit: nunc usitatis meditationibus haud sanè inutiliter exercetur. Religionis Christianæ mysterijs est imbutus satis. Magnam in spein venio, Deo adiutore Christianos in Japonia factum iri quamplurimos

rimos

rimos. Equidem primum eorum Regem, deinde Gymnasia & Academias adire constitui, magno (ut spero) cum quaestu animosum. Japonum religiones, ut Paulus tradit, ex Cenico (quæ urbs est ultra Sinas atque Cathaium, à Japonia iter unius & dimidiati anni) adscitæ perhibentur. Ex Japonia tum de illius gentis moribus ac litteris, cum etiam de religione ac disciplina Cenicensi faciam te per litteras certio rem. Et enim in Sinarum regno universo, atque Cathaio nulla alia vigere fertur disciplina præter eam, quæ in Cenicensi Academia longe celeberrima traditur. Ergo ubi perspexero illorum litteras Gymnasticque doctrinam, tum verò fusè ad te cuncta perscribam. Nec prætermittam, quin de litteras eisdem de rebus ad Academiam Parisiensem, ut ex ea reliquæ Europæ Academiæ illa eadem cognoscant. E Socijs unum omnino Europæum ducere mecum cogito Cosmum Turrianum Valentinum, qui hinc se ad Societatem nostram contulit, ac præterea tres illos, quos dixi, Japonios adolescentes. Proficiamus Deo approbante, Aprili mense proximo. Abest Japonia ab urbe Goa leucas amplius M. C. C. C. Ex itinere & urbs Malacca & Sinæ attingendi sunt. Nullis verbis exequi possim, quantum ex provincie huius

jus susceptione fructum capiam divinæ voluptatis. Constat enim, iter plurimis ac maximis tempestatum, syrtium, piratarum, periculis obnoxium esse; ut prælarè agi cum navicularijs videatur, si alternæ naves Iaponicum teneant cursum. Ego verò interiore quodam animi sensu sic affectus animatusque sum, ut Iaponicæ profectiois consilium abijciendum mihi non putem, ne si pro certo quidem habeam majora discrimina subeunda, quàm umquam antea in omni vita. Tantam mihi spem Christianæ religionis propagandæ Pauli Iaponis sermo, vel ipse potius Deus, iniecit. Quàm opposita & parata sit illa regio ad Evangelij semina excipiendum, intelligi licebit ex ea narratione, quam cum his ad te litteris mitto.

In hisce Indiæ locis sunt ad quindecim Lusitanorum oppida, in quibus multa excitantur domicilia Societatis, si ad ea inchoanda aliquid stipendij ex publico Rex attribueret. Hac ego de re egi cum ipso Rege per litteras. Simonem quoque Rodericum de rebus omnibus certiores feci, & simul admonui magnoperè è re Christiana futurum, si factâ abs te potestate ipsemet huc transmitteret cum quàm plurimis è Societate magnæque Concionatorum manu; quippe ejus advenq (favente videlicet Rege)

aliquot Societatis Collegia excitari posse.
 Mihi verò, mi Pater, Simonis, viri apud Re-
 gem gratiosissimi, adventus in Indiam perop-
 portunus videtur futurus. Veniet enim cum
 regiâ facultate vel inchoandi Collegia, vel
 juvandi Christianos, & qui sunt & qui forent,
 si esset qui eis faveret. Velim super hac re
 ad Simonem scribas quid fieri velis. Anto-
 nius enim Gomes mihi narravit, Simonem
 certum ac deliberatum esse, cum multis à Col-
 legio Conimbricensi trajcere in Indiam.
 Non desunt tum Romæ tum alibi Socij à con-
 cionibus & à litteris alieni, qui magno hic
 emolumento rei Christianæ esse possent, si
 modò essent satis experti, & cum ceteris vir-
 tutibus ad Ethnicos juvandos necessarijs, tū
 verò insigni castimoniâ ornati, magnisque
 corporis animique viribus præditi ad ingen-
 tes horum locorum labores sustinendos. Hu-
 jusmodi igitur Socios nobis ad arbitrium tu-
 um curabis. Operæ pretium, Deoque, ut
 spero, gratum feceris, si ad hos omnes à So-
 cietate, qui in India versamur, plenam præ-
 ceptorum spiritualium epistolam miseris,
 tamquam testamentum, quo minimis hisce
 filiis à conspectu tuo ablegatis divitias atque
 opes à Deo acceptas imperias. Quæso te
 (quod tuo commodo fiat) ut nobis aliquan-
 do geras morem. Henricus Henriques Sa-

cerdos est à Societate Lusitanus, vir egregie virtutis & exempli: is versatur in Promontorio Comorino. Malavaricè perbenè & scribis & loquitur: atque adeò unus pro multis sanè utiliter elaborat. Concionibus quippe & privatis sermonibus affecutus est, ut Christianis indigenis mirè venerandus esset & chatus. Obsecro te, ut tam bonum virum, tam laboriosum, tam utilem Christi vineæ operarium, *qui portat pondus diei & æstus*, per litteras consoleris.

Cranganorum oppidum est à Cocino millia passuum xx. Lusitanæ ditionis. hîc Frater Vincentius è sanctissima S. Francisci disciplina, idemque Goani Episcopi Socius, pariterque nostræ Societatis amantissimus, Seminarium instituit sanè luculentum, ubi indigenæ adolescentuli facillè centum aluntur, & ad pietatem ac litteras informantur. Quamquam huic Vincentio benevolentia erga Societatem non concedit ipse Goanus Episcopus, qui unus præest Indiæ universæ, sed nostrorum hominum studiosissimus amicitiam magnoperè expetit tuam. Quare velim ad eum scribas. sed redeo ad Vincentium. Is pro mutua benevolentia mihi confirmavit, velle se id Societati nostræ Seminarium committere ac tradere. Proinde me rogavit etiam atque etiam, ut te de suo consilio facerem.

certiorem, Sacerdotemque è Societate curam, qui Seminarij alumnos doceret litteras, & Dominicis ac festis diebus ad domesticos ac populum verba facerèt. Nam præter incolas Lusitanos plurimi Christiani sunt accolæ in pagis LX. orti ab ijs, quos S. Thomas Christianis sacris initiavit: alumni porro Seminarij è prima nobilitate. Hoc in oppido duo sunt templa, alterum S. Thomæ, S. Jacobi alterum. Exoptat is, quem dixi, F. Vincentius, ut anniversariam utriq; templo peccatorum omnium Indulgentiam à Pontifice Maximo cures, in dies Apostolis Jacobo & Thomæ sacros, septenósque dies consequentes. Idque ad augendam indigenarum pietatem, qui prognati à veteribus illis S. Thomæ Neophytis Thomæi Christiani vulgò vocantur. Idem præter has, quas dixi, Indulgentias, Sacerdotem, qui hoc in oppido Concionatoris & magistri munere fungatur, expectat. His ille beneficijs ita nobis erit devinctus, ut & in vita & post mortem noster sit futurus. Is verò hoc mihi negotium magnoperè mandavit, dicique non potest, quàm vehementer eas expetat Indulgentias.

Vnum ego abs te peto, ut Sacerdos aliquis è Societate per annum mensibus singulis Sacrum meâ causâ faciat ad S. Petri Janiculensis, in eo sacello, ubi Petrus Apostolus cruci-

affixus dicitur. Itémque negotium des velim alicui domestico, ut ad nos de Collegij Societatis, de Professis eorúmque officijs, deque Sociorum opera fructúque perscribat. Mandavi enim Goz, ut Romanæ litteræ Malacæ, Malacæ ut descriptæ multis vijs ad me in Japoniam transmittantur.

Te ego pater animæ meæ, summæque mihi venerande, positis humi genibus (sic enim hanc tibi epistolam scribo) tamquam si præsentem intuerer, suppliciter oro, ne Deum pro me in sanctis Sacrificijs tuis ac precibus obsecrare desistas: ut dum vita suppeditatur sanctissimæ voluntatis suæ mihi det & plant agnoscendæ & omnino exequendæ facultatē. Idem ceteros Socios oratos volo. XIX. Kal. Febr. M. D. XLIX. Cocini.

EPISTOLA X.

Eidem.

Summarium. Antonij Criminalis laus. Alacritas sexagenarj arduam missionem suscipiens. Simon Rodericus impensus exoptatur. Japonum scribendi ratio.

Gratia & charitas Christi D. N. adfuit nobis semper, Amen. Mi Pater in Christi

visceribus unice,

T Rinas ad te dedi litteras eodem ferē-

xem.

xemplo, fusissimè autem scriptas M. Simonì
 commendavi. Antonius Criminalis in Co-
 morino Promontorio cum sex alijs è Socie-
 tate versatur. Enimverò is, mihi crede, vir
 sanctus est, & ad has terras excolendas na-
 tus, ejus similes, quorum istic magna est co-
 pia, plurimos huc mittas velim. Ei Comò-
 rinenses Socij parent. Idem Christianis in-
 digenis, Ethnicis ac Saracenis est mirificè
 charus. A Socijs, quibus præest, quantope-
 rè diligatur, dici vix potest. P. Cyprianus
 affectà jam ætate in Socotoram insulam pro-
 ficiscitur. Discessurus est exeunte Januario,
 ducet secum tres è Societate, Sacerdotem u-
 num, reliquos adjuutores. Socotora insula
 est in circuitu millia passuum fermè centum:
 tota ab ejusmodi incolitur Christianis, quì
 multis ab hinc annis Catholicis orbatì Sa-
 cerdotibus Christiani nihil habent præter
 nomen. Ferunt se ortos ab ijs, quos S. Tho-
 mas Apostolus Christianos fecit. In spem
 venio fore, ut Cypriani & Sociorum operà se
 ad bonam recipiant frugem. Ea insula val-
 dè inops est à frugibus & alimentis, eadèmq;
 satis aspera & ærumnosa. Eò tamen Cypria-
 nus jam sexagenarius libentissimè transmit-
 tit, confidens egregiam se ibi operam DEO
 navare posse, & simul expiare delicta juven-
 tutis suæ. Et quamquam initio affectam

jam ætatem minimè patientem laborum excusabat; mox tamen professus est se, si opus esset, haud gravatè iturum. Nicolaus Lancelotus, etsi valetudinarius, nunc tamen melius habet, versaturque Colani, quod opus est salubri cælo, millia passuum à Cocino circiter LXXX. ibi instituendo Societatis Collegio præest. Ac sanè multa his locis Societatis domicilia excitarentur, si M. Simon (ut ad te antea scripsi) cum magna ab Rege auctoritate missus non parvam huc adduceret Sociorum manum, ex quorum numero sex septemve Concionatores essent, complures confessionibus excipiendis, tradendis pijs meditationibus, Ethnicis ad Christiani fidem adjungendis idonei, viri omnes plene moderati ac rerum periti. Scripsi etiam ad Regem de M. Simone, ut eum cum potestate mittat, non modò inchoandi Collegia, sed etiam favendi indigenis Christianis ac Ethnicis, quos ad Christum quantuluscumque aggregaret favor.

Mitto ad te Japonicarum litterarum notas. Japones quippe ab alijs in scribendi ratione differunt plurimùm. Nam à summo orbi directò ad ima descendunt. Quærenti mihi ex Paulo Iapone, cur nostro more non scriberent; Quin vos, inquit ille, potiùs more nostro? Etenim ut hominis caput summum

est, pedes imi, sic par est, homines cum scribunt, à summo deorsum directò ferri. Descriptionem item Iaponiæ & morum illius gentis à Paulo, summæ religionis ac fidei viro, acceptam tibi mitto. Post duos menses ego cum P. Cosmo Turriano, Paulo & alijs Iaponibus duobus solvam (si Deo cordi erit) in Iaponiam. Inde quid eorum litteris contineatur, ad te perscribam. Nam ex Paulo homine idiota cognoscere non potui, quòd numquam attigerit Iaponica litterarum monumenta, quæ (similiter ut apud nos libri scripti Latine) alienâ quasi quadam linguâ loquuntur. IESUS Dominus noster doceat nos facere voluntatem suam, & hujus vitæ laboribus perfunctos, ad beatam illam æternamque transferat sedem. Amen. xix. Kal. Febr. Cocinî.

EPISTOLA XI.

M. Simoni Roderico, in Lusitaniam.

Summarium. Certiorem facit de optato Sociorum, quos misit, appulsu, Et ipsum invitât. Rogat ut Rex Lusitanorum pupillis prospiciendû curet. Narrat de Cenicensi Academia, quâsi Orientis magistra, ad Europæas Academias de rebus Japoniæ, ubi eam lustrârit, litteras daturus. Commendat pium amici negotium. Petit vinum ad usum Missarum, Socotorais auxili-

lium, & plures Socios. Barzaus Collegio Goano praefectus. Varia Seminaria Societati committuntur. Rogat, ut commendatione juvet Sacerdotem, quò sorores in tuto collocare possit. Familiaritas cum Franciscanis Religiosis. Maurica insula paratum seminarium Martyriorum. Nonnulla de missione Japonica, amboinensi & Comorinensi. Francisci Adams defuncti elogium. Domicilia pupillis instituendis in Maluco construenda. Spes propaganda Societatis JESU.

Gratia & Charitas D. N. &c.

NULLIS consequi verbis queam, Simon. Frater charissime, Antonij Gomes & Sociorum adventus, quantum mihi laetitiae attulerit. Scito igitur & ipsos magnos in pietate progressus facere, & vitae exemplo, concionibus habendis, audiendis confessionibus, commentationibus proponendis, privatis congressibus rem Christianam mirum in modum juvare, magnam omnium voluntate. Nimirum egregiis hinc Societatis viris opus est; maximè verò in urbe Armuzia, & oppido Dio, quae loca haud paulò magis quam Goa, Concionatoribus egent pijs; ita multos Lusitanos habent à Christiana disciplina ritumque degenerantes. Itaque ut necessitati serviam, statui Antonium Gomen, virum concionandi, aliorumque Societatis muneribus

facul.

facultate præstantem, mittere Armuziam. M. Gaspar in Collegio S. Fidei manebit. Næ tu magnam à Deo inieris gratiam, si cum plurimis è Societate in Indiam trajeceris, tecumque septem octoque Concionatores, aliosque magni usus ac moderationis viros adduxeris. Neque enim multis opus est litteris ad Ethnicorum conversionem; quòd horum locorum gens barbara admodum sit & imperita; ut homines etiam non multarum litterarum, modò magnarum virtutum ac virium, egregiam hîc Deo operam navare queant. In singulis Indiæ oppidis, ubi Concionator esset è Societate cum alio Sacerdote, qui cum in confessionibus audiendis, reliquisque Societatis officijs obeundis adjuvaret, sedes locari posset Sociorum, ad Lusitanorum indigenarumque liberos excolendos.

Scripti ad P. N. Ignatium, ut tibi faciat veniendi potestatem, itémque ad Regem, ut te multis comitatum Socijs, magnaque cum auctoritate in Indiam mittat. Quod si continget, mihi crede, longè majori quàm tu putas, tuus adventus Christianæ rei erit emolumento. Alterum, de quo scripsi ad Regem, illud est, ut consulat Lusitanorum pupillis, quorum videlicet parentes, amisâ pro rege vitâ, liberos orbos inopésque reliquēte, stipendium ac victum parentibus debitū

persolvente nemine. Quare non esset alium aliquot in India constituere Collegia, ubi ejusmodi pupilli non alerentur solum, sed etiam erudirentur. Et quoniam Rex indigenarum quoque salutem prospicere debet, è re Christiana esset mandare, ut Christianorum indigenarum liberi certis in locis imbuerentur Catechismo. Itaque ei scribo, ut ex Bazaini vectigalibus (si videatur) circiter quinque nummorum aureorum millia assignet ad ejusmodi aliquam domum aperiendam. Hæc omnia Regem, Deo bene juvante, per tuum adventum facturum esse confido.

Cognovi nuper de regione Iaponia, quæ sita est ultra Sinas millia passuum amplius. Ejus incolas acriter esse ingenio, cupidumque discendi non modò divinas res verum etiam naturales, quæ disciplinis continentur. Id & Lusitani illinc reversi perhibent, & Iapones quidam satis declarant, qui superiore anno mecum Malacâ in Indiam profecti, nuper Goæ in Collegio S. Fidei Christianis mysteriis initiati sunt. Id adeo intelligere poteris ex Iaponicarum rerum narratione, quam tibi misimus acceptam à Paulo Iapone, cognomento S. Fidei, viro egregiâ sanè virtute ac fide. Is ad te scribit de se suisque rebus, divinisque beneficijs in se collatis. Itaque ego mense Aprili proximo in Iaponiam cum
Col.

Cosmo Turriano nostræ Societatis Sacerdote contendere statui. Sic enim mihi persuadeo, Christianam religionem illis locis longè latèque propagatum iri. Adde quòd hîc ego jam cesso; quippe cùm propter Socios, qui hoc anno venerunt, mea opera Indis minime sit necessaria; præsertim verò cùm brevi aut ipse venturus sis, aut alium tuo loco missurus cùm magna caterva Sociorum. Equidem te ipsum venturum esse spero. Simul opinor fore, ut sub adventum tuum, attentatà à me Iaponiâ, rebûsque abs te ex his litteris in India compositis (si rei bene in Iaponia gerendâ, ut spero, Deo favente dabitur occasio) Goz nos revisamus. Procedentē, deinde tempore multi è Societate in Sinas, atque è Sinis in celeberrimam illam Academiam Ceniceam, quæ ultra Sinas & Cathajū sita est, Deo bene juvante penetrabunt. Nam, ut Páulus tradit, Iapones, Sinæ, Tartarique universi è Cenico oppido petunt sacra. Mandantur Iaponum religiones litteris quibûsdâ reconditis, & vulgo ignotis, quales apud nos sunt Latine. Quamobrem Paulus homo idiota & in illiusmodi libris planè rudis, negat se habere, quid de patrijs religionibus dicat. Vbi eò venero, Deo approbante, quæ sacris ipsorum monumentis continentur, ad te scribam pluribus. Mihi quidem in animo

est, simul ac Iaponiam attigero, Regem ipsū
& præcipua gymnasia, quæ in regijs urbibus
sunt, adire; rebusque omnibus perspectis
explorata non solum in Indiam, sed ad Aca-
demias Lusitanæ, Italicæ, maximè verò Pari-
siensem scribere, & simul admonere ne dum
toto pectore in doctrinæ studia incumbunt,
usque eò soluto animo sint ac libero, ut de
Ethnicorum inscitia atque interitu nihil o-
mnino laborent.

Petrus Consalvus, Cocini Vicarius, idem-
que nostræ Societatis amicissimus, mandat
tibi per litteras suum quoddam negotium.
Oro te atque obsecro, quidquid ejus causæ
facere poteris, ne prætermittas, tum quod
ad Regem pertinet, tum quod spectat ad be-
neficium Christianis suis popularibus expe-
ctum. Ac pro certo habeto, eum verum
germanumque esse amicum Societatis, quip-
pe qui Socios omnes Cocinum divertentes
perbenignè hospitio recipiat. Iam Goanis
Patribus, ceterisque toto Oriente sparsis, ad
usum Missarū octo decemve vini dolia istinc
cures velim. Nam hîc quidem vini, in ma-
xima necessitate, summa est non modò cari-
tas, verum etiam penuria. Itaque Socij Ma-
lacenſes, Comorinenses, Socotorenses, Mo-
lucenses ad sacrificia vinum nullum habent,
præter id quod subvehitur ex Indiâ. Nimi-
rum

rum ut Episcopo Goano & Franciscanis vini à Lusitania subministratur ex publico, ita Goano Collegio S. Fidei, unde ad ceteros Socios submittitur, ab Rege attribui oporteret.

In Socotoram insulam profecturus hoc anno est P. Cyprianus cum Sacerdote uno & adiutoribus duobus. In ea insula Saracenus quidam potens per vim, contra jus fasque omne dominatur. Is Christianos incolas crudeliter opprimit ac divexat: ereptosque eorum liberos Mahometicis iniciat sacris: ipsos infinitis malis & ærumnis obruit. Per velim urgeas Regem, ut pro suo egregio religionis tuendæ studio, aliquando prospiciat Christianis. Id adeo sine ullo sumptu nulloque negotio conficere poterit, si classi Indicæ Mecanum fretum petituræ imperabit, ut Saracenorum impotentiam comprimat. Nam incolæ armis omnibus demptis, duroque oppressi servitutis iugo, Saracenorum nomen perhorrescunt. Te ego per Jesum Dominum oro, ut Socotoræorū libertati consulas, quandoquidem tam injustâ premuntur servitute. Miserabilis planè species est ejus insulæ. Annis superioribus ex itinere cum eò divertissem, planè illorum miseratus sum vicem: adeo crudeliter eos maritimi Arabes vexabant. Totum hoc negotium nullo, ut dixi, sumptu, solo Regis nutu confici potest. Alphor-

phonfus Sosa, qui Prætor Indiæ fuit, testis est locupletissimus, qui hæc omnia perperxit ipse oculis suis.

Michaëlem Vadium Goam remissi, quod alienum judicarem sinere eum redire in Lusitaniam. Postquam Antonium Gomen Goxidi, satius existimavi P. Gasparem Collegio præficere, ut Antonius omni solutus curâ, in concionibus, confessionibus civium, exercitationibusque spiritualibus totus esset. Ad quæ munia obeunda haud paulò plus habet quàm ad regendum facultatis: cum præsertim domesticæ administrationis onus egregiè sustineat Gaspar. Præcipies, quæso te, ut quotannis huc aliquot è Societate submittantur, atque horum plerique Sacerdotes. Scribes etiam Romam, & ubicumque Societas est, ut Conimbricam mittant Sacerdotes aliquot magno usu ac spectatâ virtute, qui cum neque doctrinâ neque dicendi facultate instructi sint ad concionandum, aut ad Collegiorum munera obeunda, istic cessant, hic in Ethnicorum conversione magno usui futuri. Etsi enim istis locis aliquid opis afferant, his certè longè uberior eorum industriæ fructus exstabit. Si qui præterea Conimbricæ studiorum confecerint cursum, eos huc ad nos eandem ob causam mittas censeo. Quæso te, cave committas, ut ullo anno Socio-

ciorum supplementum desideremus. Nam qui versantur in Goano Collegio, nondum satis usûs, doctrinæ ac virtutis habent ad conversionem Ethnicorum.

Bazaini, Michaëlis Vaszi, olim Generalis Indiæ Vicarij, rogatu terna nummorum aureorum millia Rex attribuit domicilio construendo, ubi indigenarum Christianorum filij doceantur. Hic quidem opinio est, Regem illius domûs administrationem penes Societatem nostram esse voluisse. Nam cum Michaële octo aut novem è Societate, Franciscani sex venerunt è Lusitania. Verùm Michaël, Franciscanis Bazainum devectis, pecuniam, quam Rex auctore Joanne Castro Prorege ad conversionem Ethnicorum assignaverat, eisdem dispertiendam ac dispensandam dedit. Ego igitur Bazainum profectus, ut negotia quædam transigerem Moluccensium Christianorum, cum Franciscanis collocutus sum, qui ad paucissimos redacti me etiam atque etiam rogarunt, ut aliquem eò destinarem è Societate, qui & Neophytis necessaria ex assignata pecunia impertiret, & Seminarium illud administraret. Itaque Melchiorum Consalvum ibi reliqui cum adiutore.

Nuper Michaële Vasco & P. Jacobo Borbano mortuis, Collegij Goani curatio ad
Cof-

Cosmum Ioannem pervenit, qui reddituum, procuratione. & tectorum ædificatione susceptâ, cum distineretur negotijs regijs, post adventum Antonij Gomis eam curationem Societati penitus cessit. Nunc ex usu est, hanc cessionem regiâ auctoritate comprobari Velim diploma cures, ac deferas tecum in Indiam.

Oppidum est Regis, nomine Cranganorû, xv. millia passuum à Cocino. Hic Collegium est egregium à Vincentio Episcopi socio ædificatum, ubi Christianorum indigenarum, qui Thomæi appellantur, liberi instituuntur facilè centum. Sexaginta quippe vici Thomæorum Christianorum circa id oppidum sunt, ex quibus Collegij, quod dixi, alumni petuntur. Opus si quæris, omnino præclarum est ad aspectum, sive situm. Spectes, sive ædium descriptionem. Mirificam sanè operam his locis Fr. Vincentius navavit: is amicissimus mihi est, Societati quæ universæ. Confirmat se id agere, ut moriens Collegij administrationem Societati relinquat. Mirum in modum expetit Sacerdotem è Societate Grammaticæ peritum, qui alumnos litteris erudiat, & diebus Festis ad populum verba faciat. Mos gerendus est homini: quæso te, mitte ejusmodi Sacerdotem, qui illi omnibus in rebus obtemperet.

Crangan-

Cran-ganori duæ sunt ædes sacræ, una S. Thomæ à Thomæis Christianis piè admodum celebrata, altera S. Jacobi Collegio adjuncta. Duobus hisce templis F. Vincentius Indulgentias Pontificias impertiri peroptat, solatia horum Christianorum, & incitamenta pietatis. Quocirca majorem in modum abs te peto, ut siue per eos, qui Romæ sunt, siue per Pontificium Nuntium, qui est in Lusitania, anniversariam omnium peccatorum Indulgentiam cures, ex Vigilia S. Jacobi, itémque S. Thomæ in octonos dies insequentes: quam ego Indulgentiam his dumtaxat propositam volo, qui Confessionis & Eucharistiæ Sacramentis rite procuratis, eas ædes Cran-ganori piè castèque adierint. Hæc duo, de Sacerdote & de Indulgentijs, quæ Vincentij nomine abs te postulavi, si curaveris, & simul ad eum officiosam epistolam miseris; næ tu hominem & tibi & Societati in perpetuum devinxeris. Ejusdemmodi litteras, ut ad Episcopum quoque ipsum des, nostræ Societatis cupidissimum, te etiam atque etiam rogo.

Oravi Regem per litteras, ut Sacerdotem quemdam (cui Stephano Ludovico Burano nomen est) sibi à sacello constituat. Id adeò non tam ipsius causâ feci, quàm quòd sorores habet & orbas & inopes: quarum frater si quasi ex cohorte Regia vir honoratus habe-

beaturn, facile sorores collocet in matrimonio. His enim locis in connubijs, honestorum hominum, & apud Regem gratiosorum, affinitas mirè expetitur. Id si perfeceris, tres orbas puellas in tuto locaveris. Hujus Sacerdotis mater Consaluo Ferdinando Concinati nupsit. Optat igitur Sacerdos ad vitrici benevolentiam sibi ac sororibus conciliandam ei gratificari. Itaque deprecatur, ut Rex illum suum vitricum in suorum numerum, sine ulla mercede, administrum adscribat honorarium. Sic enim in animum induxit suum, si vitricus quasi è cohorte regia erit, eum paterno amore in ipsum at sorores futurum.

Cùm Franciscani omnes nostri amici sunt, tum verò eorum Custos Antonius Casalius Is custodiâ abiturus post biennium, optat mirum in modum in Lusitaniam redire; queso te, ut litteras illi ab Rege & facultatē impetres, absoluto custodiæ tempore decedendi. Nam quidtum jam annum hisce in locis Deo ac Regi operam navat.

P. Nicolaus Lancellotus Colanum à me valetudinis causâ missus convalescit in dies, vir planè factus ad Colanensium voluntatem. Jam agitur de Collegio inibi instituendo, ubi pupilli in primis Lusitanorum, deinde Christianorum Comorinensium & Thomzorum

rum erudiantur. Nam oppidani, qui & pauci sunt, & à re familiari malè constituti, Seminarium ne inchoare quidem suis facultatibus possunt. Scripsi super eare ad Regē, ostendens id negotium quanto tandem usui sit Christianæ religioni futurum. Transiges cum Rege, ut Indiæ Prætori, itémque Procuratori suo mandet, ut id domicilium ex publico ædificet satis laxum, ad complures orbos tum Lusitanorum tum indigenarum, liberos alendos. Colani enim summa copia est, ac civitas rerum omnium: & parvâ impensâ maxima alumnorum sustineri potest multitudo. Si ipse huc venies, Simon, Frater charissime, nimirum tuus adventus magno & rei Christianæ emolumento, & tibi gaudio erit; sed ita, si regiâ instructus auctoritate venias, ad Dei cultum & Christianos indigenas sublevandos. Iterùm te moneo, ut Regis Reginæque opibus fultus huc venias, quò Præfectos & Procuratores regios contineas in officio. Tum demum enim omnium opinione meliùs de India & Christi cultu mereberis.

Lætos è Malaca nuntios accepi de re Christiana à Francisco Pere & Rocho Oliveriâ præclare gesta. Ex eorum litteris omnia cognosces. optimi autem ex Moluco nuntij perferuntur. Quippe in maximis ærumnis

per-

perpetuūsq; vitæ discrimini-
bus Joannes Beira ejusque Socij versantur, magno cum Chri-
stianæ religionis incremento. Rumor de
Beiræ cade dissipatus mihi quidem inanis vi-
detur. Ipse ad me paulò antè de suis rebus
ærumnis ac periculis diligentissimè scripsit.
Ejus Socij post discessum navium ex Moluco
tres menses hiemarunt in Amboino. Inter
rim Joannes Beira eò ex Maurica venit ad
Præfectum, rogatum, ut Lusitanorum manū
Mauricis Christianis auxilio mitteret. Re-
vertenti in Mauricam ex Moluco nescio quid
illi gravius accidisse dicitur, quod ego neque
ullius litteris, neq; idoneis auctoribus com-
peri. Illud pro certo affirmare audeo, tam-
quam aurum in fornace probari eos, qui De-
um ac proximos diligunt. Equidem haud
scio, an usquam in toto orbe Christiano ij,
qui Deo student & saluti animorum tot la-
boribus tantisque mortis periculis exercean-
tur, quot quantisque in Maurica regione.
Velim Deum deprecari pro ijs, qui illuc ie-
runt, & deinceps ituri sunt; propediem enim
duos trêve Socios eòdem mittere statui. Ni-
mirum opinor, Mauricas insulas plurimos
nostre Societati martyres parituras, ut brevi
non Mauri, sed Martyrij insulæ sint appel-
landæ. Itaque Socij, qui vitam profundere
expetunt pro Christo, bono animo sint, præ-
cipi-

cupiantque gaudium licet; siquidem paratū
habent Seminarium martyriorum, ubi cupi-
ditatem expleant suam. Navigatio in Ja-
poniam ac Sinas (ut omnes mihi prænuntiāt)
est ærumnarum ac periculorum plenissima.
Ego nihil dum usu compertum habeo: cū
illuc transmiserō, quod post duos & dimidia-
tum mensem futurum arbitror, inde te cer-
tiorē faciam de omnibus rebus. Ita ubi
tu, Deo approbante, in Indiam veneris, an-
no opinor proximo, à me litteras Japonicas
accipies. Nunnius Ribera Amboini est, in
oppido sanè tuto & Christianis frequenti. ex
ejus litteris intellexi sanè uberem fructum
ejus laboris extare.

Socij duo, qui in Comorino Promontorie
versantur, magno sunt rei Christianæ adju-
mento. Id adeo ex litteris, quas ad te mi-
tō, intelligere poteris, ubi illi de omnibus re-
bus suis tibi perscribunt. Visum est DEO
dulcissimum Fratrem nostrum Adamum
Franciscum ex hac vita evocare, ut ei pluri-
morum maximorumque laborum persolve-
ret præmia. Mors anteaactæ vitæ respondit,
quæ quidem, quantum ab alijs accepi, & ipse
perspexi, sanctitate floruit. Vir fuit planè
pius, magnòque animi ardore in Ethnicis ad
Christum aggregandis. Equidem magis il-
li me commendo, quam ipsam commendo

Deo;

Deo ; persuasum enim habeo , eum jam beatitudine, ad quam natus erat, perfrui. Nunc ego Goam contendo , ut me ad Iaponicum iter in Aprilem proximum maturè comparè. E Goa in Cambaiam ad Prætorem Indiæ, qui nunc Bazaini est, proficiscar, ut is & Moluccensium Christianorum rationibus consulat, & prospiciat Socijs, quos illuc sum propediè missurus. In his unus erit Concionator, qui in regio oppido commoretur, præsitq; Collegio inchoando, ubi Mauricorum Christianorum Lusitanorumque pupilli instituantur. Inchoabitur etiam aliud domiciliū, ubi præter orbos Lusitanorum filios, Iapones, quos Deo favente missurus sum, Christianis imbuentur mysteriis. Et quoniam nostri homines in India non Episcopo solū & clericis, verū etiam cænobitis, Christianisq; omnibus pariter & Echnicis chari acceptiq; sunt; magnam in spem ingredior fore, ut his locis longè latèq; Societas propagetur. Quare, Simon Frater charissime, da operam, ut quamprimum huc traicias cum magnis Sociorum copijs, partim Concionatorum, partim etiam aliorum. Vnum cave, ne adolescentulos plerosque deducas; hīc enim majores triginta annis usque ad quadraginta desideramus, eosdēque cum ceteris virtutibus, tum verò humilitate, mansuetudine, patientia,

tiâ, & scilicet castimoniâ ornatos. Meum
hoc vitium est, ut ad te scribens nullum
inveniam finem. Vel hinc intelligere po-
tes, quantum ex ea re capiam voluptatis,
præsertim verò cùm ad scribendum me con-
tuli tuis litteris provocatus. Itaque scri-
bendi finem facio, etsi finem reperire ne-
queo: confido autem fore, ut aliquando
nos aut in Sinis, aut in Iaponia, aut certè in
cælo revisamus; ubi, ut spero, singulari
DEI beneficio ac munere in cælestis regni
Societatem pariter vocati, Deo perenni bo-
norum omnium fonte perfruemur in om-
nem æternitatem. Amen. vi. Nonas Fe-
bruarias. Cocine.

EPISTOLA XII.

Eidem.

Summarium. *Declarat, quo ardet, deside-
rium Dei causâ patiendi.*

Gratia & Charitas D. N. & c.

EPistolis omnibus in Lusitaniam Emma-
nueli Petro jam datis, naves Malacâ ve-
nerunt, quæ eertò nuntiabant, Sinarum por-
tus Lusitanis penitus clausos & infestos esse
omnes. Ego tamen professionem Iaponi-
cam, de qua antea ad te scripsi, haud qua-
quam abijciam. Nam mihi nihil gratius
acci-

168 S. P. FRANC: XAVER: EPIST: LIB: II.

accidere potest in vita, quàm in maximis
meis periculis, Christi Domini & Christianæ
religionis causâ susceptis, vitam transigere,
Christianum quippe est in cruce magis quàm
in quiete lætari. Deus nos in suo Beatorum
que domicilio jungat. Amen. iv. Ca-
lend. Mart. Cocino.

FINIS SECVNDI LIBRI.



EPI.

S. P. FRANCISCI XAVERIE

EPISTOLARUM LIBER III.

EPISTOLA I.

Societati, Goam.

*Summarium. In Japoniam Malacâ solvere
parat Primitia P. Alphonsi Castri. Socj in
solemni Supplicatione procedunt linteati. Ja-
pones ad fidem parati.*

Gratia & charitas D. N. &c.



Ocino solvimus ad vii. Kalend.
Majas: dies autem xl. in itine-
re posuimus, secundâ semper
valetudine ac tempestate usi,
nullo ab Acensibus hostibus,
quos pertimescebamus, pericu-
lo. Pridie Kalendas Junias Deo favente ap-
pulimus Malacam, ubi perhumaniter ac per-
benignè tum à Præfecto urbis, tum à civitate
excepti sumus. Ac Præfectus res omnes ad
profectionem Japonicam necessarias summo
nobis studio ac sedulitate curavit. Onerariâ
vehemur (luncum vocant) Sinæ hominis Eth-
nici, cui cognomen est Latro. Is pignoribus
datis fidem obstrinxit suam, se Sinarum fini-
bus præteritis nos in Japoniam esse transmis-
surum. Magnam spem habeo fore, ut nos

incolumes Deus perducatur, ut suum in Iaponia nomen audiatur aliquando ac celebretur. P. Alphonsus Castrus nobiscum venit, cui Malacensis est destinata provincia, is Malacæ, die Sanctissimæ Trinitatis festo, primum Sacrum solemniter ritu ac ceremoniâ fecit, quod ea res esset in his locis planè nova. Novo Sacerdoti Episcopi Vicarius & Franciscus Peres sacrificanti præstò fuerunt; ego ad populum verba feci: tota res civibus propter novitatem accidit gratissima. Placuit ad aliorum Sacerdotum morem retinendum, si quid à populo offerretur, accipi. Sed quicquid pecuniæ coactum est, iussi ad Sodalitium Misericordiæ deferri pauperibus dividendum. Nobis quoque propter indigenarum Sacerdotum paucitatem, in solemnibus Supplicationibus Sanctissimæ Eucharistiæ processere linteati. Socios Malacenses adeo naviter in vinea Domini laborantes offendimus, ut nequaquam in eos illud conveniret, *Quid hæc statis tot à die otiosi?* Magna hæc erat opinio, Iaponios ita factos & affectos esse, ut ad Christi Fidem accessuri viderentur quàm plurimi. Eorum enim, qui apud illos versari sunt, litteris ad nos perfertur, flagitari à Iaponibus Sacerdotes, qui res illis divinas & Christianorum religionem exponant. Vos quæso Deum obsecrate, ut itineri cognatibusque nostris faveat atque obse-

obse-
au-
hoc
tè o-
con-
Nob-
Am-
sacr-

S-
quân-
dat-
agen-
rum
exigi-

Jap-
pro-
tatur
mur,
Ferd-
stiani
li Co-
men-
sunt
ad Ch-

obse-

obsecundet, quando nos divinæ benignitatis aurâ freti vela pandimus, eamque nobis in hoc negotio jam confidimus afflari: nisi fortè ob nostra delicta, quò minùs rem tantam conficiamus, nos deserat atque destituat. Nobis Deus auxilio semper sit ac præsidio. Amen. x 11. Kal: Iulias, ipso Christi Corpori sacro die, anni M. D. XLIX. Malacá.

EPISTOLA II.

Joanni Beiræ.

Summarium. Significat quibus comitibus, quámque opportuno tempore in Iaponiam tendat. Monet P. Alphonsum Castrum de rebus agendis. Rogat Beiræ, ut crebrò sibi de laborum fructu perscribat. Promptam obedientiam exigit.

Gratia & Charitas D. N. &c.

JAponem petimus Christianæ religionis propagandæ allecti spe, quæ nobis ostentatur maxima. Tres omnino eò proficiscimur, Ego, Cosmus Turrianus, & Ioannes Ferdinandus, itémque Iaponij totidem Christiani egregiâ probitate, qui in Goano S. Pauli Collegio baptizati, per mensem in pijs cõmentationibus maximo cum fructu versati sunt: nunc autem revertuntur, patriæ suæ ad Christi Fidem adducendæ studio incensi.

Commodum Iapones legationem ad Lusitanie Proregem miserunt rogatum Sacerdotes, à quibus Christianam doceantur religionem. Imus omnes divinæ spei ac fiduciæ pleni, haudquaquam dubitantes, quin optimè Christiana res gerenda sit, nisi fortè nostræ delicta divinos conatus impedianr. P. Alphonsum Castrum cum Socijs duobus isthuc ad te mitto, qui partim ad Lusitanos conciones habeant, partim Neophytos, servos ac pueros Catechismo erudiant, idque eadem ratione quam ego servavi, cum isthic elaborarem: nimirum ut Symboli capita ac præcepta Decalogi explanent, confitendi communionisque præscribant modum. Tu velim de tuis rationibus, de animorum fructu isthic per Socios percepto, de spe Evangelij & istis locis, & in Macazaria, reliquisque insulis adiacentibus disseminandi, crebrius ad me perscribas, ut rebus omnibus cognitis, statuam de unoquoque vestrum. Nam si magnam atque uberem messem esse intellexero, plures istuc operas submittram, sin minus, pro usu quem istius regionis habeo, quemque Japoniæ habiturus sum, vos accersam assidue, ubi utiliùs à vobis opera poni posse videar. Proinde expeditos ac paratos vos esse volo, in clamò ut accuratis, Deo bene juvante, qui nos in sua patria jungat & colligat. Ni

in h
per
ri-
Iuli

M.

S
rim

C
mo
na
can
plu
nor
exc
loc
qua
pal
fidi
run
opt
plu
nev
qui
pro

in hac quidem vita ita distracti dissipatique peregrinamur, ut ecquando inter nos revisuri simus, ecquidem nesciam. Vale. XII. Kal: Iulias. Malacz.

EPISTOLA III.

M. Simoni Roderico, in Lusitaniam.

Summarium. Orat, ut submittat quàm plurimos spectatâ virtute & doctrinâ prestantes.

Gratia & Charitas D.N. &c.

Quæso te atque obsecro per viscera Jesu Christi, ut huc submittas quàm plurimos è Societate: omnes autem sive Concionatores, sive alios spectatâ virtute viros. Pecandi enim illecebræ hisce locis se offerunt plurimæ. Itaque ut litterarum scientiâ non excellant, oro te etiam atque etiam, ut excellant utique virtute: quoniam his quidē locis virtus magis quàm doctrina spectatur: quamquam probitas litteris ornata scilicet palmam ferat. Etenim Indiæ arces ac præsidia Lusitanorum viros doctos ferme requirunt. Nos autem Regi Lusitaniæ, patrono optimo, & Lusitanis qui in India versantur, plurimum pro summa illorum erga nos benevolentia ac liberalitate debemus. Quibus quidem aut nullâ ratione, aut hac unâ gratiâ pro tantis eorum meritis referre possumus,

ut quoniam multis magnisque negotijs sum
implicati, eorum animos atque conscientias
expediamus, ut explicatam habeant & ex-
ploratam rationem salutis suæ. Christus Do-
minus noster pro sua benignitate ac miseri-
cordia multos, eosque bonos operarios, con-
ducat in vineam suam, nosque, ubicumque
ei visum erit, si minùs in terris, in celo qui-
dem certè conjungat. Amen. x. Kalend. Iu-
lias. Malacca.

EPISTOLA IV.

Societati Romam.

*Summarium. Laus trium Iaponum Neophy-
torum: eorum iudicium de Sacramentis Con-
fessionis & Eucharistie, ac commiseratio erga
populares suos. Crucibus nocturni lemures ab-
acti. Fiducia Xaverij, Iaponia Regi Regis Regum
mandata exponere decernentis. Iaponicum
iter periculosum. Spiritus Societatis JESU.
Ignatij monitum de victoria sui. Bonziorum
meditationes Improbi ipso demone capitaliores*

Gratia & Charitas D. N. & c.

Scripsi ad vos Ianuario mense anni su-
perioris, quàm uberes animarum fru-
ctus ex his locis percipiantur, quantumque
vel in Lusitanorum vel in Ethnicorum oppi-
dis propagetur Christiana religio; idèmq̃
ceter-

ceteros Socios, qui in hisce locis versantur, pro sua quemq; parte facturum arbitror. Ego ex India Iaponiam versus Aprili mense discessi, comitibus duobus è Societate, altero Sacerdote, administro altero, ac præterea Iaponibus Neophytis tribus, qui post iacta Fidei fundamenta in Collegio S. Fidei, Christianaque mysteria satis percepta, Baptismo rite expiati humanarum divinarumque rerum meditationibus summo studio parique fructu exercuere sese. Nam singulari Dei benignitate adeò ad cælestis erga se largitatis cognitionem excitati, divinisque virtutibus cumulati sunt, ut meritò nos omnes tot tantorumque bonorum, quæ Deus in illos plena, ut dicitur, congescit manu, participes esse cupiamus. Et quoniam apud nos legere & scribere didicerunt, preces ex scripto recitant sanè diligenter. Percontanti mihi, in quo potissimum genere meditationis reperirent sensum gustumq; pietatis; In Christi cruciatibus, atrocissimæque nece responderunt. Itaque in hanc lectionem meditationemque præcipuè incumbunt. Quamdiu sunt in spiritualibus exercitationibus versati, tantum inde cælestis lætitiæ piarumque hausere lacrymarum, ut in multos deinceps menses redundaret. Symboli Apostolici capita, causas cur Dei Filius humanitate indu-

sus genus humanum ab interitu vindicavit,
 ceteraque Christianæ religionis mysteria, per
 otium eis tradidimus. Interrogati à me sæ-
 pius, quod tandem inter Christiana instituta
 potissimum ducerent, ac maximè salutare;
 primas semper detulerunt Confessionis &
 Eucharistiæ Sacramentis. Et simul illud ad-
 iecerunt, neminem, suâ quidem sententiâ, ra-
 tionis compotem fore, qui cognitis Christia-
 næ religionis mysterijs ac legibus, Christi nō
 amplectatur Fidem. Vnus ex his Paulus S. Fi-
 dei nominatur; hunc ego audiui, cū inge-
 miscens crebròque suspirans diceret: *O vos*
miseros Iapones, qui pro dijs ea colitis, quæ Deus
ad usus effecit humanos. Tum ego: *Quid ita?*
inquam. & ille, Rogas? inquit. An non ceci-
sunt, qui Solem ac Lunam famulos Christiano-
rum numerant Deos? quid enim aliud illa mū-
di lumina efficiunt, nisi diem noctemque distin-
guunt? ut videlicet mortales tanto splendore ex-
citati, præpatentem Deum Patrem luminum.
Deique Filium JESUM Christum & agnoscant
& colant. His igitur comitibus pridie Kalen-
 das Iunias anno post Christum natum
 M. D. XLIX. perveni Malacam.

Vix è navi descenderam, cū Lusitanorū
 mercatorum litteras ex Iaponia accepi, ex
 quibus agnovi, principem quemdam Iapo-
 niæ virum fieri velle Christianum. Itaque
 lega-

legatos ab eo ad Prætozem Indiæ missos cum mandatis, ut aliquot nostræ Societatis homines postularent Christianæ legis magistros. In iisdem litteris illud quoque erat scriptum, in quodam Japoniæ oppido mercatores Lusitanos jussu regis in hospitium dæmonibus infestum, ac propterea desertum, esse deductos. Ibi cum ignari totius rei Lusitani latiniâ retraherentur, & conversi nihil omnino cernerent, attonitos quid tandem id esset requisisse. Nocte autem quâdam, cum famulus, spectro nescio quo exterritus, exclamasset, eo clamore reliquos excitatos arripuisse arma, aliud quippiam esse existimantes: quibus tumultus causam requirentibus respondisse puerum, se nocturno spectro perculsum inclamasse. Inde famulum illum complures disposuisse cruces in ædibus, & spectra illa evanuisse: denique incolas enuntiasse Lusitanis, in tectis illis diabolos habitare, & simul quæsisse, quo tandem remedio fugarentur; tum respondisse Lusitanos. Nul- lum remedium cruce præsentius inveniri. Ita- que posteaquam eam domum Lusitani crucibus in vestibulo positâ munierint, exemplum incolis secutis, ante domos passim excitatas cruces. Adhæc nuntiabatur, in Iaponia latissimum Evangelio patere campum: gentem enim prudentem esse atque ingenio-

sam, rationi obtemperantem, discendique percupidam. Quocirca in spem venio (nisi nostra peccata impediunt, quò minùs nostra Deus operà uti velit) non paucos ex omni Japonia ad Christi Fidem accessuros. His ego auntijs etsi vehementer excitatus, tamen utrùm eò me conferrem, nec ne, diu mecum multùmque cogitavi. Verùm ubi certis indiciis Japonicam professionem è gloria & voluntate divina esse perspexi, si hoc iter omitterem, nã ego viderer mihi longè Ethnicis Japonibus deterior. Humanæ salutis hostis professionem nostram summa ope impedire conatus est. Cur tantoperè à nobis sibi metuat nescio, sed aliquid profectò est. Proficiscentes in Japoniam supellectilem ad Sacrum faciendum necessariam nobiscum deferemus. Proximo anno (nisi Deo secus videbitur) quæcumque illic gesta erunt, faciam ut sciatis.

Simul atque Japoniam attigerimus, certum est nobis Regem ipsum Japoniæ rectè adire, ei que fidenter mandata, quæ à JESU Christo Regum Rege habemus, exponere. Imus spei divinæque fiduciæ pleni, confidimusque, nos Deo duce de ejus hostibus triumphaturos. Neque verò certamen cum Japoniæ litteratis reformidamus. Quid enim boni nosse potest, qui Deum Christum-

que

que ejus Filium ignorat ? qui autem nihil spectat aliud, nisi divinam gratiam, Evangelij prædicationem, animorum salutem, quid tandem recuset aut pertimescat ? si enim verum sciamur non modò in terris barbarorum, verum etiam in dæmonum regno ; tamen nulla neque barbaria neque dæmonum rabies quicquam nocere nobis poterit, nisi permissu concessuque præpotentis Dei. Vnum omnino timemus, ne Deum ipsum offendamus, cujus offensionem si vitaverimus, exploratam de nostris hostibus victoriam nobis, illo propitio, pollicemur. Et quoniam Deus ad suum obsequium & peccatorum fugam satis auxilij tribuit omnibus, speramus fore, ut pro sua benignitate nobis non denegat. Quippe in eo res vertitur, utrùm rectè utamur, an abutamur divinis beneficijs. Itaque magna nos spes tenet, Ecclesiæ matris nostræ, ejusdémque Christi sponsæ, ac speciatim nostræ Societatis, ejusque studiosorum preces, hoc nobis impetraturas, ut Dei beneficijs, uti par est, ad divinam gloriam utamur. Illud nos magnopere delectat, quòd Deus nostri itineris consilium ac propositum intuetur, videtque nihil nos spectare aliud, nisi ut animæ ad Dei similitudinem effectæ Conditorem agnoscant suum : eique divini honorem cultumque tribuant ; & simul, ut

Christianæ religionis fines longè latèq; proferantur. Itaque non dubitamus, quin itineris conatúsque nostri eventus felix letúsque sit futurus. Duo sunt, quæ maximam nobis spem afferunt satanæ impedimenta perumpendi: præclari consilij conscientia, & providentia divina, cujus nutu non homines modò reguntur, sed etiam dæmones. Satanæ quippe, nisi factâ à Deo potestate, lobo quicquam detrimenti inferre non potuit. Video autem nobis non solùm labores plurimos ac maximos, sed etiam perspicua mortis pericula in ipso itinere subeunda.

Japonicum iter sanè periculosum est, tum ob piratarum ac syrtium multitudinem, tum verò ob magnitudinem tempestatum, quæ tam atroces existunt, ut præclare agatur cū iis, qui Japoniam petunt, si tertia quæque dumtaxat navis intereat. Ac mihi quidem sæpè venit in mentem vereri, ne nostræ Societatis homines doctrinâ exculti, si in hæc loca venerint, plenum temeritatis negotium putent, quòd videatur tentari Deus tam apertis periculis adeundis, quibus tot deperiant naves. Verùm ut me collegi, vereri desino, quippe cū Societatis nostræ litteris litteratisque inhabitantem Domini spiritum moderaturum esse confidam. Alioquin litteræ haud paulò plus detrimenti afferrent, quam

quàm commodi. Equidem illud semper ferè propositum habeo, quod ex optimo parente nostro Ignatio sapiùs audiui, nostræ Societatis hominibus omni ope atque operâ enitendum esse, ut se ipsi vincant, timorésq; depellant omnes, qui impedimento esse solent, quò minùs spem omnem reponant in uno Deo. Et si enim spes & fiducia divina ad Dei arbitrium tribuitur hominibus, plerumque tamen impertitur ijs, qui se ipsi omni ratione superare conantur. Etenim ut multum interest inter eos, qui rebus necessarijs instructi Deo confidunt, & eos, qui confisi eodem, Christi imitandi studio, spoliant se rebus etiam necessarijs; ita qui spem habent in Deo extra mortis periculũ, multũ differunt ab ijs, qui Dei præsidio freti, divinæ gloriæ causâ sponte capitis discrimen subeunt, quod utique vitare possint, si velint. Ego verò sic censeo, qui in perpetuis vitæ periculis unius Dei causâ versentur, his brevẽ vitam acerbam fore sic, ut mori expetant, ut cum Deo vivant, & regnent semper in cælo. Hæ enim quæ dicitur vita, nihil est, nisi perpetua quædam mors, & exilium à cælesti felicitate, ad quam procreati natiq; sumus.

Japones comites mei sic mihi denuntiant fore, ut Bonzij (hi sunt in Iaponia sacrorum antistites) offendantur, si nos viderint carne

aut

aut piscibus vesci. Proinde nobis fixum ac decretum est, citius perpetuam in ediam peti, quam cujusquam incurrere offensionem. Idem magnam in Iaponia Bonziorum multitudinem esse narrant, eorumque maximam apud omnes ordines auctoritatem. Quod ego idcirco adieci, ut intelligatis, quanto opere vestrâ Societatisque universæ deprecatione egeamus, quibus tales adversarij sint parati. Malacâ solvemus ipso S. Ioannis Baptistæ natali die. Sinas ita prætervehemur ut nusquam portum terræve capiamus. Ab sunt Sinæ à Iaponia millia passuum ad oc. Confirmat gubernator navis, nos Augusto ferè medio in Iaponiam perventuros. Illinc de terræ conditionibus, de gentis ingenijs, moribus, institutis, de erroribus in quibus versantur, de litterarum monumentis quibus utuntur, de disciplinis atque exercitationibus, quæ in Gymnasijs vigent, ad vos quam accuratissimè scribam. Interim illud me valde delectat, quod ex Paulo S. Fidei nostro comite accepi; in ejus patria cœnobium esse sanè frequens Bonziorum, qui certis meditationibus exerceantur. Quippe cœnobij Præses (is doctrinâ ceteris præstat) domesticis omnibus unum in locum convocatis, ad eos quasi concionem habet; tum certam cuique per horam commentandi materiam proponit.

nit. Exempli causâ. Cùm extremo jam spiritu mors vocem intercludit, si tum animæ ex corpore discedenti loquendi facultas datur, quibus tandem verbis in illo digressu corpus alloquatur suum. Itémque si quis existat ab inferis revocatus in vita, quidnam ceteris videatur esse dicturus. Exacto deinde meditandi spatio, rationem meditationis reposcit à singulis; quem boni quippiâ proferre videt, collaudat, quem secus, objurgat. Eisdem Bonzios ait quintodecimo quoque die sermonem ad populum habere, frequenti sanè ac secundâ concione. Námque inter dicendum atrocissimos inferorum cruciatus in tabula depictos ostentare: horrendaque illâ specie fanum cùm populi universi, tum verò mulierum plangore ac lamentatione compleri. Hæc, ut dixi, Paulus mihi narravit; qui rogatus, ecquam ex concionibus illis sententiam memoriâ teneret, hanc unam respondit, improbum hominem esse diabolo ipso capitaliorem: quod ille complura scelera, ut furtum, perjurium, & alia ejusdem modi per consceleratos viros ac feminas committat, quæ per se ipse non posset. Idem mihi confirmavit, gentem universam esse sciendi avidissimam. Vbi explorati aliquid habeo, ad vos perscribam uberius. Deus nos in cælesti patria jungat: nam in hujus vitæ exilio

xilio an umquam nos revisuri simus, ignoro. Verumtamen ea vis est obedientiæ, ut facile ea quoque efficiat, quæ perdifficilia videantur. x. Kalendas Iulias. M. D. XLIX. Malacæ.

EPISTOLA V.

Societati Goam.

*Summarium. Multa de Iaponia, quam la-
strat. Describit navigationem suam, pericula,
demonis à nautis consulti responsa varia. Pre-
bet remedia adversus demonis terrores. Nar-
rat de Iaponum moribus, ac sacris. Inculcat
incumbendum in studium cognitionis sui. De-
tegit demonis prestigias. Inter alia saluberri-
ma monita docet ardorem, qui ad venandas a-
nimas impellit, victoriâ sui in parvis rebus stu-
diosè explorandum. Redit ad res Iaponia. Put-
ris se comparat. Agit de humanorum praesidio-
rum inopia, quam experitur. Attende quisquis
blandâ commodorum & patria dulcedine reti-
neris. Subjicit aliqua de frugalitate, de Bonzio-
rum secta, de martyrij desiderio, quo ardet ip-
se. Divorum patrocinium, emendanda vita
sua studium: nonnulla de urbibus & Academijs
Iaponia. Mireris insatiabilis viri aviditatem,
Christianorum ex Europa auxilium implorare,
& Sinas aperire meditantis. Ardentia deside-
ria Deo animi submissione probanda. Fran-
cisci*

cisci de Sociorum virtute opinio eximia charitatis index.

Gratia & Charitas D. N. & C.

DE nostro Malacensi itinere post nostrū ex India discessum, deque rebus Malacæ gestis, quamdiu ibi substitimus, pluribus ad vos scripsi Malacā: nunc reliqua accipite. In Japoniam, divino Numine obsecundante, appulimus mense Augusto, cū Malacā solvissemus ipso natali S. Ioannis Baptistæ die. Navigio vecti sumus Ethnici mercatoris Sinæ, qui Malacensi Præfecto nos in Japoniam transmissurum promiserat. Ac Dei beneficio secundis sanè ventis usi sumus. Verū (ut in barbaris perfidia dominatur) navarchus, mutato consilio, omittere Iapōnicæ navigationis cursum cœpit, ac temere in occurrentibus insulis terendi temporis gratiā commorari. Duo erant, quæ nos præter cætera molestissimè ferebamus. primum, quod secundissimo vento divinitus oblato abutermur; qui si defecisset, nequaquam possemus Iapōnicum cursum tenere, sed in Sinarum finibus hiemare, & idoneam rursus tempestatem expectare necessariò cogeremur. Deinde quod Navicularius & nautæ idolo, quod secum navi vehebant, passim nobis invitis, & frustra impedire conantibus, execranda facerent

cerent sacra ; sortibúsque dæmonem identide consulerent, utrùm ex usu esset in Japoniam pergere nécne : & simul exquirerent, an secundâ navigatione cursum tenere possemus, ac sortes (ut ipsi ajebant) modò lætæ modò tristes edebantur. Millia passuum ccc. pro-
 vecti, ad insulam quamdam applicuimus navim ; ibique materiam atque armamenta, comparavimus adversus atrocissimas Sinici maris tempestates. Inde illi sacrificiis multis supersticiosè factis, eductisque denudò sortibus, sciscitari ex dæmone, utrùm ventis secundis usuri essemus. Fortè fors exijt, quæ ventum nobis polliceretur secundissimum. Itaque nullâ interpositâ morâ, sublatis anchoris gratulabundi vela fecimus. Illi idolo suo freti, quod in puppi cereis & odoribus ex Aquilano ligno incensus summè venerabantur ; nos Deo cæli, terrarum marisque moderatori, ac Jesu Christo ejus Filio confisi, cujus religionis propagandæ causâ Iaponiam petebamus. In cursu cùm essemus, visum est illis rursus ductis sortibus exquirere ex dæmone, num ea navis ex Iaponia Malacam incolumis esset reditura : edita fors est, in Iaponiam quidem eam perventuram, sed nequaquam reversuram esse Malacam. Tum verò illi hære : demum omisso in præsentia cursu Japonico, apud Sinas hibernare, & Iaponi-

ponicam profectiorem in proximum annum differre statuunt. Quid nobis tum animi ac sensus in ea navigatione censeris fuisse, cum de Iaponica profectiione consuleretur demon à suis, & navis gubernator ad ejus nutum atque arbitrium rem totam administraret? Ergo cum lentè proveheremur ad Cocincinam Sinarum portum duo uno die sanè graves nobis casus inciderunt. Nam die S. Mariæ Magdalenz sacro sub vesperam, intumescen- te fluctibus, ventisque agitato vehementius mari, cum navis jactis anchoris fluitaret in- salo, Emmanuel Sina, unus è nostris comiti- bus, navis jactatione prolapsus in apertam sentinam precipitavit. Omnes illum mor- tuum credidimus, quod & altè ceciderat, & sentina aquæ plena erat: verum Dei benefi- cio mortem evasit. A capite obrutus umbili- co tenus aliquantisper hæserat in sentina: itaque ægrè ac magno labore hominem ex- traximus graviter in capite vulneratum. Diu exanimis jacuit; sed Dei benignitate demum revocatus est ad salutem. Sub primam hu- jus curationem, ecce tibi pari navis jactatio- ne navarchi filia excutitur in mare; cumq; propter vim tempestatis frustrâ ei opitulari conati essemus, in parentis ipsius atque o- mnium oculis propter navim obruitur flu- ctibus. Ergo tanti ejulatus ac gemitus diem illum

illum noctemque insequentem tenuerunt, ut species esset admodum flebilis ac miseranda, vel ob mœrorem barbarorū, vel ob nostrum omnium periculum. Inde Barbari ad idolum sacrificijs ac cēremonijs placandum versi, diem noctemque totam, nullā quietis parte cōptā, mactandis avibus, apponendisque, idolo epulis consumpserunt. Tum navarcho, cur filia sua interisset, sortibus percontanti fors editur, si Emmanuel noster in sentina perisset, ejus filiam nequaquam fuisse perituram. Videtis profectō quanto in periculo versaremur, quorum vita ex diaboli sortibus penderet, ejusque satellitum voluntate. Quid tandem nobis futurum fuerit, si Deus acerrimo hosti permisisset, ut nos ad suam libidinem acciperet. Tantas ego ac tam apertas injurias Christo Domino execrandis illis sacris fieri cūm viderem, neque eas ullo modo possem prohibere, sæpius à Deo precatus sum, ut prius quàm tempestate illā interiremus, illos homines ad suam imaginem procreatos tantis tamque impijs erroribus liberaret; aut si in iisdem versari erroribus sineret, certē communi hosti illarum superstitionum auctori graviores constitueret cruciatus, quoties navarchum ad sortes ducendas, atque ad se pro Deo colendum impelleret.

Eo ipso, quo nobis hæc incommoda acci-
 derunt, die, ac nocte insequenti, multa Deū
 beneficio sentire mihi atque experiri con-
 git de maximis terroribus, quos diabolus fa-
 cultatem nactus, Dei permisso, timidus ex-
 positisque hominibus incurrit. Itémque de
 præsijs, quibus tali in re ac tempore con-
 tra hostis impetus sit utendum. Quæ quidem
 etsi non inutilia sunt cognita, ramen brevi-
 tatis causâ prætereo. Summa illa est, certis-
 simumque præsidium, ut contra hostem ma-
 gno præsentique animo sis, tibi penitus dis-
 fidens, & frater Deo; ut videlicet in illo spes
 omnes ac vires tuas locatas habeas; ac nul-
 lo modo committas, ut tali ac tanto defen-
 sore ac patrono timere, aut de victoria dubi-
 tare videaris. Ac mihi persæpe veniebat in-
 mentem, si Deus meo rogatu dæmonis sup-
 plicia ac pœnas auxisset, facile illum posse
 in me odium acrabiem expromere: sæpius
 enim mihi minitans denuntiabat, venisse
 tempus ulciscendi doloris sui. Verùm cum
 nihil ille nocere cuiquam possit, nisi quoad
 Deus ipse permittat, magis eo tempore DEI
 diffidentia timenda est, quàm impetus inimi-
 ci. Etenim hosti permittit Deus, ut eos soli-
 citet atque divexet, qui timiditate adducti,
 nequaquam suo Conditore confidunt, neque
 vires ab eo sumunt ulla, neque suam in eo
 spem

spem reponunt. Hæc pestis (timiditatem dico) facit, ut complures eorum, qui Deo inservire cœperunt, mœstam ac sollicitam vitam degant: quippe cum suave Christi jugum & crucem ferentes, nequaquam fortiter constantérque progrediantur. Atque hoc tantum, tam exitiale ac perniciosum malum affert timiditas, ut cum tuâ niti imbecillitate cœperis, ubi majoribus viribus opus esset, prædiis que planè divinis, cadas animo magnis in rebus, quò minùs bene utaris cælesti ope, quæ te ad bene sperandum vocat. Audaces verò, qui fiduciâ sui inducti plus æquo suis viribus fidunt, & minora certamina, etsi minimè in his se ad victoriam exercuerint, contemnunt; in majoribus periculis atque ærumnis imbecilliores etiam sunt, quàm timidi. Nam cum minùs ex sententia successerint quæ susceperunt; parvis in rebus pariter, ac magnis animos contrahunt, atque demittunt. Proinde ita repugnanter ac timide ejusmodi certamina subeunt; ut magnum discrimen adeant salutis, aut certè tranquillitatis. Etenim cum suam ipsi infirmitatem non agnoscant, atque idcirco Christi crucem nimis gravem existiment ad perferendum; profectò sollicitam atque acerbam vitam ducant necesse est. Quid tandem nobis, Fratres, in extremo spiritu futurum putamus, nisi

nisi ad benè sperandum, atque ad Dei fiduciã nos exercuerimus in vita? Siquidem tum majoribus undiq; nos cinctos periculis, tentationibus, ærumnis, vel animi vel corporis visuri sumus, quàm umquam antea. Quocirca par est eos, qui divini obsequij studio tenentur, parvis in rebus elaborare, seque quàm maximè demittere atque exinanire, ut sibi vel minimùm fidant, Deo vel plurimùm: ut scilicet in magnis, tum vitæ tum mortis periculis, atque incommodis, in divina bonitate atq; misericordia spem habere consuecant. Id adeò consequentur, si, quamvis parvis in rebus, à quibus abhorrent, sui victores extiterint: summòque Christianæ humilitatis studio sibimet penitus diffidentes, ad maximam Dei fiduciam animos erigant, suos. Neque enim imbecillus est, qui scienter nititur ope divinâ. Atque ut multa communis hostis impedimenta perseverantiæ ac perfectioni virtutis obijciat, majus tamen discrimen adeas, si in magnis ærumnis ac discriminibus Dei auxilio diffidas, quàm si pericula subeas, quæ capitalis hostis opponit. Utinam viri pij objectos terrores ac metus, quibus eos dæmon à divino obsequio deterere studet, converterent in Dei Conditoris sui metum! si fortè destiterint ab incepto, si bique planè persuaderent, longè plus malifutu-

futurum, si divini Numinis voluntatem neglexerint, quàm si dæmonis impotentiam contempserint. Id si facerent, Deus bonè, quàm jucundè viverent, quantum in virtute procederent, cùm ipsi usu docti planè sentirent, nihil ipsos per se posse; contràque omnia posse adiutore Deo; Adversarius autè noster quàm fractus ac perturbatus hæreret, cùm victum se cerneret ab ijs, quos non semel antè vicisset?

Sed ut jam ad iter nostrum revertamur: cùm maris tempestas remisisset, sublati anchoris vela fecimus, & lacrymabundi intermissum iter perreximus. Paucis diebus Sinarum portum (Cantonium ipsi appellant) cùm tenuissemus, nautæ, atque ipse navarchus ibi hiemandum esse censuerunt. Nos illis adversari partim rogando, partim minitando, de eorum perfidia cum Præfecto Malacæ, ac Lusitanis exoptulaturos. Itaque Deus pro sua bonitate eis mentem dedit, ut in Cantoniis insulis non hærerent, sed sublati anchoris Cinceum peterent. Quocirca secundo vento, qui nos Dei benignitate perpetuò prosequeretur, provecti, paucis diebus Cinceum, alterum Sinarum portum, accessimus. Jamque portum subituri erant eo consilio, ut ibidem hibernarent, quoniam jam cursus Japonici tempestas pene exacta erat; cùm
subi-

subitò navicula ad nos advolat, portum illum prædonibus obsessum esse nuntians, ætatum fore de nobis, si propius accederemus. Hoc nuntio commotus nauarchus, & simul quòd cerneret Cinceorum prædonum myoparones non amplius quatuor millia passuum à nobis abesse, ut præsens periculum vitaret, portum illum vitare constituit. Cùmque ventus Cantonium portum repetenti adversus, Japoniam petenti secundus esset, invito Navarcho, nauris, ipsòque diabolo, Japonium cursum tenuimus. Ita ad has regiones, tantoperè à nobis exoptatas, Deo aspirante pervenimus, ipso die Beatæ Mariæ in cælum assumptæ sacro anno M. D. XLIX. Et quoniam alium portum capere non licuit, Cangoximam, quæ Pauli à S. Fidei patria est, applicuimus; ibi tum à Pauli cognatis atque affinibus, tum etiam à ceteris oppidanis perbenignè accepti sumus.

De Japoniâ (quod usû assequi potuimus) ea ad vos perscribemus, quæ ipsi cognovimus. Primùm gens ea, quæ cum versati sumus, nationes omnes nuper inventas probitate præstat; ut barbarorum nationem, quæ Japones naturæ bonitate vincat, nullam esse omnino putem. Facili est ingenio, & minime fraudulento, honoris ac dignitatis mirum in modum avida: quippe honorem
I
rebus

rebus omnibus anteposit. Eorum quidem plerique sunt pauperes; sed paupertas nemini dedecori est. Vnum autem est apud eos, quod haud scio an usquam apud Christianos facitetur. Nobilibus quamvis egentibus non minor habetur à ceteris honor, quàm si essent opulenti: neque nobilis quisquam, quamvis pauper & egens, ullâ conditione adducitur, ut cum plebejo vel ditissimo jungat connubium. Quod eò faciunt, quia descendendo ad plebejorum afflictionem, existiment se multum dignitatis atque existimationis deperdere; adeò prædignitate divitias contemnunt. Iidem sunt inter se perofficiosi: armis mirificè delectantur, in iisque plurimum præsidii ponunt. Omnes summi æquè infimique suo quisque gladio ac pugione succincti prodeunt, etiam pueri annorum quaterdenum. Nullum neque factum neque dictum contumeliosum ferre solent. Atque ut plebeji magnum honorem habent nobilibus; ita nobiles ipsi Regibus ac Dynastis inservire, ac dicto audientes esse, sibi præclarum putant. Idque mihi facere videntur honoris studio magis, quàm dominorum metu; ne si contrà faciunt, dignitatis aliquid amittant suæ. Pauci sunt ac frugales in cibo, in potu non item. Vinum potant ex oryzâ expressum, nam his

locis

locis vinum præterea nullum est. Ab alea ludoque tamquam à rebus turpissimis abhorrent, quòd lusores appetentes sint alieni, & ad furandi studium à studio lucrandi vocentur. Si quando jurant (quod tamen perrarò faciunt) per Solem jurant. Eorum plerique litteras nòrunt, quod magno adjumento est ad solemnium precationum formulas, & religionis nostræ capita faciliè comprehendenda. Singulas habent uxores. Pauci inter eos fures existunt; idque, propter pœnarum, quibus furta vindicantur, atrocitatem: fures quippe omnes morte mulctantur; itaque nullum furtorum genus non mirificè oderunt. Sunt ad omnem honestatem mirum in modum propensi, cupidissimique discendi. Sermones de Deo rebusque divinis audiunt avidissimè; præsertim cùm satis ea quæ dicuntur intelligunt. Ex omnibus, quas vidi, gentibus nullam unquam, neque Christianorum, neque barbarorum nationem, tam à furto alienam vidisse me memini. Animantium specie deos nullos venerantur. Plerique priscos quosdam homines colunt, qui (quantum ego cognoscere potui) veterum Philosophorum more vivebant. plurimi Solem, nonnulli Lunam colunt. Res naturæ ac rationi congruentes libenter audiunt. Et quanquam

ipsi à flagitiis ac sceleribus non vacent; tamen si id quod peccant, contra rationem esse ostendas, facile assentiantur, & impurio pareant rationis. Minus impuros, magisque naturæ obtemperantes profanos homines reperio, quàm sacerdotes, quos Bonzios vocant. Hi nefario libidinis generi utque eò dediti sunt, ut etiam palàm id profiteantur. Jàmque adeò communis omnium virorum, pariter ac mulierum hæc pestis est, ut tam tetri flagitii odium atque horrorem ipsa jam sustulerit consuetudo. In hoc nefarium scelus sæpe invehimur: cùmque ostendimus quàm scelerati sint, Deoque invisi, qui tantam impuritatem suscipiant, secundis quidem ceterorum auribus atque animis utimur; sed Bonzii ipsi à nobis admoniti, ut à tam fœda libidine sibi temperent, risu ac facetiis objecta elevare conantur: & quamvis graviter objurgentur, quasi callo ad turpitudinem obducto, etiam ad pudorem obdurerunt.

Bonziorum secta quædam est, cultu corporis haud sanè absimilis cœnobitis nostratibus, vestitu cinerei coloris: barbâ & capite semper raso, ut certio aut quarto quoque die radi videantur. Horum est disciplina ac vitæ ratio laxior. Mulierum ejusdem sectæ cœtus sunt, quibuscum illi promiscue

vivunt. Itaque apud populum, qui tantam eorum cum mulieribus consuetudinem non probet, vulgò malè audiunt. Fama est eas, ubi se gravidas sentiant, partum medicamentis abigere. Ac mihi quidem (quantum ex hoc illorum cœnobio judicare possum) non injuriâ videtur multitudo malam de eis opinionem habere. Porro hi Bonzii odio quodam dissident ab iis, qui nostratium ferè clericorum ornatum ulurpant. Duo sunt, quæ hic obstupescam: Vnum est, quàm nefaria flagitia pro nihilo habeantur; quod quidem majorum vitio accidit, qui hâc ipsi peste corrupti, tam fœdæ libidinis exemplum posteris reliquerunt suis. Et sanè consuetudo vitiorum ejusmodi diuturna corrumpit depravatque naturam; sic assidua incuria ac virtutis remissio perfectam vitam sensim labefaciat. Alterum est; quòd cum Bonzii flagitiosius vivant quàm ceteri, idque constet inter omnes; tamen tanto apud eos in honore sint. Multi præterea sunt Bonziorum errores: sed ne multis vos teneam, ut quisque maximè inter eos sapit, ita errat turpissimè. Sæpè congressus sum cum quibusdam eorum, qui sapientiâ ceteris præstant, ac præsertim cum eo, quem in his locis, cum propter doctrinæ famam & amplitudinem sacerdotii, tum verò propter affe-

etiam ætatem (jam enim est octogenarius) omnes observant atque suspiciunt. Is apud eos instar Episcopi est, & Ninxi (quod Japoniorum linguâ significat Cor veritatis) appellatur. Felix planè, si hoc nomen in eum quadraret. Hunc ego in sermonibus, quos cum illo plurimos habui, nutantem, atque incertum offendi, utrùm aniquius noster immortalis esset, an simul cum corpore interiret, neque enim sibi constabat; sed tum aiebat, tum negabat. Malè metuo, ne hujus ceteri similes sint litterati. Incredibile est, quàm is me unice diligat. Vulgòque omnes, tum Bonzii tum alii, nostrâ consuetudine delectantur plurimum. Illud autem maximè mirantur, nos inde usque à Lusitania in Japoniam (quod iter est leucarum amplius sex millium) contendisse hancenam ob causam, ut cum eis de rebus ageremus divinis; & CHRISTI Fide proposeret, æternæ salutis iter errantibus monstraremus. Atque hanc nobis mentem divinitus profectò datam esse prædicant.

Vnum est, quod scire vos vehementer volo, ut ingentes Deo gratias agatis; hanc insulam ad excipiendum Evangelium satis idoneam ac paratam esse. Ac si nos linguam calleremus Japonicam, non dubito, quin plurimi fierent Christiani. Faxit Deus, ut

tam brevī addiscamus; siquidem jamdudum gustare cœpimus, ut jam decem præcepta Japonicè explicemus. Hæc ego ad vos ob eam maximè causam uberius scribo, ut Deo Domino gratulemini, novas aperiri regiones, ubi vestra excurrere possit industria: utque solidis virtutibus ac studio quàm plurima pro CHRISTO perferendi vos interim instruat. Atque illud perpetuò vestris hærerere mentibus velim, propensam plenamque humilitatis demissionisque voluntatem, quâ te caputque tuum divinæ gloriæ devoveas, gratiorem Deo acceptioremque hostiam esse, quàm vel plurima & maxima obsequia, sine ejusmodi voluntate. Vos igitur parati estote; fortassis enim intra biennium plurimos vestrū in Japoniam per litteras evocabo. Proinde meditamini interea ac diligenter colite humilitatem: omnibus in rebus, à quibus depravata natura abhorret, vos ipsi vincite: summòque studio elaborate, ut divinâ ope vos ipsos penitus cognoscatis. Nam sui cognitio nutrix est divinæ fiduciæ, ac parens Christianæ humilitatis. Quippe ex nostri diffidentia Dei fiducia nascitur, quæ vera est atque germana fiducia. Hæc cœmum vobis ratio intimam illam animi submissionem pariet, quæ quidem cūm ubique; tum verò in hisce locis longè ma-

gis, quàm putatis, necessaria est: Illud autem vos moneo, ne bona hominum de vobis opinio vos nimium oblectet, nisi forte, ut hoc magis vestri vos pudeat. siquidem inde oritur sui ipsius negligentia, quæ nonnullis interiorem illam animi submissionem, quasi per præstigias intervertit, arrogantiamque substituit. Itaque multi, cum diu quantum damni fecerint eos fallat, paulatim etiam studium pietatis, animique tranquillitatem amittunt; ac solliciti semper atque anxii, nulla neque intus solatia inveniunt, nec foris. Quare vos oro quæsoque, ut omni vestrarum virium, humanæque sapientiæ & existimationis fiduciâ abjectâ, vestras omnes spes cogitationesque defixas habeatis in uno Deo. Ita demum vos adversus omnia, quæ accidere possunt vel animi vel corporis incommoda, satis vos armatos paratosque existimabo. Deus quippe humiles erigit ac roborat; eos præsertim, qui in rerum etiam humilium atque abjectarum tractatione, tamquam in speculo, infirmitatem intuentur suam, seque ipsos in eisdem egregiè vincunt. Hi scilicet vel in maximis laboribus atque ærumnis virtutem constantiamque præstabunt: neque satanas cum suis administris, neque maris tempestates, neque immanes gentes ac barbaræ, neque

res ulla eos poterit *separare à charitate* CHRISTI. Exploratum enim habent, pro sua Dei fiducia ac spe, nihil omnino sibi, nisi ejusdem permissu, noceri posse. Cum enim hoc persuasum eis sit, res omnes Dei nutu consilioque regi atque gubernari, divino præsidio tecti nihil habent quod metuant, nisi hoc unum, ne ipsum offendant Deum. Quòd si quando à diabolo, ab hominibus, à rebus aliis, cœlesti Numinis permissu, exagitantur atque vexentur, tum sibi persuadent, aut virtutem suam exerceri, aut vitia & delicta expiari; ita vel meriti accessionem fieri, vel humilitatis. Quare debitas Deo pro tantis beneficiis gratias agunt; ac ne iis, qui materiam sibi dant virtutis ac præmiorum, ingrati sint, summis precibus pacem eisdem à Deo ac veniam orant. Tales ego vos, Deo bene juvante, confido futuros.

Equidem hominem novi, qui, cum etiam in ipsis periculis omnem in Deo spem ac fiduciam habere consueffet, cœlestibus donis, quæ longum esset percensere, mirè cumlatus est. Et quoniam discrimina adita adundis leviora censenda sunt, venturos in Japoniam per Jesum oro atque obtestor, ut ad summa se comparent, suasque cupiditates, quæ tantum bonum impediunt, frangant ac doment. Attendite vobis, Fratres

I,

charissi-

charissimi. Multi enim nunc apud inferos cruciantur, qui cum suis sermonibus aditum ad celestem beatitudinem multis aperuerint, ipsi, quod falsâ fallacique sui opinione inflati, germanâ animi submissione vacarent ad sempiternas illas poenas sunt devoluti. Nemo autem omnino est apud inferos eorum, qui, cum hujus vitæ ærumnis affligerentur, id egerunt, ut interiore illâ humilitate animum munirent suum. Memen-
tote semper illam celestis Magistri vocem: *Quid prodest homini, si univèrsam mundum lucretur, anima verò sua detrimentum patiatur?* Cavete, ne quam vestri fiduciam habeatis, & quod sitis in Societate antiquiores, idcirco recentioribus vos anteponatis. Ego verò lætitiâ caperem multò majorem, si (quod exopto) intelligerem, antiquissimum quemque Socium sæpius secum animo reputare, quàm parvos progressus fecerit, tot annis in Societate consumptis; quantum temporis contriverit, non modò cessando, sed etiam regrediendo: siquidem *in his perfectionis non progredi, regredi est.* Nam qui hujusmodi cogitationes suscipiunt, hos profectò suæ inertiae ac nequitiae pudet ac piget, sic ut interioris magis, quàm externæ submissionis stimulis excitari, ad detrimenta sarcienda animos ac vires recipiant.

Ita demum exemplo sunt iis, quibuscum
versantur, tum novitiis, tum ceteris. Agi-
te igitur, exercete vos omnes assiduè hisce
meditationibus, quando in CHRISTI Domi-
ni nostri castris insignes esse concupistis. Ac
mihi credite, eorum, qui in hæc loca ve-
nerint, virtutem satis exploratum iri: utque
in cujusque generis virtutibus quærendis di-
ligentissimi fueritis, nihil tamen vobis su-
pervacaneum futurum. Nec verò hæc eò
pertinent, ut ostendam difficile atque ar-
duum esse Deo servire, cujus constat ju-
gum leve esse ac suave. Nam si *quæras De-
um in Veritate*, atque iis, quibus ad eum per-
venitur, itineribus strenuè ingrediaris; præ-
fectò tantum ex ejus obsequio lætitiæ mana-
re sentias, ut quicquid est in sui victoria a-
cerbitatis atque amaritiei, facilè mitiget ac
leniat. Deus bone, non intelligunt homi-
nes, quantâ, quàm liquidâ voluptate care-
ant idcirco, quòd minùs fortiter dæmonis
conatibus obstant; quæ quidem res imbe-
cillas mentes, non divinæ bonitatis cogni-
tione solùm, sed etiam ærumnosæ hujus vi-
tæ solatiis privat: præsertim cùm ejusmodi
vita divinæ expers dulcedinis continua mors
sit magis quàm vita.

Vereor, ne quem vestrùm dæmon solici-
tet, propositis maximis quibusdam institu-
tæ vitæ

ta vita difficultatibus. Quid ille faceret, si vos opportuniore loco nancisceretur? Nimirum huc spectant illius consilia, ut vos solliciti atque anxii, neque vobis ipsi, neque aliis, quibuscum versamini, emolumento sitis. Itaque illud insusurrat. Quid agitis? an non videtis vos in vestris conatibus oleum & operam perdere? Hujusmodi cogitatione eorum, qui se ad Dei obsequium conulerunt, plerique tentantur: cui quidem ut fortiter constantérque resistatis, vos vehementer etiam atque etiam rogo. Usque eò enim hæc pestis pietati perfectionique virtutis perniciosa est, ut non modò nos ab instituto cursu retardet, verùm etiam cum magna animi molestia atque angore deducat. Proinde quisque vestrùm, ubicumque est, se primùm, deinde alios iuvare studeat, inducátque in animum, nusquam se melius, quàm ubi à Præposito constitutus sit, operam Deo navare posse. Et simul confidite, Deum, ubi tempus fuerit, hanc iis qui præsum mentem daturum, ut eò vos potissimum mittat, ubi vester labor fructuosissimus sit, futurus. Ita læti atque alacres magnos in virtute progressus facietis, & tempus rectè collocabitis; cujus pretium etsi multis ignorum, tamen maximum est. Siquidem tam accuratè otii ratio est Deo reddenda, Nam
anxii

-anxii homines & ancipites neque in iis locis, ubi esse cupiunt, quicquam proficiunt, quod absint; neque ubi sunt, sibi aut aliis profunt, quod alio cogitent.

Quicumque in isto S. Fidei Collegio versamini, in vestra imbecillitatis cognitione, diu multumque vos exerceatis censeo, vestraque vitia hominibus, qui vos consilio & auxilio juvare queant, (cujusmodi vestri Confessarii sunt, alique domestici satis experti) penitus aperiatis. Nimirum ut isthinc emissi, & vos ipsi, & alios pro usu & scientia, quam à vitæ præceptoribus habetis, curare possitis. Sic enim habetote, novis vos tentationum generibus sollicitatum iri, cum bini aut etiam singuli terrâ marique vos cinctos videbitis barbarorum aut tempestatum periculis, quæ numquam antè nec cogitastis quidem. Quod si qui in pravis animi motibus edomandis, versutissimique hostis insidiis cognoscendis non se multum ac diu exercuerint, ipsis cogitandum relinquere, quantum periculi adituri sint, cum lateissent mundum, *qui totus posuit in maligno*. Quî tandem, nisi submissione multum valeant, adversarii petitiones eludent? Illa etiam me cura sollicitat, ne dæmon per suas præstigias, *transfigurans se in Angelum lucis*, vestram aliquem decipiat; & eximius Dei erga vos

ga vos meritis, itémque miseriis (è quibus vos in Societatem Filii sui vocatos eripuit) propositis, in vanam fiduciam ac securitatem inducat, ut experatis istinc ante tempus emitti: quippè qui ita vobiscum ratioenemini: Si adhuc Deus tam brevî tam multa ac magna vobis in isto domicilio dedit beneficia, cum primùm istinc ad conversionem Ethnicorum dimissi eritis, multò & plurà & majora eum utique daturum. Quà quidem demon cogitatione injectâ, facîle persuadeat, vos isthic sedere otiosos. Verùm ista adversarii petitio duobus propulsari modis potest: primùm, si vobiscum reputetis, complures esse homines facinorosos, qui si abstersâ superioris vitæ quasi fuligine, in eadem, ubi vos estis, scholâ virtutis divinitus collocarentur; non modò vitæ rationem commutarent, sed etiam vos sedulitate, ac virtute, non sine vestro pudore, præcurrerent. Hoc eò dico, ut in animum inducatis (id quod ita est) vos idcirco à gravioribus flagitiis abstinere, quòd isthic occasiones Deum offendendi desint, fruendi adsint. Nam qui nesciunt, unde tantum boni proveniat, quod loci & domesticorum beneficium est, virtuti tribuunt suæ: proinde negligunt ea quæ parva videntur, cum tamen sint per se magna: qui autem ea temerè contemnant,

temnunt, parvi ipsi sunt, ac meritò contemnendí. Deinde faciendum est diligenter, ut vestras voluntates ac judicia ad vestros Præpositos rejiciatis, planè confidentes fore, ut Deus pro sua benignitate eam illis injiciat mentem, quæ vestris rationibus conducat maximè. Cavete porrò, ne importunè quicquam ab illis flagitetis; quod nonnulli faciunt, qui usque eò Superiores urgent suos, dum quod concupierunt, quamvis perniciosum, extorqueant: quod si denegatum sit, palàm queruntur vitam sibi insuavem & acerbam esse. Neque intelligunt miseri, acerbicatem illam ac molestiam ex eo nasci & augeri, quòd voluntatem suam Deo semel addictam ac devotam neglecto voto intervertere, ac sibi vindicare conentur. Enimverò isti quò magis suis voluntatibus obsequi student, hoc magis anxii & sollicitis animis vitam vivunt. Itaque non pauci istorum sunt adeò sui juris, voluntatis ac sententiæ, ut numquam ferè sponte pareant Superioribus, nisi cùm jubentur facere quod volunt. Cavete per Deum immortalem, ne ex hoc numero sitis. Quare in domesticis rebus, quæ vobis à Præpositis imperantur, summo studio exequimini: & divinâ ope instinctum eludite dæmonis persuadere conantis, vos in alio munere plus profi-

proficere posse: ne scilicet munus, cui propofiti estis, rectè obeatis; quo inſidiarum genere ille etiam eos, qui litteris ac bonis artibus dant operam, petere solet.

Oro vos etiam atque etiam per CHRISTVM IESVM, ut in abiectis atque humilibus officiis dæmonem egregiè superare nitamini. Ac multò etiam magis elaboretis in tentationibus vestri muneris propulsandis, quàm in suscipiendis laboribus corporis, ut imperata faciatis. Neque enim desunt, qui extrinsecus suo officio satisfaciunt, intrinsecus non item; quòd pravos animi motus coercere, & impedimenta à dæmone contra officium injecta ad retardandum virtutis cursum removeere minimè student. Atque isti ferè tristem & sollicitam vitam agentes, nihil in pietate ac virtute progrediuntur. Nemo se ipse fallat; non potest quisquam magnis in rebus excellere, qui non priùs excellat in parvis. Nam cum multi multorum in hoc genere versantur errores, tum præcipuè eorum, qui id agunt, ut per speciem pietatis ac studii convertendorum animorum, obedientiæ crucem sanè levem subterfugiant, ut longè graviores suscipiant. Neque cogitant miseri, qui parvo oneri ferendo non sit, multò minùs magnum esse laturum. Etenim isti, qui exiguis virtutibus & obse-

quii

quii viribus magna suscipere negotia gestiunt, ubi se rerum mole sentiunt opprimi, tum verò se stultitiæ damnantes onus abjiciunt. Atque etiam ex iis, qui Conimbricâ transmittent in Indiam, vereor ne nonnulli sint, qui simul atque videant se atrocissimis oceani tempestatibus periclitari, in Conimbricensi Collegio, quàm in navi esse malint, Itaque fervores quidam virtutis sunt, qui refrigerescunt in ipso Indico cursu. Quod si qui in Indiam ardorem pertulerunt; ubi barbarorum regiones peragantes cœperint quâ ærumnis premi, quâ periculis urgeri; profectò, nisi altas in eorum animis radices virtus egerit, facillè succumbunt, ac demum ardore illo, quem attulerant, restincto, qui modò in Lusitania cùm essent, Indiam adæmaverant, in India desiderio tenentur Lusitaniz. Idem aliquibus vestrùm usu venire potest, qui istius domicili bonis & commodis assueti, nunc magno animi ardore concepto, ad venandas animas emitte gestiunt: at verò ubi in medium certamen, quod tantopere expetunt, ventum erit, & ardor ille refrixerit, fortassè istius Collegii desiderium ferre non poterunt. Videtis, quo tandem evadant subiti isti & immaturi fructus charitatis? quàm periculosi magni conatus sint, nisi conatibus vires respondeant?

Nec

Nec verò hæc eò spectat oratio, ut mī-
ficos vestros ad pietatem imperus compri-
mam, ardoremque animorum à rebus ar-
duis deterream, quò minùs eximios vos præ-
beatis Christianæ religionis propagatores,
atque illustria virtutis ac sanctitatis exempla
posteris relinquantis: sed tantum ut in rebus
etiam parvis magni ipsi existere conemini,
& ex tentationibus ac certaminibus cum
dæmone, quantum in vobis virium sit per-
spiciatis: omninoque omnem spem, fiduci-
am, præsidium in uno Deo collocetis. In
quo si constantia à vobis perseverantiæque
adhibita erit, non dubito, quin submissione
ac pietate in singulos dies aucti, maximum
barbarorum numerum CHRISTO sitis ag-
gregaturi; idque summâ æquitate ac tran-
quillitate mentis, ubicumque demum ter-
rarum versemini. Par enim est eos, qui a-
nimi sui perturbationes ac morbos norunt,
curantque diligenter, aliorum quoque vul-
nera benignè curare, periculisque vel com-
capitis sui periculo subvenire. Nam qui
suas ipsi pravas affectiones agnoscere & cu-
rare student, nullo negotio agnoscunt & cu-
rant alienas: & qui CHRISTI Domini no-
stri cruciatibus permoventur, facile ad eum-
dem sensum alios permovent. Neque enim
video, quâ fieri possit, ut motum ullum al-

teri adhibeas, nisi idem in te impressus antea sit atque inustus. Sed ad institutam rerum Japonicarum narrationem, unde digressi sumus; aliquando revertamur.

In patria Pauli S. Fidei, quem verum nobis germanumque amicum experti sumus, Praefectus urbis, cives primarii, cunctaque civitas benignè admodum nos excepit. Novos quippe è Lusitania Sacerdotes magnâ omnino cum admiratione visebant. Haud iniquo animo ferunt, Paulum factum esse Christianum, sed eum potius suspiciunt; eidemque cum cognati omnes, tum ceteri, qui aliquâ eum necessitudine attingunt, gratulantur, quòd Indiam accesserit, easque res viderit, quas indigenarum nemo præter ipsum. Aberat Regulus leucas à Cangoxima sex: is, cum ad eum Paulus venisset salutatam, magnoperè de hominis reditu est lætatur, magnùmque illi honorem habuit: multa etiam de moribus, de virtute, de opibus Lusitanorum sciscitatus. Cui cum Paulus omnia exposuisset, maximopere visus est ejusmodi sermone delectari. Attulerat secum Paulus egregiè pictam in tabula B. MARIE & pueri JESU in matris gremio sedentis imaginem, quam ex India advexeramus. Hanc igitur cum Regulus ab illo prolata aspexisset, obstupuit scilicet: *confestim-*

festimque & ipse positis genibus piè admo-
 dum veneratus est, & omnibus qui aderant,
 idem ut facerent, imperavit. Eandem ta-
 bulam deinde Reguli mater contemplata,
 mirificam cepit admiratione mistam volu-
 ptatem: paucisque diebus, quibus Cango-
 ximam Paulus reverterat, certum hominem
 misit, sanè honestum, qui inde sumendum
 quoquo modo curaret exemplum. Verùm
 cùm ejus rei Cangoximæ facultas deesset,
 negotium confici haud potuit. Eadem mu-
 lier per eundem postulavit à nobis, uti sibi
 Christianæ religionis capita litteris confi-
 gnata traderemus. Itaque Paulus cùm in-
 ea re dies aliquot posuisset, multa de Chri-
 stianorum mysteriis atque institutis conscri-
 psit patriâ linguâ. Illud mihi credite, & si-
 mul Deo gratulamini, latissimum vobis cam-
 pum aperiri, ubi vestra concitata jam pie-
 tas excurrat. Nos Japonicè si sciremus, jam
 dudum hanc vastitatem non sine magno a-
 nimorum fructu coluissimus. Paulus qui-
 dem propinquis aliquot. & amicis dies no-
 ctésque Evangelium sedulò prædicans, con-
 jugem, filiam, cognatósque pac necessarios
 complures ad CHRISTI Fidem adduxit. Ne-
 que, ut nunc est consiliùm eorum qui Chri-
 stiani fiunt, vulgè improbatur. Atque ut
 Japonii maximam partem litteras sciunt,

breve

brevi nostras preces addiscunt. Faxit Deus, ut ad divinarum explicationem rerum Japonicam linguam condiscam, quam primum, tum demum aliquam Christianæ rei navabimus operam. Nam nunc quidem inter eos tamquam mutæ quædam statum versamur. Multa enim illi de nobis & dicunt & agitant, ad quæ nos scilicet obmutescimus, patris ipsorum sermonis ignari. In præsentia in linguæ hujus percipiendis elementis repuerascimus; atque utinam imitemur simplicitatem candoremque puerorum: nos certè infantium similitudinem sequimur, cum in vernacula lingua percipienda, tum verò infantium simplicitate meditanda. Quare vel hoc nomine Deo plurimum debemus, quod nos in has barbarorum terras deduxit, ubi nos ipsi penitus obliviscamur. Nam cum Ethnicis, veræ religionis hostibus, omnia teneantur, in quo spem habeamus, ad cuius præsidium confugiamus, præter Deum habemus neminem. Etenim domi nostræ, ubi CHRISTI Domini religio viger, nescio quomodo homines ipsi, ac res creatæ, veluti parentum, patriæ, peregrinorum amor, amicorum consuetudines, vitæ commoda, morborumque remedia nobis impedimento sunt, quò minus spes omnes nostras in uno Deo fixas & locatas habeamus.

Hic

Hic verò tam procul ab domo, atque inter barbaros, ubi nos omnia præsidia subsidiaque humana deficiunt, unâ Dei fiduciâ nitimur necesse est. Hæc tantorum erga nos Dei beneficiorum cogitatio non vulgarem nobis pudorem ac verecundiam affert. Divinam enim in nos largitatem pene oculis cernimus, ut qui in hæc loca divinæ religionis amplificandæ studio venientes aliquam à Deo gratiam inire nos arbitraremur, nunc demum planè videamus, id ipsum summum Dei esse beneficium. Etenim ille, cum nos perduxit in Japoniam, rerum humanarum amore, quo irretiti minimum in Deo spei habebamus, penitus expedit, ut toti apti ex ipso penderemus. Vos quæso me ad gratias pro tantis meritis divino Numini agendas adjuvate, ne ingrati animi vitium incurram. Enimverò hoc vitium fontes divinæ largitatis avertit, ne dona majora accipiat, qui in minoribus fuerit ingratus.

Nec verò de aliis beneficiis, quæ divinitus nobis tributa sentimus, vos celandos putamus, ut scilicet unâ nobiscum illi largitori Deo immortales gratias agatis. Ceteris in locis cibarium copia cupiditates excitat, atque alit adversus frugalitatem ac temperantiam; ex quo vulgò multa graviâque accipiuntur vel animorum detrimenta, vel

corpo-

corporum. Nam intemperantes cum multa & gravia à Medicis patiuntur, cum verò vitam suam affligunt, aut etiam extinguunt; longèque plus deinde molestiarum ex medicamentis capiunt, quàm antea voluptatis ex epulis ceperant. Ex his porrò molestiis in cruciatus delabuntur haud paulò acerbiores: vitam enim suam sæpè Medicis credere, coguntur, qui vix demum post multos errores & inanes curationes morbis faciunt medicinam. Itaque magnum Dei beneficium duco, quòd nos in loca ab his deliciis vacua abduxit, ubi, ut maximè velimus, corpori indulgere non possumus. Etenim hìc altiles aves nec mactare, nec comesse solent: vulgò oleribus & oryzà victitant: triticum, pisces, poma, ceterique arborum fructus in deliciis numerantur. Ergo plerique temperantiæ beneficio prosperà admodum utuntur valetudine; senes passim cernuntur plurimi: ut vel hinc facillè appareat, naturam nostram, quæ ceteroquin insaturabilis videatur, paucis esse contentam. Nos hìc corpore optimè valemus; utinam æquè animo valeamus.

Est quiddam præterea, quod vobiscum communicare pene cogimur: videtur enim Deus magnum nobis ostentare beneficium, ad quod impetrandum vestris nos precibus
ac fa-

ac sacrificiis juvetis velim. Japonii magna ex parte Bonzii sunt, qui valde observantur à populo, etsi eorum flagitia minimè obscura. Causa cur in tanto honore habeantur, singularis quædam ciborum abstinencia videtur esse. Quippe suis legibus carne, pisce, vino prorsus abstinent; oleribus tantum, pomis, oryzâ vivunt, sic, ut semel dumtaxat in die cibum capiant. Bonzii, ut dixi, plurimi sunt, eorûmque cœnobîa parum à vestigalibus instructa. Verùm propter eximiam illam frugalitatem, & simul quod ii præsertim qui clericorum utuntur ornatu, à mulierum consuetudine (capitalis enim ea noxa est) longè refugiunt, & historias quasdam aut fabulas potius suarum religionum diligenter exponunt, magnam apud Japonios venerationem habent. Itaque cum pravis horum opinionibus atque erroribus Christiana veritas vel maxime adversetur, periculum est, ne ubi primum ceperimus Evangelium prædicare, eorûmque commenta coarguere, insensis animis in nos impetum faciant universi. Nimirum illud unum propositum est nobis, ut Japonios ad CHRISTI Domini notitiam Fidemque perducamus; idque ejusdem ope, cui operam navamus, nos effecturos confidimus. Atque à multitudine quidem ipsa nihil no-

bis pe.

Bis periculi videtur esse, nisi fortè illa in nos à Bonziis concitetur. Nos verò neque ulla cum Bonziis certamina temere suscipiemus; neque ramen divinæ gloriæ deerimus & animorum salutis. Exploratum quippe habemus, illos nobis nisi Dei permisso nocere non posse. Quòd si accidat ut in tam pia, honestaque causâ vitam ponamus, nam nos in maximis id Dei beneficiis numerabimus. Ipsis etiam gratiam habebimus, qui continuæ hujus mortis finem initiûmque beatæ ac sempiternæ vitæ nobis attulerint. Certum est, nullis eorum minis aut terroribus à pronuntianda veritate desistere. Si quidem Deus vitam nostram alienâ animi salute posteriorè habere nos jubet: fixum est divino præcepto parere, Deo utique ipsò bene juvante, & animos virésque suppedicante, ut Japonios à tantis superstitionum tenebris in Evangelii lucem evocemus.

Magna in spe sum, divinam nobis opem in tali re non defuturam: quippe cum nostris diffusi viribus, spem omnem in CHRISTI Domini vi ac potestate summa, sanctissimæque ejus Parentis, Angelorum omnium, ac præsertim Michaëlis Archangeli Præsidis, Ecclesiæ militantis patrocínio defixerimus. Multum etiam spei in eo Archangelo ponimus, cujus in clientela tutelâque Japonia

K.

est;

est; eique nos, itémque reliquis Angelis
 minum custodibus nostrum negotium quo-
 tidie nominatim commendamus; uti non
 desinant pro Japonum clientum suorum
 conversione ac salute Deum deprecari. At-
 que etiam beatorum omnium auxilium im-
 ploramus assidue; in tanta animorum cale-
 mitate, ac pro tot Dei imaginum conserva-
 tione, earum Conditori tot talesque depre-
 catores allegando supplicamus: nec dubita-
 mus, quin quicquid in hac ipsa cælestium
 imploratione à nobis per incuriam ac negli-
 gentiam delinquitur, à beatis illis Sociis no-
 stris compensetur, qui nostra quæcumque
 studia gratificandi Deo, sanctissimæ Trinitati
 studiosissimè cupidissimèq; offerunt. Hisce nos
 tot tantisque prædiis haud paulò magis
 excitamur ad spem victoriæ, quàm dæmo-
 num insidiis ac minis, quamvis multis ac
 magnis, ab hac dimicatione deterremur. Ni-
 mirum stultissimè faceremus, si nostrâ vi ac
 sapientiâ niteremur. Sed Deus pro sua pro-
 videntia tantos terrores, ærumnas, pericu-
 la ab hostibus opponi, eò videlicet finit, ut
 nostros spiritus frangat, animos demittat,
 nòsque ad submissionem animi humilitatem
 que erudiat; ne quid umquam in posterum
 nostro consilio, sed divino planè præsidio
 confidamus. Quæ quidem ille in re & suam
 beni-

benignitatem & nostri memoriam facile declarat: nostros enim animos interioribus præceptis docet, quàm nihil per nos ipsi valeamus, cum patitur animos nostros parvis sæpe incommodis ac periculis sollicitari, ne nobis ipsi fidentes, optimi parentis negligamus auxilium. Nam si qui sui fiduciâ quippiam aggrediuntur, his sæpe parva impedimenta molestiora ac difficiliora sunt ad superandum, quàm vel maxima pericula & calamitates iis, qui sibi omnino diffisi, spem omnem suam positam habent in Deo.

Magni ad solatium nostrum refert, vos gravis cujusdam nostræ curæ ac solitudinis ignaros non esse, quod nos vestris vel precibus, vel sacrificiis adjuvetis. Nam cum Deum delicta nostra & multa & magna nos lateant, illa nos cogitatio valde sollicitat, ne divinæ opis aura conatus nostros ad fines non provehat optatos, nisi magna quædam morum vitæque emendatio in nobis extiterit. Quam ad rem deprecatoribus utendum est omnibus nostræ Societatis hominibus ac studiosis, ut per eos Ecclesiæ universæ CHRISTI Domini nostri sponsæ sistamur; quàm sua nobiscum merita innumerabilia, communicaturam confidimus, nosque sponso suo, eidemque Patri nostro JESU CHRISTO, ejusque sanctissimæ Parenti commendaturam.

daturam. Ita fieri, ut hi rursus æternum Patrem, bonorum omnium fontem atque auctorem exorent, ut nos continenter in officio contineat, & nostra delicta suâ infinitâ bonitate obruens, cælestia in nos dona congerere non desistat. Etenim ejus dumtaxat causâ in hæc loca demigravimus, (ut ipse mihi optimus est testis, cui mentes nostræ consiliâque perspecta sunt) & studio vindicandi animos hominum ex diuturna dæmonis servitute; qui pro Deo coli studet in terris, quoniam id assequi nequivit in cælo, unde derurbatus, in homines atque hos miseros Japones odium expromit suum.

Sed jam faciendum est nobis, ut de Cangoximana commoratione vobis exponamus. Cangoximam appulimus, cum adversus jam ventus esset perentibus Meacum, quæ urbs totius Japoniæ maxima est, & Regis ac Dynastarum domiciliis celeberrima. Post quintum demum mensem dicitur idonea tempestas ad Meacensem cursum reditura: tum nos Deo bene juvante solvemus. Abest Meacus Cangoxima leucis trecentis. Mira nobis de illius urbis magnitudine narrantur: tectis eam amplius nongentis constare perhibent: inibi Gymnasium esse celeberrimum; quinque item præcipua discipulorum Collegia, & plus viginti coenobia.

Bon-

Bonziorum, aliorumque instar cœnobitarum, quos Legioxos appellant; itémque ejusdem generis feminarum, quas Hamacutatas nominant. Aliæ præterea sunt (excepta Meacensi) in Japonia Academiæ præcipue quinque, Coyana, Negruens, Fissionia, Homiana (quæ circa Meacum modicis intervallis sitæ, MMMD. circiter auditoribus singulæ celebrantur) & Banduens, Japoniæ totius longè maxima ac celeberrima, eadémque à Meaco remotissima. Est Banduens regio sanè ampla, quam obtinent Reguli sex, ex quibus unus opibus excellit, cui reliqui parent; ipse autem Japonio Regi, qui Magnus Rex Meacensis appellatur. Harum de Academiarum atque urbium amplitudine ac celebritate adeò mira prædicantur, ut ea prius ipsi oculis cernere ac perspicere, ac tum demum cognita, atque explorata ad vos perscribere cogitemus. Præter hæc quas diximus Academiæ, minores alias ferunt esse complures. Nos si horum populorum animos ad Evangelii culturam aptos paratósque viderimus, fortassis ad omnia præcipua Christianorum Gymnasia litteras dabimus, ut religionem, & scrupulum nobis exemptum illis injiciamus: quando virtutum suarum ac doctrinarum prædiis faciliè tanto incommodo ob-

viam ire possent, & barbaros innumerabiles ad Conditoris Salvatorisque sui cognitionem & cultum traducere. Nimirum ad illos tamquam ad superiores ac parentes scribemus, ut nos habeant in minorum fratrum loco; & simul exponemus, quàm lætæ atque uberes animorum fruges hinc per ipsos percipi queant. Quamobrem ab eis etiam atque etiam petimus, ut si qui huc venire ipsi non poterunt, faveant certè iis, qui pro divina gloria animorumque salute sese devoverint; quos quidem hîc majora & solidiora, quàm istæ, animorum solatia divinitus manent. Atquæ etiam, si negotii magnitudo postulabit, ipsum Pontificem Max. non dubitabimus de tota refacere certiore. Etenim ad eum, quippe CHRISTI Vicarium, omnium gentium parentem, pastoremque Christianorum ij quoque pertinent, qui parati sunt ad CHRISTI cultum, & Ecclesiæ gremium, Pontificisque ditionem venire. Et simul pias omnes Deoque acceptas Religiosorum familias, quæ Christiani nominis amplificandi studio flagrant, invitabimus diligenter, ut ad divinam illam suam animorum sitim explendam in has Japoniæ insulas convolent, itémque in regionem Sinarum hac longè majorem: quò sine ullo injuriæ ab indigenis metu aditus patere dicatur,

tur
jus
cor
cus
jose
fert
bus
nul
nav
traj
spe
sup
sta
par
reli
tav
qua
den
ren
mu
cen
his
stra
dia
gul
nos
ut
ger

tur, acceptâ fide publicâ Regis Japonii; cuius secundâ voluntate speramus nos, si Deo cordi erit, usuros. Rex enim Japoniæ amicus est Sinarum Regis, & amicitiae causâ ejusdem annulum ac signum apud se habere fertur, ut Japonibus in Sinas proficiscentibus fidem publicam regio obsignatam annulo tradat. Complures autem Japonum naves in Sinas dierum decem aut duodecim trajectu navigare dicuntur. Magna nos spes tenet, si vel decennii vitam Deus nobis suppeditet, multa nos præclara visuros effecta, partim per eos, qui istinc advenerint, partim per eos quos hîc iidem illi ad veræ religionis cognitionem & obsequium excitaverint. Intra annum hujus sæculi quinquagesimum de rerum Meacensium, Academicarumque statu, quod ad Christianam rem attinet, copiosius ad vos multa scribemus. Hoc ipso anno Bonzii duo, in Meacensi ac Bandueni Gymnasio eruditi, & cum his alii Japones complures, ad religionis nostræ mysteria cognoscenda veniunt in Indiam.

Die, qui S. Michaëli festus fuit, cum Regulo Cangoximano congressi sumus, qui nos perhonorificè acceptos commonefecit, ut monumenta Christianæ legis quàm diligentissimè custodiremus: quam si veram pro-

bámque esse perspexisset, eniavero futurum, ut diabolus disrumperetur. Paucis autem interjectis diebus, potestatem fecit omnibus, qui in suo imperio ac ditione sunt, Christianam religionem suscipiendi. Hos ego vobis latos nuntios in epistolæ clausula illigavi, quò magis & gaudeatis ipsi, & Deo gratulemini. Hanc hiemem (ut opinor) in Symboli capitibus Japonicè paulò copiosius explicandis consumemus, eo consilio, ut explicationem typis imprimamus, quò quàm plurima loca (neque enim ipsi omnibus præsentibus subvenire possumus) litterarum beneficio, quarum plerique Japonenses gnari sunt, Christiana religio pervagetur.

Paulus quidem noster fideliter in patriam linguam convertet omnia, quæ ad animorum salutem necessaria videbuntur. Nunc verò vos (quoniam tantus virtuti vestræ campus aperitur) egregios vestros ad pietatem impetus Deo ac celestibus probare oportet. Id assequemini, si incrimam animi submissionem factis & vitam declarabitis, omnemque existimationis vestræ curam Deo permittetis. Is enim suapte sponte existimationem vobis auctoritatemque apud homines conciliabit; aut si id facere omittat, vestram utique causam omittet, quòd periculum esse intelligat, ne fortè quæ Dei sunt, ea vobis

bis tribuatis. Illa me cogitatio valde consolatur, quod in animum induco meum, vos in vestris animis tot semper vicia animadvertere, quæ reprehendatis, ut magnum vos capiat odium arrogantiae: & simul summum teneat desiderium absolutæ cumulatæque virtutis; sic prorsus, ut nullum relinquantis alienæ reprehensionis locum. Quo fit, ut humanam laudem crucis instar habeatis; quippe quæ vestrorum vos admoneat vitiorum.

Sed finem aliquando scribendi faciam: quanquam nullus esse finis potest, meæ erga vos vel universos, vel singulos benevolentiae declarandæ. Ac si divino inter se amore diligentium animi oculis cerni possent, vestras Fratres effigies utique expressas in animo cerneretis meo. Quod si fortè in eo, tanquam in speculo vos ipsos intuentes vestras minimè agnosceretis imagines; id scilicet eveniret idcirco, quod cum ego maximè vestram virtutem suspiciam, vos contrà vestram contemnatis infirmitatem, pro vestra egregia humilitate haudquaquam vos ipsos in animo meo agnosceretis, quanquam ipsas vestras imagines in mente nostra cerneretis impressas. Obsecro vos, Fratres, ut vero germanoque amore inter vos completamini, neque ullam offensionem animo-

rum exoriri aliquando finatis ; præclara illa
vestra studia agendi patiendique pro CHRIS-
TO ad vos inter vos diligendos, & offensio-
nes, si quæ fortè extiterint, tollendas sedu-
lò conferatis. Neque enim vos fugit divina
illa CHRISTI Domini vox : *in hoc cognos-
cent homines, quòd discipuli mei estis, si dile-
ctionem habueritis inter vos.* CHRISTUS
Dominus suam mentibus nostris volunta-
tem declaret, virésque ad eam perfectè exe-
quendam pro sua bonitate suppeditet. III.
Non Novemb. M.D.XLIX. Cangoximæ.

EPISTOLA VI.

Societati Goam.

*Summarium. Monet ad Lusitana præsidia
excurrendum, Goæ Catechismum sedulò do-
cendum, propriæ salutis primùm attendendum
Sinæ Japoniosque Collegij Goani alumnos præ-
cipuâ quadam operâ instituendos, duos Bon-
zios Neophytos perbenignè accipiendos, & en-
cycliças suas litteras destinandas.*

Gratia & Charitas D. N. &c.

SI tanta vos tenet mei memoria, quanta
me vestri, utrique desiderium corporum
leviùs feremus, cum semper ferè animis præ-
sentes adsumus. Lusitana Indiæ præsidia,
quæ Sociis nostris carent, sic vobis com-
mendo, ut majore studio commendare non
possim,

possim, idque pro maximis Regis Lusitaniz
in nos omnes, qui in India versamur, bene-
ficiis atque promeritis. Si Socii Goam Con-
cionatores Olyssipone pervenerint, per hos
illis consulatis; sin minus, alios submittetis
Socios, quorum virtus animique submissio
Lusitanos juvet, confessionibus audiendis,
sermonibus habendis, pueris servisque ad
Christianam pietatem erudiendis, ceteris
per pias meditationes ad honestatem exci-
tandis, reliquisque nostræ Societatis mune-
ribus obeundis. Et sanè boni apud impro-
bos vitæ exemplo assiduè concionantur, at-
que adeò plus quàm Concionatores è sug-
gestu sæpe proficiunt: quippe cum longè plus
momenti ad permovendum in factis sit, quàm
in dictis. Si Goano in Collegio Socii sunt,
ad Christianam doctrinam in omnibus ur-
bis templis teneræ ætati tradendam idonei,
solitis horis mittendos censeo, ut Catechis-
mum quidem doceant quotidie, Dominicis
autem ac Festis diebus appositam etiam ad
ea, quæ explicantur è Catechismo, ehor-
tationem habeant; & simul sancti alicujus
viri præclara facta commemorent. Collegiū
porrò istius Rector idem faciat in maximo
urbis templo. Si alii præterea Conciona-
tores domi sunt, qui pueros Christianæ di-
sciplinæ rudimenta docere queant, pergra-

tum mihi fecerint, si eos docuerint, ac sue virtutis odore atque exemplo reliquos exciterint ad studium pietatis. Verum sermone omnes utantur apud Lusitanos vulgari ac vernaculo, quali indigenæ Christiani ac mancipia uti solent; quod ego quoque, cum istic essem, sequebar; quoniam is sermo facilius in aures atque animos influit auditorum. Quid in hoc genere fiat, facite identidem ut sciam. Magnopere hortor, ut vobis ipsi (quod caput est) primum attendatis: *Qui enim sibi nequam est, cui bonus erit? qui alios curare potest, qui se ipse negligit? qui tandem attentus ac diligens erit in alienis rebus, qui est dissolutus in suis?* Jam Collegii alumni, ut maximam partem Sinz aut Japones sint, curate; eos bonis moribus ac litteris imbuite; in Lusitano sermone utique exercete, ut hîc, ubi magno usui esse possunt, interpretum munere fungantur. Equidem unde majores animorum fructus percipi queant, quàm ex Japonia ac Sinis, orbis terræ partem esse arbitror nullam. Venient istuc in Collegium hoc anno Bonzii Japones duo, qui omisso illo sacrilego sacerdotio, ad CHRISTI Fidem sese contulerunt. Curate, ut eos comiter benignèque tractetis, item ut ego, cum apud vos essem, Paulum Japonem à S. Fide tractabam. Etenim
Japo-

Japonum ingenia ejusmodi sunt, ut nullâ re
 flectantur ac regantur aliâ, nisi humanitate
 ac benevolentia. Tres illos quos poposci
 Socios ad me mitteretis. Epistolam autem de
 interioribus animi sensibus, quam in eum-
 dem fasciculum conjeci, circum alias Socio-
 rum sedes, quæ in India sunt, mitti ac reci-
 tari placet. CHRISTUS Dominus noster
 pro sua bonitate ac misericordia nos omnes
 in sua felicitate conjungat. Amen. Datæ III.
 Non. Novembris. M.D.XLIX. Cangoximæ.

EPISTOLA VII.

Societati Goam.

*Summarium. Res anno M.D.L. in Japonia
 gesta. Bonziorum adversus CHRISTI religio-
 nem machinatio. Japonum de lege Christia-
 na judicium. Amangucij habita in compitis
 conciones. Oratio de Fide ad Regem Ethni-
 corum ad commemorationem CHRISTI necis
 fusæ lacryma. Meacus, urbs amplissima, ob
 belli tumultum ad Evangelium excipiendum
 minus accommodata. Amanguciani Regis in-
 celestem legem animus. Concertationes de sa-
 cris instituta. Quingenti fidem amplexi.*

SUPERIORE anno, Fratres charissimi, de
 nostro itinere, adventûque in Japoniam,
 rebûsque è re Christiana gestis ad vos scriptis
 Cangox-

Cangoximâ; nunc quid ex eo tempore Deus per nos gesserit, exponam. Ad Pauli nostri patriam cum pervenissemus, ab ejus cognatis ac necessariis accepti sumus perhumaniter. Hi Pauli sermonibus adducti, CHRISTO se aggregârunt omnes. Itaque ut nostræ religionis veritatem perspicerent, annum totum ibidem, eoque ampliùs commorati sumus. quo temporis spatio ad CHRISTI ovile compulsi ampliùs centum. Ac reliqui idem facere si vellent, sine ulla ferè parentum ac propinquorum offensione potuissent. Verùm Bonzii Regulum (is est multorum oppidorum dominus sanè potens) commonefecerunt, eique denuntiârunt, si suos populares CHRISTI religionem suscipere pateretur, ditionem ejus universam interituram: patrios deos (Pagodes vocant) in contemptum indigenarum esse venturos. Legem quippe Divinam Japonicis legibus esse contrariam: quocirca futurum, ut, qui eam amplecterentur, sacrosanctos avitarum legum latores repudiarent. Id verò sine magna oppidi ac ditionis perniciè fieri non posse. Quare respiceret sanctissimos illos Japonicarum legum auctores: & quoniam divinam legem avitæ adversariam atque inimicam esse sentiret, ediceret morte propositâ, ne quis in posterum fieret Christianus.

Hac

Hac
zii
nos
guâ
Japo
de n
mus
debi
opis
dictu
nec
indu
in C
ejus
dici
jam
sum
dein
acce
nem
salu
cion
Chr
quip
nè v
num
tia r
ipso
fian

Hac oratione commotus Regulus, uti Bonzii postulârunt, edixit. Hoc interim spatio nos in Neophytis erudiendis, Japonicâ linguâ discendâ, Christianæque Fidei capitibus Japonicè vertendis operam posuimus. Ac de mundi procreatione breviter attingebamus ea, quæ hisce hominibus opportuna videbantur: veluti Deum hujus universitatis opificem ac procreatorem esse; quod illi funditus ignorabant: itémque cetera ad salutem necessaria, præcipuè verò Deum humanam induisse naturam. Quamobrem omnia quæ in CHRISTI vita elucent mysteria, usque ad ejus in cælum ascensum, novissimique Judicii rationem, tradebamus diligenter. Eum jam librum, Japonicè magno labore conversum, nostratibus litteris mandavimus. Hinc deinceps illa, quæ dixi, ad Christi Fidem, accedentibus recitamus; ut Neophyti rationem teneant Dei ac JESU CHRISTI piè ac salutariter colendi. Ea nos secundâ concione cùm exponeremus, magnam ex his Christiani ceperunt animis voluptatem: quippe qui ea, quæ à nobis dicerentur, planè vera esse intelligerent. Omnino Japonum ingenia eximia sunt, & mirè obedientia rationi. Divinam legem veram, avitam ipsorum falsam esse planè vident: sed à Christiana religione suscipienda Reguli metu deterr-

terrentur. Vertente anno, cum oppidi dominum nostræ religionis amplificationi omnino adversari videremus, constituimus aliò demigrare. Itaque Neophytos valere iussimus, qui pro suo erga nos amore singulari, stantes, maximasque nobis agentes gratias, quòd tanto labore nostro æternæ salutis iter eis commonstrâssemus, agrè admodum nostrum discessum tulerunt. Reliquimus apud eos Paulum eorum civem, eundemque Christianum egregium, qui Neophytos Christianis præceptis expoliret. Inde nos in aliud oppidum profectos Dynasta perhumaniter accepit ubi dies aliquot commorati, CHRISTO adjunximus ferè centum. Nemo tamen nostrum Japonicè sciebat; nihilo secius semi Japonico illo volumine recitando, & sermonibus ad populum habendis, eorum complures ad CHRISTI cultum traducebamus.

Cosmo Turriano his Neophytis præsidere iusso, ego cum Joanne Ferdinando Amangucium, Regis (ut captus est Japoniorum) sanè opulenti sedem contendimus. Ea urbs familiarum ampliùs decem millibus continetur; tota domibus ligneis constat. Hic plurimos offendimus tum è plebe tum è nobilitate Christianæ legis cognoscendæ percipidos. Itaque cum optimum factu statuisset

tuissem⁹ in compitis ac triviis bis in die concionari, nostri illius libri capita pronuntiantes, de CHRISTI religione ad populum verba faciebamus. Dynastæ etiam nonnulli domum suam nos invitabant, ut commodius de nostra religione cognoscerent: atque ultro pollicebantur, eam se suâ meliorem, si censuissent, sine ulla dubitatione suscepturos. Ac multi nostros sermones de Legge, divina sanè libenter audiebant; alii contrâ iniquis ferebant animis; ultro etiam quæ dicebantur irridebant. Ergo quoties per urbis vias ibamus, toties nos magna puero-
rum atque infimæ facis multitudo irridens, atque illudens ejusmodi vocibus prosequabatur: *En qui divinam nos Legem, ut salvi simus, suscipere jubent; propterea quòd ab interitu vindicari nisi per omnium rerum Effectorem ejusq. Filium non possumus. En qui plus unâ uxore habere nefas esse prædicant. Consimili modo reliqua nostræ religionis capita, inculcabant per ludum ac jocum. Dies jam aliquot posueramus in hoc concionatorio munere, cum Regis, qui tum in urbe erat, accersitu ad eum venimus. Percontanti unde tandem essemus, cur in Japoniam venissemus; respondimus, nos Europæos esse eò missos divinæ Legis prædicandæ gratiâ: quippe cum nemo, quin Deum ejusque Filium*

JESUM

JESUM CHRISTUM omnium gentium vindicem ac salvatorem castè pièque coleret, salvus atque incolumis esse posset. Tum ille divinam sibi Legem exponi jussit. Quare bonam voluminis partem recitavimus; & quamdiu de scripto diximus (diximus autem horam eoque ampliùs) diligenter ab eo attentèque auditi sumus, atque ita dimissi. In ea urbe dies permultos morati, in viis ac triviis verba fecimus ad populum. Complures avidè præclara CHRISTI facta audiebant: cùmque ad acerbissimam ejus cademventum erat, lacrymas tenere non poterant. Verumtamen Christianis sacris initiabantur admodum pauci. Ergo cùm exiguus nostrorum laborum ibi fructus extaret, Meacum, urbem totius Japoniæ (ut dixi) celeberrimam, perreximus. Menses in itinere posuimus duos: multis periculis, quòd per regiones bellis flagrantes transeundum erat, perfuncti sumus. mitto summa locorum illorum frigora, & vias frequentibus latrociniiis infestas. Meacum ut venimus, dies aliquot expectavimus, dum facultas essetadeundi Regis, petendique ab eo ut divinam Legem in suo regno nobis liceret divulgare; sed omnes ad eum aditus penitus clausos offendimus. Itaque ut Regis imperia à Regulis & Dynastis contemni solita accepimus,

mus
jed
que
quar
recip
cives
belle
lien
fuit
loru
atque
etor
mih
cuit
rat.
tam
cent
C
lium
civis
Reg
ab
red
mod
mag
tuli
rog
nib
sua

mus, consilio veniæ ejusmodi petendæ ab-
jecto, civium animos ac sensus tentare at-
que explorare placuit, ut perspiceremus,
quàm esset ea civitas ad CHRISTI cultum
recipiendum accommodata. Verùm quòd
cives in armis essent, gravique urgerentur
bello, tempus ab Evangelii prædicatione a-
lienissimum judicavi. Meacus urbs olim
fuit amplissima; nunc propter assiduas bel-
lorum calamitates, magna ex parte ever-
sa, atque vastata est. Quondam (ut ajunt) te-
ctorum millibus CLXXX. constabat. Id sanè
mihi verisimile videtur: murorum enim cir-
cuitus longè maximam fuisse urbem decla-
rat. Nunc etsi magna ex parte ever-
sa est, tamen domorum millia continet amplius
centum.

Cùm neque pacatam, neque ad Evange-
lium paratam sensissemus esse Meacensem
civitatem, Amangucium remigravimus;
Regique litteras, ac munera amicitix causâ
ab Indiæ Prorege & Goano Episcopo missa
reddidimus. Rex, & donis & litteris ad-
modum delectatus, ut nos remuneraretur,
magnum nobis auri argentique pondus ob-
tulit. Quibus nos muneribus remissis, eum
rogavimus, ut si quod munus advenis homi-
nibus gratum dare vellet, divinæ Legis in-
sua ditique nobis promulgandæ, suis popu-
laribus

laribus suscipiendæ faceret potestatem; hoc munere nihil gratius accidere nobis posse. Id ille libentissimè largitus est. Ergo edicta celeberrimis urbis locis proposuit, quibus edicebat placere sibi cælestem Legem in sua ditione promulgari; eandem iis, qui vel-
lent, suscipere licere: & simul vacuum cœnobium nobis ad habitandum attribuit. Huc ad nos novæ religionis cognoscendæ causâ multi ventitabant. Bis concionabamur in die: concionem semper excipiebat concertatio de religione bene longa. Proinde perpetuò aut in sermonibus habendis, aut in questionibus profligandis eramus occupati. Concionibus sæpe intererant Bonzii multi, aliique è nobilitate ac plebe quamplurimi. Semper ferè domus erat hominibus referta, sic ut interdum nonnulli loci angustiis excluderentur. Percontantium tanta vis fuit, ut ex responsis planè & legum suarum, latorumque falsitatem, & Christianæ legis veritatem intelligerent. Post multorum dierum certamina & interrogationes, denique victi manus dare, & ad CHRISTI Fidem se conferre cœperunt. Omnium autem principes extiterunt ii, qui in concertationibus percontationibusque acerrimos sese præbuerant adversarios. Horum permulti honesto erant loco nati, qui CHRISTI
reli-

religione susceptâ, usque eò nobis amici repentè existerant, ut nullis verbis id exequi possim. Ac novi Christiani fidelissimè Japonica mysteria, aut ineptias potius, enuntiabant. Nam, ut initio dixi, sectæ Japonicæ sunt numero novem, quæ præceptis atque institutis valdè inter se discrepant. Per spectis earum sectarum opinionibus, ad eas refellendas argumenta conquirere cœpimus. Ergo quotidie interrogationibus & argumentis Bonzios veneficos, ceterosque Christianæ legis hostes acriter urgebamus, sic protus, ut illi demum adversus redarguentium voces hiscere non auderent. Christiani cum Bonzios viderent convictos reticere, gaudebant scilicet, & quotidie magis confirmabantur in CHRISTI Fide. Ethnici autem, quæ concertationibus aderant, in suis religionibus valde nutabant, cum avitas disciplinas labare cernerent. Enimvero id Bonziū iniquo ferebant animo; cumque ipsi concionibus interessent, ac cernerent multos fieri quotidie Christianos, eos graviter accusabant, quòd avitâ religione desertâ sequerentur novam. Quibus illi respondebant, se Christianam legem amplecti, quòd eam judicarent magis naturæ consentaneam esse, quàm suam; quòdque nos ipsorum interrogationibus satisfacere viderent,

rent, eos nostris non item.

Sunt omnino Japones naturâ curiosi, discendique avidi ut qui maximè. Itaque cum aliis de suis interrogationibus nostrisque responsis numquam agere desistunt. Res novas, de religione præsertim, audire vehementer expetunt. Atque ante nostrum quidem adventum perpetuò, uti accepimus, pugnant inter se, cum suam quisque sectam optimam esse contenderent: sed posteaquam nos audierunt, certamine de suis disciplinis ac religionibus omisso, de Christiana lege certare cœperunt universi. Ac permirum est, in tam ampla civitate omnibus in tectis ac locis divinam Legem omnium sermone celebrari. Horum ego percontationes persequi si vellem, finem scribendi nullum facerem. Magna est Japonum opinio de Sinarum sapientia, vel in mysteriis religionis, vel in moribus atque institutis civilibus. Itaque illud præcipuè urgebant, si ita res esset, uti nos prædicaremus, quâ fieret, ut id Sine ignorarent? Post multas percontationes ac disputationes, Amanguciani ad CHRISTI Ecclesiam aggregati cœpti partim è plebe, partim è nobilitate. Ac mensium duorum spatio facti sunt Christiani faciliè quingenti, atque hic numerus augetur indies: ut magnopere lætandum, Deoque gratulandum sit,

fit, tam multos esse, qui CHRISTI religionem amplectantur, quique Bonziorum fallacias librorumque suorum atque sectarum mysteria enuntient. Nam qui CHRISTO se adjunxerunt, alii aliam disciplinam sequebantur: ex quorum numero eruditissimus quisque exponebat disciplinæ suæ instituta, ac præcepta nobis. Horum studia si mihi defuissent, haudquaquam nefarias Japonum religiones satis cognoscere & oppugnare potuissem. Christiani incredibile est quàm nos diligant: domum ad nos ventitant, rogatum ecquæ in re ipsorum operâ uti velimus. Sanè Japones omnes naturâ officiosi videntur: Christiani quidem certè (quæ ipsorum benignitas est) humanissimos se nobis & officiosissimos præbent. Deus, & illis pro sua misericordia referat gratiam, & nobis pariter cælestem impertiat felicitatem. Anno M. D. L. Amangucio.

EPISTOLA VIII.

Sociis, Malacam.

Summarium. *Scribit de reditu suo.**Gratia & Charitas D. N. & C.*

QUADRAGESIMA lux est, cùm ex Japonia solvimus, ubi res Christiana, Deo favente, mirandum in modum propagatur. Quos mecum adduxeram Socios, omnes Dei bene-

246 S. P. FRANCIS XAVIER: EPIST: LIB: III.
 beneficio incolumes Amangucii (quæ urbs
 perampla est, & ejus regni caput) praesidio
 reliqui Amangucianis, quorum plurimi jam
 ad CHRISTI Fidem accesserunt, multi et-
 iam accedunt indies. Reliqua coram vobis
 exponam: Comparete, quæso, aliquid no-
 bis ex iis, quæ sunt ad Indicam navigatio-
 nem necessaria: & simul curate, ut aliqua
 ex Indicis navibus nostrum præstoleretur ad-
 ventum. Permagnitudo enim refert ad CHRIS-
 TI Domini gloriam salutemque animarum,
 me protinus istincin Indiam pergere. Jo-
 annem Bravium cum responsis ad mea man-
 data huc ad me mittite quàmprimùm. Mox
 ego vobis res Japonicas commemorabo,
 quas gratissimas jucundissimasque fore cer-
 to scio. Sed hætenus Deus nobis adsit o-
 mnibus Amen. Anno post CHRISTUM
 natum M. D. LI. Ex freto Syn-
 capurano.

FINIS LIBRI TERTII.

S. P.

S. P. FRANCISCI XAVERII
EPISTOLARUM LIBER IV.

EPISTOLA I.

Societati, in Europam.

Summarium. *Mira Japonia: virtutis bellice aestimatio: Bonziorum religio: fabula de diis: Leges quinque precipua: Bonziorum fallacia: acuta de Deo interrogationes: molestissimus Japonū scrupulus de clementia Numinis erga se: usus orbiculorum ad preces, quibus sectarum invocantur auctores: Bonziorum fœneratitia, in alteram vitam chiographa: in ipsis flagitiis auctoritas: commentitia de Beatorum sedemysteria: Regis Amanguciani violenta sui filitque occisio: Regis Bungenfis in Indiam legatio: Regis Lusitania in Societatem JESU munificentia. Banduenfis Academia celeberrima: altera alterius sexus scribendi ratio: domicilium Societatis JESU Amangucij extruendum: Neophytorum sedulitas; commiseratio erga consanguineos suos defunctos inferorum carcere conclusos. Descriptio Sinarum, ad quas omnibus religiosis Ordinibus aditum aperire nititur Xaverius, optatque Europæos laborum suorum pariter & gaudiorum consortes fieri.*

Gratia & charitas D. N. &c.

L

Ad

S. P.



D XIII. Kalendas Septembri
anni M. D. XLIX, in Japoniam
omnes, Deo favente, salvi
incolumésque pervenimus
Cangoximam appulimus
patriam comitum nostro-

rum: perbenignè sumus excepti cum ab om-
nibus oppidanis, cum verò à Pauli Japo-
nis Neophyti propinquis; qui omnes verita-
tis luce divinitus oblatà, Paulo auctore fa-
cti sunt Christiani Cangoximæ cum essemus
oppidanos divinæ Legis cognitio (ut reser-
rat illorum auribus nova) mirificè delecta-
bat.

Japonia regio amplissima est, totaque in-
sulis continetur: unâ omnino linguâ utitur;
eâque non admodum difficili ad discendum.
Reperta hæc regio est à Lusitanis annis ab
hinc octo aut novem. Sunt Japones hono-
ris ac dignitatis perstudiosi, seque armorum
gloriâ bellicâque virtute omnibus nationi-
bus præstare arbitrantur: quare gentes cete-
ras præ se contemnunt: arma in honore ap-
pretio habent, nullâque re magis, quam ar-
mis, auro argentove insignibus gloriantur.
Gladios & pugiones perpetuò gestant tum
domi tum foris: ubi cubitum discedunt,
cervicali suspendunt. Armis tantum tra-
buunt, quantum nulla alia natio, ex iis qui

ego vidi. Sagittarii sunt peritissimi: pedestribus ferè præliis contendunt; quamquam equis regio non caret. Inter se perofficiosi sunt; cum advenis, quos contemnunt, non item. Rem familiarem in armis, cultu corporis, & fervorum comitatu consumunt, nihil omnino de coacervanda pecunia laborantes. Bellicosi planè sunt, & continenter bella inter se gerunt: ut quisque plurimum viribus pollet, ita latissimè dominatur. Regem unum habent, tamen annis ab hinc cētum quinquaginta ei Dynastæ parere desierunt, quæ perpetuorum est causa bellorum.

Magnus est his locis numerus tum virorum, tum feminarum, religiosam vivendi rationem profitentium, Bonzios & Bonzias appellant. Bonziorum duo sunt genera; alii cineraceo utuntur vestitu, alii nigro. Hos inter magnæ intercedunt similitudines: cineracei atratis infensi sunt vulgò, eosque inscitia arguunt atque improbitatis. Bonziorum totidem sunt genera, partim cinereâ, partim atrâ veste insignes: Bonziis parent, qui utræque generis & coloris. Bonziorum ac Bonziarum innumerabilis est in Japonia multitudo, ac planè incredibilis, nisi ei qui ipse perspexerit. Cognovi ex bonis auctoribus, Regulum esse in his locis, in cujus di-

tione cœnobîa sint Bonziorum ac Bonzi-
 rum facîlè octingenta capitum minimum
 tricenorum; innumerabilia autem esse, ubi
 quaterni, seni octonique versentur: quod
 quidem ego, quantum videre potui, facîlè
 adducor, ut credam. Sectarum, quæ hic flo-
 rent, ratio à Sinis ascita est; quæ gens est in
 continenti è regione Japoniæ. Hinc me-
 moriam habent Japones litteris signa-
 tam auctorum cujusque sectæ, qui binæ,
 aut etiam terna annorum millia in solitudi-
 ne voluntariis se pœnis affixisse dicuntur.
 Horum principes numerantur Xaca & Ami-
 da. Disciplinæ vel virorum vel mulierum
 sunt omnino novem, legibus inter se insti-
 tutisque dissidentes: liberum est cuique, ad
 eam quam maximè probet, animum appli-
 care. Quare usu venit, ut sub iisdem tectis
 aliam sectam vir, aliam uxor, aliam liberi
 sequantur. Neque ea res ullas ferè turbas
 excitat, cum liceat cuique, ut quisque ve-
 lit, vivere. Verumtamen sæpe inter eos con-
 troversia & contentiones existunt, cum su-
 am quisque disciplinam reliquis anteferre
 conatur; atque etiam interdum venit ad
 manus. De mundi atque animarum pro-
 creatione in hisce disciplinis omnibus mi-
 rum silentium. Omnes piorum atque im-
 proborum sedes nominant: nulla tamen ex-
 sum,

rum; aut cujusmodi sit beatorum sedes, aut
cujus imperio improborum animi ad infe-
ros detrudantur, ostendit. Suos tantum
auctores prædicant, qui ut saluti consule-
rent hominum innumerabilium, nullis sua
peccata pœnis expiantium, acerbissimos suâ
sponte cruciatus subierint, maximèque diu-
turnos. Proinde confirmant, eos omnes,
qui nullas suorum delictorum pœnas lue-
rint, si sectarum suarum Principes condito-
rèsque implorârint, ab omnibus incommo-
dis liberatum iri; ita tamen, si magnâ ejus
fiduciâ imploraverint, omnémque in eis
spem reposuerint suam. Ac persuasum ha-
bens fore, ut vel ex ipsis inferis eorundem
deprecatione eripiantur. Sed hæc quas dixi
disciplinæ innumerabiles fabulas, & mira-
quædam de suis institutoribus perhibebant,
quæ longum esset exponere. Ex hisce sectis
nonnullæ trecena, aliæ quingena præcepta
continent; omnes tamen consentiunt, quin-
que præcepta esse præcipua, ac planè neces-
saria. Primum, non occidendum, nec oc-
cisum quicquam comedendum. Alterum,
Non furandum. Tertium, Non mœchan-
dum. Quartum, Non mentiendum. Postre-
mum, Abstinentium vino. Atque hæc qui-
dem leges communes sunt disciplinarum o-
mnium. Sed Bonzii & Bonziæ de suarum.

legum ratione verba facientes ad populum; ei persuaserunt, fieri non posse, ut profani homines urbanis negotiis implicati quinque illa praecepta servant. Proinde praeferre se velle, quicquid propter earum legum negligentiam mali atque incommodi illis acciderere possit, sub ea conditione, ut populus domicilia, cœnobîa, redditus annuos, pecuniâsque ad usus ipsorum necessarios curet, & scilicet honorem eis & cultum tribuat. Hæc si populus faciat, ipsos quicquid legum sit, pro populo servaturos. Quocirca viri primarii atque opulenti, ut majori peccandi licentiâ fruerentur, Bonzii postulata omnia concesserunt. Ita Bonzii apud Japones magnam habent venerationem; vulgòque persuasum est omnibus, eorum deprecatione animos evocari ab inferis; quoniam hoc Bonzii susceperunt, ut pro populo de legibus illis satisfaciant.

Concionantur Bonzii certis diebus. Concionum omnium caput est; Neminem è populo damnatum iri ad inferos, quamvis multa & deliquerit & delinquat. Sux quippe sanctæ auctorem eos, si fortè ad inferos relegati sint, è mediis suppliciis vindicaturum; præsertim verò si Bonzii, qui pro his satisfecerunt, deprecatores accesserint. Et verò Bonzii ipsi vulgò de sua sanctitate, quod

qui
sa
neg
Bon
line
cau
pra
eni
tate
vire
hau
lab
lon
rin
oste
tiam
in v
tum
re a
neg
tum
mor
cum
qui
gra
rud
dita
serv
ben

quinque illis legibus pareant, ad populum
sanè magnificè prædicant. Iidem autem
negant, pauperibus (quippe qui benignè
Bonziis faciendi careant facultate) ullam re-
linqui spem ex inferis emergendi. In eadem
causa feminas esse dictitant, si quinque illa
præcipua præcepta neglexerint. Singulas
enim mulieres, propter menstruorum fœdi-
tatem, pluribus peccatis esse coopertas, quàm
viros universos: proinde tam tetrum animal
haud facilè salvum esse posse. Hinc eò de-
labuntur, ut dicant, mulieribus quoque, si
longè plura quàm viri in Bonzios contule-
rint, spem erumpendi ex inferorum carcere
ostendi. Illud etiam pro concione pronun-
tiant, eos qui pecuniam Bonziis dederint,
in vita, post mortem decies tantum, quan-
tum dederint, eodémque nummorum gene-
re accepturos, ad usus videlicet illius vitæ
necessarios. Nec desunt multi, tum viri
tum feminæ, qui magnam Bonziis vim num-
morum ita credant, ut eam deinde decuplo
cum fœnore in immortalis illa vita exigant:
quibus Bonzii sedulò scilicet cavent chiro-
grapho suo. Nec dubitat imperita multi-
tudo de multiplici illo fœnore pecuniæ cre-
ditæ: Bonziorum chirographa diligenter as-
servant, eaque moribundi secum sepeliri ju-
bent: quippe eorum aspectu diabolus fuga-

ri arbitrantur. Multas præterea fallacias intendunt Bonzii, de quibus sine dolore commemorare non queo. Illud festivum, quod nummes eleëmofynæ nomine accipiunt ab omnibus, ipsi omnino dant nemini. Miras conciliandæ pecuniæ vias norunt, quas ego, ne sim longior, prætermitto. Quantum istiusmodi hominibus tribuat, quantum honorem habeat multitudo, sine gemitu ac stomacho videre non possumus.

Sed ad res in Japonia gestas redeo. Primum igitur, ut supra demonstravi, Cangoximam Pauli patriam applicuimus, ubi ille assiduus sermonibus propinquos suos CHRISTO adjunxit, ac faciliè omnem adjunxisset civitatem, nisi Bonzii obstitissent. Persuaserunt enim Regulo longè ac latè, ut illis locis imperanti, si divinam Legem in regnum suum introduci sineret, profectò non modò ditionem ejus universam, sed cultum etiam deorum, majorumque disciplinam funditus esse interituram: proinde capite sanciret, ne quis in posterum fieret Christianus. Itaque nos, exacto jam anno, cum Regulus palàm Evangelii cursum impediret, Cangoximanis Neophytis, ac Paulo eorum custode valere jussis, inde in oppidum Amanguciani regni migravimus. Ibi compluribus ad CHRISTI cultum perductis, Cosmum.

Turris-

Turrianum eis magistrum reliqui: ego cum Joanne Ferdinando Amangucium urbem regiam, eamque permagnam (quippe te-
storum decem millibus, eoque amplius con-
stat) ire perrexi. Ibi ad populum in triviis,
ad Dynastas ac Principes civitatis in ipsorum
ædibus Evangelium pronuntiavimus, à mul-
tis avidè, à nonnullis gravatè audiebamur.
Nec intacti abibamus, sæpe puerorum ac
multitudinis in viis effusam petulantiam ex-
perti. Rex ipse, cum nos ad se ire jussisset,
nostri adventus causam sciscitatus, divinam
sibi Legem exponi imperavit; nósque de
religione verba facientes per horam inte-
gram diligenter audivit.

Verùm cum fructus operis ac laboris A-
mangucii minùs constaret, Meacum (quæ
urbs est Japoniæ princeps, ac sedes imperii)
demigravimus. Mensibus igitur duobus in
itinere positis, Meacum aliquando perveni-
mus, maximis laboribus periculisque per-
functi. Meacus olim, ut ferunt, familia-
rum millibus centum octoginta, hodie pro-
pter bellorum vastitates paulò amplius cen-
tum millibus constat. Ibi cum nec aditus
ad Regem patuisset umquam, & appareret
Meacensium animos propter ingentes bel-
lorum tumultus, à sermonibus de religione
penitus esse alienos, confestim Amanguci-

um revertimus. Ac Rege litteris & muneribus (quæ ex India & Malacâ ab Episcopo & Præfectis attuleramus) delinito, haud ægrè ab eò impetravimus, ut edictis propositis declararet, placere sibi divinam Legem, in suæ ditionis oppidis promulgari, eamque à suis popularibus, quibus probaretur, accipi. Is igitur cum morem nobis gessisset, simul cœnobium assignavit ad diversandum. Hic nos quotidianis concionibus atque concertationibus cum Bonziis, veneficis, aliis, que istiusmodi hominibus, plurimos, atque in his aliquot nobili loco natos, ad CHRISTI Fidem adduximus. Ex horum numero idoneos homines nacti id egimus, ut Japonum sectas opinionésque cognosceremus, easque conquistis argumentis ac rationibus everteremus. Quare Bonzii, cum se proditos à suis, & rationibus coram populo convictos viderent, ardebant dolore scilicet ac disrumpebantur; cum præsertim qui se ad Christianorum numerum aggregarent, hanc vulgò afferrent susceptæ novæ religionis causam, quòd animadvertissent avitam religionem à Bonziis magistris haudquaquam posse defendi. Nihil omnino Japonicæ disciplinæ tradunt de mundi, Solis, Lunæ, stellarum, cæli, terrarum, maris, ceterarumque rerum molitione: hæc enim omnia aliunde ori-

rigi-

riginem habuisse non putant. Mirabantur autem vel maximè, cùm audiebant animorum unum esse communem Effectorem ac parentem, à quo sint procreati. Id adeò propterea obstupescabant omnes, quòd rerum omnium Conditoris in eorum disciplinis nullam omnino mentionem fieri constaret. Quòd si esset unum rerum omnium principium, profectò Sinas, à quibus ipsi religiones assumpsissent, non fuisse ignoraturos. Sinis quippe primas sapientiæ ac prudentiæ Japones deferunt omnibus in rebus, siue quæ ad religionem pertinent, siue quæ ad administrationem Reipublicæ. Itaque multa de hoc principio percontabantur, utrùm bonum esset, an malum: unumne idémque principium bonorum & malorum. Respondēbamus, unum esse principium, idque summè bonum, sine ullius mali admittance. Hoc illis non probabatur; quòd diabolos naturâ malos, & humani generis hostes ducerent: proinde Deum, si bonus esset, nequaquam commissurum fuisse, ut res tam malas procrearet. Ad hæc nos referebamus, diabolos quidem procreatos à Deo bonos, sed suo vitio factos esse malos, atque ob eam causam sempiternis pœnis supplicisque mactari. Tum illi obijcere, profecto Deum, tam crudelem in animadver-

tendo, nequaquam esse clementem. Deinde si Deus hominum genus condiderit, uti nos doceremus, cur homines ad Deum colendum natos à diabolis exagitari tentarique fineret? Jam si Deus bonus sit, haudquaquam homines tam imbecillos & ad peccandum proclives ab eo condi oportuisse; sed mali omnis expertes. Denique Deum bonum esse non posse, qui teterrimum illum inferorum carcerem ædificârit, nullâque umquam misericordiâ capiatur eorum, qui apud inferos atrocissimis suppliciis in omnem æternitatem cruciuntur. Postremò, si bonus esset, leges tam difficiles nequaquam fuisse hominibus daturum. At suis disciplinis tradi, eos qui disciplinarum auctores implorârint, vex ex mediis inferorum cruciamentis ereptum iri. Illud nullo modo concoquere poterant, homines ad inferos deerudi sine ulla omnino spe aliquando exeundi. Itaque suas disciplinas ajebant pietate atque clementiâ magis nixas esse, quàm nostram. Hasce nos quæstiones demum ita Deo favente persolvimus, nullus ut in eorum mentibus scrupulus resideret. Omnino Japones ducem sequuntur rationem ut qui maximè, vulgòque omnes usque eò curiosi ac molesti sunt in percontando, ut finem nullum faciant vel argumentandi, vel no-

stra

fra responsa cum aliis communicandi. Mundum rotundum esse nesciebant; nihil de Solis astrorumque cursu cognôrant. Proinde hæc aliâque ejusmodi, veluti cometarum, fulminum, imbrium causas cùm interrogati aperiremus, avidissimè audiebant, mirificè delectabantur; nôsque tamquam viros doctos suspiciebant: quæ doctrinæ opinio aditum nobis patefecit ad religionem in eorum animis ferendam. E novem sectis, quæ in Japonia vigent, una dumtaxat mortales animos facit, quæ à ceterarum disciplinarum studiosis habetur deterrima. Ejus sectæ homines nequissimi flagitiosissimique sunt, neque ullam inferorum mentionem ferre possunt. Amangucii mensium duorum spatio post multas interrogationes, ad quingentos homines sacrâ aquâ lustravimus, & ad hos quotidie, Deo bene favente, aliquot aggregantur. Neophyti, Bonziorum Japonicarumque sectarum nobis insidias ac fraudes summo studio enuntiant, egregiâque erga nos benevolentiam atque observantiam præ se ferunt tantâ sedulitate, ut eos confidamus esse veros germanósque Christianos.

Amangucianos, ante susceptum Baptismum, odiosus quidam ac permolestus scrupulus pungebat ac stimulabat: Non videri benignum & clementem Deum, qui Japonibus

nibus ante nostrum adventum numquam se indicasset; præsertim verò si quicumque Deum non coluissent, uti nos prædicabamus, æternis erant suppliciis apud inferos cruciandi. Itaque majorum suorum omnium salutem desertam ac proditam dicebant ab eo, qui commisisset, ut miseri illi salutaris veritatis cognitione fraudati, ad interitum ruerent sempiternum. Hæcillos odiosissima, cogitatio vel maximè à veri Dei cultu revocabat: verùm Dei beneficio error eis omnis & scrupulus exemptus est: primùm enim demonstravimus, divinam Legem omnium esse antiquissimam. Siquidem antea ascitas ab Sinis leges, Japones naturâ magistrâ sciebant, nefas esse hominem occidere, furari, pejerare, itémque alia, quæ decem illis divinis Legibus continentur. argumento esse, quòd si quod ejusmodi scelus admisissent, conscientia stimulis torquerentur. Jam rationem ipsam docere, fugiendum malum, sequendum bonum: idque naturâ insitum esse in animis hominum, sic prorsus, ut divinæ Legis notitiam omnes à natura naturæque auctore Deo habeant, priusquam accedat disciplina. Id adeò si dubium videretur, experiri in aliquo licere, qui disciplinæ omnis expers in monte aliquo ac solitudine sit educatus sine ulia patriarum legum cognitione.

gnitione. Nimirum hujusmodi hominem, omnis humanæ disciplinæ rudem atque ignarum, si interrogaretur, utrùm hominem occidere, furari, ac cetera ejusmodi, quæ divina Lex vetat, peccata essent nec ne; num ab istiusmodi rebus temperare rectum esset; profectò inquam hominem illum humanæ disciplinæ funditus ignarum ita ad hæc responsurum, ut faciliè appareret, minimè esse divinæ Legis expertem. Unde igitur illum eam notionem hausisse existimandum, nisi ab ipso conditore naturæ Deo? Quod si in barbaris hominibus id cernatur, quid in humanis nationibus ac politis futurum? Quæ cum ita sint, necessariò effici, ante leges omnes ab hominibus latas, divinam Legem in animis hominum innatam extitisse. Hæc eis ratio ita probata est, ut planè acquiescerent, arque hisce laqueis expediti, suave Domini jugum faciliè subirent.

At Bongii sunt nobis offensiores, quodd eorum mendacia redarguimus. Hi, uti diximus, suadebant populo, quinque illa præcepta vulgò servari non posse; quare ipsos pro populo servaturos, eâ lege, ut cultus eis victusque tribueretur. Spondere se, si quis eorum ad inferos descendisset, eum suâ ope atque operâ evasurum. Nos contra populo demonstrabamus, *in infernò nullam esse redem-*

redemptionem, neque quemquam per Bonzios aut Bonzias posse liberari. Itaque rationibus convicti, se à Bonziis deceptos esse querebantur. Quin etiam ab ipsis Bonziis demum, Deo adjuvante, confessio expressa est veritatis: nimirum non posse se à quocumque inferorum supplicia deprecari; sed nisi se id posse prædicarent, sibi enimverò fame esse moriendum. Itaq; haud ita multò post Bonzii, deficientibus paulatim studiosorum suorum subsidiis, magnas rerum domesticarum difficultates vitæq; dedecora subierunt. De inferis tam graves inter nos & Bonzios contentiones extitère, vix ut umquam nobiscum in gratiam redituri videantur. Illorum jam disciplina non multi deserunt, atque ad vitam revertuntur urbanam. Hi Bonziorum in cœnobiis versantium fraudes atq; insidias enuntiant nobis. Quocirca Aman-gucii quidem Bonziorum Bonziarumque auctoritas valde in dies obteritur. Affirmant mihi Christiani, ex centum Bonziorum Bonziarumque cœnobiis, quæ erant Aman-gucii, complura civium eleëmofynis destituta brevè esse interitura.

Antiquitus quidem Bonzii ac Bonziæ, qui unam aliquam è quinque illis legibus neglexissent, à Regulis ac Dominis oppidorum, ubi versarentur, morte scilicet mul-

tabat.

tabantur: five quis eorum flagitium, furtum, mendacium admisisse, five hominem aliudve animal occidisse, aut comedisse, five bibisse vinum convinceretur. Nunc verò relaxata planè est disciplina atque corrupta: nam plerique potant vinum, carne vescuntur clanculum, mendaciis student, moechantur palàm; vulgò pueros habèt apud se, quorum ætatis flore abutuntur. Idque ipsi profitentur, ac peccatum nullum esse prædicant: quare populus Bonziis auctoribus à tam nefario flagitio non abstinet. Sic enim vulgò dictitant, si Bonziis id liceat, quidni hominibus liceat profanis? Huc accedit, quòd alunt in cœnobiis suis Bonzii feminas complures, quas colonorum suorum uxores esse dicunt. Ea res in offensionem incurrit multitudinis, tantam Bonziorum cum mulieribus consuetudinem suspectam habentis. Bonzix quoque omnibus horis à Bonziis ad-euntur, officij causâ, eosque vicissim ad-eunt: at populus id malam in partem interpretatur. Ferunt herbam esse, quam Bonzix esitent, ne gravidæ fiant. Equidem tot ac tantis Bonzios flagitiis coopertos esse non miror: genus enim est hominum diabolum in Dei loco habentium, qui innumerabilia ac nefaria flagitia admittant, necesse est.

Utuntur. Japones omnes ad preces serie quadam

quadam orbiculorum bene longâ, atque inter orandum gradatim ad singulos orbiculos suæ sectæ implorant auctorem. Hanc autem, quam dixi, precum seriem percurrunt alii crebrius, alii rariùs. Principes sectarum auctores (ut ostendimus) Xaca & Amida numerantur: Bonzii ac Bonziæ cineracii coloris, & maxima populi pars Amidam; reliqui tametsi Amidam non aspernantur, tamen Xacam præcipuè colunt. Sciscitatus sum diligenter, an hi, quos dixi, Xaca & Amida homines fuerint aliqui sapientes, atque obsecravi Christianos, ut eorum vitas mihi perscriberent. Denique cumperi ex eorum libris, illos haudquam homines fuisse: quippe millesimum, aut etiam bis millesimum annum explevisse dicuntur: Xaca autem octies millies natus perhibetur: aliâque ejusmodi permulta de illis memoriæ prædita sunt, quæ fieri nullo modo possunt. Itaque sic statuo, eos non homines, sed mera diaboli fuisse portenta.

Oro, quæsoque eos omnes, qui hæc meas litteras lecturi sunt, pro ipsorum studio divini cultûs amplificandi, ut victoriam nobis adversus duos hosce diabolos Xacam & Amidam, & reliquos horum similes à CHRISTO Domino precentur; cum præsertim jam non sine Dei numine eorumdem au-

tori-

istoritas Amangucii consenescat. Dynasta
hujus regni primarius, una cum uxore fe-
mina lectissima, nos complexus est sic, ut
amborum studia nobis ad divinæ religionis
propagationem numquam defuerint: verum
neuter, ut religionem quamvis exploratam
fisciperet, adduci potuit: idque idcirco,
quod multa Bonziorum cœnobîa suo sumptu
ædificârant, vectigalibusque instruxerant,
quod Amidam, quem supersticiosè colunt,
orarent assidue, ut eos ab hujus vitæ cala-
mitatibus atque incommodis prohiberet:
atque ad eam, quâ ipse perfruitur, felicitate
aliquando traduceret. Hi causas, cur
Christiani non fierent, plurimas afferebant;
illam potissimum, quod dicerent, egregios
se Xacæ & Amidæ semper cultores extitisse;
eorumque causâ, & plurima largitos esse
Bonzîis, & sedes ac domicilia excitasse: si
jam ad CHRISTUM sese transferrent, gra-
tiam tot annorum officiis collectam, omnem-
que superioris vitæ fructum utique perditu-
ros. Pro certo habent se, quicquid pecu-
niæ Xacæ & Amidæ nomine Bonzîis dede-
runt, post mortem cum maximo fœnore re-
cepturos, ac præterea cultûs pietatisque suæ
fructum amplissimum: quæ scilicet ne amitte-
rent, ad CHRISTUM transire noluerunt.

Persuasum habent Japones, in illa bea-
torum

torum sede epulas cultumque vitæ suppetere cum elegantia & copia: atque ut quisque apud Xacam & Amidam maxima in gratia fuerit, ita apud omnes in maxima gloria futurum. Hæc omnia commenticia sunt myſteria Bonziorum, qui nobis concionantibus obrectandi ſtudio, in ſuis fanis concionabantur, & magnâ auditorum frequentiâ nobis pariter Deoque noſtro turpiſſimè maledicebant. Chriſtianorum Deum eſſe ignotum quiddam & inauditum; fierique non poſſe, quin maximus ac teterrimus dæmon eſſet: ejus nos dæmonis eſſe diſcipulos: proinde caverent, ne CHRISTI ſacra ſuſciperent: ſimul atque enim ille pro Deo colæptus eſſet, Japoniam interituram. Dei quoque nomen cavillantes interpretabantur, Deum nihil aliud eſſe, niſi Dajum, quod verbum ipſorum linguâ mendacium ſignificat: itaque apud ſe eſſent, ſibi que à nobis caverent diligenter. Hæc atque alia multa impia maledicta conferebant in Deum; quæ tamen ille pro ſua clementia ac benignitate infinita, in honorem ſuum ſalutemque hominum vertit. Etenim illorum in nos maledictis, & noſtra apud populum auctoritas, & CHRISTUM colentium numerus in dies augebatur. Intelligebat quippe multitudo, idque palàm dictitabat, per
invi-

invidiam à Bonziis in nos illa jactari.

Diu ac multùm in Japonia elaboravi, ut omnibus vestigiis indagarem, ecquando Japonii JESU CHRISTI notitiam habuerint: demùmque ex eorum litteris ac sermone comperi, nihil omnino eos de CHRISTO inaudisse. Gangoximæ, ubi annum commorati sumus, animadverti Regulum ejusque cognatos albam crucem in familiæ insignibus habere, sed tamen CHRISTI nomen funditus ignorare.

Amangucii cùm essem simul cum Cosmo Turriano & Joanne Ferdinando, Rex Bungensis potens in primis me per litteras rogavit, ut se convenirem: Lusitanam navem ad suum portum appulisse; cupere se certis de rebus mecum communicare. Itaque confestim, vel ut ejus erga CHRISTI Fidem animum explerem, vel ut Lusitanos inviserem, Bungum profectus sum, Cosmo & Joanne apud Christianos relictis. Rex me liberaliter accepit: ego magnam ex Lusitanorum congressu cepi voluptatem. Dum Bungi commorarer, magnum Amangucij bellum diabolus excitavit. Dynasta potens opibus Regem suum bello illato urbe exegit, regnóque spoliavit. Ibi Rex cùm fugæ exitum nullum reperiret, ne vivus in acerbissimi hostis, qui in sua modò ditione
ac po-

ac potestate fuisset, manus perveniret, pugione in ventrem adacto, necem sibi conscivit; simul filium, quem apud se habebat, interfici, atque utriusque corpus comburi iussit, ne quam omnino materiam injuriæ hostes invenirent. Idque uti imperaverat, factum est. Quantum illo bello nostri, qui erant Amangucij, capitis discrimen subierint, ex iis litteris, quas ad me ab illis scriptas vobis mitto, faciliè intelligetis. Post Amanguciani Regis interitum, regni Proceres ac Dynastæ gravi perfuncti bello, cum viderent rem Amangucianam sine Rege stare non posse, legationem ad Bungi Regem miserunt, ut fratrem suum germanum Amangucium mitteret, quem ipsi Regem constituerent. Rex scilicet morem eis protinus gessit: ita ille regnum adeptus est Amangucij. Bungenfis Rex magnis sanè bellicolissimorum hominum copiis instructus (ut est captus Regum Japonicorum) admodum imperat latè. Lusitanorum nomen mirè diligit. Itaque ut de Lusitani Regis opibus ac moribus cognovit; petiit ab eo peti litteras, ut se in amicorum suorum numerum adscriberet; eique thoracem amicitiae obsidem misit. Ad Proregem quoque Indiarum certum hominem allegavit, qui suam illi amicitiam, societatem, studium prolixè defer-

deferret. Is legatus mecum devectus in Indiam, honorificè & perliberaliter à Prorege tractatus est. Ac Bungi Rex ante meum ex Japonia discessum, Lusitanis ac mihi recepit, se cum Amangucii Rege fratre suo acturum, ut Cosmum Turrianum & Joannem Ferdinandum amplecteretur. Idque ipse Amangucianus Rex designatus nobis promisit, simul atque in regni possessionem pedem posuisset, se esse facturum.

In Japonia quamdiu fuimus (fuimus autem annos duos & dimidiatum) facultatibus munificentissimi Lusitanæ Regis sustentati sumus: is enim in Japonicam profectionem aureos amplius mille assignari nobis elemosynæ nomine imperavit. Incredibile est quantum nobis Rex optimus faverit, quantosque sumptus in nostra Collegia, domicilia, necessitates fecerit, quotidieque faciat. Bungi aliquamdiu commoratus eram, cum Lusitanæ navis opportunitate invitatus, omisâ Amangucianâ reversione, statui è Bungo in Indiam solvere, ut Socios ac Fratres tanto intervallo reviserem; & Socios ad Japonis culturam idoneos, aliâsque res necessarias, quarum ibi magna est inopia, curarem. Cocinum applicui ix. Kalendas Februarias; ubi à Prorege perhumaniter sum acceptus. Aprili mense proximo aliquot ex In-

ex India Patres in Japoniam mittentur, quibuscum Bungenfis Regis legatus domum, est rediturus. Magna me spes tenet, copiosissimam, CHRISTO favente, illis in locis messem futuram: nam ex gente ingeniosa, moderata, discendi avida, rationem ducem sequente, aliisque præterea laudibus cummulata, tamquam ex agro opimo ac fertili, necesse est uberes ac lætas fruges existere.

Banduenfis Academia est in Japone insula (quæ regioni nomen dedit) sanè celebris, quò maxima Bonziorum multitudo confluit ad suas leges cognoscendas. Hæ ab Sinis ascitæ Sinarum consignatæ sunt litteris, quæ longè differunt ab Japonicis. Duplex est autem in Japonia litterarum genus; alterum virorum, mulierum alterum: maximam partem tum viri tum femina, præcipuè vero nobiles ac mercatores litteras norunt. Bonziæ puellas in suis cœnobiis; Bonzij pueros litteras docent: quamquam viri nobiles ac locupletes ferè domesticis magistris liberos suos tradunt in disciplinam. Bonzij accuratissimis sunt ingeniis, rerum futurarum maximè se commentationi dedunt; quid ipsis futurum sit, quem sint exitum habituri, & alia generis ejusdem cum animis suis considerant. Ex horum numero multi erant, qui suis commentationibus eò demum

dela-

delabebantur, ut putarent in suis disciplinis nihil esse præsidii ad animorum salutem. Sic enim secum ratiocinabantur: Omnino oportere unum rerum omnium esse principium. Ejus nullam in suis libris fieri mentionem: (nam de hujus universitatis molitione mirum apud omnes silentium esse) profectò si qui hujusce principii olim cognitionem acceperint, eos, quòd nulla litterarum vel hominum auctoritate confirmare possent, sibi habuisse, celasse posteros. Itaque hoc genus hominum divina Lex maximoperè delectabat. Quo ex numero unus CHRISTO se adjunxit Amangucii, qui complures annos in Banduensi Academia versatus, doctrinæ laude florebat. Is ante nostrum in Japoniam adventum Bonzius fieri cogitabat; at postea, mutato consilio, duxit uxorem. Ejus rei hanc ipse causam afferebat: quòd Japonicas religiones falsas atque inanes esse intelligeret; atque idcirco nullam eis fidem haberet: ab se autem mundi Opificem ac molitorem coli oportere. Hujus accessione sanè gavisi sunt Christiani; quippe cùm totius civitatis doctissimus & esset, & haberetur.

Posthac in Japoniam novi quotannis Socii (si Deo cordi erit) submittentur, & Societatis domicilium Amangucij constituetur;

ubi Patres linguam addiscant vernaculam, & ejusque sectæ opiniones atque instituta cognoscant. Ita fiet, ut qui istinc è Societate venturi sunt, Bandurenfis Academix juvanda causâ, Socios ibi reperiant Japonicæ linguæ ac religionis peritos. Quæ res maximo utrique erit adjumento Europæis Patribus, quibus Japonica provincia obvenerit. Cosmus Turrianus, & Joannes Ferdinandus in præsentia toti sunt in Christianis mysteriis enuntiandis, & sermonibus de præclaris CHRISTI facinoribus habēdis ad populum. Ac multi eorum ita ejusmodi rerum commemoratione afficiuntur, ut CHRISTI cruciatus necēque fletu ac lacrymis prosequantur. Cosmus nostrati linguâ scribituræ conciones; eas deinde Ferdinandus, patris ipsorum linguæ satis gnarus, convertit Japonicè. Horum operâ Christiani magnos in pietatæ processus habent. Neophyti enim, qui olim suos illos calculorum ordines ita precibus decurrebant, ut singulatim insistentes suæ quisque sectæ parentem nominatim invocarent; nunc CHRISTI colendi rationem edocti, ad pietatem convertuntur, ut avitas superstitiones convertant in Dei cultum. Usque adeò autem seduli sunt in hoc genere & curiosi, ut cùm secruæ signare doceantur, requirant quid sibi ve-

lit, In nomine Patris, & Filii, & Spiritus sancti. Quid sit causæ, cur dextrâ primùm ad caput sublatâ, dicatur, *In nomine Patris*, deinde ad pectus demissâ, addatur, *Et Filij*; postremò à dextro humero ad sinistrum traductâ, adjiciatur, *Et Spiritus sancti*. Quorum rerum explanatione mirificè delectantur. Ubi *Kyrie eleison, Christe eleison* dicere jubentur, horum verborum significationem exquirunt. Sub hæc, B. Virginis rosaria ita decurrunt, ut ad orbiculos minores Salutatione Angelicâ recitatâ, JESU & MARIÆ nomen identidem implorent. Hæcæ autem, ac reliquas preces, icémque Symbolum, paulatim ediscunt ex scripto.

Unum est, quod Japonum animos pungit & cruciat vehementer; Quòd inferiorum carcerem undique clausum ad exitus esse à nobis acceperunt, nullâ ut opes quisquam inde eripi queat. Dolent videlicet liberum extinctorum, parentum, propinquorum, majorumque suorum vicem, & dolorem lacrymis declarant suum. Itaque percontantur à nobis, ecqua spes sit, ecqua ratio æternam ab illis miseriam deprecandi. His ego scilicet ita respondeo, ut negem omnino. Hæc eos cura mirandum in modum angit atque sollicitat; sic prorsus, ut dolore propè tabescant. Verùm in eo malo hoc

ineſt boni, quòd ſpes eſt fore, ut hoc magis de ſua ſalute laborent, ne item uti ipſorum majores, ſuppliciiſ damnentur æternis. Rogitant etiam, Num eos Deus eripere poſſit ab inferis: cur tandem eorum cruciatus nullum ſit finem habiturus. Ad hæc ſatis eſt reſponſum à nobis. Verumtamen illi ſuorum calamitatem deplorare non deſinebant; ut ego lacrymas tenere vix poſſem, cùm cernerem homines mihi amiciffimos intimis anguſtiſ ſenſibus, propter rem ejusmodi, quæ acta jam eſſet, nec in integrum revocari ullo modo poſſet.

E regione, Japoniæ Sinarū regio eſt ampliſſima, eadēmq; pacatiſſima, & (quod ex Luſitanis negotiatoribus cognovi) omnibus etiam Chriſtianorū regnis juſtitix & æquitatis laude præſtans. Sinæ, quos tum in Japonia, tum aliis in locis vidi, atque odoratus ſum, colore ſimiliter, ut Japones albi ſunt, ac utique & diſcendi cupidi: magnitudine autem ingeni etiam Japones ipſos facilè vinct. Terra porrò omnium rerum copiā circumfluit, plurimis maximisque urbibus frequentata; & urbes celeberrimæ, ac teſtis lapideis ad elegantiam exornatæ. Conſtans eſt fama, regionem eſſe opulentam, & cum ceteris rebus, tum verò ſerico abundantem. E Sinis ipſis cognovi, multos inibi eſſe multarum
natio-

nationum atque sectarum: & quantum ex eorumdem sermone colligere potui, Judæos ibidem & Saracenos esse suspicor. De Christianis quod suspicer, nihil habeo. Spero me hoc anno M. D. LII. eò transmissurum, atque ad Sinarum regem penetraturum. Omnino regnum est ejusmodi, ubi Evangelium si satum sit, longè ac latè propagari queat. Atque etiam, si Christianam religionem Sinae probaverint, utique Japones quoque religiones ab eis accersitas omittent. Distat Japonia à Liampo, quæ urbs est Sinarum præcipua, trajetû millium passuum, circiter ccc. Maximam in spem ingredior fore, ut Deus januam aditumque in Sinas non solum nostræ Societati, verum etiam, religiosis omnium Ordinum familiis aliquando patefaciat, ut piis sanctisque cuiusque generis hominibus campus aperiatur, ubi præclarus pietatis ardor existat, in perditis hominibus ad veritatis salutisque viam revocandis. Quare omnes, qui Christianæ religionis amplificandæ studio tenentur, etiam atque etiam rogo, ut suis sanctis sacrificiis ac precibus meos hosce qualescumque conatus juvent, quò regionem ejusmodi aperiàm, ubi pia ipsorum excutere possit industria.

De India quod scribam nihil est: iis enim,

qui ibi sunt, Sociis datum hoc negotium est, ut quæ ibi gerantur, vos faciant certiores. **Huc** ego nuper ex Japonia remigravi: corporis vires satis magnas retuli; virtutis ac spiritûs propè nullas: sed spem omnem in Dei benignitate & immortalibus **CHRISTI** Domini promeritis sitam habeo, ut laboriosissimum hoc Sinarum iter conficiam ex sententia. Et si enim jam usquequaque canus, tamen ita sum valens ac robustus, ut nunquam magis. Nimirum labores in excolenda gente moderata, veritatisque ac salutis suæ cupida rectè positi, magnos jucunditatis fructus afferunt. Vel Amangucij, cum, potestate Evangelii prædicandi ab Rege facta, maximi ad nos audiendos concursus fierent, tantum cepi vitæ fructum, tantamque animi lætitiā, quantā antea nunquam. Videbam enim Bonziorum spiritus per nos frangi à Deo, præclarāque decerbissimis hostibus victoriam reportari. Rursus videbam Neophytorum tum ex convictis Bonziis gaudia, tum incensa studia in oppugnandis Ethnicis, atque ad Baptismum perducendis, tum verò exultationem in victoria pugnisque suis inter se commemorandis, fusā profligatāque superstitione barbarorum. Hisce ego rebus tantā animi voluptate circumfluebam, quæ omnem ærumna-

rum sensum obrueret. Utinam, ut hæc solatia cælestia nobis (quæ divina benignitas est) in mediis laboribus impertita hic à me narrantur, ita eorum specimen aliquod non modò ad audiendum, sed etiam ad gustandum Europæ Academiis mitti posset! Istorum profectò studiosorum adolescentium, complures ad Ethnicorum conversionem suas curas omnes ac studia conferrent, si semel gustassent cælestis lætitiæ voluptatem, quæ ex ejusmodi laboribus manat. Quod si vulgò exploratum esset atque perspectum, quàm parati sint Japonum animi ad Evangelium accipiendum, nimirum & viri docti permulti suis studiis finem imponderent, & Canonici, Sacerdotes, ipsique Antistites sua quamvis ampla & opima Sacerdotia relinquere, ut acerbam vitam ac molestam commutarent cum verè jucunda ac suavi; atque ejus consequendæ gratiâ haudquaquam gravarentur in Japoniam usque navigare.

Quoniam Cocinum attigi eo ipso tempore, quo naves profectionem parabant; amicorum autem salutantium frequentia hanc epistolam sæpiùs interpellavit; raptim hæc scripsi, atque perturbatè. Itaque finem scribendi faciam; etsi finem facere non possum, cum ad charissimos Patres meos Fratresque scribam, & de Japonibus meis deli-

ciis scribam, de quibus omnia persequi, ut
maximè velim, nullo modo possim. Quare
finem epistolæ impono, Deum orans atque
obsecrans, ut nos in cælesti beatitudine ali-
quando conjunctos velit. Amen. IV. Kal. Fe-
bruarias. M. D. LII. Cocino.

EPISTOLA II.

M. Simoni Roderico, in Lusitaniam.

*Summarium. Edocet quas dotes requirat in
Sociis destinandis in Japoniam: Belgas Germa-
nosque expetit: de mittendis Ignatium, quem
beatum vocat, admoneri cupit. Describit
corporis & animi incommoda apud Japones
subeunda: rogat ut non nisi delectas in Indiam
submittat, nec nisi studiorum cursu confecto.
Preces flagitat, ut iter in Sinas aliis aperiat,
quasi ipse nihil agat.*

Gratia & Charitas D. N. &c.

DE Japonia quædam sunt, quæ te scire
volo, ut cujusmodi desideret illa cultor-
es, intelligas. Primùm igitur ad hanc gen-
tem Evangelio subigendam viros deligi o-
portet expertos, & in ærumnis periculisque
spectatos. Siquidem in Banduensi reli-
quisque Academiis maxima eos certamina
& vexationes manent Bonziorum. Iterum
dico

dico eos vehementer exagitatum iri, adeò
 ut periculum sit, ne ipsi pereant, dum alios
 servare student, nisi magnitudine animi &
 Dei fiduciâ excellant. Omnino summa eis
 frigora perferenda erunt: nam Bandua mul-
 tò magis ad Aquilonem quàm Amangucium
 vergit: inedia etiam toleranda; alimenta e-
 nim præter oryzam, olera, & alia quædam
 ejusmodi, sunt sanè levia. Proinde res ipsa,
 ut vides, viros non modò eximiâ animi vir-
 tute, verùm etiam egregiâ constitutione cor-
 poris præditos flagitat. Belgas aliquot, &
 Germanos, quippe frigoribus atque ærumnis
 assuetos, huc mittas censeo, qui scilicet
 procul à patria, alienæ linguæ expertes con-
 cionibus abstinant; cujusmodi hominum
 non parva copia in Italia, Hispania, Gallia
 est. Eosdem in argumentationibus con-
 cludendis, captiosisque rationibus solven-
 dis, exercitatos esse sanè velim, ut satis in-
 structi sint ad Bonzios, quorum auctoritate
 Academia nituntur, palàm convincendos,
 sic ut pugnantia loqui cogantur. Hinc A-
 mangucium quidam mittentur, eo consilio,
 ut Japonicam linguam addiscant, & simul
 gentis sensus & errores odorentur, interea
 dum egregii aliqui viri è Societate illò veni-
 ant, qui sumptis inde peritis comitiis at-
 que interpretibus, Academiis adoriantur;

M 5

& quam

& quamvis rudes ipsi Japonicæ linguæ, tamen pugnam capeſſant per interpretes, quoad ipsi patrio gentis sermone satis instructi, cominus ineant certamen cum Bonziis. Tu velim Beatum P. N. Ignatium per litteras certioſiorem facias de iis, qui in Japonicas Academias sunt ituri.

Ex omnibus Japoniæ partibus plurimi ad Banduensem Academiam doctrinæ causâ confluunt: inde domos reversi docent populares suos ea quæ didicerunt. Bandua, ut accepi, urbs est longè maxima ac celeberrima; cives non nobilitate solum, sed etiam bellicâ virtute clari, etsi non desunt inter eos viri & mites & boni. Hæc de Banduensi Academia comperi: similes reliquas esse conjicio. Da operam, quæso te, ut spectatæ probitatis ac modestiæ Socios huc submittas.

In Japoniam profecturi (ut præcipue difficultates nominatim describam) ubi in aliquam venerint Academiam, assidue aliis ex aliis certaminibus & pereorationibus urgebuntur: ludibrio erunt vulgo, atque omni irrisione ludentur: nullum meditandi contemplandique res divinas otium, nulla Sacri faciendi, præsertim Banduæ & Meaci facultas erit: vix ac ne vix quidem spatium divini officij recitandi. Tantâ indigenarum

fre-

frequentia diverforium celebrabitur, partim visentium, partim percontantium, partim ad viros nobiles accersentium, qui nullam omnino accipiant excusationem. Quid multa? tam multi omnibus horis molesti intervenient, ut ne curandi quidem corporis, cibique ac somni capiendi spatium sit futurum. Satanas porrò mirificas insidias struet. Qui autem statis ad divina contemplanda temporibus, sacrorum psalmorum lectione, &, quod caput est, sacrosanctæ Eucharistiæ fructu carent; si præsertim accedat, illa Bonziorum infectatio, maximorum frigorum incommoda, alimentorum exiguitas ac difficultas, humani solatij atque auxilij desperatio, qui tot, inquam, tantorumque molem incommodorum subituri sunt, profectò eximiâ quadam virtute polleant necesse est. Proinde mittendorum in Japoniam quàm accuratissimè delectum habebis. Nam nec senes idonei sunt, quòd corporis viribus, nec adolescentes, quòd rerum usu careant. Ac mihi crede, multorum, qui nomen in Japoniam daturi sunt, ardorem ac virtutem satis superque ibi spectatum iri: eosdem autem cælestibus gaudiis mirandum in modum abundaturos, si ærumnas ac labores fortiter perferent, & divinâ ope ac gratiâ, quæ in maximis difficultatibus cõ-

piofiffimè fuppeditatur, utentur ad victoriam de fempiterno hofte referendam.

Iterum te oro, Frater chariffime, ut quos in Indiam è Societate fubmittes, ejusmodi viri fint, qui vel pauci magno ufui effe queant. Etenim cùm tot fint in Europa fedes Societatis, bini certè quotannis ex fingulis domiciliis deligi poffunt ad concionandum nati, qui exemplo etiam magis quàm doctrinâ hominibus profint. Iftiusmodi enim viris India vel maximè indiget. Patribus iftinc venientibus præcipias velim, ne quem ex vectoribus in Societatem afciscant: nam, fi qui afciscendi effent in India, ut hîc bonis litteris ftuderent; profccto ij dumtaxat viderentur, qui præclaræ jactis doctrinæ virtutisquæ fundamentis, huc fe ad abfolvenda ftudia conferrent. Multos fanè iftic Collegiis excluditis, quos fatiùs effet huc amandari, quàm hîc ejusmodi homines recipi in noftrorum numerum, qui legere & fcribere tantùm fciant. Commodiffimum autem effet, iftinc neminem, qui non ftudiorum curfum confecerit, huc venire; hîc nullum omnino adfcribi in Societatem, præter domesticis muneribus neceffarios. Nam hîc quidam ftudiorum ratio lentum negotium: qui ftudent, poft multos demum annorum anfractus apti erunt ad conciones habendas, audien-

audiendas confessiones, Societatem & indigenas juvandos. O mi Simon, Deus nos in cælesti patria copulet, quando ejus causâ ad eò distracti vivimus in terris. Quamquam, quid si nos in Sinarum regno revisamus? Deum Dominum nostrum, quæso te, suppliciter deprecare, ut mihi facultatem det iter in Sinas aperiendi aliis, quoniam ego ipse nihil ago. Oræ Piscariæ negotium, de quo Henricus Henriques ad te scripsit; de Præfecto, inquam, cura ut apud Regem conficias: siquidem ad rem Christianam pertinet plurimum. v. Non. Januarias. M. D. LII. Cocino.

EPISTOLA III.

Joanni Roderico, Armuziam.

Summarium. Salubres admonitiones, ne divina gratia officiat: ut meminerit se hominem Societatis, quâ ipse magis egeat quàm ipso Societas. Præpositis Ecclesiasticis religiosè obsequatur: solidi Concionatoris partes expleat.

Gratia & Charitas D. N. & c.

EGo verò libentiùs te viderem, quàm ad te scriberem: multa enim sunt, quæ commodiùs coràm, quàm per litteras transfiguntur. Aveo scire, istic quid proficias, aut potius

potius quid per te efficiat Deus : quid ipse divinis conatibus officias. Nostram quippe incuriam ac nequitiam semper apud Deum accusare debemus : siquidem nostro vitio fit, ut ille minus nobiscum suarum opum communicet, minúsque aliis per nos lucis suae ostendat, non sine divinæ gloriæ impedimento : quod contrà accideret, si tales essemus, quales nos esse oporteret. Id adeò nos semper memoriâ tenere par est, ejusmodi rerum severe admodum Deo reddendam esse rationem. Oro te, Frater charissime, néve ad communis urbanæque vitæ consuetudinem delabaris, néve singularem quamdam, remotamque à Societatis instituto rationem sequaris. Utrumque enim vitium magno nostris hominibus est detrimento; ne scilicet aut parum de virtutis atque instituti absolute laborent, aut superbiâ elati, tantos spiritus tantamque arrogantiam sumant, ut haudquaquam ferendi esse videantur. Ad modestiam autem submissionemque animi retinendam illa nobis cogitatio saluti erit, multò magis nos Societate, quàm Societatem nobis indigere : qui sui immemor sit, aliorum salutariter memorem esse non possit.

Amicum utique te semper & obsequentem Episcopi Vicario præbebis. Concionibus,

confessionibus, Sacramentorum administrationi, ad ejus arbitrium operam dabis: neque ulla de causa ullam cum eo suscipies simultatem; sed perpetuam ei benevolentiam obedientiamque præstabis. Sic enim fiet, ut & nostrorum hominum amicior sit, & in nostris conatibus juvandis diligentior. Eandem etiam cum reliquis Sacerdotibus regulam tenebis, ut neminem contempnas, nemini te anteponas, sed omnibus præbeas exemplum obedientiæ, ut documento sis, quemadmodum ipsos Præpositis Ecclesiasticis parere oporteat. Neque enim te fallit, Concionatorum plus proficere exempla, quam verba. In concionibus porro cavebis diligenter, ne quem omnino nimiam orationis libertate perstringas; neu subtiles concinnasque sententias confecteris, sed morales potius ac salutare. Dabisque operam, ut ea quæ dices, dicentis pietate, submissione animi, modestiâ commendentur. Publica peccata publicè, occulta ac privata privatim reprehendes. Sic enim tibi persuadeas velim, pluri esse exiguum fructum sine cujusquam offensione, quam permagnum cum offensione multorum. Hoc ego eò ad te scribo, quòd quanti tandem id referat, planè intelligo. Quæ præcepta isthuc Gaspar Belga secum attulit, ea tu quoque accuratè ser-

servabis. Quod ad te præterea scribam, in præsentia nihil est. Deus nobiscum maneat, nosque secum quamprimum jungat in celo. Amen. xl. Kal. Aprilis. M. D. LII. Goâ.

EPÍSTOLA IV.

P. Gaspari, Reçtori Collegij Goani.

Summarium. *Varia circa muneris administrationem ac domesticorum institutionem monet.*

Gratia & Charitas D. N. &c.

COCINVM Dei beneficio appulimus incolumes, Sociosque omnes salvos ac valentes offendimus. Hic mihi redditæ literæ sunt ab iis, qui in Comorino Promontorio & in oppido Colano Christianæ rei causa versantur, quibus significant se multis vel corporum vel animorum incommodis urgeri. Subvenias eis per Deum quibuscunque rebus potes. Obiit in Promontorio Comorino P. Paulus Valles, vir egregiâ virtute. Henricus Henriques unus omnino reliquus est: proinde Socium illi adiunges, itemque Cosmo Turriano, qui relictus est in Japonia solus; ac si fieri poterit, eidem aliquid subsidii per Socium mittes: quippe illis in locis propter gentis tenuitatem, vel maxime rerum omnium laborant inopiâ. Verique

que autem eorum alterum ex sacris calicibus, quos tibi reliquos feci, perferendum curabis: neque enim illi habent plus uno.

Mando tibi planè, ut istius Collegii æs alienum dissolvas quamprimum; nam suum cuique persolvendum est. Quod in hoc genere effeceris, facies ut sciam. In exigendis autem Collegii vectigalibus noli esse remissior quàm par est: hinc enim fit, ut inopia premantur absentes, & Christiana officia permulta impediuntur, aut certè retardentur.

Iterùm mando tibi, ne quemquam nisi idoneum, & domi forisque utilem adscribas in Societatem. Proinde qui apti non sunt, his cave Societatem oneres. Ceteros fac diligenter excolas, maximè verò eos qui externis negotiis implicantur, veluti obsonatores, & alijs ejusmodi. Curabis igitur, ut sine alicujus offensione vivant, & res sibi creditas fideliter tractent.

Si quos arrogantiores esse animadverteris, hos verò exercebis in humilibus officiis & abjectis; ac pedem efferre domo, quoad ejus fieri poterit, vetabis: præcipuè verò ap-positis meditationibus ad Christianam revocabis humilitatem. Si ne sic quidem ad sanitatem redeant; Societatem inutili onere levabis: præstat enim paucos esse Socios, ac frugi,

frugi, quàm multos & nequam. Absentes omnes Socios de concordia cum omnibus, maximè verò cum Episcopi Vicariis & Præfectis oppidorum tuendâ per litteras identidem commonebis. Præceptorum, quæ tibi reliqui, eis exempla mittes; atque illud denuntiabis, si qui moderatoribus suis minùs dicto audientes fuerint, seriùs aut citiùs nostrâ Societate carituros. Idque illis apertè ac totidem verbis, quibus ego usus sum, denuntiabis, ut meliùs posthac suis quisque rationibus consulat. Bazainum ad P. Melchiorum scribes, ut Texeram socium atque adiutorem habeat apud se. Deus mihi, tibi que ac ceteris sanctitatem impertiat. Amen. VIII, Kal. April. M. D. LII. Cocino.

EPISTOLA V.

Balthasari Gago, Bazainum.

Summarium. Hortatur, ut omnium virtutum des exempla; præcipuè Christiana charitatis, & submissionis animi, atque observantis erga primates.

SUMMOPERE te oro, quæsoque, ut pro tua erga CHRISTUM charitate, ac studio divinæ gloriæ, ubique CHRISTI bonus odor esse studeas; tæque exemplum omnium virtutum civitati proponas: omnino autem ca-

• veas,

veas, ne qua in re animos hominum offendas. Id consequeris, si moderatio in te & Christiana enitebit humilitas. Itaque initio in humilibus officiis te & abjectis exercerbis sedulo: cives utique hac ratione conciliati, quicquid dices aut facies, bonam in partem accipient; idque hoc etiam magis, si in eisdem illis officiis perseverare te in dies ardentius viderint. Quare te vehementer oro, ne obliviscaris tui in virtute progressus: neque enim te fugit, qui in virtutis via non progrediatur, regredi. Iterum à te peto, quorsòque per Deum, ut tuo exemplo populum excites ad pietatem. Si submissione animi & prudentiâ instructus eris, non dubito, quin & tui operis fructus uberes laturus sis, & bonus planè Concionator futurus. Siquidem humilitas & prudentia, multarum sunt magnarumque rerum parentes ac magistræ. Valetudinaria & vinctorum custodias crebrò visitabis: hæc enim Christianæ humilitatis officia, præterquam quòd Deo grata sunt & hominibus salutaria, non vulgarem etiam apud populum existimationem atque auctoritatem pariunt, etiam iis qui neque munus habent neque facultatem concionandi. Præfecti, Vicarii, Sacerdotum, Sodalium Misericordiæ, regionum Magistratum, civitatis universæ amorem & conciliabis

liabis tibi, & tueberis diligenter: permagni quippe id refert ad flectendas, quocumque opus sit, hominum voluntates, tum concionando, tum confessiones audiendo, tum congregiando. Ad novum istum Christianorum fœtum fovendum & augendum, sanè velim auctores adjutoresque adhibeas Præfectum, Vicarium, & Sodales Misericordix. Proinde id ages, ut quantacumque accessio divino cultui per te facta erit, illis accepta referatur. Sic enim fiet, ut tuos conatus magis adjuvent, impediunt minus. Atque etiam consequeris, ut in tuis difficultatibus ac dimicationibus amicos ac patronos habeas plures, adversarios pauciores, aut potius neminem. Quis enim oppugnare te audeat, quem constet talium virorum præsidio tutum esse? Itaque si quando de Christianæ Fidei propagatione litteras ad Lusitanix Regem dabis, honorificam & gratam de egregia eorum erga rem Christianam voluntate facies mentionem: atque ipsis, si videbitur, eas litteras ostendes. Omninoque petes ab Rege, ut illorum erga nos, CHRISTIQUE religionem officia grata sibi accidisse significet; & eorundem studia per litteras ita collaudet, ut omnia divini cultus, reique Christianæ incrementa ipsis potissimum attribuat secundum Deum. Ad Regem

Regem numquam, nisi de rebus ad religionem Ethnicorumque conversionem pertinentibus litteras dabis nam de ceteris negotiis ad Socios in Lusitaniam scribere oportebit. Ad offensiones hominum vitandas, Collegij & Neophytorum vectigalia neque per te ipse neque per alium è Societate, si fieri possit, sed per alium quempiam hominem idoneum exigas velim. Neque enim erit, opinor, difficile, procuratorem aliquem reperire locupletem, ne nostrarum fortunarum periculo negotietur, uen acerbius exigendo pauperes vexet: quem divinarum rerum meditationibus instructum, ad sacrorum mysteriorum frequentationem adducas, eique muneri volentem præcias. Deus nos pro sua benignitate conjungat in exlo:
Dat. III. Non. Aprilis, Gor.

EPISTOLA VI.

Patri meo in CHRISTO P. Ignatio
Romam.

Summarium. *Repetitis, quæ aliàs de Japonia scripsit, certiore facit de profectioe sua in Sinas, curâ rerum & Sociorum Gaspari Barzeo Belga commissâ. Significat in Japonia requiri bene instructos cum à virtutibus, tum scientiis: praidoneos videri Belgas aut Germanos:*

manos: expeti primarium aliquem, qui Societatem illic sparsam ad instituti leges conformet; de re divina esse, venturos eò diligenter prius probari: gratum fore, si de re Societatis ejusque incremento per litteras ab aliquo doceatur.

Gratia & Charitas D. N. &c.

FEBRUARIO mense proximo scripsi ad te de meo ex Japonia in Indiam reditu; de multitudine Ethnicorum ad CHRISTUM aggregata, de Cosmi Turriani & Joannis Ferdinandi industria, qui à me Amangucij relicti Christianos jam factos, quique quotidie fiunt, excolunt diligenter. Propediem duo è Societate Amangucium proficiuntur, qui partim Turrianum suâ operâ juvent, partim etiam Japonicâ linguâ erudiantur: ut cum spectatâ virtute Patres istinc adveniant in Japonicas Academias ituri, paratos habeant fideles interpretes, quibus utantur. Amangucij jam Dei benignitate Societatis domicilium est constitutum, tam procul ab urbe Roma: abest quippe à Goa amplius quadragies centena millia passuum, & ducenta; ab Urbe Roma leucarum amplius sex millia. Post sextum diem, Deo approbante, tres è Societate, in his duo Sacerdotes, ad Sinarum regnum profecturi sumus. Id regnum è regione Japonix est longè amplissimum, acri-

acrib
maxi
go co
doctr
est,
state
fatis
ducia
sti n
Qu
quiq
finas
mys
gand
Co
gam
cele
Con
versa
qui i
Fran
& do
prof
fente
phun
Rect
in fa
nuit
men

actibus ingeniis, hominibusque eruditis vel maximè frequentatum. Nam quantum ego cognoscere potui, florent apud eos studia doctrinarum; atque ut quisque doctissimus est, ita ceteris & dignitate excellit & potestate Religiones, quibus Japonies utuntur, satis constat peritas ab Sinis. Imus spei fiduciaq; divinæ pleni, confidimusque, CHRISTI nomen in Sinas aliquando penetraturum. Quæso te, Deum pro his qui in Japonia sunt, quique in Sinas contendunt, precari ne desinas. Vbi in Sinas Deo favente perveneris, de nostro adventu, deque spe propagandæ religionis ad te perscribam pluribus.

Collegii Goani Rectorem Gasparem Belgam constitui, virum spectatæ virtutis, & celestibus donis cumulatum; eundemque Concionatorem egregium, & civitati universæ ac domesticis unicè carum. Omnes qui in his locis versantur, tum Patres, tum Fratres, ei parere iussi. Itaque sanè lætus, & domesticarum rerum solitudine vacuus proficiscor in Sinas. Si fortè Deus me absente Gasparem evocarit è vita, chirographum apud illum reliqui obsignatum, quo Rector ei à me substitutus declaretur. Id me ut facerem, longinquitas locorum admonuit. Visum etiam est è re Christiana, ante meum in Sinas discessum præcipere, ut pro-

ximo

ximo anno certus homo è Societate hinc in Lusitaniam, atque inde Romam cum litteris mitteretur; ex quo coràm cognosceretis, quantoperè viros hujus vitæ laboribus & periculis exercitos ac probatos hæc loca desiderent. Nam ejusmodi qui sunt, plurimùm in amplificatione divini cultûs proficiunt: ceteri, quamvis docti homines, si parum in ærumnis sint vexationibûsque spectati, admodum parum. Pro usu quem Japoniæ habeo, cùm omnibus Japonum salutis consulturis, tum verò nostris ad Japonicas Academias ituris duo planè sunt necessaria: primum, magnus rerum usus, ex ærumnis atque periculis, & interiore sui cognitione comparatus. Nam in Japonia majora frigorum, inopiæ, ceterarumque rerum incommoda subituri sunt, quàm usquam in Europa: huc accedent insectationes & ludibria indigenarum, qui peregrinos vix homines ducunt; maximè verò Bonziorum, qui divinæ Legis præcones acerrimè insectantur: quamquam in hisce ipsis incommodis mirificè gustatur Deus. In Japonicas Academias sacra Missæ suppellex non videtur propter longinquitatem & latrocinia itinerum tutò posse præferri. Itaque in tot ærumnis atque vexationibus, cùm & sacrificii solatium & Eucharistiæ præsidium desit, satis appareat, quan-

quant
ptos
mnas
strinā
num
respo
esse P
perito
coarg
dant
contr
Astro
dum
fectio
que d
granc
gura
le est
valea
Hæc
volui
mitte
ci, q
ment
gas a
gare
cùm
vern
conc

quantâ tandem virtute ac robore animi scriptos esse oporteat eos, quibus Japonica Gymnasia destinantur. Deinde ab ingenio doctrinâque instructos esse convenit, ut Japonum interrogationibus faciliè appositèque respondeant. Plurimum autem refert, eos esse Philosophiæ, maximè verò Dialecticæ peritos, ut possint Japonum pertinaciam coarguere ac revincere: nimirum ut ostendant, eos sibi non constare, sed dicere planè contraria. Eisdem non ignaros esse velim Astrologiæ: Japonæ enim mirum in modum cognoscere avent de Lunæ ac Solis defectionibus; cur Luna toties crescat, totiesque decreseat: item illa; unde imbres, nix, grando nascatur: qui cometæ, tonitrua, fulgura, & alia ejusmodi existant. Incredibile est, talium rerum explicatio quantum valeat ad conciliandas Japonum voluntates. Hæc de Japonicis rebus ac moribus scire te volui; quoniam ad delectum eorum, qui mittendi sunt, caput est nosse mores ejus loci, quò mittantur. Sæpenumero mihi in mentem venit, ad Japonicum negotium Belgas aut Germanos Patres perappositos judicare; quippe frigoris laborisque patientes: cum præsertim in Italia & Hispania, quòd vernaculam linguam ignorent, nullum in concionando usum habeant. Est enim, ut

agere possint cū Sociis qui in Japonia sunt, Hispanici aut Lusitanici sermonis rudes esse non debent, tamen ejusmodi linguam Indico & Japonico itinere, in quo biennium minimum ponitur, satis addiscent. Unum est quod sanè scire te velim, primum aliquem Societatis hīc desiderari, instituti nostri peritum in primis ac studiosum, cui scilicet tecum vetus consuetudo intercesserit. Tali inquam viro Goanum hoc domicilium, & tot locis sparsa Societas carere non pōtest; siquidem ad instituti nostri leges & constitutiones conformanda est. Nec verò necesse est eum esse Concionatorem: tamen si concionandi facultate careat, usui tamen nobis erit & emolumento. Oro te atque obsecro per Jesum, ut aliquem abs te ipso delectum hujus Collegij Rectorem constituas: ut enim is non abundet doctrinarum scientiā; tamen quisquis erit tuo judicio delectus, profectō talis erit, qualem hac domus requirit. Patres quippe ac fratres, qui hisce in locis versantur, mirandum in modum expetunt ab Vrbe Moderatorem ejusmodi, qui tecum diu ac multum fuerit. Is si anniversarias orationum dierum Indulgentias quibus populus certis diebus Festis ad Confessionis & Eucharistiae Sacramenta invitetur, istinc secum attulerit; rem populo pergratam fecerit, di-

vinō.

vine
po
tis f
tias
etor
bus
funt
qui
& J
nati
& P
sitat
ban
E
huc
etat
trem
Coll
mon
usui
nihil
tem
mni
priu
prof
effect
P
mess
Patr

vinóque cultui peropportunam. Vix dici potest, Jubilæam abs te missum quàm multis saluti fuerit. Ejusmodi autem Indulgentias, Pontificio diplomate comprehensas, auctoritate obsignatas, cum signis pendentibus mitti ad nos velim: neque enim hîc desunt, qui hujusmodi Pontificis beneficia, si quid horum desit, in dubium vocent. Nam & Jubilæum, quod misisti, calumniari conati sunt quidam, negantes testatum esse, & Pontificiâ auctoritate firmatum, quod usitatis signis careret; attamen, Deo approbante, vim & auctoritatem obtinuit suam.

E re divina est, Sacerdotes, è Societate huc venturos, diligenter prius probari. Spectatis enim Sacerdotibus hîc opus est. Patrem Simonem, & si fortè is absit, Rectorem Collegij Conimbricensis per litteras commonefeci, ne Patres, qui nulli in Lusitania usui sunt, ad nos mittantur: eosdem enim nihilo fore utiles in India. Magni autem referret, edici abs te, ne quisquam omnino Societatis Sacerdos Indiam peteret prius, quàm peregrinorum ritu Romam profectus à Præposito Generali probatus esset.

Per mihi, per inquam gratum erit, si domesticum alicui præcipies, ut me de omnibus Patribus, qui nobiscum Parisiis Romam ve-

nerunt; deque ceteris, faciat certiores. Itémque de incrementis Societatis, de Collegiorum, ac Domorum, Professorumque Patrum numero; de viris etiam insignibus in Societatem adscriptis; deque hominibus doctrinâ atque eruditione præstantibus, quibus Societas aucta est, ad nos diligenter copiosèque perscribat. Ejusmodi enim epistola ingentes labores, quos terrâ marique, tum apud Japones, tum apud Sinas perferimus, magno utique solatio levabit. Deus nos in cælestium felicitate, & (si ex ejus gloria futurum est) in hac vita conjungat. Id enim si mihi imperetur, obedientiæ vi effici nullo negotio potest. Omnes mihi liquido affirmant, è Sinarû regno Hierosolymâ adiri posse. Si ita esse cõperero, quot inde leveis distet, quod mensium iter sit, faciam ut scias. Datæ V. Idus Aprilis. Anno. M. D. LII. Goà.

Tuus minimus filius, longissimèque exulans,

Franciscus Xaverius.

EPISTOLA VII.

P. Simoni Roderico, in Lusitaniam,

Summarium. Commendat duos Japones, qui Christianum orbem per Europam lustratum veniunt. Carolum Casarem, & Hispania Regem.

gem
ex no
insul
iam

M
sunt
in L
stian
perf
reve
civil
maj
sim
reve
gna
tura
tera
fuit
jung
ven
las
Lus
Hisp
ten
aut
itin

gem cupit admonitos, quanto periculo classes ex nova Hispania ad occupandas Argentarias insulas mittant. Commendat etiam atque etiam dictos Japones.

Gratia & charitas D. N. &c.

MATTHÆVS, & Bernardus Japones, qui me inde usque ex Japonia in Indiam, sunt profecuti, veniunt istuc, eo consilio, ut in Lusitaniam atque Italiam profecti, Christianæ religionis amplitudinem visant, ac perspiciant potissimum Romæ: inde domum reversi, comperta ab se & visa renuntient civibus. Quare sic eos tibi commendo, ut majore studio neminem commendare possim. Da operam, ut læti ac voti compotes revertantur: nam illorum testificatio magnam nobis ac nomini Christiano conciliatura est auctoritatem. Japones quippe ceteras nationes contemnunt præ seiatque hæc fuit causa, cur nulla cum gente commercio jungerentur, quoad eò Lusitani octo aut novem ab hinc annis appulerunt. Has insulas Hispani Argentarias vocant. Ac mihi Lusitani quidam in Japonia confirmarunt, Hispanos ex nova Hispania Molucum petentes prætervehi solitos Japoniam; si qua autem eorum navis eò appellere conetur, in itinere interire: ejus rei hanc à Japonibus

afferri causam, quòd in Japonico mari ab ea parte, quæ ex nova Hispania in Japoniam navigatur, permultæ syrtes occurrant, ubi naves inhzrentes depereant. Hoc eò scribo, ut Regis ac Reginz litteris Carolum Cæsarem, & Hispaniæ Regem admonendum cures, ne ex nova Hispania classes ad occupandas Argentarias insulas mittat: omnes enim naves (ut nunc quidem est) ad unam perituras. Etenim ut incolumes ad insulas perveniant, si earum potiri contentur armis, negotium fore cum gente non minùs cupida, quàm bellicosa, quæ quavis magnam hostium classem per vim captura videatur. Huc accedere, quòd terra adeò sterilis est ac vasta, ut peregrinz copiz fame debellari nullo negotio possint. Tantas porrò circum has insulas existere tempestates, ut Hispanis navibus, nisi portum aliquem habeant amicorum quò sese recipiant, certum exitum impendeat. Iterum dico, adeò avidos armorum esse Japones, ut studio auferendi arma (quantum ex eorum ingeniis ac moribus conicere licet) Hispanos contrucidaturi sint ad unum. Hæc ego Regi jampridem scripsi; sed fortasse occupationibus factum est, ut tota res ex animo ejus effluerit. Verùm ut hac religione animum liberem meum, id Regi in memoriam redigas velim; sane enim

nè enim

nè enim
Hispani
peten
ponia
tant

Ita
accip
que
rabil
more
Chri
obstu
in Ia
funt
contr
tem
profi
gere
nas t
quan
Hier
mini
Mat
perlu
soly
opta
Lusi
nior
tius

nè enim miserabile est, audire multas novæ Hispaniæ classes, dum Argentarias insulas peterent, in cursu perisse. Nam præter Iaponiæ insulas in illa Orientis parte nullæ extant, ubi sint argenti fodinæ.

Iterùm tibi mando, ut hosce Japones sic accipias, ut de templis, Academiis, ceterisque rebus nostratibus multa habeant admirabilia, quæ deinde popularibus commemorent suis. Equidem confido fore, ut Christianorum opes atque amplitudinem obstupefiant. Bernardo, itémque Matthæo in Iaponia sum usus plurimùm. Homines sunt tenui quidem re, sed magnâ fide, qui contractâ mecum familiaritate, revertentem me in Indiam ex Japonia ea mente sunt profecuti, ut in Lusitaniam ac Romam pergerent. Nam Japones nobili loco nati alienas terras peragrandi studio non tenentur: quamquam Neophyti nonnulli viri honesti Hierosolymam cogitant, ut CHRISTI Domini incunabula ac patibulum invisant; Matthæus & Bernardus inprimis: qui tamen perlustratis rebus Romanis, utrùm Hierosolymam accessuri sint, nescio. Equidem optabam par Bonziorum litteratorum in Lusitaniam mittere, ut Japonicorum ingeniorum (nihil enim illis acutius aut prudentius) specimen caperes; verùm illi, utpote,

& nobiles, nec egentes, adduci non potuerunt, ut vel ad tempus cederent patriâ. Alios præterea Neophytos mecum abducere conatus, qui maritimi itineris, tam longinqui præsertim, difficultatibus deterriti ab eo consilio sunt. Hos igitur (Matthæum dico & Bernardum) Romam ita mittere velim, ut deinde Patribus aliquot comitati in Japoniam revertantur; fidemque faciant popularibus suis, quantum tandem intersit inter Christianorum opes & Japonum. Deus faxit, si è divino cultu est, ut nos apud Sinas aliquando revisamus; sin minùs, utique in cælesti patria; ubi longè majore cum voluptate intermissos tuæ suavissimæ consuetudinis exigam fructus. v. Aprilis. Anno, M. D. LII. Goâ.

EPISTOLA VIII.

Joanni III. Regi Lusitaniæ.

Summarium. Superiorum litterarum renovatâ memoriâ, exponit, se cum legato ad Sinarum Regem proficisci: afferri ei, inter alia munera, Evangelium JESU CHRISTI: ardua Legationis consilia se spei animique plenum aggredi. Ad extremum rogat, ut litteris Ignacium sollicitet, uti Sacerdotes aliquot in Indiam

diam
Colles
H
bus
steno
quæ
relig
dere
rum
ab e
mitte
prot
ubi
tum
dud
bi in
tissi
stia
lud
esse
oste
stia
Ma
cun
ga
mu
pa
um

diam quamprimum mittat, adjuncto Rectore Collegij Goani.

HOc ipso anno è Japonia revertens, Cocini litteras ad tuam Majestatem navibus Lusitaniam petentibus dedi, quibus ostendebam, quo loco res Christiana esset, quàm idonea & accommodata ad CHRISTI religionem suscipiendam gens Japonica videretur. His addebam, Bungi Regem tuarum regiarum virtutum perstudiosum esse, ab eoque amicitiae obsidem egregiam ad te mitti loricam. E Societate duos propediem profecturos Amangucium Japoniae urbem, ubi jam domicilium Societatis est constitutum: totidem spectatâ fide ac probitate jam dudum in Neophytorum institutionem inhibi incumbere. Faxit Deus, ut tuæ præstantissimæ munificentiae ope, ibi quoque Christiana res amplificetur quàm maximè. Illud quoque adscribebam, mihi deliberatum esse, contendere in Sinas, quòd permagna ostendatur spes propagandæ illis locis Christianæ religionis. Goâ post quintum diem Malacam versùs, quâ iter est in Sinas, unâ cum Jacobo Pereria ad Regem Sinarum legato proficiscar. Multa sanè pretiosa Regi munera afferimus, quæ Jacobus coëmit, partim regiâ pecuniâ, partim suâ. Eximium item donum afferimus ejusmodi, quod

haud scio an nemo Rex Regi umquam post hominum memoriam miserit: Evangelium inquam JESU CHRISTI: quod ille cujuscumque tandem sit, si intellexerit, nã id omnibus suis opibus, quamvis amplis, longè anteponeat. Spero fore, ut Deus tam amplum regnum, gentemque aliquando respiciat: hominibusque ad sui similitudinem conditis oculos aperiat ad cognitionem effectoris sui, & JESU CHRISTI communis omnium Salvatoris.

Tres omnino è Societate simul cum Peruria in Sinas proficiscimur, eo quidem consilio, ut Lusitanos captivos in libertatem vindicemus; Sinarum Regem ad Lusitanorum perducamus amicitiam; bellum dæmonibus eorumque cultoribus inferamus. Itaque Regi primùm, deinde ceteris cælestis Regis nomine denuntiabimus, ne diabolum posthac, sed Deum hominum conditorem, & JESUM eorundem vindicem ac Dominum colant. Audax inceptum videri potest, barbaros populos, ac præpotentem Regem adire ejus reprehendendi gratiã, prædicandæque veritatis. Verùm illud ingentes nobis animos addit, quòd hanc mentem Deus injecit, idemque nos bonæ spei ac fiduciæ implevit; adeò ut Dei benignitate freti, nihil de immensa ejus potestate, quæ infinitis partibus

tibus Sinarum Regem superat, dubitemus. Proinde, eum hoc negotium totum in Dei manu sit ac potestate, nullus relinquitur timori aut dubitationi locus. Neque enim aliud quicquam timere debemus, nisi, ne celesti Numine offenso, intentata improbis supplicia incurramus. Mihi verò maximam vel spem vel fiduciam illa affert cogitatio, ad tantum opus (quantum est barbaræ & superstitione ac vitiis excæcatæ nationi in alio pæne orbe terrarum, Evangelij ac veritatis lumen offerre) inertissimos nequissimosque homines, quales nos sumus, esse delectos à Deo. Multa à Majestate tua beneficii loco iis petij, qui operam hîc regij negotijs navant; quæ tua mihi largitas tribuit omnia. Pro his igitur tibi gratias & ago & habeo immortales. Nunc Christianorum omnium, vel Lusitanorum vel Indorum nomine; itémque Ethnicorum, maximè verò Japonum ac Sinarum, abs te peto majorem in modum, ut pro tuo erga divinum cultum & animorum salutem studio singulari efficias, ut hoc ipso anno Sacerdotes è Societate istinc veniant quàmplurimi; idonei scilicet, & tum domi, tum foris magna cum virtutis ac pietatis laude in hominum salute versati, quales utique viros India desiderat. Nam vitæ communis imperiti ac rudes,

N 6

quam-

quamvis docti ac litterati, nihil admodum his quidem locis proficiunt. Quare te, Rex optime, pro tua eximia erga Deum & homines Dei imagines charitate, etiam atque etiam rogo, ut Romam ad Ignatium nostri Ordinis Parentem quàm accuratissimè scribas, uti Sacerdotes aliquot, ad multa perferenda corpore atque animo paratos, etiam parum ad concionandum idoneos, mittat in Indiam; propterea quòd tales viros cum Indorum, tum verò Japonum ac Sinarum expeditio requirat. Hisce autem comitem adjungat hujusce sedis ac domicilij Rectorem, hominem videlicet spectatum ac probatum, & nostræ disciplinæ atque instituti satis peritum. Sic enim habeto, istiusmodi demum Sacerdotes Indis, Japoniæ ac Sinis magno emolumento futuros: quippe cum hæc loca viros expetant ejusmodi, qui dimicationes & multas; & graves sustinere possint. Itaque spectatæ virtutis esse oportet, eosdemque doctrinæ præsidij satis instructos, ut acerrimorum ingeniorum (cujusmodi Japonum sunt atque Sinarum) questionibus satisfaciant. Quò magis horum locorum difficultates aperiam, placuit certum hominem hinc in Lusitaniam ad P. Simonem, & Romam ad P. Ignatium cum literis allegare. Restat ut pro CHRISTI Do-

mini

min
Igr
hon
quã
vina
illiu
qua
con
tion
egr
me
ad
hic
M. I

P. S
S
duo
res
Inco
Reg
mit
tat.
aeth
bric

E

mini nostri gloria & salute animorum ad P. Ignatium litteras dare ne graveris, quibus hominem quamvis currentem incites, ut quàm diligentissimè, quàmprimùm, & divinæ gloriæ consulat, & religioni tuæ; atque illiusmodi viros minimùm sex cum Rectore, qualem effinxi, mittat ad nos. Ego verò confido, eam rem & Deo honori, & his nationibus salutem futuram. Tantum mihi de egregia tua benignitate polliceor, Rex optime, ut planè persuasum habeam fore, ut ad cetera singularia tua erga me beneficia hic quasi cumulus accedat. iv. Id. Aprilis M. D. LII.

EPISTOLA IX.

P. Simoni Roderico, in Lusitaniam.

Summarium. Significat se in Sinas, alios duos in Japoniam tendere. Sociorum labores, & Gasparis Barzæi virtutes deprædicat. Incommoda Japoniæ describit. Suadet ut per Regem Ignatium stimulet, ut viros expeditos mittat. Simonem in Sinas amantissimè invitât. Scire abet, quid Romæ in Congregatione actum sit, & quibus flagrent desideriis. Conimbricenses Socj.

Gratia & Charitas D. N. & c.

EX Japonia in Indiam reversus, de Japonicis

niciis rebus ad te perscripti Cocino. Nunc illud te scire volo, me post octo dies in Sinas esse profecturum. Tres omnino ducam è Societate, Sacerdotes duos, adiutorem unum. Imus magna cum fiducia divinæ benignitatis, ac spe rei Christianæ benè gerendæ. De nostro itinere faciam te certiores, ubi primùm Malacam appulero. In Japoniam Socij duo hoc anno Amangucium ad P. Cosmum Turrianum mittuntur, Japonici sermonis addiscendi gratiâ; ut scilicet ubi istinc Patres magnæ virtutis atque usûs Goam venerint, in Japoniam ituri paratos habeant comites è Societate Japonicæ linguæ peritos, qui scienter ac fideliter Christianæ religionis mysteria, & cetera quæ ab illis acceperint, enuntient apud Japones. Hoc nimium magno subsidio erit Patribus Japoniæ Academiis aggressuris, ut illis populis suave CHRISTI jugum imponant.

Est cur CHRISTO D. N. gratuleris, complures hîc esse è Societate, tum Patres, tum Fratres, qui concionando, confessionibus audiendis, discendiis sedandis, aliisque Christianæ pietatis officiis rem Christianam non mediocriter juverint, ac juvent indies magis; quâ quidem ego ex re incredibilem cepi animo voluptatem. Goani Collegij Rectorem P. Gasparem constitui, virum, cui propter

propter summam submissionem atque obedientiam tribuo plurimum. Hic egregiâ est concionandi facultate præditus, ut quoties dicit ad populum (dicit autem sapius) fletu ac gemitu templum compleatur. Deo bonorum omnium largitori habenda est gratia. Frater is qui has tibi litteras reddet, istuc venit, ut coràm ex eo cognoscas, quantopere non solum Japonia & regnum Sinarum (si Deo adjuvante aditus, ut spero, Evangelio patuerit) verùm etiam India ipsa Patres è Societate requirat, viros inquam, magno rerum usu, præstanti virtute ac fide; robore autem vel animi vel corporis singulari. Tales præcipuè oportet esse eos, qui in Japoniam, Sinas, Molucum, Armuziam destinantur.

Qui hæc in loca venturi sunt, ut animorum salutem consulant, duabus hisce rebus carere non debent : primum, ut sint laboribus assueti; in quibus ut quisque maximè spectatus erit, ita plurimum & sibi & aliis proderit: deinde, ut satis litteris instructi ad sermones habendos, ad audiendas confessiones, ad infinitas Bonziorum, tum Japonum, tum Sinarum quæstiones profigandas. Nam Sacerdotes, qui istuc inutiles sunt, hic minime sunt necessarij. Ob eam causam ex usu esse statui, hunc ad te mittere, qui hisce de rebus

rebus tecum ageret : & de tua sententia idoneos viros deligeret prius , quàm Romam ad Patrem nostrum Ignatium pergeret. Idem enim ad eum allegatur ; primum , ut expertum & idoneum aliquem ac spectatum hominem è Societate , eundemque familiarem suum , & nostri instituti peritum in primis mittat Goani hujus Collegii Rectorem , cui Socii omnes , qui in Oriente versantur , obtemperent , quique leges & constitutiones Societatis , nostramque vivendi rationem proponat , atque explicet ceteris : deinde , ut magni usus Patres , etsi non multarum litterarum , nec magnæ concionandi facultatis , in Indiam submittat , qui in Japonia ac regno Sinarum quibusvis Bonziorum interrogationibus respondere ac satisfacere haud ægre possint. Esset utique è re Christiana , insequenti anno ab illo mitti cum hujus domitilii Rectore quatuor aut quinque Sacerdotes è Societate satis expertos , & quamquam minùs concionibus idoneos , tamen laboribus perferendis accommodatos ; ejusmodi homines in Italia & Hispania esse multos arbitror , qui jam bonarum artium studiis absolutis , salutem consulant aliorum. Tales omnino viros hæc loca desiderant : nam qui ex Gymnasiorum umbraculis evocati , necdum hujus vitæ laboribus exerciti ,

satisve

satis
lè f
enim
und
Jap
frig
cen
tése
ad
sum
zio
can
nes
mu
hoc
fari
nis
lis
lis
gu
cul
is ,
no
pe
po
ex
mu
eti

satisve probati sunt, si huc sese conferāt, facile fiet, ut nec aliis profint, & ipsi pereāt. Neque enim ærumnarū, cujusmodi in Japonia subeundæ sunt, usum ullum habent. Quippe in Japonia (ut dixi) subeunda incommoda, frigorum maxima: ubi ad vim frigoris accendam tam paucæ facultates commoditatésque suppetunt, ut ne cubile quidem sit ad dormiendum. Accedunt alimentorum summæ difficultates, crebræ & graves Bonziorum ac populi insectationes, multæ peccandi illecebræ; maxima ludibria & irrisiones plebis; & quod omnium statuo gravissimum, in Japonicis Academiis, ubi propter locorum intervalla rerum ad Sacrum necessarium facultas esse nequit, cælestis panis, qui *cor hominis confirmat*, unico in malis solatio carendum est. Hoc enim verò illis locis acerbissimum accidit. Nam Amangucij, ubi Societas domicilium habet, facultas est rei Divinæ faciendæ; in Academicis, quò Amangucianis Patribus eundum est, non item. Neque enim sacra Missæ suppellex peritina latronibus infesta tutò perferri potest. Quapropter si qui istinc ad Japonicam expeditionē venerint parum ad tantam ærumnarū molem sustinendā virtutibus instructi, malè metuo, ne ad certū interitum fruant.

Equidem ad summa illorum locorum fri-

gora

gora & incommoda toleranda Belgas aut Germanos è Societate Sacerdotes perappositos censeo, qui multorum jam annorum usum sine consecuti. Sanè istiusmodi ad Japoniam & Sinas accommodati videntur præter ceteros. Ego verò non dubito, quin Deus, quæ res & suæ gloriæ & animorum saluti plurimum conducit, ejus efficiendæ facultatem tibi sit daturus, quò viros submittas his locis quàm maximè appositos. Oro te etiam atque etiam, ut viros laboribus atque periculis exercitos deligas, qui, Deo adjuvante, de illiusmodi incommodis & vexationibus victoriam referant. Nam quorum virtus in ærumnis & insectationibus spectata non est, his nihil magnum rectè committitur. Quæso te, si videtur, agere cum Rege, ut postulet per litteras à P. N. Ignatio expertos aliquot Patres in Japonicam expeditionem, & virum excellenti virtute ac prudentia, hujus Collegij & Societatis in India Rectorem futurum. Societas enim his locis mirandum in modum dispersa ac dissipata est: quippe quæ in Persidem, in Cambajam, Malavares, Oram Piscariam, Malacam, Molucas, Mauricias Japoniasque insulas præpagatur: quæ loca ab urbe Goæ absunt longissimè. Quamobrem Goanus ille Societatis Rector, ut Patrum Fratrumque

que
san
inco
rum
est.
tur,
tuas
ad P
quid
scrip
com
arbi
nan
dige
sum
cia
quid
cero
ut i
esse
rissi
mol
Eva
quo
gra
Dec
spe
tun
mo

que in tam remotis disjunctisque locis ver-
fantium commodis serviat, saluti prospiciat,
incommodis medeatur, magno scilicet re-
rum usu & egregiâ virtute polleat necesse
est. Mihi quidem commodissimum vide-
tur, hunc qui meam tibi epistolam reddet,
tuas & Regis litteras super hoc ipso negotio
ad Patrem Ignatium perferre cum meis: si-
quidem ego quoque ad eum eadem de re
scripsi. Ejusmodi homines sine magno in-
commodo ex Societatis sedibus eximi posse
arbitror: neque enim Patribus à concio-
nandi munere adhorrentibus magnoperè in-
digent. Nam quos hîc in nostrum nume-
rum adscribimus, ad negotia tantum & offi-
cia domestica usui esse possunt: vix enim
quisquam est ita imbutus litteris, ut ad sa-
cerdotium aptus videatur. Hoc eò dico,
ut intelligas, istinc quotannis submitte-
ndos esse Sacerdotes. O mi Simon, frater cha-
rissime, ecquid vides quantam tandem rem
moliâmur? Si genti tam ingeniosæ ac docili
Evangelii lumen Deus afferri voluerit, tu
quoque ad Sinas, explendæ animorum sitis
gratiâ, utique venias censeo. Ego si illuc
Deo duce penetravero, de gentis moribus ac
spe ferendi Evangelii ad te perscribam. Tan-
tum me tenet desiderium tui, antequam
moriar, revisendi, ut semper mecum cogi-
sem,

tem, quemadmodum hujus operati compos fieri queam: & siam fortassis, si aditus patebit in Sinas. Interea te vehementer etiam, atque etiam rogo, ut Patres, quales descripsi, proximo anno ad nos mittas: vix enim credas, quàm sint necessarii; sed credas experto velim. Patri Gaspari mandavi, ut de rebus, quæ hîc geruntur, animorûmque emolumento, ad vos scribat diligenter.

Et quoniam Malacâ pluribus ad te scribere cogito, hoc unum adjiciam. Tuam à me epistolam bene longam expectari de tua in urbem Romam profectio, de rebus in sancto illo Conventu actis atque decretis. Nihil enim est, quod in hac vita scire magis expetam, quando ego (quæ meorum peccatorum poena est) interesse non potui. Quod si tibi (quod valde vereor) per occupationes omnia perscribere non licuerit; quæso te, ut id negotii des tuo cuipiam itineris comiti ac socio: id verò mihi erit gratissimum. Illud etiam abs te curari velim, ut Rector Collegii Conimbricensis nominatim me de omnium Patrum, fratrumque quibus præest, virtutibus, litteris, propensionibus, per litteras faciat certiolem. Et quoniam vereor, ut è summis occupationibus tantum otii eripere possit, quantum ea res postulat; oro ut id ipsum ab alio quopiam domestica-

rum
frat
sto
nim
rum
poni
am a
am:
tefac
divin
rat.
jus u
junc
Apr
E
quæ
insec
reve
ditu
dita
in In
Frat
bori
pon
defu

rum rerum satis peritū fieri jubeat, ne ego fratrum meorum incensa patiendi proCHRISTO studia penitus ignorem. Meminisse enim aliquā ratione eos oportet mei, qui ipso-
rum memor superiore anno peragrarim Japoniam; nunc verò Sinas petam, ut eis viam ad illarum gentium conversionem muniam: quo videlicet latissimo illo campo patefacto, sit ubi egregia eorumdem pietas, & divini amoris stimulis incitata virtus excurrat. Deus nos in Beatorum cœtu, & (si ex ejus usu futurum est) in hac quoque vita conjunctos & consociatos velit. Dat. Idibus Aprilis M. D. LII. Goz.

Fratrem, cui hanc epistolam ad te dedi, quæso te Romam mitte quamprimum, ut insequenti anno cum multis Patribus ad nos revertatur. Nam si Christianæ religioni aditus aperietur in Sinas, & vita mihi suppediabit; post triennium aut quadriennium in Indiam redire cogito: ut Patribus aliquot Fratribusq; assumptis sociis tam gloriosi laboris, in illa me referam loca, ut apud Iapones aut Sinas ætatem exigam, ac mordefungar.

EPISTOLA X.

P. Cypriano, Meliaporam S. Thomæ.

Sum-

Summarium. *Reprehendit ejus acrimoniam, & hortatur ad lenitatem.*

Gratia & Charitas D. N. &c.

ACCEPI te istic negotii aliquid habere, & aliis facessere. Oro te per Deum, & Societatis nostræ Parentem Ignatium, qui tibi sanè notus est, ut demissum te, humilem ac patientem omnibus præbeas. Atque illud mihi affirmanti credas velim; quod Christiana humilitas ac modestia non impetrat, haud quaquam per elationem animi atque iracundiam extorqueri posse; in India præsertim, ubi lenitas nihil non efficit, acerbitas planè nihil. Equidem vel minimum nostri laboris fructum cum approbatione hominum maxima cum offensione eorundem anteferendum puto. Sed nimirum in eo interdum hallucinamur, quòd observantiam à populo atque obedientiam expetimus, hoc uno nomine, quòd simus à Societate IESU. Neque enim admodum laboramus de virtutibus Sociorum propriis, ob quas scilicet Deus Societati tantum apud populos auctoritatis dedit. At nos ejus auctoritate & existimatione uti malum, quàm humilitate, moderatione, ceterisque virtutibus, quibus illa partem rueretur dignitatem: nonnumquam etiam (quod deterius est)

est) d
mur
pam
bitan
nim i
mus
ita D
tione
Sed A
per D
quan
fusp
jufm
rum
cordi
mane
ferat
M. D.

Su
tum

Q
us ad

est) delicta delictis cumulamus, dum conamur nos omni ope purgare. Quòd si culpam in alios transferre non liceat, non dubitamus in ipsam conferre naturam. Etenim infitum naturæ nostræ vitium esse dicimus, quod sæpe est incuriæ ac negligentia. ita Dei ac nostri oblivionem naturæ conditione, tamquam velo quodam obtendimus. Sed *Deus non irridetur*, aut fallitur. Noli per Deum immortalem, cum Magistratibus, quamvis multis ac magnis laceffitus injuriis, suscipere simultatem. Sic enim habero, ejusmodi dissidiis multos ac magnos animorum fructus interire, quos erat latura concordia. Ego Sinas repeto. Deus tecum maneat, me comitetur, ac demum nos transferat in domicilium Beatorum. Idib. Apr. M. D. LII, Goz.

EPISTOLA XI.

Jacobo Pereriæ.

Summarium. *Adscribit peccatis suis adiutum Legationis impeditum ad Sinas.*

Gratia & Charitas D. N. &c.

QUONIAM meorum delictorum magnitudine factum est, ut nobis ambobus Deus ad Sinicam expeditionem uti noluerit, omnis

mnis culpa conferenda est in mea peccata; quæ quidem tanta ac tam gravia fuerunt, ut non mihi solum obfuerint, sed etiam tibi, itémque tuis negotiis ac pecuniis, quas in legationis apparatus contulisti. Verum tamen Deus conscius est meæ erga se téque voluntatis; quæ nisi rectissima fuisset, nunc utrique acerbiorém animo caperem dolorem. Ego jam navim conscendam: ibi profectio- nis tempus expectabo; ut scilicet oculos fugiam tuorum, qui ad me flentes identidem adeunt, séque impeditâ legatione perditos miserabiliter queruntur. Deus ignoscat ei, qui tot tantorumque malorum causam sustinet. Unum oro, ne me convenias, tuâque calamitate ac dolore mœrorem augeas meum. Quamquam confido id ipsum incommodum tibi emolumento futurum. Neque enim dubito, quin Rex (uti ab eo per litteras petii) debita præmia sit persolaturus e- gregiæ tuæ ergâ CHRISTI religionem voluntati. Præfectum, quoniam nostrum iter tam appositum ad rei Christianæ amplificati- onem impedire non dubitavit, valere iussi. Deus homini ignoscat. Equidem ejus vicem doleo: longè enim graviores pœnas da- turus est, quàm ipse umquam putarit. Do- minus noster tuæ salutis custos, idémque mei hujus conatûs & dux sit, & comes.

Amen

Amen
am
M. D.

Sut
Deum
reatur

M
mih
pæne
perbe
ac me
tantu
ut qu
maxi
in co
iam p
pru
deari
nunc
qui t
vet a
si cre

Amen. Ex ædibus nostris Malacensis, tu-
am navim conscensurus. VII. Kal. Iulias
M. D. LII.

EPISTOLA XII.

Eidem.

*Summarium. Hortatur ut adversis rebus ad
Deum perfugiat, & de inimicis suis bene me-
reatur.*

Gratia & Charitas D. N. &c.

MAGNUM tui desiderium, quod ex assi-
dua tui memoria capio, incredibilem
mihi sollicitudinem parit, quod te in terra
pene pestilenti reliquerim. Hic in tua navi
perbenignè tuo beneficio tractor; mihi quæ
ac meis comitibus res necessariz suppedi-
tantur: etsi comites quidem mei ita ægri sunt,
ut quotidie morbus ingravescat, non sine
maxima mea molestia. Deo ubique gratia,
in cælo, & in terra. Cura, quæso te, et-
iam atque etiam, ut valeas, & ratione atque
prudentiâ paulatim acceptis vulneribus me-
dearis. Illud abs te vehementer peto, ut
nunc quàm arctissimè complectaris Deum,
qui tam difficili tempore calamitatem suble-
vet ac soletur tuam. Id adeò consequere,
si crebrius Confessionis & Eucharistiz fre-
quen-

Amen

quentabis mysteria, & que ad divinam voluntatem penitus conformabis. Patres Malacensis Collegij sapinus adeas censeo, atque ab his consolationis petas medicinam. Equidem Dei benignitate spero futurum, ut ex isthoc probro ac detrimento magnum propediem decus atque emolumentum existat. Accepi certos homines fuisse, qui cum nostri itineris impedimenta removeere possent, sui compendii causâ noluerint. Sed vehementer errant, qui, deserto fonte bonorum omnium Deo, commodâ atque utilitates ab hominibus petunt. Verum illud præclarum est ulciscendorum inimicorum genus, ut eis & cæleste Numen placare, & benignè facere studeamus. Nimirum Deus ipse vicem nostram ulciscetur, poenâsque ab eis repetet omnium opinione majores. Quod utinam secus eveniat. Si, ut spero, Deo approbante penetravero in Sinas, Lusitanos captivos commonefaciam, quantum tibi debeant pro sumptu, quem ipsorum causâ feceris, ac facturus esses, nisi hominum improbitas obstitisset: atque etiam spem miseris illis faciam libertatis, quam eos proximo anno (si Deus faverit) tuo beneficio recuperaturos esse confido. Sanè velim de te & que tuis rebus me facias certior: ubi cumque enim terrarum fuero, pergratum mihi

mihi
tera
erit
fos
tem
am.
tum
alte
Sino

P. C.
S
dum
tur,
qui
tion
Soci
cum
nari
nis a

V
Fran
Qui
bile v

mihî pèrque jucundum erit, tecum per lic-
teras colloqui. Quod si Deo aliter visum
erit, aditùsque nobis omnes in Sinas clau-
sos videro; fortasse Malacam primo quoque
tempore transmittam, atque inde in Indi-
am. Deus tecum sit, tantùmque tibi, quan-
tum mihi ipse expeto, in hac via solati, in
altera illa felicitatis impertiat. Ex freto
Sincapurano xi. Kal. August. M. D. LII.

EPISTOLA XIII.

P. Gaspari, Rectori Collegii Goani.

*Summarium. A Christianis impeditus, dum Ethnicorum operâ in Sinas penetrare niti-
tur, mandat, ut Praefecto Malacensi, aliisque, qui Legationem impediverunt, excommunica-
tionem ritè denuntiari curet. Indicat tres è Sociis suis in Japoniam navigare; eòdem alium cum eleëmofyna, alios duos in Molucum desti-
nari jubet, & verbis suis Episcopo, Franciscanis ac Dominicanis salutem impertiri.*

Gratia & charitas D. N. & c.

Vix credas, quàm fuerim exagitatus Ma-
lacæ; nec verò tibi ego scribere queam:
Franciscum Perem ad te jussi perscribere.
Quicquid ille scripserit, quamvis incredi-
bile videatur, credas licet. Ego in Sinarum
O 2 insu-

insulas, quæ Cantoni urbi adjacent, pergo,
 ab humano præsidio nudus; septus tamen,
 ut spero, divino. In spem venio fore, ut
 Ethnici homines in continentem Sinarum
 mihi viam aperiant; quoniam quidem Chri-
 stiani illud iter intercluserunt, nullo Ecce-
 siasticæ notæ & cælestis iræ metu, quam ta-
 men miseri incurrerunt. Quare curabis di-
 ligenter, ut Episcopus ad Malacensem Vi-
 carium excommunicationis formulam mit-
 tat, quâ formulâ Præfecto Malacensi, itém-
 que aliis, qui tam utile rei Christianæ consi-
 lium fregerunt, publicè, ac nominatim sa-
 cris interdictum esse denuntietur. Velim
 autem in ea formula illud poni, me à Paulo
 III. Pontifice Maximo Legatum Apostolicum
 missum in Indiam cum diplomatis iis, quæ
 ipse agnoverit Episcopus. Id ego eò facio,
 ne quis posthac Christianæ religionis pro-
 pagationi, piorumque hominum conatibus
 adversetur. Equidem à nullo Præposito Ec-
 clesiastico postulem, ut quemquam com-
 munionem fidelium excludat; idem tamen o-
 mni ratione contendam, ut qui sanctorum
 Pontificum decretis ac diplomatis jam ex-
 clusi sunt, agnoscantur ab aliis. Neque ul-
 lo modo patiar, in tanto eorum vulnere
 conniveri; ut scilicet resipiscences aliquan-
 do quærant vulneri medicinam; & simul ne
 quem-

quer-
 nis
 aut a
 E
 tres
 gum
 ceva
 quid
 Ama
 est T
 apud
 retin
 mag
 grati
 Japo
 & Sa
 eteni
 sunt
 non
 inger
 disce
 Socii
 five
 ferico
 rabis
 egest
 nem
 mth
 est)

quemquam in posterum è Societate religionis causâ in Molucum, Sinas, Japoniam, aut aliò proficiscentem, remorari audeant.

Ex quatuor Sociis, quos mecum duxi, tres in Japoniam ire iussi, Balthasarem Gaggum, Duarte Sylvam, & Joannem Alcaevam. Validâ navi, & commodâ adhuc quidem tempestate sunt usi. Faxit Deus, ut Amangucium salvi perveniant, ubi Cosmus est Turrianus cum Joanne Ferdinando. Ego apud me Socium unum, & Antonium Sinam retinui. Ambo graviter ægrotant, cum magna vel ipsorum molestia, vel mea. Deo gratia. Tu tamen proximo anno alium in Japoniam Socium mittere memento, quem & Sacerdotem esse oportebit, & litteratum: etenim in Japoniam & Sinas viri deligendâ sunt docti, & eruditi. Quòd si Sacerdotis non erit copia, certum unum aliquem mittere ingeniosum, & ad Japonicam linguam addiscendam idoneum: & simul Japoniensibus Sociis pecuniæ aliquid eleëmofynæ nomine, sive ab Regis ærario, sive ab Sodalitate Misericordiæ, sive ab aliis piis hominibus curabis, ut miserorum illorum inopiam atque egestatem aliquâ ratione sublevemus. Joannem Beiram in Molucum remittes quamprimum (magnoperè enim ejus præsentia opus est) unâ cum uno aliquo Sacerdote, si fieri poterit,

poterit, non tam à doctrina quàm à virtute
 satis instructo: nam in Moluco vitæ probi-
 tas magis requiritur, quàm rerum scientia.
 Proinde Patres, qui eò submittentur, spe-
 ctatos esse par est ac probatos. Iterum tibi
 mando, ut sedulò, quæ apud te reliqui præ-
 cepta, conserves: primum quidem ea, quæ
 ad animi tui salutem ac perfectionem, dein-
 de verò quæ ad Societatis administrationem
 pertinent. Si fortè (quod Deus avertat.)
 in Sinarum continentem penetrare nequive-
 ro, Goam intra mensem Januarii anni in-
 sequentis, si viri suppetet, revertar. Tu ve-
 lim interea ad me omnibus de rebus tum In-
 dicis, tum Lusitanis, itémque de Episcopo,
 de Franciscanis & Dominicanis perscribas;
 quibus meis verbis salutem plurimam nun-
 tiabis, orans, ut sanctis suis sacrificijs ac
 precibus me communi Domino commenda-
 re non desinant. Idem externos nostri Or-
 dinis studiosos rogabis. Quippe nos, qui
 apud Sinas aut Japones versamur, majore
 quodam præsidio egemus Dei; qui nos pro
 sua benignitate ad cælestem patriam perdu-
 cat, ubi tranquilliore profectò vitâ, quàm
 in hoc exilio, perfruemur. Amen. Ex freto
 Singapurano xiii. Calend. Augusti M. D. LII.

EPISTOLA XIV.

Eidem.

Summarium. Scribit à se expectari mercatorem, à quo ex pacto Cantonem trajiciatur. Mandat ut precepta, quæ ipsi reliquit, lætiter atque obserbet, præcipue quæ ad animi submissionem spectant. Monet ut paucos & delectos admittat in Societatem: ex ea statim dimittat gravius aliquid admittentes; infracto animo inidoneos arceat. Salutat Dominicanos ac Franciscanos Patres.

Gratia & charitas D. N. &c.

SCRIPSI ad te, quid adhuc mihi accidisset, Malacâ, an ex freto Sincapurano? Inde nos ad Sancianum Sinarum insulam à Cantone millia passuum circiter cxx. Deus perduxit incolumes. Hic Sinam mercatorem indies exspecto, quo cum, propter atroces poenas propositas iis, qui advenam finè fide publica introduxerint, Pardais ducentis transegi, ut me in Cantonem trajiciat. Faxit Deus, ut res succedat ex sententia. Comperi certos homines ab Sinarum Rege quaquaversus in aliena regna dimissos, qui eorum disciplinas, instituta legésque cogno-

O 4

scant

scant. Proinde spes est fore (id quod ipsi mihi Sinæ confirmant) ut Rex Christianam religionem haudquaquam aspernetur ac respuat. Si Deus vitam mihi suppeditaverit, & aliquid per nos gesserit, faciam ut scias. In præsentia tibi mando, ut tute tibi curæ sis: sin minùs, quam tui spem habeam, non video. Memento quæ apud te reliqui præcepta lætitare, atque observare sedulò; maxime verò illa, quæ ad submissionem animi pertinent, in quibus jubebam te exerceri quotidie. Vide etiam atque etiam, ne circumspiciens ea quæ Deus per te ac Socios universos effecit, obliviscaris tui. Mihi verò promea erga vos omnes charitate pergratum esset, vos unà cum animis vestris considerare, quàm multa Deus vestro vicio facere omittat: atque hæc malim vos intueri, quàm quantas res per vos Deus efficiat. Nam prior cogitatio pudorem ac demissionem animi afferet vobis vestræ imbecillitatis miseriarque admonitis; posterior autem facilè in elationis & arrogantiar discrimen adducet, nixos alienis bonis, præclarisque facinoribus, hoc est divinis. Circumspice quæso, quàm multis hæc perversa cogitatio periculum creârit; quàm exitialis hæc Societati peffis, si semel in ea serpere cœperit, sit futura.

Denuò

Denuo tibi mando, ut paucos in Societatem adlegas, eosque vel ad studia litterarum, vel ad officia domestica idoneos. Narro tibi: servos, verè, inquam, servos ad ejusmodi officia domestica emas citiùs, quàm parum idoneos Socios asciscas, censeo. Sã qui eorum, quos ego dimisi, Goz versantur, cave eos ullo modo recipias; neque enim sunt ad nostrum institutum accommodati. Quòd si quis superiorem vitam planè emendaverit, idque publicis pœnis sponte susceptis ac diuturnis planum fecerit; hunc, ubi satisfecisse tibi visus erit, tum demum in Lusitaniam ad Societatis Moderatorem cum litteris commendatitiis mittas licebit. Nam istos Indiæ usui non esse, perspectum habeo. Atque etiam si quis è Societate, sive Sacerdos, sive alius quispiam gravius aliquid admiserit cum offensione aliorum, eum statim missum facito; neque cujusquam deprecatione adductus recipito: nisi fortè peccati cognitio, dolor, ac pœna voluntaria ejusmodi fuerit, ut ipsa per se calamitatem ab illo deprecetur. Sin minùs, nullo modo recipies, ne ipso quidem Prorege, cunctaque Indiâ deprecante. Iterum tibi revoco in memoriam, ut in Molucum & Japoniam non nisi spectatos, magnaque virtute atque usu Socios mittas; tales enim cultores agri illi de-

scant. Proinde spes est fore (id quod ipsi mihi Sinæ confirmant) ut Rex Christianam religionem haudquaquam aspernetur ac respuat. Si Deus vitam mihi suppeditaverit, & aliquid per nos gesserit, faciam ut scias. In præsentia tibi mando, ut tute tibi curæ sis: sin minùs, quam tui spem habeam, non video. Memento quæ apud te reliqui præcepta lætitare, atque observare sedulò; maxime verò illa, quæ ad submissionem animi pertinent, in quibus jubebam te exerceri quotidie. Vide etiam atque etiam, ne circumspiciens ea quæ Deus per te ac Socios universos effecit, obliviscaris tui. Mihi verò pro mea erga vos omnes charitate pergratum esset, vos unà cum animis vestris considerare, quàm multa Deus vestro vicio facere omittat: atque hæc malim vos iatueri, quàm quantas res per vos Deus efficiat. Nam prior cogitatio pudorem ac demissionem animi afferet vobis vestræ imbecillitatis miserique admonitis; posterior autem facilè in elationis & arrogantiae discrimen adducet, nixos alienis bonis, præclarisque facinoribus, hoc est divinis. Circumspice quæso, quàm multis hæc perversa cogitatio periculum creârit; quàm exitialis hæc Societati pestis, si semel in ea serpere cœperit, sit futura.

Denuo

Denuo tibi mando, ut paucos in Societatem adlegas, eosque vel ad studia litterarum, vel ad officia domestica idoneos. Narro tibi: servos, verè, inquam, servos ad ejusmodi officia domestica emas citius, quàm parum idoneos Socios asciscas, censeo. Siqui eorum, quos ego dimisi, Goz versantur, cave eos ullo modo recipias; neque enim sunt ad nostrum institutum accommodati. Quòd si quis superiorem vitam planè emendaverit, idque publicis pœnis sponte susceptis ac diuturnis planum fecerit; hunc, ubi satisfecisse tibi visus erit, tum demum in Lusitaniam ad Societatis Moderatorem cum litteris commendatitiis mittas licebit. Nam istos Indiarum usui non esse, perspectum habeo. Atque etiam si quis è Societate, sive Sacerdos, sive alius quispiam gravius aliquid admiserit cum offensione aliorum, eum statim missum facito; neque cujusquam deprecatione adductus recipito: nisi fortè peccati cognitio, dolor, ac pœna voluntaria ejusmodi fuerit, ut ipsa per se calamitatem ab illo deprecetur. Sin minùs, nullo modo recipies, ne ipso quidem Prorege, cunctaque Indià deprecante. Iterum tibi revoco in memoriam, ut in Molucum & Japoniam non nisi spectatos, magnaque virtute atque usu Socios mittas; tales enim cultores agri illi de-

fiderant. Dominicanos ac Franciscanos Patres meis verbis salurabis, atque obtestaberis, ut in sanctis suis precibus ac sacrificiis Deum pro me orare non desistant. Deus nos perpetuò regat, & aliquando in beatitudinis suæ Societatem vocet in cælum. Ex Sanciano Sinarum Insula. viii. Kalendas Novembris. M. D. LII.

EPISTOLA XV.

Francisco Peræ

Summarium. Narra, quibus charitatis officii occupetur in Sanciano, & quâ ratione inde Cantonem transmittere meditetur. Probat se aditurum discrimen, gravius servituti & vitæ periculis, quibus se propositum videt, si Deo diffidat. Addit de Sinarum, quibus notus est, in se propensa voluntate.

Gratia & charitas D. N. & c.

SANCIANI portum à Cantone millia passuum circiter centum viginti, Deo favente, tenuimus. Simul atque è navi descendimus, ædiculam struendam curavi, ubi quotidie, quoad in morbum incidi, rem Divinam feci. Laboravi febris dies omnino xv. jam Dei beneficio convalesci. Nec vaco à piis negotiis, veluti à confessionibus audien-

dis,

dis, discordiis tollendis, ceterisque officijs generis ejusdem. Huc Sinæ mercatores multi Cantonienſes commercii cauſâ commant. Egerunt cum eis diligenter ac ſape Luſitani, ut eorum aliquis me Cantonem trajiceret: omnes tamen præciſè negârunt, quod magnum vitæ ac fortunarum ſuarum diſcrimen ſe adituros dicerent, ſi fortè id urbis Præfectus aliquando reſciſſet. Quocirca ut nos in ſuas naves conſcendere paterentur, nullo modo adduci potuerunt. Verumtamen inventus eſt, non ſine Dei conſilio (ut arbitror) mercator Cantonienſis ſanè honeſtus, quocum aureis ducentis decidi. Is pollicetur tranſmiſſurum nos parvâ naviculâ, ubi præter liberos ſuos, & ſervos vernaculos paucos, nemo ſit: ut ſi fortè urbis Præfectus rem odoretur, nautarum indicio reſcire non poſſit, quis me Cantonem advenxerit. Idem recepit, ſe triduum aut quadriduum domi ſux nos cum noſtris libellis ac ſarcinulis aſſervaturum; tum ſummo manè ad urbis portam viâque deducturum, quæ rectâ ad Prætorium ferat. Mox ego Præfectum conveniam ſcilicet, eique demonſtrabo, me eo conſilio veniſſe, ut Sinarum Regi divinam cæleſtémque legem exponerem; tum à Goano Epifcopo ad Regem proferam litteras.

Non sum nescius, duo in hoc negotio inesse pericula. Alterum, ne Sina ille mercator acceptâ pecuniâ, in deserta aliqua insula nos destituat, aut in mare deturbet, rei occultandæ gratiâ: alterum, si Cantonem devecti erimus, ne Præfectus urbis omnia in nos exempla & cruciatus edat; aut centi in perpetuam redigat servitutem: quippe cum peregrinis in Sinarum regnum sine fide publica intrare capitale sit. Verùm alia præterea pericula impendent, occultiora longéque majora, quæ percensere longum esset; pauca tamen è multis exponam. Primum igitur periculum est, divinæ providentiæ ac benignitati diffidere, cum præsertim Deo auctore, ejusque unius causâ huc contenderim, eo consilio, ut huic genti prædicarem sanctissimam illius Legem, atque unicum Filium JESUM CHRISTUM, nostræ salutis auctorem. Itaque cum ipse pro sua benignitate hanc nobis mentem injecerit, nunc de ejus ope ac præsidio, propter pericula quæ se offerunt dubitare, majus utique ac certius periculum esset, quàm quicquid nobis periculi ejus hostes possunt intendere. Etenim æque diaboli, neque eorum satellites atque administri quicquam nocere nobis queunt, nisi permissu præpotentis Dei. Qui si nobis præsidio sit, quàm faciliè omnia pericula.

ricula
sto D
mal
qui au
me, i
ejusd
ratriu
Dei.
cula
esse v
vitæ
crimi
omni
dere.
ligio
boli
pedib
onim
Sp
solve
urbe
tes n
hæc
patr
sed n
dò li
rum
tem
ta, &

ricula propulsabit? Huc accedit, quòd CHRISTO Domino parebimus admonenti: *Qui amat animam suam in hoc mundo, perdet eam; qui autem perdiderit animam suam propter me, inveniet eam.* Quod congruit cum illa ejusdem voce: *Qui ponit manum suam ad aratrum, & respicit retro, non est aptus regno Dei.* Quare cum nos hæc animorum pericula periculis corporum majora ac certiora esse videamus; optimum ducimus, mortalis vitæ pericula subire, ne in æternæ salutis discrimen incurramus. Quid multa? fixum omnino & statutum est nobis in Sinas pervadere. Secundet modò Deus iter ad suæ religionis amplificationem: quò minùs diaboli, eorùmq; administri omnes manibus pedibùsque conentur omnia, non recuso: *Si enim Deus pro nobis, quis contra nos?*

Spero me navibus, quæ novissimè hinc solvent in Indiam, litteras ad vos de meo in urbem Cantonem introitu daturum. Comitès mei perpetuis morbis conflctantur. Ad hæc, Sinam, quem interpretem adduxeram, patrii sermonis jam oblitum esse competeri: sed nactus sum alium interpretem, non modò linguæ, sed domesticarum etiam litterarum peritum, qui se mihi suâ sponte comitem itineris obtulit. Deus illi & in hac vita, & post mortem pro me referat gratiam.

Ora,

Ora, quaeso te, Deum, ut hominem in suscepto consilio propositoque confirmet. Sinarum omnes honesti, quicumque nos nostrum, nostram consuetudinem admodum delectantur, nosque in Sinarum fines penetrare percipiunt. In animum enim induxerunt suum, iis quos circumstare nos vident libris, legem aliquam suam meliorem contineri. Et quamquam id eo fortasse accidit, quod cupidi sunt rerum novarum; tamen peroptant nos in Sinarum fines intrare. Attamen ipsi nos in Sinas devehere, propter eam quam dixi causam, omnino recusant. Mercatorem illum, quicum transegi, indies expecto. Utinam is expectationem non frustretur meam. Quod si accidat, incertum est, quid acturus sim; utrum in Indiam reversurus, an ad Sionis regnum trajecturus, ut comitem me addam legato, quem Rex Sionis ad Sinarum Regem brevi missurus dicitur. CHRISTUS Dominus noster auxilio nos & consilio juvet, ut in caelestis gloriae Societatem aliquando veniamus. Ex insula Sanciano. xi. Kalendas Novemb. M. D. LIII.

EPISTOLA XVI.

Jacobus Pereriaz.

Summarium. *Optimè de se merito gratia agit,*

agit, e
spici fr
lia via
rum n

S
mi
te scri
sim to
hus v
tibi p
mm
eis eg
us tib
quanc
vivam
comm
in hac
riam
ne his
erga
tellig
India
Quod
tebie
secun
pud I
glori

agit, eiq; secundum Deum Sinenſis miſſionis auſpici fructum, ſi quis erit, tribuit. Agit de alia via, ſi, quâ modò conatur, in regnum Sinarum non penetrarit.

Gratia & Charitas D. N. &c.

SCRIPSI ad te ex freto Sincapurano, quid mihi hæcenus accidisset. Nunc quod ad te scribam nihil habeo, nisi quàm liberaliter ſim toto hoc itinere à tuis vel procuratoribus vel familiaribus tractatus. Equidem tibi propterea gratiam habeo vel maximam; ſatis enim apparet, perſpectam eſſe, ois egregiam tuam erga me voluntatem. Deus tibi gratiam cumulatè pro me referat, quando ipſe non poſſum. Ego verò dum vivam, Deo ſupplicare non deſinam, ut tibi commodam valetudinem, ſuàmque gratiam in hac vita, poſt mortem ſempiternam gloriam & felicitatem impertiat. Et quoniam ne his quidem officiis magnitudini tuorum erga me meritorum reſpondere me poſſe intelligo; à Sociis omnibus, qui verſantur in India, idem ut faciant vehementer peto. Quòd ſi mihi & Evangelio aditus in Sinas patebit, proſectò id tibi potiſſimùm tribuetur ſecundum Deum: ita apud homines, & apud Deum ingentem ejus rei, & gratiam & gloriam feres. Atque adeò, quicumque

ſive

sive è Sinis ad CHRISTI Fidem se transferent, sive è Societate nostra apud Sinas versabuntur, perpetuò Deum pro te orare debebunt.

Jam cognosse te arbitror, de trajectu in Sinas jam transegisse me cum Cantonensi mercatore. Is Emmanueli Clavi, qui has tibi litteras reddet, bene notus est, propterea quòd servitute exemptus, apud eum dies aliquot est diversatus. Pactus sum magnum piperis numerum, quod est Pardais cc. ut me Cantonem trajiciat. Hunc ego expecto indies. Utinam ea res (uti ego exopto) Deo gloriæ sit & honori. Si quid in eo inerit meriti, vel hominum vel Dei ipsius judicio, totum id erit tuum: siquidem tuis copiis geruntur omnia. Sin autem (quod Deus avertat) me spes fefellerit; Malacam, Deo approbante, hoc ipso anno revertar, si te proximo anno legatum in Sinas venturum esse certò sciam. Sed quoniam id planè ambigitur, deliberatum est mihi in Sionis regnum transmittere, ut cum legato profisciscar, qui ab Rege Sionis ad Sinarum Regem mittitur. Itaque te etiam atque etiam rogo, quicquid constitueris, ad me in Sionem scribere ne graveris; ut si venias, in Comajo aut alio quopiam Cantonis portu tibi præstò sim. Faxit Deus, ut te in Sinarum Re-

gis au-
dem
traro
certè i
domi
des.
te, in
caelest
Nover

P. G

Su
unt
quam
nomin
runt.
nes in
linque
vocat
fringe

Sc
di
bus S

gis aula nos aliquando videamus. Me quidem (ut opinio mea fert) si in Sinas penetrâro, aut servum in Cantonis carcere, aut certè in Pachini regia, ubi Rex perpetuum domicilium habere dicitur, vinctum offenderes. Deus nos pro sua immensa benignitate, in Sinarum regno; sin minùs, certè in celesti jungat & copulet. Amen. Pridie Idus Novembris. M. D. LII. Ex portu Sancianensi.

EPISTOLA XVII.

P. Gaspari, Rectori Goani Collegij.

Summarium. Monet ut Malaca ritè promuntiandam curet excommunicationem, in quam inciderunt, qui sibi, Legati Apostolici nomine Sinas petenti, injurioso ausu, obstiterunt. Hortatur ut exemplo suo ineptos homines in Societate non toleret, tametsi solus relinquere. Subjicit demonem niti suos, ut vocat, homuncionis Sinas tentantis conatus infringere.

Gratia & charitas D. N. &c.

SCRIPSI ad Franciscum Perem, ut Malacâ discederet quamprimum, & cum omnibus Sociis in Indiam se reciperet. Etenim
nunc

nunc quidem tanto bono videtur indigna civitas illa, quæ causa fuerit tanti mali: quippe cum nostrum iter in Sinas, divinaque gloriæ amplificationem per summam injuriam impediverit. Iterum tibi mando, ut recentissimum illud meum mandatum summo Audio diligentiaque conficias; hoc est, ut transigas cum Episcopo, uti Malacæ excommunicationes ritè pronuntiandas curet, in quas inciderunt ij, qui nostro itineri obstiterunt. Siquidem Legati Apostolici nomine Sinas petebam. Id adeò mihi curæ est duabus de causis: primum, ut Malacensis Præfectus intelligat, quàm grave in se admiserit scelus, & quàm gravem pœnâ incurrerit; ne posthac is fit in alios, qui in me fuit: deinde, ut nostri Ordinis homines, qui deinceps rei Christianæ causâ Malacam, Molucû, Japoniam, Sinas petent, retinere audeat nemo. Et quoniam plerosque homines hodie magis hominum pudet, quàm Dei; quicumque ejusmodi sunt, tantæ notæ, atque ignominie metu à tam projecta audacia absterreantur. Illud etiam te oro, ut cetera, quæ tibi reliqui præcepta, servès diligenter; maximè verò, ut paucos in Societatem, eosque idoneos adsciscas; adscitos autem diu multumque specietes ac probes, eorumque virtutis periculum

lum fa
nim,
tidie a
mitti e
modi
qualen
ti meo
aptum
mi atq
tum se
sus, u
etfi rel

Qu
cietate
nullis
liquid
lus re
ni ge
se, a
re.
quàm
gner
rumta
re, u
tânæ
magn
cione
primi

lum facias & sæpe & accuratè. Vereor enim, ne multi & jam admissi sint, & quotidie admittantur in Societatem, quos dimitti excludique præstaret. Quare istiusmodi hominibus talem te præstes velim, qualem ego & Goz multis, & hic comiti meo me præstiri; quem cum minimè aptum esse perspexissem Societati, exemi atque dimisi. Hoc tu quoque institutum sedulò & constanter tenebis; sic prorsus, ut nullus te casus ab incepto deterreat, etsi relinquare ipse solus.

Quàm iniquo animo ferat diabolus, Societatem in regnum Sinarum invadere, nullis vertis exequi possum. Id ego tibi liquidò affirmare queo (neque enim ullus relinquitur dubitationi locus) humani generis hostem nullo modo ferre posse, aditum nobis in hoc regnum patère. Nam incredibile est, quibus ille, quàm multis modis & pugnârit & pugnaret, nostros ut conatus avertat. Verumtamen magnam in spem ingredior fore, ut CHRISTUS Dominus noster tantæ insidias eludat omnes. Ac sanè magno illi honori & gloriæ, per homuncionem ingentes diaboli illos spiritus comprimere, intolerandamque superbiam frangi. Deus

332 S. P. FRANC: XAVER: EPIST: LIB: IV.
gi. Deus id nobis pro sua infinita boni-
tate largiatur; idémque & tecum maneat,
& me comitetur; atq; omnes pariter per-
ducat in cælum. Idibus Novemb.

M. D. LII. ex portu San-
cianensi.

FINIS LIBRI QUARTI.



S. P.

IB: IV.
nita boni-
m maneat,
riter per-
emb.

S. P. FRANCISCI XAVERII
EPISTOLARUM LIBER V.

EPISTOLA L.

S. Ignatio Romam.

Summarium. Spondet S. Patri, & Roma-
ne Societati crebram litterarum communicati-
onem. Affectus Cardinalis Inurea erga Fran-
ciscum & Societatem; Legati erga eundem stu-
dia, in ade Lauretana pietas. Salutat omnes.

Gratia & charitas D. N. & c.



Ie Sancto Pasche accepi li-
teras à Te perlatas in fasce.
ad Dominum Legatum mis-
so, & cum iis tantum gaudij
ac consolationis, quantum
non exprimo; DEUS Dominus noster scit.
In hac deinceps vita non aliter credo quàm
per litteras congrediemur; in altera facie ad
faciem cum multis amplexibus. Superest
igitur, ut hoc exiguo nobis reliquo tempo-
re mortalis exilii crebris invicem Epistolis
consolemur. Equidem desiderari hac in-
parte meam diligentiam non finam. Per-
suasus enim illo tuo, quo me digredientem
monuisti, sapienti dicto: Colonias Metro-
poli-

S. P.

polibus, ut Filias Matribus, usu mutue
 titiæ connecti oportere; planè decrevi dare
 operam, ut & Ego, & quæcunque umquam
 ubivis terrarum mecum erit nostræ Societa-
 tis Pars, Tibi ac Societati Romanæ nuncio-
 rum atque officiorum commercio jungamur;
 sicque ad vos cuncta nostra minutè ac di-
 stinctè referamus, ut Filiolæ solent, cum
 Matribus rationem reddunt. Egi per otium
 & ex animi mei sententia cum D. Cardinali
 Inurea, prout ea de re scriptum mihi man-
 datum dederas. Excepit me humanissimè,
 offerens perofficiosè favorem nobis suum in
 omnibus, quæ suæ potestatis forent. Bô-
 nus senex cum ab eo discederem, amplexa-
 tus est me osculantem manus ejus. In me-
 dio ejus, quem cum illo habui sermonis ab-
 jeci me in genua, & nomine totius Societa-
 tis osculatus ei sum manus. Quantum ex
 iis, quæ mihi respondit intelligo, multum
 ille probat nostrum procedendi modum.
 Dominus Legatus me tot officijs cumulat,
 ut numquam finis sit, si enumerare velim.
 Nec scio quomodo inducere possem in ani-
 mum illa admittere, nisi cogitarem, & quasi
 pro certo haberem, mihi ista apud Indos ni-
 hilò minore pretio, quàm virâ ipsâ repen-
 denda. In Templo Domine Nostræ Laure-
 ti, Dominicâ Palmarum excepi ejus Con-
 fessio-

sessionem
 stravi
 Feci Sa
 Bonus
 munio
 Edem
 Pascha
 confess
 aliis ex
 ni ded
 gati m
 vestru
 turum
 me Do
 eas illi
 erum p
 ud obl
 bi pers
 morem
 Indiis.
 so, in
 rissimo
 confess
 stiam p
 ris cert
 stiterit
 suo & n
 illis, q
 quidem

fessionem, & ei Sacram Eucharistiam mini-
 stravi. Idem præstiri multis ex ejus Domo.
 Feci Sacrum in Sacello Domine Nostræ; &
 Bonus Legatus egit, ut secum Sacram Com-
 munionem perciperent intra Sanctam illam
 Aedem omnes sui domestici. Postea die
 Paschæ iterum conficenti Absolutionem, &
 confesso Christi corpus impertii; itémque
 aliis ex ejus familia probis viris, & religio-
 ni deditis. Sacerdos familiaris Domini Le-
 gati multum se istis commendat orationibus
 vestrum omnium. Is mihi spondit, se i-
 turum nobiscum in Indias. Fac salutes à
 me Dominam Faustina Ancolinam; & di-
 cas illi, nisi grave est, fecisse me unum sa-
 crum pro suo & meo Vincentio; & eras ali-
 ud oblaturum pro ipsa. Præterea, certò si-
 bi persuadeat, me numquam ipsius imme-
 morem fore; ne tum quidem, cum ero in
 Indiis. Meo quoque nomine revoca, qua-
 so, in memoriam D. Petro, fratri meo cha-
 rissimo, ut quemadmodum mihi promisit
 confessurum se peccata, & Sacram Euchi-
 ristiam percepturum, sic faciat; meque litte-
 ris certiore reddat, an id, & quoties præ-
 stiterit. Quod si velit gratificari Vincentio
 suo & meo; dic ei meo nomine, ut ignoscat
 illis, qui occiderunt ejus filium; quando-
 quidem pro illis Vincentius multum orat in
 celo.

coelo. Hic Bononiæ plus occupationis habeo in audiendis Confessionibus, quam nuper isthic in S. Ludovici. Omnes impensè saluto: Quod singillatim quemque ac nominatim non memoro, non est (mihi credant verè loquenti) oblivionis culpa. Bononiâ pridie Kal. Aprilis, Anno M. D. XL.

Vester in Christo Frater & servus

Franciscus

EPISTOLA II.

Eidem.

Summarium: Accepta à Deo & in Itineri Lusitanico beneficia commendat. Legati & comitum ejus pietas; grave periculum stabuli Praefecti non sine miraculo discussum. Ager Roadericus sub adventum Xaverij revalescit Olyssipone; Affectus Olyssiponenſium erga Xaverium, & Divina: Francisci, & Sociorum cum Regi Lusitano congressus; ejus erga Societatem stadia. Dubitat de retinendu in Lusitania socij Auxiliares copias, in Indias requirit, ejus Sociorum Conciones Olyssipone.

Gratia & charitas D. N. & c.

Multa & continua Christi Domini Noſtri beneficia experti sumus toto itinere

re, qu
quo co
tractu
que di
per fu
& univ
ad min
gratias
fit. M
concu
ctione
liberan
mente
sanctâ
Comm
mui v
quenta
Euchar
dem ul
rent, c
cùm fa
in hosp
commo
nere tal
terdun
idoneo
operam
huc nob
stro mi

re, quo Româ in Lusitaniam venimus, in quo consumpsimus tres menses. Eo tanto tractu locorum & temporum, in tot tantisque difficultatibus ac laboribus usum semper fuisse optimâ valetudine D. Legatum, & universam ejus familiam à maximo usque ad minimum, res est, unde multas laudes & gratias Christo Domino Nostro reddi par sit. Maximè quòd ultra communem suum concursum, peculiarem suæ manus protectionem adhibuit, ad nos cunctis periculis liberandos; uti & ad inspirandam D. Legato mentem ac prudentiam continendæ tam sanctâ Disciplinâ Familiæ suæ, ut Religiosæ Communitati similior, quàm sæculari Domui videretur. Id ille assequebatur frequentando ipse Sacramenta Confessionis & Eucharistiæ: unde fiebat, ut famuli ejus idem ultro, illustris exempli vi tracti, facerent, tam frequenter & tanto numero, ut, cum faciliè provideremus inter eundem vix in hospitiiis, per loci ac temporis angustias, commoditatem affore satisfaciendi eo in genere tam multis, necesse haberem de via interdum deflectere, equoque desilire; ac loco idoneo captato, audiendæ parti servulorum operam præoccupare. Dum iter esset adhuc nobis per Italiam, placuit Domino Nostro mirabiliter Numen suum ostendere in-

uno ex Famulis D. Legati, Comitibus nostris, illo ipso, quem Romæ vidistis conceptum propositum suscipiendæ Vitæ Monasticæ suspendisse primùm segni & ignavâ morâ, ad extremum omisisse. Rivus occurrit ingens incerti vadi. Ad eum tentandum, suâ istum temeritate perurgente, nos omnes reclamabamus. Frustra id quidem, nihil enim minùs per dubium torrentis alveum, eques ille progressus est. Non multùm processerant, cum impetus ruentis amnis equum res eluctatus, eum cum equite abripuit. Spectantibus & miserantibus è ripa cunctis rebus: tantùmque momento in spatium areæ, quanto ferè intervallo vestrum diversorium Romanum à S. Ludovici Templo distans est. Hic dignatus est Deus Dominus Noster audire ardentes preces, quas in illo spectaculo ad eum fudit servus ejus D. Legatus rogans cum suis omnibus *non sine lacryis* pro illius infelicis salute humanitus desperata. Annuit Dominus, & manifesto miraculo, præsentis exitio perditum subtraxit. Gerebat is in Legati Comitatu Officium Stabulo Præfecti: qui sanè cum præceptis votivis ferretur, multò maluisset in Monasterio esse, quàm ubi tunc erat. Isque illud tum maximè scrupulus angebat; memoriam ingerens omisissæ opportunitatis, quam tunc frustra

frustra
ipse
se in
peric
tiz a
etiam
præse
niten
quò s
eòqu
reddi
milia
tus &
pallos
dire v
quæ i
tica C
pertu
nè ita
tem c
necess
vacare
hausti
ne stu
etati.
veor in
& ami
riter v
num,

frustra quantovis redemptam cuperet. Hoc ipse mihi fassus postea est; affirmans, minus se in tam acerbo casu consternatum horrore periculi præsentis, quàm verberare conscientia acriter exprobrantis vitam inconsultè ætatem sine ulla provisione mortis. Addebar, præsertim se tali articulo turbatum serâ Pœnitentiâ ingressus in Monasterium dilati, quò se à Deo vocari non dubiè senserat. Ad eoque plenus his cogitationibus nobis est redditus, ut omnes ultro admoneret, ne similia peccarent. Verbis dabat pondus vultus & frons loquentis, tam ultra solitum, pallore ac sensu discriminis mutata, ut redire videretur ex Inferis. Sanè de pœnis, quæ ibi tolerantur, multa erat ejus & pathetica Oratio, qualis illius foret, qui esset expertus. Quibus frequenter inferebat: planè ita fieri, ut qui per vitam de se ad mortem comparando non cogitâris, ei mortis necessitate ingruente, Dei meminisse non vacaret. Hi erant boni viri sermones, non hausti ex lectione, doctrinâ, vel meditatione studii; sed propriæ sensu experientiæ dictati. Non parum, hæc reputans, commoveor incuriâ simili multorum vitæ usu nobis & amicitia variè notorum, quos differre pariter video executionem bonarum cogitationum, sanctorumque desideriorum Deo ser-

viendi, quibus impelli se fatentur. Male-
que metuo, ne tempus iis quoque tale super-
veniat, quo tempore facere, quod decreve-
rant ardentissimè optantes, nullâ ratione
poterunt. Quo die Ulyssipponem perveni-
mus, offendi Magistrum Simonem in expe-
ctatione accessûs quartanz, eâ ipsâ horâ
statam, ut putabatur, habituri redeundi vi-
cem. Cæterùm tanta eum ex adventu meo
læticia incessit (non minor credo, quàm quâ
Ego ex ejus aspectu amplexûque affectus
sum) ut languorem discusserit. Nam nec
eo die, nec deinceps ullum ejus sensum ha-
buit. Est autem ab appulsu huc nostro jan-
nensis evolutus. Itaque in plenam modo
valetudinem confirmavit se; multùmque in
vineâ Domini, non sine ubere fructu labo-
rat. Magnus hîc numerus hominum est
amicè ac benevolè in nos affectorum: ac sa-
piè tantus, ut molestè feram, fieri per nimi-
am multitudinem non posse, ut cundis sin-
gillatim ea nos Visitationum & Salutatio-
num officia reddamus, quæ pro notabili
conspicua dignitate plerorùmque ipsis debe-
remus, si ea obire per tempus liceret. No-
tavi etiam plurimos ad bonum propensos, &
Deo Domino Nostro servire cupientes, quibus
saluberrimum esset juvari quibusdam ex-
citiis spiritualibus, ad concipiendum Pro-

positu
de di
tumen
do, q
quin
ant.
conve
Hujus
stimul
dam e
cem u
tra on
pertra
ire, c
finen
dinati
torum
sanè q
quam
nimus
am:
nihil a
certus
psis ab
nostro
Nos R
solus i
per ho
Quæ

Pro-

positum statim executioni mandandi, quod
de die in diem differunt. Quoniam quan-
tumcunque festinent Homines in exequen-
do, quod faciendum nôruat, vix fugiunt,
quin rationem reddendam morarum habe-
ant. Quare multum attentionis adhiberi
convenit ad amoliendas cunctandi causas.
Hujus officii plena cognitio salutares multis
stimulos admovet, per quos è veterno quo-
dam excitati sentiant; se non inventuros pa-
cem ubi pax non est; præsertim ii, qui con-
tra omnem rationem procurant, Deum eò
pertrahere, quò ipsi volunt; recusantes eò
ire, quò à Deo Domino Nostro vocantur;
sinentesque agi se suis potiùs ipsorum inor-
dinatis affectibus, quàm bonis desideriis in-
eorum mentes divinitus immissis. Digni
sanè quibus misereamur magis, quàm quis-
quam invidet; quippe quos ire ac niti cer-
nimus per tam acclivem abruptamque vi-
am: & improbo conatu laboriosi ascensû
nihil aliud, quàm præcipitiî periculum, imò
certum ruinæ infelicis exitium querere. Ela-
psis ab adventu in hanc regiam Civitatem,
nostro tribus aut quatuor diebus, accersivis
Nos Rex, & benignissimè excepit. Erat
solus in cubiculo cum Regina: ubi cum illis
per horam, & aliquantò ampliùs fuimus.
Quæsierunt ex nobis multa singillatim de

nostra vivendi ratione, deque casu ac modo, quo cognoscere inter nos, & coire in Societatem contigit, tum quò spectarent nostra consilia prima, postremò de persecutionibus, quas passi Romæ sumus. In quo valde illos delectavit, cum narraretur modus, quo detecta tandem est veritas. Laudabantque quòd constanter ac fortiter promovissemus rem usque ad extremum iudicii exitum, ac significabat Rex, cupere se videre sententiam quâ sumus absoluti. Communis hic sanè sensus est omnium, piè ac prudenter factum à nobis, quòd nullâ conditione dimoveri nos passi sumus ab urgendo usque ad sententiæ ultimæ prolationem litis cursu: passimque tantùm id commendant, ut non dissimulent sibi videri fore, ut nisi sic egissemus, quemadmodum egimus, nunquam relaturi fuissetus ex nostris ministeriis fructum ullum. Itaque finem, ut dixi, non faciunt prædicandæ illius nostræ constantiæ, usque ad sententiam, quæ veritatem denique liquidam ostenderet, obfirmatè durantis. Ut ad Regem & Reginam redeam, placuit multùm ipsis, quòd audierunt clarè de forma ac ratione nostrarum Domuum, ministeriorumque & totius Instituti consilio ac scopo. Inter hæc Rex vocari iussit Filiam suam Domminam Infantem, & suum Filium Regni Prin-

Prin
mor
Dom
qui
quã
decla
Rex
ut co
scen
ipse
omni
vo q
In ist
mod
riò in
nem
insue
scen
mati
Porr
sine
se for
res o
um
enim
conf
inter
Dei
Regi
Prin

Principem, ut illos videremus. Commemoravit benignissimè quot filios & filias sibi Dominus dedisset, quique ex illis mortui, qui superstites essent. Uterque tam Rex, quàm Regina summum erga nos affectum declarârunt. Studiosè nobis commendavit Rex eo ipso die, quo primùm eum vidimus, ut confessiones audiremus nobilium Adolescentum qui in ipsius comitatu essent. Nam ipse mandatum edidit, ut Nobiles Juvenes omnes, qui aulam ejus frequentant, octavo quoque die peccata Confessario aperiant. In istius executionem mandati, & in ejusmodi Adolescentes, ut nos invigilaremus seriò injunxit. Cujus curæ suæ hanc rationem dabat. Existimare se ajebat, si à puero insueverint ejus loci Adolescentuli cognoscendo venerandòque DEO, deinde cùm maturuerint, viros bonos & frugi evasuros. Porrò si Nobiles quales esse debent fuerint, sine dubio plebem ad illorum exemplum se formaturam: quare spem restituendi mores omnium Sæcularium Regni, in Nobilium Puerorum proba institutione verti: nec enim esse dubium, quin illius primi Ordinis conspecta Sanctitas bonam Regni partem institutione trahat. Magnam nobis præbet Dei laudandi causam hic religiosus optimi Regis animus, & zelus in promovenda gloria

ria Dei Domini Nostri; tamque pia propensio in res omnes bonas ac sanctas. Nos omnes, qui de Societate sumus, plurimum illi debemus ob benignissimam in cunctos voluntatem, siue qui isthic estis, siue qui hic degimus. Retulit mihi Legatus, qui cum Rege egit, postquam eum nos eramus allocuti, dixisse sibi Regem: sibi verò jucundissimum futurum, si omnes, qui hactenus in Societatem nomen dedimus hic apud se congregare ac habere posset; etiamsi in eos alendos ornandosque partem magnam suarum opum impendere oporteret. Scimus multos ex Amicis nostris conari hic impedire discessum in Indias nostrum; quòd illis videatur, plus fructus nos hic reportaturos ex Confessionibus, sermonibus familiaribus, tradendis Exercitiis Spiritualibus, & exhortandis cunctis ad frequentes Confessiones & Communiones; denique exercenda hic simili docendi, instandique diligentia ejus, quàm uti in India decrevimus. Inter eos, qui sic sentiunt est Confessarius, est & Ecclesiastes Regis, cui uterque authores sunt, ut nos hic retineat spe uberioris fructus. Diversa quorundam aliorum oratio est mira de proventu ex nostra opera in Indiis sperando loquentium. Sunt autem, qui hæc dicunt, idonei talium authores, qui mul-

tis a
tissi
posi
Don
stro
quo
mini
istac
negl
lucr
sine
cis a
ad C
Neq
cred
hil a
rum
præf
nis i
fiduc
Dei
di.
conc
sito l
mar
in ul
dem
stro p
jung

tis annis in India fuerunt. Hi animadvertisse se affirmant, Gentes illas optimè dispositas ad suscipiendam Religionem Christi Domini Nostri, si ejus interpretes ac Magistros nanciscantur nostri similes, hoc est quorum procedendæ modus tam longè ab omni specie avaritiæ remotus sit. Itaque si istam, quam hîc exhibemus abstinentiam, neglectumque humanorum commodorum, lucrique ac quæstûs, illic quoque teneamus, sine ulla dubitatione futurum ajunt, ut paucis annis duo aut tria Regna Idololatrarum ad Christi Domini nostri fidem convertamus. Neque enim cunctaturos illos Populos in credendo nobis, ubi planè perspexerint, nihil aliud nos quærere, quàm salutem animarum. Hæc nobis à Viris talibus, qui in re præsentî versati sint, & multis, ut dixi, annis in Indiis fuerint, asseverata, ingentem fiduciam ingenerant fructûs uberrimi ad Dei Domini nostri obsequium inde colligendi. Multam hîc diligentiam ponimus in conquirendis Sacerdotibus, qui solo proposito sibi præmio divini obsequiî & salutis animarum, ire in Indias nobiscum velint, nec in ulla re alia magis hoc tempore nobis videmur inservire ac gratificari Domino Nostro posse, quàm in Sociis ejusmodi nobis adjungendis. Nam si manipulum vel duode-

cim solū talium Sacerdotum congregare possemus; qui in consilii istius ac propositi Societatem unanimiter conspirare nobiscum vellent, citra omnem dubitationem est, nos magnum operæ pretium facturos. Jamque aliqui ejus generis hūc se nobis offerunt. In-
cidimus in Sacerdotem nobis aliās Lutetie Parisiorum notum, qui promisit venturum se nobiscum, & usque ad mortem in vitæ ac consiliorum Societate perstiturum. Illum credimus satis certum nobis fore: dedit enim argumenta & pignora idonea constantis voluntatis. Est & alius Subdiaconus, brevī Sacerdos futurus, qui se ad id ipsum offert magnā devotione. Præterea Doctor quidam Medicus familiariter nobiscum olim Parisiis versatus, promisit se navigaturum nobiscum in Indias, ibique facultate suā medendi eatenus tantū usurum, quatenus id conducet ad juvandas, & ad salutandam Creatoris sui cognitionem pertrahendas animas, citra ullum quæstum temporarium. Hoc semper maximè spectamus, ut ii, quos nobis adjungimus, ab omni avaritia alieni sint. neque id ipsum nobis sufficit, nisi ab omni quoque avaritiæ specie sint disjunctissimi: ita ut nec in nobis, nec in familiaribus nostris quidquam conspiciatur, unde suspicio oboriri cuiquam possit, temporalia nos
potius

potius, quàm spiritualia captatum ac con-
 quistum ire. Egit Rex cum Episcopo no-
 bis amico, itémque cum Confessario suo, de
 nobis ad palàm in Templis perorandum è sa-
 cro pulpito adhibendis. Id nos differeba-
 mus in aliquot dies, initium à rebus humi-
 lioribus ducere volentes. Continuumus er-
 go nos, nec Concionum habendarum vo-
 luntatem ostendimus; utcunque qui nos nò-
 rant magnam audiendi nostras ex Ecclesia-
 sticis pulpitis orationes cupiditatem præfe-
 ferrent. Accersivit nos quadam die Rex,
 & post multa alia dixit nobis; gratum sibi
 fore, si concionaremur. Tunc sanè ad id a-
 gendum nos obeulimus alacritate magnà;
 non solùm studio atque officio obsequendi
 Majestati ejus; sed etiam spe, quâ in auxi-
 lio Christi Domini Nostri fundata nitimur,
 collocandæ, Deo favente, non inutiliter o-
 peræ adfructum animarum. Incipiemus o-
 ctavo die à proxima Dominica, nec dubita-
 re nos sinit de aliquo prospero successu be-
 nevolentia, quam in nos præcipuam osten-
 dunt Cives hujus Urbis: quod etiam atque
 etiam Dominum nostrum oramus, hoc est:
*ut augeat eorum fidem, qui de nobis aliquam
 expectationem habent.* Atque hanc ipsam
 opinionem, quæ de nobis hîc prospera per-
 crebuit, speramus occasionem daturam Deo

Domino Nostro, pro ejus summa, cui unicè confidimus, bonitate si minus nostrâ, saltem hujus populi tantam ad nos audiendos fidem & devotionem ostendentis, causâ, dandi nobis scientiam & gratiam, ut possimus consolari eos, & quæ vel necessaria vel utilia sunt ad animarum salutem dicere. Ulyssipone V. Nonas Julij An. M. D. XL.

Omnibus Vobis in Christo Charissimis

Franciscus.

EPISTOLA III.

Eidem.

Summarium. Petit Breve Apostolicum confirmata Societatis, & Spiritualia Exercitia offerenda Regi. Eadem duobus Theologia Licentiatis tradit, æstimationemque eorum promoves. Stradam pro Academia Conimbricensi poscit. Labores Francisci Ulyssipone. Dubium de Indica expeditione. Petit instrui in modo, quo admittere debeat expetentes Societatem.

Gratia & Charitas D. N. &c.

POSTquam scripsi valde prolixè de rebus, quæ hîc sunt, offerunt se aliqua, quæ tunc exciderant. inter quæ hæc sunt: Si Breve, quod tangit totam Societatem expeditum, est,

est, mitte huc, oro Te, ejus exemplum. Nam Rex & qui nos hîc amant, libenter id videbunt: uti & sententiam, quam pronuntiavit Prætor, dum nos absolvit. Rex petiit Exercitia cum desiderio illa videndi: Si exemplum eorum à correctis videretur Tibi etiam mittere, gratissimum id foret Majestati ejus. Enimverò Magnus ille Princeps valdè benè affectus est erga totam Societatem: & videtur nihil non obsequii à nobis ei deberi, pro ingenti amore, quo nos prosequitur. Binas à Te litteras accepi utrasque perbreves; alteras scriptas VI. Idus Junij, alteras Kalendis Maji. Domino Legato pergratum erit accipere à Te aliquam Epistolam. quas ad eum dedisti, perlatas ipsi, dum esset in itinere Româ huc, vix credas quantâ curâ conservet. Si non posses scribere, fac ut quas Epistolas scribit Strada possimus ei ostendere. Hoc ipso temporis puncto accingimus Nos ad danda Exercitia duobus Licentiatibus in Theologia, quorum unus est valde celebris Concionator, alter Pædagogus Fratris Regis, Infantis nimirum Domini Henrici: Procuramus etiam ab aliis personis non vulgaribus ea desiderari; persuasi, quò majori desiderio ea appetierint, eò plus ex iis utilitatis percepturos. Est unde laudetur Deus Dominus Noster, dum videmus hîc

hîc multos Sancta Confessionis & Communionis Sacramenta frequentantes. Statues quid tibi videatur de Francisco Strada; ecquid placeat mittere eum in Academiam Conimbricensem. Nam ibi nec illi, nec aliis deerunt necessaria ad eorum studia; quantum sperare licet ex eo, quod qui illic degunt valdè bene inclinati sunt ad res omnes pias & bonas. quare non dubitamus, quin brevî in ista Universitate Collegium quoddam Nostrorum instituatur. Nos opportuno tempore non omitteremus agere cum Rege de excitando Convictu Studioforum, ad quod opus esset doceri nos, quæ tua mens sit circa formam institutionis ejus, modumque in ea procedendi; tum de eo, qui isti Congregationi præfuturus est; quæque Sodales disciplinâ teneri debent, *ut crescant magis in Spiritu, quàm in litteris*: ut cum alloquemur Regem, ei exponamus vivendi modum, quem observaturi sint, qui in nobis Collegiis operam litteris dabunt, quo de toto argumento scribi à Te ad nos fuisse pervelim. Non apparet obstiturum quidquam, quo minùs illic ædificetur Domus excipiendis Magistris & Scholaribus; imò & aliæ Domus instituti nostri. Multi libenter, qui hîc sunt facerent nobis Domos, si adessent, qui eas incolerent. Episcopus

Ami

Ami
pla
sic:
servi
liter
sent
his l
futu
vert
jung
turo
rian
quæ
greg
ad il
us D
ann
dem
pas
tate
quæ
ædi
infi
nav
sequ
be a
var
mu
per

Amicus noster dixit nobis : Regem nondum planè constituisse , an missurus nos in Indias sit : quòd illi videatur : nos hìc non minùs servituros Domino Nostro , quàm illic. Instituerunt duo Episcopi , quorum contraria sententia est , nos nulla ratione detineri in his locis debere ; sed mitri in Indias : quòd futurum existiment , ut aliqui Reges convertantur. Nos semper intenti sumus ad jungendis nobis Sociis : & credo non defuturos , prout se res sensim procedendo aperiant. Si hìc remaneamus fundabimus aliquas domos. Faciliùs reperientur , qui aggregentur nobis ad hìc manendum , quàm ad illò eundum. Si tamen iverimus ; & Deus Dominus Noster annuerit nobis aliquot annos vitæ , instituemus cum auxilio ejusdem Dei aliquas domos inter Indos & Æthiops. Si Breve , quod tangit totam Societatem , non est adhuc expeditum , tamen da , quæso Te , operam ut nobis detur facultas ædificandi Domos nostræ Professionis inter infideles. Sive autem hìc hærebimus , sive navigabimus ad Indos , per amorem & obsequium Dei Domini Nostri obsecro Te , scribe ad nos modum & ordinem quem observare debemus in aggregandis sociis , idque *multum ad longum* , quandoquidem clarè perspicis exiguam nostram Talentum. Unde *nisi*

nisi nos adjuves, ob nostram imperitiam negoriandi, omittetur occasio promovendi majus obsequium Dei Domini Nostri. Vale.
Ulyssipone, VII. Kalend. Augusti.

Annus & subscriptio decrant autographo, relicta à quodam, ut apparet.

EPISTOLA IV.

Doctori Martino Azpilcueta Navarro.

Summarium. Gratitude Francisci erga Azpilcueta; Desiderium mutui congressus. Commendat ejus disciplina Blasium Lopez. Laudat ejus eruditionem.

Gratia & charitas D. N. &c.

Multum Reverende Domine.

EX quo in hac Civitate sum, binas à Te litteras accepi amoris, & pietatis erga me plenas. Christus Dominus Noster, cujus amore motus es ad mihi scribendum, aquam tantæ isti charitati, & benignæ in me voluntati mercedem reddat; quando Ego; vel si cupiam, nequeo exolvere me hoc debito; nec satis vicissim respondere eximie tuæ in me immerentem, & inopem benevolentia. Quare agnoscens, & confitens debilitatem in hac parte meam; ac per Dei clementiam, cujus

cujus singulare donum est seipsum nosse, intelligens, *quàm inutilis ad omnia sim*, post aliquem mei quoad possem explendi officij conatum, *studui spem omnem, & fiduciam meam in Deo ponere*, videns me nemini posse *aquam gratiam referre*, & hoc me plurimum solatur, quòd potens est Deus sancta Anima tua, & similibus retributionem amplissimam pro me dare. Quod de meis rebus; ac præsertim de mea vita instituto præ te fers velle, cognoscere, gauderem equidem offerri nobis occasionem mutui congressûs. Nemo enim me paratior est ad omnia, quæ in hoc genere scire aves Tibi plenissimè communicanda. Nec despero fore, ut Deus mihi Dominus noster, inter multas, quibus me divina ejus Majestas benignissimè cumulat, quotidie gratias, hanc quoque adjungat, eximiam, videndi semel in hac vita, & per otium alloquendi Te, priusquam cum meo Socio in Indias solvamus. Tunc sanè licebit plenissimam ex me coram audire rationem omnium eorum, de quibus per tuas litteras interrogas, tam multa enim illa sunt, ut scripto id fieri commodè nequeat. Ad id quod Epistola tua adjungit: *multa pro Hominum consuetudine de nostro Instituto dici*: hoc tantum in præsens repono: parùm refert, Doctor egregie, ab Hominibus judicari; præsertim
ab ijs,

ab ijs, qui prius judicant, quàm intelligant. Qui has Tibi à me reddet. Blasius Lopez in-
 clientelam, atque in disciplinam transcribi
 tuam peroptat. Hunc Ego amo plurimum
 mei vicissim amantem; & pro ea necessitu-
 dine Te rogo, ut, si preces meae apud te quid-
 piam possunt (possunt autem multum per Tu-
 am Humanitatem) excipias benignè, me tra-
 dente, ac commendante, prolixum istud e-
 jus erga Te studium, quod offert; majorem,
 in modum cupiens, & ut Patrono Tibi ob-
 sequi; & ut Magistro dare operam. Scribe
 igitur illum, quæso Te, in numero tuorum:
 in quo præterquam rem DEO Domino No-
 stro, ut spero, gratam, & haud dubiè Te
 dignam feceris; etiam singularem à me gra-
 tiam inibis. Obstringens, inquam, me Ti-
 bi magno, & peculiari beneficio, si curare
 bonum hunc Juvenem, & in studiis litera-
 rum dirigere, ac juvare dignaberis, sic ani-
 mo, & studio paratum, ut adolescentiam
 suam meditationi doctrinarum, quibus Tu
 excellis, certum habeat impendere. Repu-
 tare Te convenit, quantum Deo debeas, qui
 Te isto eximio Talento insignis, eruditiois
 locupletavit; non utique ad tuum unius fru-
 ctum: sed ut multis profigis. Deus Domi-
 nus Noster nostræ pariter amborum sem-
 per custodix invigilet, Amen. Ulyssip-
 pone

pone

PP.

S
 cior
 Ulyss
 ti ca
 mon
 troc
 legia

H
 fore
 lere
 sum
 fior
 Em
 nos
 con
 tori
 Gen
 tam

pone IV. Kalend. Octobris, Anno M. D. XL.

Tuum in Christo quoadusq. vixeris

Franciscus de Xavier.

EPISTOLA V.

PP. Ignatio de Loyola, & Petro Codacio Romam.

Summarium. Statum suum, & auctum Sociorum numerum explicat. Penitentiae apud Ulyssipponenses frequentatio. Excoluntur traditi custodia Inquisitorum. Meror Regis super morte Fratris, ac ob id impeditum ejus patrocinium. Petit impetrari à Pontifice Privilegia Ordinationis, Brevariij. Responsum.

Gratia & Charitas D. N. & c.

HOs raptim deproperare versus cogimur procincto, & multum festinante Cursore. Paucis igitur sic habetote: Bene valere nos, & crescere. Jam sex numero hinc sumus; omnes ex notis nobis Lutetiae Parisiorum, praeter duos, Paulum videlicet, & Emmanuelem de S. Clara. Domino enim nostro placuit in tantum fortunare vota, & conatus nostros, hisce nobis sociandis adiutoribus ad celebrandum nomen ejus inter Gentes, quae ipsum non noverunt. Imputamus coelesti favori, quem vos isthinc concilio-

cilietis nobis, fructum, qui hîc existit ex nostris ministeriis, longè superior facultate, scientiâ, intelligentiâque nostris. Tam multî, îique præstantis dignitatis ad nos accedunt aperiendæ causâ, per sacram Confessionem, conscientiæ, ut tempus desit, quo cunctis satisfaciamus. Dominus Princeps Henricus summus Inquisitor Regni hujus, & Regis Frater, sæpius commendavit nobis, ut curam susciperemus eorum in spiritu juven-dorum, qui Sacræ inquisitionis custodiâ tenentur. Hos itaque quotidie adimus; damûsque operam, ut intelligant, quanto Dei beneficio in eo Poenitentæ Gymnasio exerceantur. Ad eos simul cunctos exhortationem habemus semel quovis die: tradimûsq; Exercitia primæ Hebdomadæ, magno ipsorum solatio, & fructu. Multi ex illis dicunt nobis, agnoscere se singularem in ipsos Dei gratiam, quòd operâ nostrâ primûm audiant plurima scitû necessaria ad salutem animarum suarum. Ante hos paucos dies misimus ad vos litteras Regis ad Pontificem, & ad Oratorem in Urbe suum, quibus commendat res nostræ Societatis, ut suas proprias. Ad commendatitias ejus generis in hac Aula impetrandas, jam non egemus interpositione ullius: per nos ipsi sufficimus. Nunc quoque Rex, nisi esset in gravi luctu ob mor-

tem
San
SS. C
rum
nost
dolo
Prin
nem
dean
spat
exor
vole
Qui
feri
men
dum
min
& m
extr
pro
um
qua
set i
trat
rio
ad f
Indi
mor
rim

tem Principis Eduardi, scripſiſſet iterum ad Sanctiſſimum Dominum, & ad Cardinalem SS. Quatuor Coronatorum, aliisque, quorum iſthic favor neceſſarius, aut utilis rebus noſtris eſt. Verùm ita, ut dixi, obrutus dolore, ac conſternatus eſt acerbo funere Principis ſui Fratris, ut domi clauſus neminem admittat; & tristi juſtitio negotia pendeat. Concedendum pio mœrori juſtum ſpatium eſt. Ubi reſederit poſt paucos dies, exorabimus ab optimo Rege literas, quàm voleris multas ad quoscunque designabitis. Quidam, qui ſtudiorum curſum Pariſiis conſecit, vitæ Societatem nobiſcum iniit. Nomen ei, Magiſter Conſalvus Mederes. Nondum eſt Ordinibus initiatus. Per Dei Domini noſtri obſequium oramus, impetrate, & mittite Reſcriptum Pontificium, cujus vi extra conſueta tempora tribus diebus feſtis promoveri per ſolitos gradus ad Sacerdotium rite poſſit, ut ſacretur Presbyter, antequam ſolvamus in Indiam. Opus etiam eſſet impetrari Privilegium ſex Clericis arbitratu noſtro communicabile, utendi Breviario novo. Ea res uſum haberet nonnullum ad faciliùs alliciendos quosdam, ut nos in Indias ſequi vellent. Per Domini noſtri amorem vos obteſtamur, curate quàm celeritè perferri ad nos Breve, quo dirigimur
in In-

in Indias. Nam tempus eò solvendi instat. Magna nos spes tenet fructus uberis ex illa nostra navigatione secuturi. Facite, oramus vos, quàm primùm sciamus, quid nos oporteat constituere de iis, qui aut Parisiis fuerunt studiorum causâ, aut eò ituri sunt. Respondeatis etiam distinctè ad ea, quæ scripsimus de Strada; deque consilio excitandi Contubernii Scholarium nostrorum in Conimbricensi Academia. Nam ad id, & pia ejus generis opera prouum hîc, paratùmque habemus favorem Procerum, & liberalitatem locupletum. Docete igitur citò nos, quid circa hæc decreveritis, ut prout iusseritis, efficere conemur, quod videbitur *magis expedire ad laudem DEI*. Rapti chartam è manibus Veredarius moras increpans. Ergo quod hactenus hîc scripsi, sit instar Epistolæ communis mecum Magistro Simoni: hujus autem, communis item utrique, subscriptio quasi sigilli vicem præstet, xi. Kal. Novembris, Anno M. D. XL

Utriusq. nomine,

Magister Simon

EPISTOLA VI.

Joanni III. Regi Lusitaniæ.

Summarium. Hortatur Regem ad suscipiendam curam messis indica. Michaëlem Va-

xiij

zium Proëpiscopum India commendat, eundem ad Indos remitti flagitat. Urget assistentiam Regis, suis in propaganda in Indiis fide laboribus. Statum India, suos item ac Sociorum labores describit.

Gratia & charitas D. N. &c.

Domine. Sic velim habeat Majestas Tua, itaque secum, quæso, reputet: Deum Dominum Nostrium Tibi potissimum, præ cunctis, qui sunt uspiam Christianis Principibus, harum Indiarum Imperium tribuisse, ut experimentum Tui caperet; probarétque, quâ fide commissum negotium gereres, quoque officio grati animi beneficiis responderes. Neque in hoc tam spectasse, ut regnum tuum Fiscum ditaret proventu pretiosorum fructuum è terris exteris, & importatione Gazæ peregrinæ: quàm, ut suggerendis occasionibus heroicorum laborum, virtuti, ac religioni Tux benignam materiam offerret commendandi sese, adducendis zelo tuo ardenti, operâque per Te adhibitâ gnavorum Ministrorum, Infidelibus horum tractuum ad notitiam Creatoris, & Redemptoris Mundi. Jure igitur, ac meritò impensè commendat Majestas Tua iis, quos in has Regiones mittis, ut plurimum elaborent in latè propaganda nostra Sancta Fide, Religionēque

que augenda; quandoquidem à Te intelligis rationem repetiturum Deum salutis tantarum Gentium; quæ paratæ sequi viam meliorem, si quis ostendat, interim inopiâ Doctoris in cæcis tenebris, ac gravissimorum criminum sordibus, & suum Creatorem continuè offendunt, & suas ipsi animas miserè in æternum exitium præcipitant. Referet Majestati Tuæ, quæ usu comperta habet docilitate harum nationum ad Fidem, deque cæteris opportunitatibus, quæ hîc se offerunt rei Christianæ bene gerendæ, Michaël Vazius, qui Proëpiscopus hîc fuit, hinc modo ad vos transiens. Is tantum sui desiderium Christianis harum partium relinquit, ut remitti huc eum statim anno sequenti ad consolationem, & præsidium ipsorum expediat: quamquam est, cur id decernas tuâ ipsius causâ. Nimirum, ut sic exoneres in tam idoneum Ministrum, officium, quo uteris gravi, procurandæ in his locis Divinæ Gloriæ. Hoc enim tam fideli dispensatore, tamque experiente, isti negotio præfecto, securè potes acquiescere: certus ipsum pro ea excellenti virtute, quâ tot annis probatâ venerationem totius hîc populi meruit, nullam prætermitturum occasionem Religionis, vel tuendæ, vel augendæ. Iterum etiam acque etiam rogo, atque obtestor Majestatem Tuam,

Tuan
nibus
datis
fian
Fiden
ta gr
dire
mod
hoc p
inere
nerat
me lo
est.
um,
ut off
quoq
Maje
si cup
Sanct
optas
ab ea
redire
is, ac
præse
mitta
& con
eutor
scopu
tis, q

Tuam, ut si Dei obsequio, & Ecclesię rationibus consultum vis; si tot probis, & laudatis hominibus in India degentibus, si Christianis recens conversis ad nostram Sanctam Fidem, si mihi denique quidquam in hac vita gratificari tanti ducis, jubeas ad nos redire Michaëlem Vazium Proëpiscopum, qui modò hinc discedit. Non alix mihi causę hoc petendi sunt, quàm obsequium divinum, incrementum nostrę Sanctę Fidei, & exoneratio Conscientię Majestatis Tux. Verè me loqui Deus Dominus noster mihi testis est. Scio enim quantum talis viri desiderium, quanta necessitas in his oris sit. Ergo ut officio satisfaciam, & conscientiam ego quoque meam deonerem, dico, & profiteor Majestati Tux, omnino necessarium esse, si cupis promoveri, dilatarique nostram Sanctam Fidem in his Indię Regionibus, si optas eos, qui Ecclesię jam aggregati sunt, ab ea non avelli, & ad patrias superstitiones redire, offensos, ac deterritos multis injuriis, ac vexationibus, quas graves patiuntur, præsertim à Ministris Majestatis Tux, ut huc mittas Michaëlem Vazium, cui forte pectus, & constans animus est ad obstandum Persecutoribus Christianorum. Quamvis Episcopus sit Prælatus tam consummatę virtutis, quàm revera est: tamen idem, quod Tux

Q

Maje-

Majestas non ignorat, jam senio gravatur, totque morbis affligitur, ut ad labores ferendos, quos ejus Præfecturæ accurata functionio summos in hisce Partibus injungit, viribus corporis destituatur; utcumque animi vires in eo abundant, & in dies augeantur. Deus enim eum tantâ gratiâ dignatur, ut, quantò magis in carne debilitatur, tantò plus corroboretur in spiritu. Quâ solet mercede Deus Dominus noster remunerari eos, qui multis annis perseverârunt in ejus obsequio; impendendo vitam, & ætatem universam exantlandis ejus causâ laboribus maximis; quousque referant quasi plenam victoriam de suo corpore spiritui rebeli. Talibus quippe indulget Deus eum assiduarum contentionum fructum in ultima ætate, ad exemplum, & perseverantiam eorum, quibus præsent, quo veluti rejuvenescere se sentiant renovatione spiritualium virium, eo maximè tempore, quo natura deficit, oppressa incommodis decrepiti senij. Ita ut eâ proportionem, quâ sensim deficit vita in virtute transacta, mutetur corpus terrenum in spiritum cœlestem. Quocirca Episcopo necessarium, nunc quidem, auxilium est ad tolerandos officij sui labores. Peto Domine Rex, & per Dei obsequium obsecro, ut quâ ego rectissimâ intentione, sincerissimâque

veritate scribo hos versus, pari Tua Majestas
æquitate animi, ac favore benevolo excipi-
at, quod suggero. Nimirum solâ instinctus
curâ honoris, & obsequii divini, desiderio-
que vero exonerandæ conscientiæ Tux re-
giæ, oro, & flagito, ut non tantùm per lie-
teras commendes tuis hîc Ministris res ob-
sequij divini; sed etiam puniendis iis, qui
officio hac in parte defuerint, commendati-
onem istam sancias exemplis justæ ultionis.
Enimverò periculum est, ne à Deo Domino
nostro Majestatem Tuam ad suum judicium
citante (quod futurum est quando minus ex-
pectatur; nec spes aut ratio est id declinan-
di) ne tunc, inquam, à Deo irato audias:
cur non in eos animadvertisti, qui à Te au-
thorati, Tibique subditi, mihi erant in In-
dia contrarii: cùm in eosdem, si negligentes
deprehenderentur in tuis vectigalibus, & Fi-
sci rationibus curandis, severè vindicares?
Nec scio, Domine, quanti ad tuam excusa-
tionem momenti habitura sis tali tempore,
responsio Tua, dicentis: equidem annis sin-
gulis, cùm isthuc scribebam, res divini tui
obsequii commendabam. Reponetur enim
continuò: Atqui eos, qui tam sancta ista
mandata susque deque habebant, impune
id facere sinebas, cùm interim, quos com-
pereras in rerum tuarum procuratione pa-
rum.

rum fidos, aut strenuos, debitis pœnis sub-
jiceres. Per Ego Te, Domine, quo flagras,
zelum Gloriæ Divinæ, p̄rque curam, quam
habes antiquissimam expediendarum apud
Deum rationum officii proprij, ac conscien-
tiæ deonerandæ obtestor, atque adjuro Ma-
jestatem tuam: Mitte huc idoneum cum au-
thoritate necessaria Ministrum, cujus una-
cura sit, prospicere saluti innumerabilium
animarum, quæ hîc periclitantur: quique
in ea procuratione potestatem à Te habeat
liberam ab imperio, & ditione illorum, quos
vestigalibus, & regni tui negotiis propriè
vacare jubes: ut sic in posterum incommo-
da, & scandala vitentur, quibus antehæc
multis, & gravibus res hîc Christiana labo-
ravit. Ineat Majestas Tua exactam ratio-
nem, & plenam secum summam colligat
fructuum, & temporalium bonorum, quæ
Dei beneficio ex Indiis percipis: Deducen-
de, quod hîc in Dei obsequium, & causam
Religionis expendis: Sicque cunctis pruden-
ter æstimatis, inter tuas regias, & Dei, ac
coelestis Regni rationes eam partitionem in-
stitue, quam gratus, & religiosus tuus ani-
mus æquam fore, bonamque judicabit: ca-
vens, ne Creator rerum omnium partem nimis
exiguâ largiter effusorum in tuum sinum bo-
norum angustè, ac parcè remuneratos à Te
videri

vidi
au
Qu
hæc
ben
jeste
mih
lum
Ma
mor
sant
tual
ruo
in h
offic
statu
tum
ante
min
gab
cuj
prof
Chr
excl
stas
qui
stian
min
Chr

videri possit. Nec cunctetur in hoc diutius,
aut procrastinet ulterius Majestas Tua.
Quantum enim cumque festines, sera jam
hæc fuerit diligentia. Urget me ad hoc scri-
bendum vera, & ardens mei cordis erga Ma-
jestatem Tuam charitas; utique cum audire
mihi videar voces ex his terris missas ad Cœ-
lum Indiæ conquerentis avarè secum agi à
Majestate Tua, quòd Proventuum uberri-
morum, qui ærarium ex ipsa tuum ditant,
tantulam vix particulam in subsidium spiri-
tualium ejus necessitatum longè gravissima-
rum conferas. Negotium salutis animarum
in hoc tuo Indiæ populo, cui prospicere ex
officio incumbit Majestati Tuz, quo loco, ac
statu sit cognoscere, opinor, non erit ingra-
tum. Jafanapatæ, & in Ora Coulani facilè
ante annum vertentem plus centenis Ho-
minum millibus ad Christi Ecclesiam aggre-
gabuntur. Non loquor de Insula Ceilano,
cujus Regem, utinam multus ille, quo eum
prosequeris, emolliret favor, ne tam durè
Christum Jesum ab omni parte suæ ditionis
exclusum vellet. Mittat hoc quæso Maje-
stas Tua quàm plurimos è Societate nostra,
qui non modò sufficiant baptizandis, & Chri-
stianâ Doctrinâ imbuendis tam multis Ho-
minibus, qui in hisce tractibus ad fidem
Christi amplectendam inducuntur; sed et

jam ex quibus abundant, qui mitti possint, Malacam, & in finitimas ei Urbi regiones, ubi nunc plurimi Christo dant nomen. P. Magister Jacobus, & Dominus Paulus in Collegio Sanctæ Fidei versantur. Hi quoniam copiosè ad Majestatem Tuam scribunt de illa Sancta Domo, nihil in præsens de eadem, nisi quod peto in summa parte gratia, ne gravetur Tua Majestas scribere Cosmo Agnezio, ut quando idem cepit, idem promovit Sanctum illud Contubernium, perducere ipse ad fastigium, plenèque absolvere ne desistat; nec in hoc defatigetur: constitueram enim ei à Deo primum, tum etiam à Majestate Tua dignam præclari operis mercedem. Franciscus Mansilla, & Ego versamur in Promontorio Comorini cum Christianis, quos fecit Michaël Vazius Proëpiscopus Indiæ. Nunc habeo mecum tres Sacerdotes ex Indigenis ejus terræ. Collegium Cranganoris, quod opus est Patris Fratris Vincentii, magnis incrementis adolescit; & si Majestas Tua pergat ei favere, ut hætenus fecit, è bono proficiet in melius. Est profectò cur plurimæ Deo gratiæ agantur ob fructum ad Christi Domini Nostri obsequium ingentem, qui ex eo Sancto Collegio existit. Unde, ut spes est verosimilis, paucio annis prodituri sunt viri Religiosi, qui Ma-

laba-

labarem universum, quantumcunque nunc
vitijs, & erroribus oppressum, ad pudorem
salutarem sui miseri statûs sint adducturi; &
cæcis istis mentibus Christi Domini Nostri
lucem illaturi, manifestaturique nomen e-
jus operâ, & ministerio discipulorum P. Fr.
Vincentij. Oro, & obsecro Dei causâ di-
gnetur ei favere Majestas Tua, tum cæterâ
demonstratione regis benignitatis, tum in-
dulgendo ipsi eleëmofynam, quam petit.
Quandoquidem in his indiæ regionibus spe-
ro me diem extremum obiturum; nec un-
quam in hac vita visurum Majestatem Tu-
am, adjuva me quæso Domine Tuis oratio-
nibus, ut in altera vita, cum majori utique
quiete, quàm quæ nunc est, videamus invi-
cem; postulando à Deo Domino nostro pro
me idem, quod ego vicissim pro Majestate
Tua postulo; nempe ut in hac vita det Tibi
gratiam sentiendi, & agendi id, quod in
momento Tuæ mortis gauderes Te fecisse.
Cocino XIII. Kalend, Februarias Anno
M. D. XLV.

Tua Majestatis servus

Franciscus.

EPISTOLA VII.

Magistro Simonì Roderico è Societa-
te JESV.

Q 4.

Sum-

*Summarium. Operarios in Vineam Indi-
cam mitti postulat, se & Mansillam precibus
Sociorum commendat; de sociis & rebus Socie-
tatis singillatim edoceri petit, Beneficia à sede
Apostolica obtinenda flagitat. Verat mitti So-
cios in Indiam negotiis secularibus implicatos,
Michaëlem Vazium Pro Episcopum India com-
mendat.*

Gratia & Charitas D. N. & C.

Quas Romam scribo litteras, eas ad Te
patentes mitto, ut ipse prius perlegas,
& inde haustâ notitiâ rerum, quæ hîc gerun-
tur, inciteris ad submittendos nobis quot
annis quamplurimos poteris Operarios Eu-
angelicos. Nam talibus, quamlibet multi
veniant, abunde hîc erit, in quo ad Dei ob-
sequium operam insigniter navent. Quod
attinet ad tuam quoque ipsius in has oras
profectionem, equidem si confidere possem
vires in Te, ac robur corporis cum vigore
animi paria facere, ultro Te invitarem, ro-
garémque multùm ne venire gravarere: si
tamen id P. Ignatius probaret, ejusque is
Tibi consilii author fieret: Pater enim no-
ster est, cui obedire nos oportet, nec ejus in-
jussu vel pedem movere fas est. De Jacobo
Fernandio narro tibi: vidisse me illum. Gor-
aucte has ferme quatuor hebdomadas sal-

tum,

vum, & bene valentem. Jucundè atque ex animi sui sententia diversatur apud Collegium Sanctæ Fidei, in Contubernio Magistræ Jacobi, & Domini Pauli; strenuèque ibi ad Dei obsequium contendit, eo fructu, ut eum nec istius commorationis, nec operæ pæniteat. Dixit mihi se fusè ad Describere; cui equidem magnopere censeo rescribas; quando tantum Te amat, & tuâ causâ vult. Incredibilem ei voluptatem afferent tuæ litteræ; maximè, si in eis legerit; Tibi probari commorationem istam ejus in Collegio Goano, ubi nunc degit. Franciscus Mansilla, & Ego commendamus nos ferventibus orationibus tam tuis, quàm Sociorum omnium. Nos in has oras longè submoti, tenues velut vestri clientuli, è vestra ope, ac patrocínio spes ferè, ac rationes suspensas trahimus. Quare vestrâ charitate dignum est (universim omnes & singillatim unumquemque compello) vestræ inquam benignitatis, ac pietatis est, in vestris officio incensis, & sacrificiis, & precibus causam apud Deum nostram agere; & quibus multis hic vehementer indigemus animi, corporisque subsidiis, ac bonis, ea nobis impetrare: adhibitis per vos eisdem etiam suffragiis Externorum, qui ductum in via spiritûs vestrum sequuntur. Multum etiam Te rogo, & per

Dei amorem precor, scribe ad me, aut, si per te non potes, quibusdam Sociorum, ut id agant, præcipe. Scribatis autem fusè; nec summatim, aut generatim solùm, sed etiam particulatim, ac minutim indicando singulos Fratrum nostrorum in Lusitania, Romæ, alibi degentium. Siquidem non alium reliquum habemus in hac vita fructum animi majorem, quàm quem appellentibus huc è Regno navibus, literarum istiusmodi lectione percipimus. Quam scribo Epistolam Sociis Romanis communicabis, nisi grave est, Petro Carvallio summo Amico nostro; eique nomine meo dices: me, quoniam in Fratrum nostrorum, qui Romæ, quique in Lusitania degunt, loco, ac numero ipsum habeo, existimasse, quas ad illos do litteras, ad ipsum quoque pertinere; ac propterea separatim ei non scripsisse. Idem persuadeas velim singulis Fratrum nostrorum, qui isthic tecum sunt: videlicet eum esse meum erga quemque ipsorum amorem verum, ut propriè unicuique scripturus fuerim, nisi unam istam Epistolam in solidum imputandum cuilibet, & sic vicem multarum considerem habituram, utili ipsis, mihi necessario compendio. Quas gratias, & Indulgentias ad magnum usum harum Regionum, instante Prorege, dudum petendas Româ curavi; de quibus

quibus hoc anno ad Regem scribo, rogo Te, pro eo, quantum consolationem, ac profectum Fidelis harum partium Populi cupis, quantumque Deo Domino Nostro gratificari, atque obsequi studes, da operam apud Regem, ut is meminerit, & velit per suam Romæ Oratorem earum expeditionem urgeri. Jam ante hos annos aliquot, & iterum hoc anno, scripsi ad P. Ignatium, ut impetret à Summo Pontifice Aræ maximæ Templi Goani, quo Sanctæ Fidei Collegium utitur, Privilegium ejus geminum, quo aliquot Romæ Altaria insignita sunt: ad quæ quoties quisvis Sacerdos Misse Sacrificium offert, toties unam purgantibus flammis animam liberat. Si & Tu nobis ad effectum hujus voti conferre aliquid potueris, & Pro regi, qui id enixè postulat, & Sancto illi Collegio, ac Fundatoribus ejus, dignissimis quibus optata contingant, rem feceris multo gratissimam. Fac quamplurimos istinc mittas in Indiam. Quò plures venerint, eò latius extendentur Ecclesiæ Sanctæ limites. Doctus experienciâ, quanto damno publico hic desit copia virorum ardenti zelo studentium incremento nostræ Sanctæ Fidei, ac Religionis Jesu Christi Domini Nostri, tam sæpe urgeo, ut ad hanc jam albam messem operarij mittantur. DEO, cui cordium in-

tima patent, notum est, quantopere Te-
 dere cuperem; incredibiliter lætarer ample-
 xando, & coram affando Te. Debes hoc
 virtuti Tuz, & ceteris donis à Deo in Te
 largiter effusis. Horum spes præsentis usu
 fruendorum conspectum mihi tuum multò
 desideratissimum facit. Si congressus no-
 ster mutuus ad rationes majoris, aut saltem
 paris obsequii Divini congrueret, quantis ex
 illo lætitiis penitus mulcerer, quantaque
 voluptate Tibi coram inservirem, solus no-
 vit, solus ad verum æstimat, quem arcana
 mentium non fallunt, Deus. Neminem
 patiaris amicorum tuorum in Indiam cum
 Præfectura mitti, ad regias pecunias, & ne-
 gotia tractanda. Nam de illis verè illud scri-
 ptum capere licet: *Deleantur de libro viven-
 tium, & cum justis non scribantur.* Quan-
 tumvis de alicujus fortè, quem pòris, & a-
 mes virtute confidas: tamen, mihi crede,
 obsta, & quantum potes pugna, ne in istam
 obijciatur aleam; alioqui nisi confirmatus in
 gratia sit, sicut Apostoli fuerunt, cave spe-
 res perseveraturum in officio, & constantem
 in innocentia futurum. Vis est, pene di-
 xerim, quædam ineluctabilis, quâ in præ-
 cepts protruduntur, cum ad lucri pellaciam,
 ad prædæ opportunitatem, ad famem cupi-
 ditatis præsentis gustu irritatæ torrens super-
 ge

nè ingruens exempli, ac^l consuetudinis incubuerit. Invidiam, & tantum non culpam furto usus publicus detrahit: dum vix dubitatur: fieri non malè, quod impune fit. Ubique, semper, rapitur, congeritur, auferitur. Semel caprum, nunquam redditur. Quis enumeret artes, & nomina prædæ? Equidem mirari satis nequeo, quot, præter usitatos modos, insolitis flexionibus, inauspicatum illud *rapendi* verbum quædam avaritiæ barbaria conjuget. Inter hæc ubi evocantur ex hac vita, miserabile est, quàm malè subductis, quàm perditè confusis spei, ac salutis rationibus infelices animæ ad tribunal inexorabileistantur. Michaël Vazius hic Proëpiscopi munere functus, isthuc proficiscitur. Homo est, quo vix alium ardentiorer reperias zelatorem honoris, obsequiique Divini. Non dubito, quin visurus ipsum, allocuturusque sis, & ex illa, quàm in eo animadvertes pace, lætitiæque animi, vehementi studio Divinæ gloriæ conjunctâ, confido Te informaturum noticiam, & æstimationem veram laudum, ac meritorum ejus; cui poteris tutò credere, copiosè, ac plenè haud dubiè tecum acturo de cunctis, quæ hîc geruntur. Scribo ad Regem de illo, suadens quantum possum ad exonerationem conscientiæ tuæ, tum Majestatis

statis ejus, ut eum citò huc remittat. Eget enim eo viro incredibiliter India: quoniam hic est, qui Christi oviculas à vi defendit, atque infidiis insatiabilium luporum. Homo est Michaël Vazius intrepidus, & fortis; qui nunquam deterretur ab allatrandis iis, qui recens ad Christi religionem aggregatos persequuntur, & bonis evertunt. Si alium hujus loco Rex mittere huc volet, quem reperiet (ut minimam Vazij dotium memorem) pari cum eo usu præditum Indicarum rerum, quibus per annos duodecim non interfuit solùm, sed etiam præfuit? Quem, qui sic ametur à Bonis, timeatur à malis? Planè sic habe: si alium Rex quærat, quantumvis in deligendo attendat, magno se exponet periculo aberrandi à scopo, quò collimat. Quare age, rogo Te, seriò cum ejus Majestate, ut hunc remittat. Vale. Cocino vi. Kalend. Februar. Anno M. D. XLV.

*Tuus Verus, & in Christo
Amantissimus Frater*

Franciscus.

EPISTOLA VIII.

Patribus Paulo Camerti, Joanni Beiræ, Antonio Criminali, & cæteris Sociis. Goam.

Sum-

Summarium. Relictâ Macazariâ cogitat Amboinum. Socios in Comorinum Promontorium evocat : Patri Paulô Camerti curam domûs Goanæ, & studium Obedientiæ commendat, suffragia Sociorum implorat, commendat Simonem Botellum.

Gratia & charitas D. N. &c.

PROLIXIS litteris, quas ad vos per P. Commendatorem misi, fusè vobis exposui, esse me in procinctu ad iter Macazarem versus : sed quòd posterioribus inde nunciis acceperimus, haudquaquam esse illic res tam bono loco, ac nobis erat persuasum, non sum illuc profectus, cogitòque jam Amboinum, ubi & multi jam Christiani sunt, & quæ cæterorum docilitas laudatur, multorum ad Ecclesiam facile secutura videtur accessio. Inde ad vos scribam, quæ præsens videro de regionis ejus statu, deque dispositione Indigenarum ad fidem, ac fructu, qui verosimiliter sperari ex laboribus ibi exantlandis potest. Pro usu, quem præsentì experientiâ mihi peperì rerum Promontorij Comorinensis, & Goæ, quémque, Deo juvante, comparabo Amboinensis, & Moluccensium Tractuum, cum eos inspexero, scribam ad vos in quibus potissimum horum locorum collocari vestram industriam ad majus

majus Dei obsequium videatur utilis. Quod
 nunc est, rogo vos Charissimi Patres Joan-
 nes de Beira, & Antoni Criminalis, ut sub-
 itò ab his visis litteris expediatis vos ad quæ-
 rimum eundum in Promontorium Como-
 rini, ubi utilio rem DEI obsequio navabitis
 operam, quàm isthîc Goæ: unde assumetis P.
 Franciscum Mansillam, si fortè ibi sit; ipse
 enim peritus est Comorinensis regionis, & ab
 eo intelligetis, quo pacto vivere, & operari
 vos illic oporteat. Omnino velim, si Pa-
 trem, ut dixi, Mansillam hæ litteræ Goæ re-
 pererint, ut ambo vos, eo tertio adjuncto,
 simul in Comorinum profisciscamini. Per
 Denm oro vos, ne aliter faciatis; nève, qua-
 cunque demum obstante causâ, omittatis
 profectionem istam, quam planè cupio, &
 judico necessariam. P. Nicolaus Lancilo-
 tus subsistet in Collegio S. Pauli, in proficèda
 ibi Grammatica, ad quod è Lusitania missus
 est. Quia confido vos, quæ vestra est cha-
 ritas non aliud facturos, quàm quod hæc
 præscribit Epistola, plura de hoc non ad-
 dam. Paule Camers charissime multum o-
 ro te, per quo Jesum Christum amore pro-
 sequeris, ut acriter invigiles utilitatibus, &
 conservationi Domûs istius. Ante omnia
 tibi etiam atque etiam commendo, ut ple-
 nam perfectamque exhibeas obedienciam.

ijs, qui ejus Domûs qualemcunque Præfe-
 cturam exercent. Sic habet: nihil Te ulla
 in parte mihi gratius, nihil posse jucundius
 facere, quàm si planè ad nutum ipsius obtem-
 peres. Equidem, si isthîc essem, nihil, ne
 minimum quidem quantulumcunque face-
 rem contra, vel præter auctoritatem, & vo-
 luntatem eorum, qui Sancto isti Domicilio
 præsunt; obsequerérque illis diligentissimè
 in omnibus quæcunque mandarent. Opto-
 que, ac spero Deum intimo in animam tu-
 am afflatu inspirationis suæ persuasurum.
 tibi penitus: nullâ te re majorem inire ab-
 segratiam posse, plûsque ad suum obsequi-
 um, laudémque conferre, quàm, ejus a-
 more, abnegando tuam propriam volunta-
 tem. Scribe ad me quæso singillatim de
 cunctis nostris Patribus, ac Fratribus, præ-
 cipuè de P. Francisco Mansilla, per navem,
 quæ solutura isthinc Molucum versus est.
 Scio te id facturum fusè, ac diligenter; &
 jam nunc percipio spe, ac desiderio volupta-
 tem, quam mihi litterarum istarum afferet
 lectio. Rogo Vos Charissimi Fratres, ora-
 te continuo pro me quotidianis vestris cum
 Deo colloquiis, & Sanctis Sacrificiis. In-
 digeo peculiariter isto à vobis auxilio pro-
 pter discrimina, quæ adeo, navigans in ter-
 ras barbaras omnis generis periculis infe-
 stas.

stas. Proficiscitur hinc ad vos Simon Bottellus, bene affectus erga istam Sanctam Domum. Referet ille vobis minutè de me, ac rebus meis. Amicissimè illo utor, vicissimque amo hominem plurimùm, est enim vir valde bonus, & Dei amans ex vero. Rogo te, ut ejus amicitiam diligenter colas. Omnia ille in me veri amici officia cumulatè præstitit, donum mittens, quantum opus fuit ad viaticum, & instrumentum navigationis hujus meæ, cum benevolentissima significatione præstantis charitatis. Remuneretur utinam illum meâ vicè, qui potest, Deus: quantum enim illi debeam sentio. Deus Dominus Noster, Charissimi Fratres in Christo, nos in sua sancta gloria conjungat; quando in ista vita tam variè dispersi degimus. Malaca xvii, Kal. Januariæ, Anno M. D. XLV.

Vester minimus Frater in Christo

Franciscus.

EPISTOLA IX.

Joanni III. Regi Lusitaniæ.

Summarium. Gratitude erga Regem prædicat Regis in Societatem merita. Eundem de rebus Indicis edocet. Consilium suum de propaganda fide exponit. Impedimenta enumerat.

rat.

rat. A
perari
censet
mend

D
um sp
luci,
tum
scrib
bus s
nos c
& ag
ctore
bene
expl
stian
isthi
sequ
nissi
nes
mul
Insu
ner
Tua
gno
clar

nat. Ardores Francisci in propaganda fide. Operarios exposcit. Laborum suorum fructus recenset. Episcopum India laudat, & Regi commendat.

Gentia & charitas D. N. &c.

Domine. De Rebus Religionem, & DEI Domini nostri cultum, atque obsequium spectantibus in his Oris Malacæ, & Moluci, confido Majestatem Tuam ad minutum distinctè cognituram ex litteris, quas scribo ad Societatem in Europam; cum quibus sunt etiam rescripta ad litteras huc ad nos datas à Te, Domine, quem habemus, & agnoscimus præcipuum, & verum Protectorem universæ Societatis Jesu; amore, ac beneficijs cumulatè talis nominis officium, explentem. De statu Religionis, ac Christianitatis Indiæ, Pij ac Religiosi Viri, qui isthinc ad Vos, studio promovendi divini obsequij, se conferunt, Tuam Majestatem plenissimè docebunt. Præterea P. Frat. Joannes de Villa-comedeæ fidelis Dei Minister, & multâ experienciâ rerum, quæ geruntur in Insula Ceilano, de illis scribit, quæ ad exonerandam conscientiam tam ejus, quam Tuæ Majestatis significare ipsum, & Te, cognoscere utriusque interest. Ea ille fusè, clarèque, ac summa fide differit, partim in
Episto-

Epistola inscripta Tuæ Majestati, partim in Actis, ac Commentariis simul missis, quæ mihi omnia communicavit. Quare dignam rem suâ ceterâ sapientiâ fecerit Majestas Tua; si tam fidâ notiçiâ rectè utens, quam primum ea jusseris, quæ ad defungendum tuo hac in parte munere, ac officio, necessariò decernenda videbuntur. Denique Fratres quoque meos è Societate existimo, & ipsos scribere ad Majestatem Tuam; reddereque singulatim, ac minutè rationem Christianitatum Comorinensis, Goanz, & aliarum, quæ per hos Indiæ Tractus aut jam conditæ sunt, aut quotidie conduntur augenturve, quod ad me privatim attinet, multum, ac sæpe cogitavi, deliberaviq; cum animo meo, ecquid exponerem per litteras Majestati Tuæ, quod mihi circumspicienti, quæ hic fiunt, & attentissimè cuncta reputanti, faciendum videretur ad latè disseminandam in his terris, & firmiter stabiliendam nostram Sanctam Fidem. Hinc quidem impellebat ut aggrederer, studium obsequendi Deo, & ejus promovendæ gloriæ: deterrebat aliunde, ne auderem, quòd desperarem exiturum inde operæ pretium, neque enim in rem unquam conferenda confidebam, quæ proposuissem. Atqui tacere salvo officio haud mihi videbar posse; utique cum appa-

reret

reret
divini
cipere
miliu
re vol
jestati
quod
stola
Deu
cond
prem
tiz.
non
essen
eupe
re, &
mar
ut si
offic
re co
rem
secu
li al
& q
pute
stra
min
per
que

seret non sine certo consilio concessum mihi
divinitus, ut hos penitus animo sensus con-
ciperem. Nec comminisci poteram verissi-
milis quidquam, cur Deus ista mihi aperi-
re voluisset, nisi, ut à me indicarentur Ma-
jestati Tux, & tamen rursus verebar, ne, si
quod me angit, exponerem, hæc mea Epi-
stola fortè in hora mortis accusaret apud
Deum Majestatem Tuam, aggravaretque
conditionem, ac periculum illius judicij su-
premi, demenda Tibi excusatione ignoran-
tix. Crèdat mihi quæso Majestas Tua, id me
non mediocriter angebat; quippe cum mihi
essem intimè conscius, nihil me spectare, aut
cupere hinc aliud, nisi laboribus me confice-
re, & vitam ipsam profundere in salute ani-
marum per hos Indiæ Tractus procuranda;
ut sic detraherem quantum possem de onere
officij incumbentis Tibi, & de fungenda par-
te commendati curæ tuæ muneris, expedi-
rè rationes conscientix Majestatis Tux;
securiorè Te in judicii extremi terribi-
li alea præstarem, quod ut tuâ causâ velim,
& quâvis contentione, ac ærumnâ meâ bene
putem emptum, meretur ingens tuus in no-
stram Societatem amor. Hæ contrariæ, Do-
mine, sollicitudines, inter officij mei, & rui
periculi alternantes metus, mirè, miserè-
que, ut verum fatear, meum ad se quæque

variè

variè trahentes discerpebant, confundebantque animum; quoad denique in eam partem deliberatio confedit, quæ defungendum semel, exonerandamque effusione diu pressorum sensuum conscientiam præscribebat meam. En igitur, quæ à me in his Indiarum, Malacæ, ac Moluci Regionibus præsentibus, eaque longâ experienciâ comperta, convulserant mihi mentem, & ægritudine conficiunt. Pro certo habeat Majestas Tua; in his locis, uti & alibi, plerumque omitti multa, quæ fieri ad Dei obsequium expediret, ob quasdam Sanctitatis specie fucatas, revera vitiositas, & valde noxias æmulationes; arcanis offensusculis eos invicem committentibus, qui rebus hinc gerendis præsunt. Dum quidam ait: meum est hoc agere; nec alteri concedam, ut ejus facti laudem tollat. Alius contrà; quando ego non hoc facio, à vobis fieri non gaudeo. Ecce aliter diversè queritur: ego pondus porto, & labores exantlo, gratiæ, ac fructus operum proveniunt alijs. In istas altercationes ardescuntibus studiis, pro se & scribunt, & sagunt, quo suam quisque rem promoveat. Inter hæc tempus consumitur, occasiones elabuntur: locus non relinquitur proferendo cultui Dei Domini nostri. Nec dissimili de causa sæpius evenit, ut quæ magnū

hono-

honor
ra Ma
tur.
quod
Chris
iis, q
positi
Magi
nemo
autem
littera
in Ind
tes re
fices,
Nost
pis, p
cerdo
loci p
confi
quod
gener
miòq
in ea
tation
minat
in his
aut in
rem o
vat; f

honorem; præcipuamque utilitatem allatura Majestati Tux fuerant in India, negligantur. Unum isti malo remedium excogitavi, quod si adhiberetur, & multi, ni fallor, Christiani fierent in his Tractibus; & qui ex iis, quod apud Potentes gratiâ careant, expositi sunt injurijs, chari commendatique Magistratibus forent: ut nemo eos vexare, nemo spoliare, neque Indus auderet. Hoc autem est: ut significet Majestas Tua, vel per litteras Prætori, ac Præfectis, qui jam sunt in India, vel voce coram, iis quos huc mittere rebus præfuturos, clarè inquam iis significes, ac certò denuncies: Te incrementum Nostræ Sanctæ Fidei, quod præ omnibus cupis, præcipuè, ante omnes Religiosos, & Sacerdotes, qui in Indiis sunt, ipsi Prætori, aut loci Præfecto commendare; in eo præsertim confidere; ab eo repetiturum rationem; ei quod bene, quodve perperam actum in eo genere fuerit, totum imputaturum, præmióque, aut supplicio repensurum. Atque in ea declaratione, quò minùs esset interpretationibus obnoxia, cuperem equidem nominatim exprimi nos omnes, qui versamur in his locis; negando in quemquam nostrum, aut in omnes simul deonerare Te ullam partem officij, quod conscientiam Tuam gravat; sed in eum solum, qui à Te authoratus

Præto-

Prætoris, aut Præfecti potestate locum, quemcunque obtinet, ubi rei Christianæ gerendæ qualiscunque occasio est: cum enim Deus Majestatem Tuam isto gravissimo traxerit officio, cōsulendi videlicet ætæ salutis subiectarum Tibi Gentium, non aliā Te id debere demandari, quā Vicarij auctoritatis isthæc Tux, & personam Tux Majestatis dignitate Magistratūs repræsentantibus: quorum alicujus negligentia si evenisset, comperias, ut non multi Christi Fidem gubernante in loco ipsi commissio susceperint, pœnas, quæ ob neglectum obligationis tantæ in tuū ipsius impenderet caput. Te in ipsum animaversurū; cum jam antea clārè denunciaveris; totum istud gravissimum officium imbuendas curandi Fide Christianas Infidelium Tibi subiectorum, Te in tuos Primarios horum tractuum Ministros exonerasse. Quoties igitur ad Te Prætor, aut Præfectus scribet, exponat, quo loco Christiana res sit: quor, & qui, qualesve crediderint ex Ethnicis: quæ spes sit, quare facultas adducendorum aliorum. Litteris ejus solis in his, quæ de hoc genere ferentur, fidem adhibiturum Te; aliis quorumvis eodē argumento scriptis non acquieturum. Quod si eo in loco, vel Provincia, cui quicquid præest, eo tempore, quo præest, præ-

rum
nost
biqu
velin
jestas
insti
ipsis
jurej
inter
bis D
dem
postq
rum
liaren
pensu
durā
réqu
tur, q
sint:
obren
unām
vitan
rimor
effece
sit m
sunt p
re in
Tux;
sente

rum aucta numero Neophytorum Ecclesia, nostra sancta fuerit, cum constet multum ubique ac semper augeri posse, modo Præsides velint; serio, ac fide regiâ denuntiet Majestas Tua ipsis in Diplomatribus, quibus eos instituis, & potestatem confers, te poenas ab ipsis repetiturum. Idque percuperem te jurejurando confirmare; pollicerique palam interposito solemnî formulâ conceptis verbis Dei nomine; te, per quemcunque Præsidem steterit, ne Fides propagetur, eum postquam redierit in Lusitaniam, mulctaturum bonis, & pecuniam ejus, remque familiarem universam in opera misericordiæ expensurum; ac præterea vinculis ipsum, & durâ custodiâ multis annis detenturum; clareque moneas, ne errant, sibi que blandiantur, quasi minæ deducendæ in rem nequaquam sint: certo enim certius te nullas, quæcunque obtendi possint, excusationes accepturum: unamque restare ipsis viam tuæ severitatis evitandæ, promerendæque gratiæ, si quamplurimos locis, & temporibus, quibus rexerint, effecerint Christianos. Cur ita fieri necesse sit multis possem experimentis, quæ mihi sunt perspectissima, demonstrare. Sed hære in his nequeo, ne molestus sim Majestati Tuæ; & meas ærumnas præteritas, ac præsentis sine spe operæ pretij recitem. Tan-

R

tum

tum dico : si Prætor , aut Præfectus quicumque sit, certissimè sibi persuaserit , talia ex vero à Majestate Tæa dici , planèque ita facturum te, sicut denunciasti , ac jurasti, uno anno universa Insula Ceilani, & multi oræ Malabaræ Reges, totumque quàm latè patet Comorini Promontorium Christi Religionem amplectetur : quamdiu verò Prætores, aut Præfecti locorum Indiæ nõ urgebuntur isto metu dignitatis, & rei familiaris amittendæ, nisi Christianos plurimos fecerint, nullum magnum speret Tua Majestas successum prædicationis per Indias Evangelicæ; certissimumque habeas, nec accessuros multos ad Baptismum, nec qui accesserint multum in Religione profecturos : neque omnino per aliud stare quò minùs quotquot vivunt homines, in India Christi divinitatem agnoscant, & ejus sacram doctrinam profiteantur, quàm quòd, qui Prætor aut Præfectus id curare neglexit, nulla per Majestatem Tuam gravi pœnâ mulctetur. Et quoniam vix spero id unquam futurum, parum adest : quin me hæc scripsisse pœniteat : ubi præsertim reputo; forsitan Majestatem Tuam ex hoc ipso, quod te de hoc admonui, inexorabilius apud Dei tribunal judicandam : nec scio utrum tali tempore admittenda sit exceptio, quàm fore ut allegabis : te non fuisse obligatum ad fidei adhi-

adhib
sente
me n
hæc
horu
ne cri
tuiffe
tui, a
mili
ciscen
fido a
& effi
fet ne
Etæ fi
tis ja
jestat
nostr
studia
India
regiæ
no m
huc m
nunci
gias p
illis P
nos,
vunt.
quæq
impel

adhibendam meis litteris. Ex animi mei
sententia summâ fide profiteor Majestati Tue
me nequaquam scripturum hæc fuisse, quæ
hactenus exposui de Præfectis; aut Præsidibus
horum tractuum, si posse me reticere ista si-
ne crimine persuadere mihi ullo modo po-
tuisssem. Nondum, Domine, planè consti-
tui, an sim iturus in Japoniam: sed magnum
mihi momentum, ut in consilium eò profi-
ciscendi propendeam, addit, quod valde dis-
fido adfuturum mihi hîc in India eum verû,
& efficacem Magistratum favorem, qui es-
set necessarius ad incrementum nostræ san-
ctæ fidei, & ad conservationem Christianita-
tis jam factæ. Obsecro, atque obrestor Ma-
jestatem Tuam, per quo Deum Dominum
nostrum amore prosequeris; quôque ferris
studio ei gratificandi, ut tuis fidelissimis per
Indias subditis, mihi que cum illis tantum
regiæ istius indulgeas gratiæ, ut proximo an-
no multos nostræ Societatis concionatores
huc mittas. Nam tibi Domine verissimè de-
nuncio, multum talibus egere arces tuas Re-
gias per Indiam; tum ob Lusitanos, qui in
illis Præfidiis degunt, tum ob novos Christia-
nos, qui subiectis in urbibus, aut pagis vi-
vunt. Expertus loquor: quæ, inquam, vidi,
quæque præsens sensi ad hoc scribendum me
impellunt. Quo tempore Malacæ, quôque

in Molucis fui, bis quolibet die Dominico, aut alioqui festo, ad concionem dicebam. Id ita facere cogebar, quod egere plurimum & milites & populum, qui ibi sunt multiplicato divini verbi pabulo videbam. Lusitanos igitur de sacro pulpito docebam ad matutinum sacrum : à prandio filios, & filias, protereaque mancipia ipsorum, & liberos indigenis christianos, accommodato ad capitum ejusque sermone exaudiebam, capita christianæ doctrinæ sigillatim edifferens. Certo verò infra hebdomadam die ad congregatum in templo uxores Lusitanorum, tam indigenas, quam ex utroque genere mixtas, concionem catechetica habebam de fidei articulis, & Sacramentis Confessionis, & Communionis. Paucis annis ingens operæ pretium ad Dei obsequium extaret, si hic docendi tenor constanter in locis omnibus vigeret. Intra ipsas porro arces tradebam per id tempus quotidie doctrinam christianam post meridiem liberis Lusitanorum utriusque sexus, servis item, & ancillis eorundem, ac christianis indigenis : ex qua institutione præsens fructus extabat, quod idololatricæ superstitiones, & magicæ præstigiæ, quæ inter rudes neophytos, antea frequentabantur, jam prorsus omitterentur. Hæc ita minutim refero Majestati Tux, ut hinc pro Tua sapi-

entia

entia iudices, quantâ hic sit opus concionatorum copiâ; & eam, quod est consequens, idoneam procurare ne obliviscaris; utique cum, si, quæ hic jam gravis sentitur ejus auxilii penuria, in posterum quoq; perseveret, non modò qui recens ad nostram sanctam fidem sunt conversi, non perstituri sint in proposito; sed ne ipsi quidem Lusitani ultrâ ferè plerique quàm nomine tenus sint futuri christiani. Valde vereor, Domine, ut quem velim, & opus esset, hæc mea desideria effectum nanciscantur: ægrèque adductor, infelicitatem Indiæ expertus, ad certò consistendum, tanti eam boni, quantum illi opto futuram compotem: cujus ea est quasi conditio innata, aut potius maligna indoles, ut exactam religionem, & excellentiam officiorum exquisitæ virtutis in publicum morem induci, & passim apud pleròsque invalescere minimè ferat. Idibus Januarij hujus anni appuli Cocinum Malacâ veniens, ubi Episcopum repereram, ex ejusque conspectu, atque usu magnum animi fructum ceperam, animadvertens quantâ charitate ingentes corporis labores sustineat, obeundo singillatim arces intra suam dioecesim sitas, & adèundis, excolendisque Christianis S. Thomæ; suo sic plenè officio fungens, prout verum, ac bonum, qualem se per ista probat, pasto-

rem decet. Horum tam laudabilium operū
merces ei à certis horum tractuum homini-
bus talis omnino persolvitur, qualem sanctio
rependere mundus consuevit. Multum
mihi placuit, & quadam sui reverentiā per-
fudit, præsentibus perspecta experimētis san-
cta viri patientia. Scio mustitari nescio quid
per Indiam de illo à filiis hujus sæculi, quos
etiam arbitror ad Majestatem Tuam scriptu-
ros sinistram istam ipsam suspicionem, qui
eum temere aspergunt occasione mortis Mi-
chaëlis Vazij: qua in re, hoc ei verissimum,
& sincerrissimum debere me testimonium
sentio, & ut gravi me exonerem officio, red-
do affirmans certò scire me (quamvis quā-
viā, quove modo id didicerim, dicere, aut
scribere non possim) compertissimum, id-
quam, mihi esse, nihilo magis eum de isto e-
ventu culpari jure posse, quàm me ipsum, qui
longissimè illinc apud Molucas aberam,
quando istud contigit. Oro, atque obsecro
Majestatem Tuam, pro eo quantum & Deum
amas, & Deo gratificari studes, & tuam ipse
conscientiam ab omni contagione labis ser-
vare puram cupis, ne quidquam circa hæc
agas, aut decernas, unde isti viro bono ægre
fit. Sanè si Majestas Tua fidem adhibere vi-
deretur falsissimæ isti calumniæ, inde addere-
tur authoritas, & augetetur confidentia ob-
trecta-

treſſatoribus, qui ſunt in India. Quod Majeſ-
 ſtas Tua Petrum Gonzalvium Proëpiſcopum
 Cocinſem inter Sacelli Regij Præfectos ad-
 ſciuit; quôdque fratris ejus filium aulæ Pala-
 tinae honorariis Ephebis accenſuit, ut ad meū
 quoque beneficium pertinere putem, ingen-
 tia viri hujus in Societatem noſtrā merita
 faciunt. Me itaque ac noſtros omnes eo pe-
 culiari nomine Majeſtati Tux obſtriſtos pro-
 ſiteor: quôd minùs miraberis, Domine, ſi
 ſcias Domum Cocinſis Proëpiſcopi Diver-
 ſorium eſſe Societatis Jeſu. Nec vulgaris ho-
 ſpitij, aut uſitatae amicitiae finibus benigni-
 tas in nos ejus coërcetur: eò uſque liberali-
 tate prodeunte, ut poſtquam in noſtros uſus
 cuncta expendit, quæ ad manum ſunt, mū-
 tus corroget ab alijs, quæ ſuperimpendat.
 Oro Majeſtatem Tuam nomine Societatis u-
 niuerſæ, ut tam ei, quàm ejus fratris filio ju-
 beas iſthic expediri neceſſarias litteras, ut
 hic ſtatim iſtis penſiones cum fide præbean-
 tur. Uterque iſtā gratiā dignus eſt: Proë-
 piſcopus quidem, quia invigilat ſaluti æter-
 næ fidelium ſubditorum Majeſtatis Tux; fra-
 tris ejus filius, quia militarem operam Pa-
 triæ, ac Reipublicæ tuis auſpicijs navat. De-
 ſino in hoc voto: det utinam Deus Dominus
 noſter Majeſtati Tux, ut penitus in animo
 tuo ſentias, ac ſimul factis exequaris, quid-
 R + quid

quid ipso in momento mortis tuæ gauderes
à te factum. Cocino XIII. Kal: Februarias,
Anno M. D. XLVIII.

Tua Majestatis servus inutilis

Franciscus

EPISTOLA X.

P. Simoni Roderico, Soc: Jesv.

*Summarium. Militem quendam Simoni
commendat; arreptum semel in Japoniam pro-
ficiscendi consilium, periculis non obstantibus,
retinet.*

Gratia & charitas D. N. &c.

Qui has tibi reddet litteras homo est us-
hic aliquo mihi notus. Is in Lusitaniam
proficiscitur animo postulandi à Rege præ-
mia operæ à se Reipublicæ navatæ: vehemē-
térque à me institit, ut commendatitias in ei-
rem ad te litteras darem. Agnosco equidem,
nec ipsi dissimulavi, longè quæstuosiore-
ambitionis artem instituere illum, agendo
cum Deo, posse; impetrandæque ab eo suo-
rum peccatorum venia; quàm meritorum,
ac rectè factorum terrenam mercedem à Re-
ge mortali nundinando. Is tamen ab ista
utique spe, ac cogitatione, hic quidem, dedu-
ci non potuit. Experiâre isthîc censeo, ecquid
animum cum cœlo mutaverit. Et si fortè il-

Item

lum mala , periculâque navigationis oppor-
tuniorem cœlestibus monitis fecerint , suade
homini , ut monachus potiùs isthïc hæreat ,
quàm huc redeat miles . Si persuaseris : nã tu
hominem miserum ingenti affeceris benefi-
cio ; atque adeò lucrifeceris animam perdi-
tam : quòd si defixus caducis animus ad tan-
tùm Philosophiæ non assurgit , juvetur sanè
ijs , quæ justè postulat ; & te quoad potes cõ-
ciliante consequatur ex honorariis , quæ me-
ruit longâ militiæ tolerantia , saltem quan-
tùm ad victum isthïc ei opus est . Id ego te
ut coneris ejus causâ etiam atque etiam per
Dei charitatem rogo .

Postquam omnes litteras perscripsi , quas
dare constitueram in Lusitaniam ferendas
Petro Fernandez , functo in his Indiæ tracti-
bus munere Proëpiscopi , appulerunt huc
Malacâ naves , quæ certò nunciant , Portus
Sinicos infensos , infestòsque Lusitanis esse .
Non tamen hoc me deterrebit à tentanda
profectione in Japoniam , quam uti jam si-
gnificavi tibi me decrevisse , ita Deo juvante
suscipiam . Non est enim alius fructus ani-
mi major in hac ærumnosa vita , quàm vive-
re in magnis moriendi periculis , quorum a-
deundorum unica , & vera causa fuerit solus
Dei amor , & ei gratificandi , dilatandæque
nostræ sanctæ Religionis syncerum studium .

R 3

Sus-

Suavius, mihi crede, homini est in hisce laboribus versari, quàm sinè illis pacatè, otiosèq; vivere. Deus Doming noster nos in sua sancta gloria conjungat. Vale. Cocino VIII. Kalend: Februar: Anno M. D. XLIX.

Tuus verus & in Christo amantissimus Frater

Franciscus.

EPISTOLA XI.

Eidem.

Summarium. Francisci in scribendo sedulitas. Duos Cives Malacenses in Lusitaniam navigantes commendat. Ejus magnanimitas in contemnendis periculis. Fiducia in Deum. Littera de Societatis statu à Simone exposcit.

Gratia & charitas D. N. & c.

NE mirère, quòd scribam ad te sæpius. Nam & multi sunt, qui hinc ad vos proficiscentes, litteras à me, quas ad te perferant, petunt; & ego perlibenter omnem occasionem arripio compellendi tui: utique confidens fore, ut quæ à me scribuntur fructu animi mei magno, à te pro amore tuo, legantur non sine voluptate. Qui tibi hanc reddent Epistolā duo viri honesti sunt, ac probi, optimique Christiani, cives Malacæ Urbis, ubi domicilia, & familias habent. Causa illis, fuit isthuc navigandi cura exsol-

vendi

vendi se certis officiis, obsequiisque, ad quæ
 adstringebantur. Narrabunt tibi multa de
 Malaca civitate, de laboribus in ea nostro-
 rum, & fructu, qui ex iis provenit, quæ ha-
 bent perspectissima, utpote cunctorum testes
 oculati. Ferunt etiam litteras P. Francisci
 Perez, quibus puto illum, uti se facturum re-
 cepit, fuisse, distinctè, ac minutim explicare,
 quo successu functiones instituti nostri pro-
 priæ illic exerceantur: nec tacebunt de Sini-
 cis, Japonicisque rebus: in ea enim urbe diu
 fuerunt, quæ commercijs illarum terrarum,
 & gentium opportuna, optimè omnium no-
 vit quid in ijs geratur. Mirari se multum
 ajunt amici mei, ac familiares omnes, quòd
 navigationi tam longinquæ, tamque pericu-
 losæ me committam. Sed miror ego magis
 modicam illorum fidem. Habet in manu,
 ac ditione sua Deus noster tempestates ma-
 rium Sinici, & Japonici, quibus vehementio-
 res negant uspiam ullas existere. Sub sunt
 ejusdem potestati venti omnes, scopuli, syr-
 tes, ac brevina, quæ plurima, insidiosissimaq;
 ac infamia naufragiis ibi feruntur esse. Im-
 perio idem suo continet piratas omnes, quo-
 rum illic infinitum numerum prædicant, eo-
 rundemque immanissimorum, quique sole-
 ant exquisitis enecare cruciatibus quos ca-
 piunt, præsertim Lusitanos. Cum igitur Deus

Dominus noster sub sua ditione teneat hæc omnia, à nullo eorum quidquam timeo. Deum ipsum metuo solum; ne ob meam in ejus obsequio negligentiam, quòdque ineptus, inutilisque meâ culpâ sim in regno, ac nomine Jesu Christi Filij ejus inter gentes, quibus ipsum non norunt proferendo, justè castigandum decernat. Extra hunc, omnes illos alios metus, pericula, labores, quæ tam formidolosè amici certatim intentant mei, non facio nauci, & securus rideo: unûsque in me Dei timor cunctos creaturarû metus extinguit, quippe quas nocere nemini scio posse, nisi cui & quatenus conditor ipforum incommodare permiserit. Redeo ad duos nostros, orôque te, pro eo quantum Dei, ac Domini nostri amor, atque obsequium tibi cordi est, ut paucis diebus quibus Olyssipone futuri sunt, eos foveas, hospitio commodo excipi cures, in cunctis adjuves, prout poteris, & res exiget. Ac cum auditis, quæ multa illi vobis de India narrabunt, ipsos confectis negotiis remittetis huc, fac eis deferendas ad nos tradas longas, & accuratas litteras, quæ nos omnia doceant de cunctis Societatis nostre Patribus, ac Fratribus, qui in Italia, Gallia, Belgio, Germania, Hispania, & Aragonia sunt: nominatim autem de benedicto, & mihi singulariter charo Collegio Conimbricensi.

fi.
sc
to
su
ex
de
na
ha
pe
co
Ka

Lu
fè
ga
sti
ma
inc
Co
fca
ob
fci

fi. Has tu litteras Malacensis nostris inscribas censeo. Illis enim tradita earum autographa ab his duobus indidem civibus ad sua reducibus, servabuntur ibi; & exscripta ex ijs exempla ad nos è Malacensi portu, unde singulis annis multæ in Sinas, & Japoniam naves solvunt, tot mittentur viis, ut per unâ harum aliquam successum habituram ad nos perventura sint. Deus Dominus noster nos conjungat in sua sancta paradisi gloria, Amē. Kalendis Februarij, Anno M. D. XLIX.

*Tibi deditissimus, & sui amantissimus
in Christo Frater*

Franciscus.

EPISTOLA XII.

Joanni III. Regi Lusitaniæ.

Summarium. Joannem de Villacomdea in Lusitaniâ abeuntem commendat. Dolet Praefectorum regionum avaritiâ impediri propagationem fidei. Regem Ceilani hostem fidei Christianæ detegit. Libertas Christiana Xaverij in monendo Rege, & detegenda Praefectorum ejus inobedientia. In Japoniam cogitat. Christianos Comorinenses, uti & Jacobum Abunam Episcopum Armenum Regi commendat, eundemq; objecto mortis judicij, extremi terrore ad conscientia sua consulendum adigit.

GRA-

Non scribo Majestati Tuae calumnias, injurias, vexationes, quibus hic exagitantur, & opprimuntur, qui recens ad nostram sanctam religionem accesserunt. Pater enim Frater Joannes de Villacomdea isthuc proficiscens cuncta ejus generis fuisse, verissimeque narrabit, & quasi subiiciet oculis Majestatis Tuae. Debes illi virgo, Domine, multas gratias ob labores ingentes, & innumerabiles, quos per hos Indiarum tractus exhaurivit in divino, tuoque obsequio, & ut conscientiae, atque officij Majestatis Tuae rationes expediret apud Deum. At in aestimando P. F. Joannis merito, nolim à Majestate Tua solum reputari contentiones, perperationes, vigilias, & caeteras corporis arumnas, utcumque earum multae, graves, continuaeque fuerint, quas pertulit. Ludus enim haec, ac remissio sunt, si comparentur cum mentis angoribus, & dirissimo tormento animi, quo intimè lacerabatur spectans suis oculis, nec prohibere ullâ ratione valens, Praefectos arcium, & Procuratores fisci immaniter agere, ferèque, & avarissime diripere miseros Neophytos, in fide Christi, quam nuper susceperunt, teneros adhuc: quos ideo illi ipsi, qui vexant Christiani Magistratus fovere potius debuerant, & beneficijs amplecti. Hoc verò, mihi crede Domi-

ne, cordolium longè supra omnes corporis dolores acerbissimum est; atque adeò, ut sic dicam, martyrij genus horrendum, cruciatus quibusvis tyrannicis atrocius, cogi patienter acquiescere, cum videas momento destrui alienâ culpâ, quæ tuo, & aliorum longi temporis vehementissimo conatu, ærumnossimâque constantiâ proximè ad fastigium, perducta erant. Hic pro certo ferebatur, Regem Ceilani pretiosa xenia ad Majestatem Tuâ mittere, ob beneficia, quæ à te quotidie accipit plurima. Habeat pro indubitato Majestas Tua, immanem in eo, & acerbissimum Christi hostem Ceilani regnare: & quod penè dictu nefas est, ad nocendum Christi causæ, opprimendâque, quàm potest maximè religionem, non aliâ magis potentiâ, quàm tuâ gratiâ, tuisque donis authorari, & armari. Verissima hæc sunt; sed vobis auditu fortasse non grata: quare equidem perinvitus scribo; præsertim cum id ne frustra fecerim metuum, dum enim hic de futuris æstimatur ex præteritorum experientia, sanè verendi causa est, ne in posterum quoque major longè, ac clarior Tux Majestatis favor extet in illum, professum, & atrocem inimicum Christi, quàm in Religiosos Sacerdotes, qui rem Christianâ Ceilani curant: quæ palàm cernentibus evidentiâ ipsa rerum voces interdum elicit liberat,

beras, quas pace tuâ Domine hic ponam: Imperio te Indiarum non ad amplificandum Christi, regnum uti; sed ad corradendas opes, humanâque duntaxat, ac temporaria, tibi, ac tuis conficienda commoda. Ignosce mihi quæso Majestas Tua, si tam clarè, ac sine ambagibus res, ut sunt exprimo. Hoc enim me ita facere cogit verus, & sincerus amor, ac studium, quo tui, tuæque salutis æternæ, Domine, teneor: cum audire mihi videar Dei sententiam Supremo judicio decernentis, aut potiùs quid decreverit extremæ mortis momento declarantis; cujus necessitatis vim nemo eluctari quantumvis potens; nemo arte propria, opève alterius cujuslibet, valet effugere. Nec quæso nimium confidat Majestas Tua ijs Mandatis, quæ multa, & gravia piè, ac speciosè inseris litteris Regijs ad Prætorem, Præfectos, & cæteros Indiæ Magistratus, jubens ante omnia religioni caveri, & faveri Christianæ. Ego enim, Domine, qui res uti se habent præsens intueor, clarè intelligo, nullam prorsus restare spem fore, ut talibus unquam mandatis verè, ac seriò deferatur obedientia. Quare una mihi non in postremis causa est Japoniam cogitandi, ut illas in extremas Orientis Insulas fugiens, operam utiliùs, quàm hic habere collocem. P. Fr. Joannes fers secum

communicanda Majestati Tuz capita quoddā
circa miseros christianos orā Comorinensis.
Capiat Majestatem Tuam aliqua misericor-
dia illorum, neve gravēre esse illorum Pater;
Orphani enim sunt, morte nuper Michaëlis
Vazij optimo, ac verissimo Patre amisso.
Quinq; & quadraginta jam anni sunt ex quo
Episcopus quidam Armenus, nomine Jacobus
Abuna, Deo hīc & Majestati Tuz inservit.
Homo est ex æquo verē Deo charus ob virtu-
tem, ac sanctimoniam; & Majestati Tuz, ac
omnibus ferē, qui possunt aliquid in India,
neglectus, ac spretus. Deus illi sic merenti
per se consulit, nos eo haud dignans honore,
ut instrumentis utatur nobis ad consolandos
servos suos. Soli eum Ordinis S. Francisci
Patres ita curant, eāque amplectuntur bene-
volentia, cui nihil addi possit; absque qua
foret jam diu bonus senex confectus ærum-
nis, efflāssētque animam. Liceat consulere,
quod sentio. Magnopere author sum Maje-
stati Tuz, ut ad istum bonum Præfulem (scri-
bi cures tuo nomine verbis honorificis) &
benevolis; indito litteris iisdem, quod possit
Gubernatoribus, ac Procuratoribus mon-
strari, mandato, præsertim Præfecto Cocinēsi,
ut eum honorent, hospitio excipiant, officijs,
& favore prosequantur; maximē cūm quid
petet, aut quā re indigebit. Hæc scribens,

non illi pio Antistiti prodesse, ac gratificari me putabam, sed Majestati Tux. Nam ei per beneficam Patrum Franciscanorum charitatem nunc quidem nihil deest: Majestas verò Tua hominis apud Deum gratiosi favore, ac commendatione multum eget; quam promereri tali poteris officio. Eo est ille vir, vel hoc nomine dignissimus, quod multum exhausti laborum in excolendis Christianis S. Thomæ: & nunc in sua penè decrepita ætate obedientissimè se accommodat cunctis ritibus, & consuetudinibus Sanctæ Matris Ecclesiæ Romanæ. Scio scribere solere Majestatem Tuam ad Patres S. Francisci: ei fasciculo posset inferi hæc ad Episcopum Armenum Epistola, quam suadeo scribas omnibus favoris, æstimationis, & affectus significationibus plenam. Deus Dominus noster imprimat penitus menti Majestatis Tux claram noticiam sanctissimæ voluntatis suæ; suggeratque simul vires, & auxilium conferat ad eam ita plenè, perfectèque exequendam, ut Tua Majestas gauderet à se factum horà extremæ mortis suæ: quando à Te, Domine, reddenda Deo ratio erit totius antea actæ vitæ. Id decretorium æternitatis momentum citigaderit, quam Majestas Tua putet: quare danda maturè opera est, ut bene ad illud paratus occurras. Regna & Principatus trans-

seunt. His nova succedet, & inopinatissima
 facies rerum: planè qualis ne cogitatione
 quidem, ac suspicione primà, Majestati un-
 quam Tux in mentem venerit. Videbis enim
 Te per mortem spoliatum Regnis, & posses-
 sionibus ejectum cunctis, in alia longè diver-
 sa contrudi terribilia, & tenebrosa Regna;
 in quæ durissimum, & acerbissimum erit re-
 legari ex illis alijs avulsum; præsertim si,
 quod Deus avertat, extra paradysum, & ejus
 spem esses amandandus. Cocino vii. Kalendi
 Februarias, Anno M. D. XLIX.

Tua Majestatis servus inutilis

Franciscus.

EPISTOLA XIII.

Eidem.

*Summarium. Duartem Barreti Regj in In-
 dia procuratoris, industriam, & fidem comen-
 dat, docetq; quales Regum Ministros esse conve-
 niat. Suadet favoribus Regjs vicissim honoran-
 dum Duartem.*

Gratia & charitas D. N. &c.

Quoniam Regiis isthinc missis litteris jus-
 sisti me, Domine, scripto referre ad Ma-
 jestatem Tuam de ijs, qui per hos tractus cū
 fide, ac diligentia commisso à te sibi munere
 funguntur; sic velim habeas: Duartem Bar-

FRANC.

retum, qui negotia Regni tui nuper procuravit Malaccæ, nihil in ea functione omisisse, quod ab homine gnavo, industrio, fideli expectari posset. Ita enim prospexit rationibus fisci, ita negotiatoribus favit, jure sine personarum respectu ex æquo dicundo, ita denique in omnibus se gessit, ut ejus iste Magistratus honori apud has gentes Majestati Tux fuerit: quippe cum ex hoc specimine, judicantes homines vulgò crederent, Te Ministros huc Imperij Tui tales mittere, quos virtutibus, quæ tibi maximè probarentur, quibûsq; ipse abundares, instructissimos scires. Equidem sic arbitror: Regum, ac Principum latè imperantium in eo verti gloriâ; si, quas ipsi per se administrare non possunt suæ ditionis partes, ijs committant, quorum existimari similes honestum ipsis sit; quosq; populi cum viderint, cumque fidem, gravitatem, æquitatem ipsorum usu perspexerint, studio amplexi fuerint, expressam effigiem laudum, ac decorum Principis absentis in præsentibus ab eo missis ejus Vicarijs, spectare sibi, ac tenere videantur. Horum de numero, ac genere optimo Ministrorum, qui summam sibi felicitatis ponunt in perfectè obsequendo Regi suo, vel inprimis est Duarte Barretus: hoc nomine dignus, quem Majestas Tua re, ac dignitate auctum velit; cu-

jûsq;

jûsq;
ram
fion
tum
(qu
nes
imp
pro
ra,
casu
stuc
exp
dit.
min
rito
mu
Ma
me
ctis
ped
bus
mo
Kal

júsque ob egregiè Tibi, ac Reipublicæ navatam operam remunerandi quærendas occasiones putes. Ea quæ dixi, ut faceret, multum illi laborum exantlandum fuit; multæ (quæ copia hic improborum est) contentiones suscipiendæ, certandæq; certamina. Nec imputari potest in locum idoneæ mercedis, pro sedula diligentia tot annorum, Præfectura, cujus memini, Malacensis. Primum, quia casu quodam factum est, ut parum ipsi quæstiosa foret; deinde quia tempus ejus totum explere non potuit: quare hinc pauper discedit. Dignare, Domine, ei consulere, utiq; homini quantamvis à Majestate Tua gratiâ merito. Adjungat precor Deus Dominus noster multos annos ad vitam florentem, & felicem Majestatis Tux: concedâtque per suam clementiam tibi, ut in hac vita cognoscas sanctissimam ejus voluntatem; benignèque supeditet vires animi abundantes ad ea sensibus, operibus, affectibus agenda, quæ supremo tempore fecisse te gauderes. Malacâ ix. Kal. Julias, Anno M. D. XLIX.

Majestatis Tux servus inutilis

Franciscus.

EPISTOLA XIV.

Eidem.

Summarium. *Consilium Japonica expeditionis*

tionis, sibi divinitus injectum Regi exponit. Titulum Japonum, via comitum, pietatem, uti & Malacensis Praefecti erga se, suorumque humanitatem, commendat. Hortatur Regem, ad praevidenda nobilissimorum jacula, ut praevisa minus feriant.

Gratia & Charitas D. N. &c.

Auditis, Domine, ac saepe multumque consideratis, quae à varijs iisdemque idoneis authoribus, quippe in re praesenti versatis, plurima & mira referuntur de insigni quadam dispositione, quae in Insulis Japoniae cernitur ad accipiendam nostram sanctam Religionem; putavi mihi vehementer, atque instantèr à Deo nostro Domino petendum, ut dignaretur sensu quodam intimo in animum meum immisso significare, ecquid ipsi cordi esset, me illò proficisci; simulque daret vires ad perficiendum, quod juberet. Placuit divinae Majestati, ejus me voti computem facere. Planè siquidem in animo meo sentio, & penitus persuasus sum, expedire ad Dei obsequium me in Japoniam tendere. Ergo alacri vicens fiducia, moras abrupti omnes ex India solvens; ut jam haud dubiè vocantem, crebrisque, ac vehementibus incitantem ad istud iter impulsibus Deum sequeretur. Eo cursu hunc Malacae portum tenuimus duo socij mecum, & tres Japones christiani recentes, sed valde boni, qui post plenè percepta Jesu Christi Domini nostri vita,

ac do.

ac doctrinæ mysteria, & dogmata, Goæ in Collegio sanctæ fidei baptizati sunt. Omnes legere more nostro, ac scribere didicerunt; recitantq; Ecclesiasticas preces, ac statis horis divina meditantur. Mover illos, atq; afficit præcipuè consideratio laborum, & dolorum Christi; crucisque, ac mortis ejus recordatio, in qua sæpe magnis animorum sensibus, & teneris affectibus versantur. Meditationibus asceticis P. Ignatij mentem excoluerunt attentione summâ, miròsq; inde fructus repererunt clarioris Dei notitiæ: frequentant sponte Sacramenta Confessionis, & Communionis: & ad hoc nobiscum iter ingentibus desiderijs urgentur adducendorum ad Christi religionem popularium suorum. Pervenimus huc, sex quos enumeravi, Malacam pridie Kalendas Junias, Anni M. D. XLIX. Arcis Malacensis Præfectus excepit nos omnes eximiam charitate: prolixèque detulit quidquid à se optari studij, & favoris posset ad expedientum, & promovendum hoc nostrum iter, quod magnâ spe Deo inserviendi, & Majestati Tux gratificandi suscepimus: mox verborum humanitatem officiorum sedulitate superavit. Ita enim elaboravit in quærenda nobis nave commoda, cæterâque opportunitate procuranda tutò, ac faciliè pergendi quo tendimus, ut, quæ quo primum die huc appulimus liberali-

raliter, & benignè multa promiserat, cum-
latissimè repræsentaret : quidquid ejus por-
statis fuit, in eo promptè, benevolè, ultro-
bis offerendo nihil sibi ad summam huma-
tatem reliqui fecit : quæ verò ambitu, & gra-
tia exoranda ab alijs fuere, in ijs eblandien-
dis omni studio, conatu omni efficiendi
tantum elaboravit, tamq; insigni teneræ in-
nos charitatis demonstratione nostrâ causâ
contēdit, ut facilè sentiamus nos semper im-
pares fore isti ejus remunerandæ beneficen-
tiæ, quâ majorem, efficaciorémq; ne à fratre
quidem germano expectare poteramus. Per
quo Deum Dominum nostrum amore com-
plecteris, oro obsecroque te, Domine, ut
quæ plurima hoc nomine Petro de Sylva de-
bemus rependere vice nostrâ Majestas Tua
dignetur. Largè suppeditari jussit, quid-
quid nobis opus fuit, non modò in viaticum
navigationis hinc in Japoniam; sed in sum-
ptum etiam, & victum commorationis illius
longiusculæ, & ædificationem Sacelli, ubi
sacrum Missæ sacrificium offerre Deo possi-
mus : quam propriè in rem largitus nobis est
triginta modios piperis optimi electi ex o-
mni copia, quæ Malacæ fuit. Addidit mul-
ta speciosa, & magni pretij munera, Regi Ja-
poniæ offerenda; ut ijs ille delinitus facilitio-
rem se admittendis nobis, & in Regno suo

cole-

tolerandis præbeat. Hæc ita minutè narro
 Majestati Tux, quò intelligas quibus me be-
 neficijs, & honoribus afficiant fideles tui sub-
 diti, qui in Indijs sunt. Equidem, Domine,
 verè mihi dicturus videor, neminem unquã
 in Indiam venisse, cui tantum vel honoris,
 vel gratiæ tribuerent degentes illic Lusitani,
 quantum mihi detulerunt. Totum hoc de-
 beo Majestati Tux, crebrisque tuis illis, &
 efficacibus commendationibus mei ad eos,
 quos negotijs Regni tui Præfectos habes per
 Indicos tractus. Quos inter quoniam D.
 Petrus de Sylva Præfectus Malacensis in me
 juvando, colendo, ornando insigniter excel-
 luit, iisque me sibi beneficijs obstrinxit, qui-
 bus inopia, & imbecillitas mea parem à me
 unquam referri gratiam prohibent, peto ut
 me sinas constituere in liberalitate tua sup-
 plementum egestatis meæ. Id consequar, si
 dignabitur Majestas Tua, & huic, & aliis de
 me optimè meritis largiter in mei gratiam
 benefaciendo, ea cuncta repræsentare, quæ
 ego ipsis, cùm debeam, exolvere non possũ.
 Deus Dominus noster per suam infinitam
 pietatem, & misericordiam illuminet plenè,
 ac penitus mentem Majestatis Tux ad clarè
 cognoscendum suam sanctissimam volunta-
 tem addâtque gratiam perfectè exequendi,
 quæ ipsi placere noveris: sic prorsus, ut fecis-

se gauderes in momento mortis tuæ: quando sistêris ante Dei tribunal redditur rationem omnium, quæ per universam vitam egisti. Vehementer etiam atque etiam obsecro Te, Domine, ne pigeris jam nunc præparare in illud ultimum periculum decretorij momenti, quidquid expediri modò, ac præverti potest. Morbus enim supremus, & mortis ingruentis vicinia ita mentem languentis in angorem, dolorumque, qui plurimi, acerbissimique tunc sæviunt, præsentis sensu miseram defigit, ut illi nequaquam vacet alijs curis, aut cogitationibus attendere, quàm quas illa horribilis scena rerum animo sese tum primùm obijciens tristissimas, & inutiliter cruciantes incurrit, quarum informare speciem nemo potest, qui non sit expectus. Malacæ, die Festo Corporis Christi, Anno M. D. XLIX.

Majestatis Tuae servus inutilis

Franciscus

EPISTOLA XV.

D. Petro de Sylva, Præfecto Malacæ.

Summarium. Summum ad Japones adventum Petro adscribit. Pauli Japonis Zelus. Japonum ad fidem aptitudo. Mencium ad Regem ire statuit. Hortatur Præfectum ad liberalitatem in Neophytis Japonas exercendam.

Gm.

Gratia & Charitas D. N. &c.

IN Japoniam deniq; non ventî magis propitij, Domine, quam tua nos beneficia perduxerunt: quippe ad fortunandum istum cursum, secundum Dei Domini nostri benevolam providentiam, plurimum (quod grate fatendum est) valuit tua in nos ad hoc prociectos iter humanissima liberalitas, quâ non solum viaticum amplum, navigium ex præfenti copia optimum, cunctaque id genus, quæ erant ex usu amantissimè providisti, nodos interim omnes, & moras negotij emittente semper authoritatis tuæ favore amputans; sed ad gratiæ cumulum dona præterea multa, pretiosaque adjecisti, quibus hujus terræ Principum necessariam nobis benevolentiam pararemus. Cum his salvi, atque incolumes, Deo juvante, XVIII. Kal: Septembris fausto, & auspiciato die, videlicet assumptæ in cælum Deiparæ Sacro, appulimus Canogoximam, Patriam Pauli sanctæ fidei; cujus gratiâ à Præfecto loci, & Ædile, universoque populo sanè amanter sumus excepti. Pauli ejusdem fidei nostri comitis statim emicuit Religionis haud fictè susceptæ zelus. Noctes, diésque totas parentibus, cognatis, amicis, omnis ætatis, sortis ac generis proponente Christi doctrinam, ac suadere institit, tam efficaciter, ut jam quando hæc scribo, ma-

trem & uxorem, cognatos cognatâsque, ac
 consanguinitatem universam utriusq; sexûs,
 cæterorûmque amicorum, ac veterum fami-
 liarium non exiguum numerum Christianos
 effecerit. Est hæc terra, quantum hætenus
 potui perspicere, ita nunc aptè, ac tempesti-
 vè disposita ad excipiendo cœlestis doctrinæ
 fatus, ut ex ea, si cultura non desit, uberes
 jure optimo sperentur fructus animarum.
 Natio hæc est hominum in qua vel plurimū
 supra perturbationes ratio valet. Nec, quæ
 peccant plurima contra recti judicij autho-
 ritatem, præscribunt; errant enim ferè per
 ignorantiam, ut appareat emendaturos, si
 doceantur. Itaque imperium rationi suum
 mali etiam mores quodammodo integrum
 relinquunt: dum non palàm contra ejus in-
 serdictum usurpantur: sed precario, & fur-
 tim, ac quasi citra præjudicium obrepunt:
 quare licentia obsequendi vitijs nequidquā
 reclamante ratione, non adeò in hac gente
 usu invaluit, ut ubi scienter inverecundâ pas-
 sim malitiâ peccatur. Iremus jam nunc Mea-
 cum, ubi Japoniæ Imperator, & præcipui
 Gentis Principes degunt, si tempestas ven-
 torum ferret. Ajunt post quinq; hinc men-
 ses statum expectari Etesiarum eò ferentium
 exortum. Tunc si Deus dederit, illuc navi-
 gabimus: quæ multa, & mira de illa Regia;

Japoniæ Civitate celebrantur, ijs plenam ad-
jungam fidem, si præsens perspexero. Sex &
nonaginta millia domuum in ea censi re-
ferunt. Duo Lusitani, qui ibi fuerunt, quo-
rum unus adhuc in Japonia versatur, ajunt
sibi videri Meacum Urbem Ulyssipone am-
pliolem. *Ædes omnes è materia sunt, con-*
tignationibus, & tabulatis more nostrate,
furgentibus exstructæ Anno, si Deus an-
nuerit, sequenti, ex præsentī de his experien-
tia copiosis ad te litteris differam. Magna
mibi spes è Christi Jesu propitio favore ani-
mum complet, fore ut magna Japoniæ pars
ob eam, de qua dixi rationis ad liquidū per-
spectæ in hac gente auctoritatem, nostram
sanctam Religionem amplectatur. Atque
hujus, qui tam verosimiliter expectatur, in-
gentis fructus bona pars liberalitati, & hu-
manitati illi tuæ imputabitur, quā nos & vo-
ce, atque operā coram, & scriptis, quò fuit
opus efficacibus mandatis, & donis ex tua
copia speciosis conferendis, quibus Regis Ja-
poniæ gratiam eblandiamur, hoc nostrum
consilium Christi legis in hoc Regno pro-
mulgandæ, ex infinitis & nostræ imbecillita-
ti insuperabilibus difficultatibus explicasti.
Quæ res facit, ut cum Dei auxilio confidam,
per te absolvendū, & in pleni successus pro-
movendum lucem, quod Dominus Comes

Almirantes Pater tuus olim inchoaverat: tantò majori apud Deum tuo merito, quod ille navigationum ad Sinas, & Japonias vel institutarum, vel frequentatarum non alium ferè, quàm quæstus temporarij Lusitano Regi fructum attulit: tu longè felicior hac nostra tam benevolè navigatione juvanda, æternam amplificationis Regni Christi, & propagationis divinæ gloriæ utilitatem procurasti. Hoc scribo, ut intelligas, quàm obstrictus Deo sis, qui te ad rem tantam elegerit; & istud tam laudabile nostræ sanctæ Religionis per has oras dilatandæ propositum, menti penitus tuæ inseverit. Nec deerit, mihi crede, quin primùm quærenti Dei Regnū humanæ accumulentur opportunitates, Regi enim quoque, nisi fallor, & Regno, quorum rationes summâ fide, ac diligentia procuras, uberes proventus nostra hæc Japonensis expeditio promittit. Sacaium est civitas maritima, Princeps emporium Japoniæ itinere bidui Meaco distans. In ea urbe, Deo juvante, facile impetratu erit, ut detur jus domicilij Procuratoribus Regis Lusitanæ, facultasque ædificandi apothecas ubi merces Indicas, Europeasque custodiant, donec eas per oriam commutent cum pretiosissimis quibusque Japonicæ terræ metallis, artificijs & fructibus, argento præsertim, atque auris,

que

que ex omnibus ferme hisce Insulis in hunc
 ditissimum illorum tractuum portum maxi-
 mâ copiâ vñum importantur. Id quò fa-
 ciliùs commercium utrimque quæstuosum
 ineatur, suadere conabor Regi Japoniæ, ut
 legatum in Indiam mittat, qui spectatâ illic
 abundantîâ rerum ad vitæ usum opportunis-
 simarum, quibus caret Japonia, desiderium
 earum suis rediens moveat: & sic eos pro-
 niores ad mutui mercatûs condiciones ad-
 mittendas reddat. Unde fiet, ut non agrè
 inter Indiæ Proregem, & Regem Japoniæ
 conveniat cum de cæteris legibus Commer-
 cij, tum propriè de Portorio, ac scriptura
 Lusitanici Fisci Sacaij, uti dictum est, consti-
 tuendis. Multum confido in Domino Jesu
 fore, ut ante duos annos scribam tibi, habe-
 re nos Meaci templum Deo dicatum in ho-
 norem Sanctissimæ Deiparæ Dominæ nostræ;
 ut qui deinceps in has Insulas navigabunt,
 in horribilibus illis Sinici archipelagi procel-
 lis invocare possint Divam Virginem Mea-
 censem. Quod si tantum mihi fidei tribue-
 res, ut sumere me sineres. Officium Procura-
 toris in his locis tui, spondere ausim effectu-
 rum me, ut quæcumque rei, ac pecuniæ tuæ
 partem mihi commendatam hoc nomine vo-
 lueris, eam tibi plusquam centuplicato for-
 tore auctam representem; idque lucro à pe-

riculis itinerum, & naufragiorum planè securo, certæ mercaturæ felicitate, quali nullus ante te Præfectus Malacæ innocentius, uberiùsque lucrum fecerit. Scire aves, quod hoc genus sit compendiosissimæ nundinationis? missis ambagibus dicam. Induc sodes in animum largiri nobis, quod dividamus egentibus harum terrarum Christianis, qui modò sunt, & qui mox fient. Hujus sic collocatæ sortis, præsto, fidejussore Christo, plus quàm centuplum in cœlo tibi reddendum, non obnoxium ventorum, aut fluctuû incerto, neque armis insidiisve Piratarum. Hæc scribens verebar, ut satis parato in præsens esses animo ad istā jaciendam sperandā in cœlo commutationis aleam: quā nihil tamen est securius. Scio vos Præfectos Malacenses excelsis animis, quamquam satis alioqui experrectis ad lucrum, hanc tamen certissimam artē utilissimi compendij plerumque negligere solere. Latro navarchus noster hîc Oangoximæ diem obiit. Inservivit nobis ex animi ferè nostri sententia navigatione totā, nec nos tamen ei reddere vicem in portu, atque in morte potuimus. Ipsi enim mori libuit in superstitione sua: neque illud saltem nobis reliquum fecit, quo alijs amicis in Christiana professione defunctis referre post mortem gratiam possumus, commen-

dano

dando eorum animas Deo; quando miser suam animam in infernum projecit, ubi nulla est redemptio. Multi hinc Japones ad vos navigant, ad id consilium impulsī sermonibus Pauli nostri mira de Lusitanorum virtutibus narrantis. Oro, & obsecro te per quantum Deo debes, & tuæ nobilitati, excipe illos honorificè, ac liberaliter, & da operam, ut apud Lusitanos copiosos, & honestos, à te iussos omnem illis humanitatem exhibere, splendide commodèque diverfentur. Magno id illis (mihi crede) invitamento erit ad Christi Religionem amplectendam, si vera de Lusitanis retulisse Paulum experimento ipsi proprio compererint. Dominicus Diazus, cui has committo tibi reddendas litteras, amicus meus summus est, nec minus mihi charus, quàm ipse me diligit. Humanitas enim ejus, & in nos benignitas per assiduam consuetudinem longè navigationis continuis officijs perspecta mihi est. Singulari me beneficio affeceris, si homini de me optimè merito, quam deberi à me profiteor, nec exolvere possum, tu gratiam rependeris. Deus Dominus noster dies vitæ tuæ in multos propaget annos, teque saluum, & florentem, ut tu, & Domina uxor tua optatis in Lusitaniā reducat. Vale. Cangoximâ, nonis Novem: A. M. D. XLIX.

Tuæ in Christo

S 5

Franciscus.

EPISTOLA XVI,
PP. Gaspari Barzæo, Balthasari Gago,
& Jacobo Carvallio. Goam.

Summarium. *Barzaum, Gagum, & Carvallium in Japonem, collaudato eorum zelo, t. vocat; Barzaum reliquis præficit.*

Gratia & Charitas D. N. &c.

CUM in his Japoniæ Regnis præsens animadvertam dispositionem optimam, ad insignem profectum nostræ sanctæ fidei, & aliunde memoriâ repetam inflammata desideria, quibus dudum æstuatis divinæ promovendæ gloriæ, adjuvandis proximis in, suarum inveniendâ salute animarum; in eam fiduciam ingressus sum, ut sperarem, pro ea, quam vestri habeo notitia, non defuturam vobis Deo Domino nostro juvante, virtutē, atque humilitatem interiorem, quarum ope, ac præsidio possitis efficere, quod cupitis, & antiquorem aliquando fieri compotes votosum. Mando itaque vobis in virtute sanctæ Obedientiæ, ad vestrum majus meritum, ut, nisi quemquam vestrum valetudo impediât, vos Magister Gaspar, Balthasar Gage, & Jacobo Carvalli veniatis in Japoniam, ubi ego sum, mox iturus, Deo juvante Meacum, ubi, ut spero, me reperietis. Vos verò Balthasar
Gage,

Gage, & Jacobo Carvalli, toto itinere obediatis Magistro Gaspari, de cujus prudentia, & humilitate confido, functurum illum tali Præfecturâ, quâ par est attentione, ac diligentia. Quia certissimum habeo, vos statim ut hæc videritis, nullam moram huc proficiscendi facturos, sic svadente perspectissimâ mihi vestrâ omnium religione, ac perfectione mentis, ad obediendum vel cum mortis periculo paratissimæ, amore illius, qui prius factus est pro nobis obediens usque ad mortem. Nihil jam dictis addam, quod ad vos, & iter hoc vestrum attinet, sperans vos, DEO deducente, salvos hic mihi atque incolumes brevi sistendos. Scribebat hæc manu propria vester, ac vestri amantissimus in Christo frater. Cangoximæ nonis Novembr: Anno M. D. XLIX.

Franciscus.

EPISTOLA XVII.

Meo in Christo Sancto Patri Ignatio
Romam.

Summarium. Xaverij erga S. Patrem affectus; Humilitas ejusdem. Rectorem idoneum Goana Collegio, uti & Messî Japonica operarios, non nisi ab ipso approbatos præfici flagitat. Mores Japonum describit, uti & Sinarum, ad quos suam expeditionem pandit. Suffragia S. P. & Societatis implorat.

Gratia & charitas D. N. &c.

Verissime Pater mi, accepi modo Malacca, huc appellens è Japonia litteras tuæ sanctæ charitatis: quæ quoniam de vita, ac valetudine tam chari, ac venerabilis mihi capitis, quod optabam docuerunt, scit Deus Dominus noster quantâ meum animum voluptate compleverint. Multas equidem in ijs jucundè legi suavitatem spirantes tuam, pietatémque sententias; quas & identidem, fructu animi mei præcipuo retracto mente, versans, & quoddammodo regusto; præsertim autem illa extrema verba, quibus velut charitatis quodam sigillo Epistolam obsignasti. *Totus tuus, adeo ut nullo unquam tempore oblivisci tui possim. Ignatius.* Quæ ego, ut illic cum dulcissimis lacrymis legi, ita & flens hîc describo, revocans suavissimam memoriam temporis elapsi, & illius synceri, ac sancti amoris, quo me semper amplexus, nunc quoque prosequeris; prætereâque reputans, ~~me~~ ex tot illis, atque ingentibus laboribus, periculisq; Japoniæ, à Deo, tuis potissimum precibus inflexo, votisque in me paternis obsecundaate, fuisse liberatum.

Nunquam exprimere scribendo possem, quantum debeam Japonibus: quandoquidè in eorum gratiam Dominus noster clarè me notitiâ intimè imbuuit innumerabilium culparum

parum mearum. Nam hæcenus evagans extra me, quamdam velut abyssum malorum in mea conscientia penitus conditam non perspexeram: quoad in illis ærumnis, & angoribus Japoniæ, apertis aliquando mentis oculis, dedit mihi bonus Dominus manifestè cernere, ac quasi præsentis experientiæ sensu tangere, quàm valde necessarium mihi sit existere aliquem, qui perattentam perque sedulam mei curam gerat. Videat igitur quid agat tua sancta charitas, dum tam Sanctas animas Patrum, ac Fratrum Societatis, qui in his degunt regionibus, gubernationi meæ subijcis: mihi verò per solam Dei misericordiam modò evidenter innotuit; tam malè me paratum rebus ad istam Præfecturam bene fungendam necessariis, ut sperare potius debuerim commendari me à te curæ, ac providentiæ Fratrum meorum, quàm ipsos mihi committi regendos. Adjungit deinde tua sancta charitas, ingenti desiderio teneri te videndi me adhuc semel ante finem hujus vitæ. Novit, qui mei pectoris intima pervidet Dominus noster, quàm vehementem, quàmque dulcem impressionem teneri affectus animò penitus meo insinuaverit hæc ita blanda significatio præstantis amoris erga me tui. Equidem quoties tua illa verba mente reputo (reputo autem sæpius) injus-

jussæ mihi lacrymæ oculos complent: nec
possunt teneri, quin suaviter erumpant ad
solam illam mihi jucundissimam speciem,
quæ obversatur cogitanti, fieri posse, ut te
iterum amplectar: quod etsi video difficilli-
mum; tamen nihil est, quod sancta obedien-
tia efficere nequeat. Per studium, quo ar-
denti flagram obsequendi, ac gratificandi Deo
Domino nostro, unam à te peto gratiam,
quam, si præsens adessem, positis humiliter
tuos sanctos pedes genibus supplex rogarẽ;
ea autem est, ut huc mittas virum aliquem,
tuæ sanctæ charitati penitus perspectum, &
planè probatum, Rectorem præficiendum
Collegio Goano; nam homine, quem tu ele-
geris, quẽque manu, ut sic dicam, istà tuā
idoneum formaveris, vehementer eger id
Collegium. Cur omnino arbitrer necessa-
rium destinari huc à te viros præstantes, &
supra vulgarem modum virtute, ac doctrinā
præditos, ad Academias Japoniæ mittendos,
hæc causa est: quoniam qui sunt illic exper-
tes litterarum, sed alioqui prudentes homi-
nes; cùm de suis erroribus convincuntur, eo
se recipiunt, ut dicant: esse in sua quoque
gente doctorum virorum copiam, qui totam
vitam exquisitis commentationibus, & infi-
nitā lectione transegerunt. Eos, quoniam
quæ nos affirmamus, pernegant, prius esse
devin-

devincendos, adjungendosque nobis; ut sic rectè possint, qui eorum autoritate nituntur, & ipsi accedere. En cur litteris, ac doctrinâ opus sit. Constantia verò ac patientia insignis virtutumque cunctarum cumulus planè requiritur in ijs, qui tantis se dimicationibus objecturi sunt. Venient siquidè pauci, & inopes Advenæ contra nomen universum, ac famam gloriosæ, ac multâ sui, rerumque suarum admiratione subnixæ nationis, quæ tota in ditione Bonziorum est, primas illic dignitatis, existimationisq; tenentium: quod qui audeant, palàm est multum passuros, ubi eos undique, quos irritaverint, crabrones inceserint; neque laturos impune, simul, quod primum & necessario faciendum, Bonziorum Sophismata dissolverint, mendacia redarguerint, sordes, & arcanas artes, quibus plebem credulam pecuniâ emungunt, in lucem protrahere publicâ ceperint. Equidem ex ijs, quæ sum expertus illic præsens, videre jam hinc videor, vassani Sacrificuli quàm impotenter erupturi sint, cum aderit coram, qui negare in os ipsis sustineat: posse illos, quod gloriantur, arcanis sacris, eruere flammis addictas jam orco animas: cujus ridiculæ jactantiæ, si palàm falsitas coarguatur, quæstus eorum pars maxima perierit: cum verò Sodomitica flagitia, quæ

illi

illi abominandam obscenitatem in ludi, ac prope laudis parte numerant, meritis objur-
gationum aculeis configentur, nempe istos
velut compunctos stimulo in suis lurulentis
lacunis immanes apros, ruituros impetu ve-
fano ad eos dirumpendos, qui margaritas
ante ipsos projecerint, est consentaneum.
Quare, ut dixi, horum, hisque similium pro-
mulgatores illic dogmatum, deesse non po-
terit, quin acriter opugnentur, diréque ve-
rentur, ut animæ ipsis suæ, juxta evangelicū
verbum, in sua sibi duntaxat possidendæ pa-
tientia sint: quapropter egregiè instructos,
firmiterque præmunitos esse oportet, qui ad
ea discrimina se obijcient. Scribo itaque ad
P. Simonem, aut eo absente ad Rectorem
Collegij Conimbricensis, ne ullos huc ad Ja-
ponicas Academias ituros mittat, quos tua
sancta charitas non viderit, planéque per-
spectos probaverit. Iterum atque iterum di-
co, majoribus, quàm vulgò creditur certa-
minibus, & ærumnis exercebuntur. Adi-
buntur importunissimè: nullam diei, nec in-
terdum noctis horam à molestissimis inter-
pellatoribus vacuum habebunt; interroga-
tionibus alijs super alias sine fine urgebun-
tur: vocabuntur à principibus viris, quibus
negare nefas sit. Subtrahetur per hæc quo-
tidianis orationibus, meditationibus, reco-

ptui mentis ad Deum, & Spiritualibus id genus exercitijs tempus : non vacabit Missam celebrare. Saltem primis, quibus ibi conspici cœperint diebus, præ turba sciscitantiũ, quos repellere non expedit, vix persolvendi pensi Ecclesiasticarum precum, vix cibi, somnũque capiendi spatium erit. Nationis id vitium ejus est, nullã verecundiã negotium, facessere, hospitibus præsertim, & peregre appulsis, qualibus ferè contemptum utuntur, & protervè illudunt; etiam innoxijs, & nullã re molestis: quòd si jam ijdem, quæ Japonijs sunt sanctissima, insectari, & incomitari audeant; si in Sectas superstitionum invehantur: si vitia publica sale satyrico nõ parcè defricent, virgulã censoriã non perfuntoriè feriant: simul præfractè negaverint, eos, qui semel infernis addicti sint ignibus, ex ijs ullo posse piaculũ, ullã viventium amicorum, aut parentum largitione, aut religione liberari; magnam statim procellam indixisse subeant necesse est, indignaturo passim optimo quoque in eos, qui de Charorum, ipsi jam defunctorum animabus tam durè sentiant; plerisque novam Religionem velut infirmam, imperfectãque contempturis, quòd ultro fateatur, nihil se remedij semel damnatis habere, quod afferat. Talium curæ rerum, & hujus generis ibi quæstiones agitan-

Ora, quæso te, Deum, ut hominem in suscepto consilio propositoque confirmet. Sinæ omnes honesti, quicumque nos nōrunt, nostrā consuetudine admodum delectantur, nōsque in Sinarum fines penetrare percipiunt. In animum enim induxerunt suum, iis quos circumstare nos vident libris, legem aliquam suā meliorem contineri. Et quamquam id eō fortasse accidit, quod cupidi sunt rerum novarum; tamen peroptant nos in Sinarum fines intrare. Attamen ipsi nos in Sinas devehere, propter eam quam dixi causam, omnino recusant. Mercatorem illum, quicum transegi, indies expecto. Utinam is expectationem non frustretur meam. Quod si accadat, incertum est, quid acturus sim; utrū in Indiam reversurus, an ad Sionis regnum trajecturus, ut comitem me addam legato, quem Rex Sionis ad Sinarum Regem brevī missurus dicitur. CHRISTUS Dominus noster auxilio nos & consilio juvet, ut in celestis gloriæ Societatem aliquando veniamus. Ex insula Sanciano. xi. Kalendas Novemb. M. D. LIII.

EPISTOLA XVI.

Jacobō Pereriz.

Summarium. *Optimè de se merito gratias agit,*

*agit, eiq; secundum Deum Sinensis missionis au-
spici fructum, si quis erit, tribuit. Agit de al-
lia via, si, quâ modò conatur, in regnum Sina-
rum non penetrârit.*

Gratia & Charitas D. N. &c.

SCRIPSI ad te ex freto Sincapurano, quid
mihi hætenus accidisset. Nunc quod ad
te scribam nihil habeo, nisi quàm liberaliter
sim toto hoc itinere à tuis vel procuratori-
bus vel familiaribus tractatus. Equidem
tibi propterea gratiam habeo vel maxi-
mam; satis enim apparet, perspectam esse,
ois egregiam tuam erga me voluntatem. De-
us tibi gratiam cumulatè pro me referat,
quando ipse non possum. Ego verò dum
vivam, Deo supplicare non desinam, ut tibi
commodam valetudinem, suamque gratiam
in hac vita, post mortem sempiternam glo-
riam & felicitatem impertiat. Et quoniam
ne his quidem officiis magnitudini tuorum
erga me meritorum respondere me posse in-
telligo; à Sociis omnibus, qui versantur in
India, idem ut faciant vehementer peto.
Quòd si mihi & Evangelio aditus in Sinas pa-
tebit, profectò id tibi porissimùm tribuetur
secundum Deum: ita apud homines, & a-
pud Deum ingentem ejus rei, & gratiam &
gloriam feres. Atque adeò, quicumque
sive

nibus duabus in varijs Hispaniæ Collegijs, & Italiæ vivere, in quibus fortè multùm utiles non sint: quòd nativâ elegantia popularis linguæ careant; qui si transferrentur in Japoniam, excellenter ibi operam navarent, & magnis se fructibus commendarent. Putavi præterea suggerendum sanctæ charitati tuæ; ut, si tibi videretur, juberet haberi severiorè delectum eorum, qui ex Collegijs Hispaniæ, & Lusitaniæ mittuntur in Indiam, ibi victuri. Præstaret duos tantùm anno quolibet, huc solvere, dum tales essent, quales hæ regiones requirunt: primùm sanis provectos in perfectione spirituali; postea & doctrina, & facundia præditos, quanta opus est ad concionandum, & confessiones audiendas. Et hos cuperem tuo jussu peregrinari Romam, antequam ad nos navigent. Nam & istæ itinerum probationes ad eos formandos conferunt: quid possint, ipsis ostendunt; ad labores durant, adversus pericula futura præteritorum innoxie aditorum recordatione confirmant. Denique sic consequemur, ut hîc in concursationum Apostolicarum sudoribus novi non sint: quales deprehenduntur, qui sedentes huc nave delati è patria, unde nunquam exierunt, campestrium laborum, & pedestrium peregrinationum usum nullū habent. Sanè tot hîc illecebræ ad molliem,

tanta tamque pellacia , non modò ad cessationem, atque desidiam, sed etiam ad nequitiam invitamenta sunt, ut eorum virtus , qui hisce animarum periculis obijcendi sunt, exquisitis priùs experimentis probanda videatur ; ne si qui minùs idonei obrepserint, prosperata nobis consolatione ipsorum adventus, & convictus , negotium potiùs molestissimum facessant , ea committentes , ob quæ ipsos è Societate amandare sit necesse. De his videat quæso tua sancta charitas, an è re sit Magistrum Simonem per te admoneri. Neque qui è Societate nunc sunt Amangucij, neque qui , cùm hìc jam versentur in Indijs , anno proximo , vel alijs consequentibus , si Deus volet , in Japoniam ituri sunt , idonei mihi videntur, qui mittantur ad illas Académias. Verùm hi vacabunt interim addiscendæ linguæ, cognoscendisque dogmatibus Sectarum , ut cùm venerint ex Europa , quos expectamus è sinu tuo Patres , domesticis ipsis , & fidis uti possint interpretibus in concertationibus adversùs Bonzios. Verosimilis mihi spes est profecturam plurimùm , & largè amplificandam Amangucianam Ecclesiam. Sunt enim jam ibi Christiani multi, & inter illos non pauci valde boni ; ac novè quotidie plurimi catechizantur, & baptizantur. Vivo in spe magna , fore ut Deus Dominus

minus noster nobis servet P. Cosmum Turrianum, & Joannem Fernandez, nec sinat ab Idololatriis interfici; primum quia prima, & presentissima periculorum jam videntur evasisse, furiis illis Bonziorum prima offensione inflammatis: morâ de hinc mitigatis, & sensim confescentibus. Deinde quia multi, ut dixi, ibi Christiani sunt, & inter eos non pauci dignitate, & autoritate praestantes, qui magno studio invigilant diu, noctuque conservationi nostrorum. Joannes Fernandez, etsi nihil nisi Laicus est; tamen, quod expedire utitur linguâ Japonicâ, & quidquid illi suggerit P. Cosmus Turrianus aptè, ac disertè in eam transfert, utilissimus est illic. Nunc totus est in explicandis, quotidianâ ad populum dictione, omnibus mysteriis vite Christi. Quoniam eam perspexi in Japonibus indolē, ut & religionem Christianam satis ipsis offensam faciliè probaturi, & semel susceptam tuituri constanter, atque in posteros perpetuaturi videantur, in eorum cultura quantosvis labores bene collocatos puto, Quo in sensu reficit, ac consolatur me spes, quam in tua sancta charitate reposcam habeo, confidere me jubens mittendos huc à te Sanctos aliquos Patres, quos rectè Japonicarum superstitionū Magistris possimus opponere. Id faciendi præcipua tibi causa sit

excellencia quædam Nationis Japonicæ mihi perspecta supra cæteras hæctenus in hisce tractibus detectas. In quarum nulla, quæ quidem suis legibus vivat, & Regi Lusitanix non sit subdita, satis verosimiliter videtur sperari posse Christi Religionem perenni firmitate radicandam. Una ex omnibus, & sola, quantum sapio, Japonia videtur inconcussam, æternamq; servatura Christianæ Sanctitatis professionem, si eam semel arripuerit: quod utique non sine ingentibus Evangelicorum Præconum æumnis, ac contentionibus eventurum est. Sina, quæ Regio est patens latissimè, pacatissima, temperata magno numero exquisitarum legum, uni paret Monarchæ; cui ad nutum obeditur. Opulentissimum est regnum, cunctis ad vitam humanam necessarijs abundans. Freto modico dirimitur à Japonia. Gens pollet ingenio, & studiis insudat, legum præsertim, & Jurisprudentiæ humanæ, Politicæque rationis, cujus exquisitè pernoscendæ ingenti plerique cupiditate flagrant. Vultus illis candidi, imberbes, oculi parvi. Liberalis plerisque indoles, pace inprimis gaudent, quæ fundatissima sine ullo belli metu inter ipsos viger. Nisi quid novi obstaculi supervenerit, quod iter destinatum intervertat, spero me hoc anno, secundo & quinquagesimo

mo supra sesquimillesimum, navigaturum ad Sinas, quò me vocat spes operæ ad ingens Dei obsequium navandæ, in magnam utilitatem cum Sinicæ gentis, tum Japonicæ. Nā simul ut innotuerit Japonibus, Sinas Christi legem fuisse amplexos, verosimile est multum illos remissuros de pertinacia, quā pravis suis sectis adherent. Adeoque magna, me spes tenet, tam Sinas, quàm Japonios operā Societatis à suis idololatricis superstitionibus abductos, adoraturos Christum Jesum omnium gentium Salvatorem. Obiter quiddam referam, quod in usu mutuo istarū gentium singulare, ac mirum observatur. Sinica, & Japonica diversæ linguæ sunt; adeò, ut qui ijs utuntur, invicem non intelligant; quod tamen Sina scripserit, legit, & percipit litteratus Japon; sed cum sono scriptum exprimit, ne ab ipso quidem scriptore, si præsens adsit, quid dicat cognoscitur. Nempe litteræ Sinicæ non vocis humanæ sonos varios, ut nostri litterarum characteres, sed res protinus ipsas exprimunt, ideoque sunt innumerabiles. Discunt autem, qui doctrinæ nomen affectant Japonæ, litterarum istarū potestatem; hoc est, non quod verbum, aut vocabulum indicent; sed quā rem designent. Sublevando autem Elementariorum & Magistorum labori hoc excogitarunt compendium.

dium. Proponunt in tabula litteras Sinicas, cuique imponendo pictam effigiem ipsius rei quam significat. Exempli gratia, qui character homini designando institutus est, ei forma expressa hominis incumbit Sic in cæteris. Inde fit, ut admoniti conspectu fighi Iapones lectores, easdem quidem res cogitationi subiiciant, quas Sina scriptor in mente habuit; sed dum voce, quod legunt, efferunt, vocabula Japonica res illas denotantia pronuncient, quæ Sinæ audientes, quid sibi velint prorsus nesciunt: uti nec vicissim, si coram Iapone Sina eandem scripturam voce adhibitâ legens exprimat, Iapon, haud intelliget quid verba sonent. Scripsimus linguâ Iaponicâ librum explicantem origines mundi, & cuncta vitæ Christi mysteria. Eundemque deinde librum Sinicis characteribus descripsimus, quod exemplar cogitamus ferre nobiscum euntes ad Sinas; ut interim, dum linguæ notitiam putamus, specimen possimus dare Sinis scripto ipsis noto expressum eorum, quæ afferimus. Oro, atque obsecro sanctam charitatem tuam, per quo Deum amore prosequeris, quodque ejus obsequij studio flagras, fac tam ipse tu, quam universa Societas, quotidianis me vestris sacrificijs, & precibus Deo impense commendetis. Peto inquam, & rogo interpretè, ac

conciliatrice sanctâ charitate tuâ , Patrum
 omnium, præsertim Professorum, procurari
 mihi suffragia , & efficaces intercessionem ad
 communem Dominum , quæ junctæ cum to-
 tius militantis Ecclesiæ meritis , cùmque præ-
 cibus omnium Beatorum , qui dum viverent
 de Societate fuerunt , & cum universæ tri-
 umphantis Ecclesiæ conspirantibus in idem
 votis, impetrent mihi à Deo Domino nostro
 gratiam intelligendi clarè in hac vita , quid
 sanctissima ejus voluntas à me optet, simul-
 que auxilium , ac vires integrè , ac perfectè
 quidquid innuet , aut injunget , exequendi.
 Cocino iv. Kal. Febr. Anno M. D. LII.

Minimus filius. idemque in exilio maximo.

Franciscus.

EPISTOLA XVIII.

P. Simoni Roderico, Soc; I ESU
 in Lusitaniam.

Summarium. *Andream Carvallium in Lu-
 sitaniam remissum Simoni commendat.*

Gratia & charitas D. N. &c.

Scripturus mox ad te fusiùs de rebus So-
 cietatis in his terris nostræ hanc segrega-
 tam , & peculiarem paucis absolvam episto-
 lam, cùjus argumentum idem, & Tabellarius,
 Andreas Carvallius erit. Hunc ego per bo-
 num

num juvenem valetudinis gratiâ remittendū ad vos censui. Hic enim agrè vitam trahebat, & quâ ætate, atque indole est, Medici sperabant Patrij cœli haustu reparari vires ejus morbo prostratas, & in integrum posse restitui. De illo hoc peregre rediens, concordī omnium, qui hic sunt, testimonio comperiebam, nulli eum nostrorum his in locis degentium dotibus naturæ, ac donis gratiæ cedere, summâque in ejus juventute spem passim majores natu collocant ob virtutes, quas in eo posuit Deus Dominus noster, quâsque per suam misericordiam augebit. Equidem ita esse ego quoque arbitror, ut dicunt; & libenter hujus spei te gaudio impertio, optans tecum, vovensque, ut crescat in mille millia hic frater noster, & societatem expectato fructu cumulet. Oro te per Dei Domini nostri amorem, atque obsequium, charissime mi frater Simon, ut Andream Cavallium eâ istic charitate excipias, quâ & ego & ipse speravimus excipiendū eum, & recreandum à te. Quid in hisce partibus novi contigerit, copiosè, ac minutè perscribam ad vos Deo juvante, antequam solvam Cocinum versus, quod futurū puo circiter quintum decimum ab hinc diem. Deus Dominus noster nos in paradisi gloria conjungat; nam quando in hac vita congregi coram, &

T 2 am-

436 S. P. FRANC: XAVER: EPIST: LIB: V.
amplexari mutuo possimus; equidem non
video. Illud pro certo habe, dulcissime Fr.
Simon, insculptam animo penitus meo me
quocumque circumferre imaginem tui, cu-
jus objectu te in spiritu continue cerno. Iam
que illud, quo diu prope impatienter exars,
te presentem oculis corporis spectandi desi-
derium fero levius, illo me assidue interiori
desiderati capitis aspectu consolante. Vale.
Scribebam Goræ vi. Kal: Aprilis. A. M. D. LII.

Tuus in Christo

Franciscus


F I N I S.





: V.

non
fime Fr
neō me
tū, cu
nō. Iam
r exatō,
tūdi defi
interiori
Vale.
M: D. LII.

anciscus,









liotheca 1000 r.
ensium in Bielany

biotece Jagiellońskiej



03929

B. 11. 23

dobry

średni

zły

zł.

ct.



712811 Bibliotheca 1000 r.
P.P. Camaldulensium in Bielany

Depozyt w Bibliotece Jagiellońskiej



03929

B. 11. 23

